

აგაპი მახარაძე

ეროვნული
ბიბლიოთეკა



იდუბალი ფრონტის რაინდი

თ რ ი ლ ო ბ ი ა



აკაკი მახარაძე

იდუმალი ფრონტის რაინდი

ტ რ ი ლ ო გ ი ა

ბათუმი-2020

საქართველოს მწერალთა შემოქმედებითი კავშირის წევრი აკაკი მახარაძე ამჯერად მკითხველს ტრილოგიას „იღუმალი ფრონტის რაინდი“ სთავაზობს.

ეს ნაწარმოები ჩეკისტთა რთულ საქმეებს, ფათერაკებს, ცალკეულ პირთა ავაზაკობას, გამყიდველობას ეძღვნება.

ავტორი სიღრმისეულად გადმოგვცემს გასული საუკუნის პირველი ნახევრის ისტორიულ მოვლენებს, ოსტატურად წარმოაჩენს ალალი, სამშობლოსა და ჭიშ-ჭილაგზე თავდადებული პიროვნების ცხოვრებას.


რედაქტორი: **ოთარ ცინარიძე**

©

ISBN 978-9941-8-2072-4 (ტრილოგია)

ISBN 978 -9941-8-2075-5 (მესამე წიგნის)

ტრილოგია ეძღვნება ძმის პროფესორ
შოთა მახარაძის ნათელ ხსოვნას



იღბალა

თავი I

ბოლო მივლინება

1944 წლის ოქტომბრის დამდეგს ქალაქ არტაანში ჩატარებული ოპერაციის შემდეგ, ერთი კვირაც არ იქნებოდა გასული, სამეულის თურქეთში მორიგი გადასახმის დრო ისევ დადგა. გერმანია - საბჭოთა კავშირის ფრონტებზე ჩვენი არმიების წარმატებების კვალდაკვალ საბჭოთა კავშირ - თურქეთს შორის სამხედრო-პოლიტიკური მდგომარეობა უფროდა-უფრო მწვავედებოდა, განსაკუთრებით საზღვარზე და საზღვრისპირა რეგიონებში. თურქეთმა საგრძნობლად გააძლიერა სახელმწიფო საზღვრის საჯარისო დაცვა და ოპერატიული კონტროლი. ეტყობა ამანაც განაპირობა ჩვენი სადაზვერვო ორგანოების მიერ კურიერთა გადასახმის ტაქტიკაში ცვლილებების შეტანა. სახელდობრ, კურიერთა „სამეული“ სახელმწიფო საზღვარს ჯგუფურად კვეთს, მეზობელი ქვეყნის საზღვრის მიმდებარე ტერიტორიაზე წინასწარ შეგულებულ უსაფრთხო ადგილებში აწყობს სამალავს, რწმუნდება საზღვრის გადაკვეთის გაუთქმელობასა და უსაფრთხოებაში და სწორედ ამის შემდეგ მიდის ოპერატიული დავალების შესასრულებლად მეზობელი ქვეყნის ტერიტორიის სიღრმეში. საზღვრის ჯგუფური გადაკვეთის აუცილობლობა მოდიოდა ურთიერთდაზღვევისა და საცეცხლე მხარდაჭერის აღმოჩენის აუცილებლობით თურქ მესაზღვრეებთან ან უანდარმებთან უნებ-

ლიეთ შეხვედრის პირობებში, განსაკუთრებით უკან დაბრუნებისას.

მორიგი დავალების შესასრულებლად თურქეთის ტერიტორიაზე ჩემი „სამეული“ გოდერძის უღელტეხილის მიმდებარედ, სოლიფერდის ხევით გადაგვსხეს. ღამე, ირიმჭალის მიმდებარედ, ისტორიული ქართული ციხე-სიმაგრის ნანგრევებში გავათიეთ. იქვე მოვანწყეთ საგულდაგულო, მაგრამ საიმედო სამალავი. შევფუთეთ სნაიპერის შაშხანა და ხელის ტყვიამფრქვევი, შპაგინის პისტოლეთ-ტყვიამფრქვევი, ხელყუმბარები და პროვიზიის ნაწილი. თურქეთის ტერიტორიაზე გადაადგილებისთვის ეკიპირება სადა და მოხერხებული გვაქვს - სამი დღის მშრალი საგზალი, თითო-თითო პისტოლეთი ათ-ათი ვაზნით და სანვიმარი ლაბადები.

ყველას ინდივიდუალური დავალება გვაქვს. დავალებათა არსი არ ვიცოდით, არც გვანტერესებდა, ეს ხომ მზვერავის უპირველესი, დაუნერეელი კანონია. საბჭოთა უშიშროების ორგანოებთან მრავალწლიანმა თანამშრომლობამ და პრაქტიკამ გვასწავლა სხვის კომპეტენციასა თუ დანიშნულებაში, გასაკეთებელ საქმეში ცხვირის ჩაყოფის და ჩარევის მიუღებლობა. არც არასდროს მიცდია სხვათა საიდუმლოს გაგება, არც მე ვამხელდი, ვიცოდი, საიდუმლოების განუხრელ დაცვასა და ზემდგომი ხელმძღვანელობის ინსტრუქტაჟის უპირობო შესრულებაზე იყო დამოკიდებული არა მარტო დავალების წარმატებით შესრულება, არამედ კურიერის პირადი უსაფრთხოება.

ინსტრუქციისამებრ სამი დღის თავზე, დათქმულ დროს ვხედებით ირიმჭალის ცხიე-სიმაგრის ნანგრევებში მონყობილ სამალავში. დაგვიანების შემთხვევაში, ერთმანეთს ველოდებით თორმეტი საათის განმავლობაში, ვადის გასვლის ან საგანგებო სიტუაციის შექმნისას სამალავს ვტოვებთ და დამოუკიდებლად ვბრუნდებით საქართველოში. ჩვენი მესაზღვრეები გაფრთხილებული არიან ვიზუალური და საცეცხლე მხარდაჭერისა თუ დაზღვევისთვის.

ამჟამად მე შედარებით იოლი დავალება მერგო - ქალაქ ფოცხოვის მიმდებარედ, კლდეში მონყობილ სამალავში, ახალი კონტეინერის ჩატვირთვა, კორესპონდენციის ამოღება და საქართველოში უვნებლად გადმოტანა. სოფელ ერიმში მცხოვრებ აგენტთან კონტაქტი და მასთან მიბარებული ცხენის გამოყენება მეკრძალებოდა. რა გაეწყობა, ანდაზის არ იყოს - ზოგი ჭირიც მარგებელიაო, მთვარიან ღამეში ფეხით გადაადგილება უფრო მოსახერხებელიცაა და უსაფრთხოც!.. ერთიც მამშვიდებს - მოძრაობის მარშრუტზე განლაგებული ყიშლები (პირუტყვის საშემოდგომო სადგომი) და საზაფხულო საძოვრები დაცლილია. შემოდგომის სიცივეების დაჭერის შემდეგ მოიალალეები ბარის სოფლებში დაბრუნდნენ.

დავალება პირნათლად შევასრულე და დათქმულ დროს დავბრუნდი ირიმჭალის სამალავში. მინდა ავღნიშნო, რომ ირიმჭალის ცხიე-სიმაგრის ტერიტორია, როგორც სახელმწიფო საზღვრის არალეგალურად გადაკვეთის ადგილი, საგანგებოდ იქნა შერჩეული: საბჭოთა კავშირ - თურქეთს შორის სახელმწიფოთაშორისი ურთიერთობების უკიდურესად გამწ-

ვაგებისა და ფაქტობრივად საომარი მდგომარეობის დონემდე დაძაბვისა და მოსალოდგელი საომარი მოქმედებების რეალურად დაწყების საშიშროების გამო. საბჭოთა სარდლობამ შეიმუშავა სამი სტრატეგიული - ბათუმის, ახალციხე-ახალქალაქისა და ლენინაკან-ერევნის, მიმართულება. მთავარი ტანკსახიფათო და შეტევითი საომარი მოქმედებებისთვის ხელსაყრელ მარშრუტებსა და გადასასვლელებზე მოეწყო ტანკსაწინააღმდეგო და საბრძოლო ტექნიკის გადაადგილების შემათავსებელი საინჟინრო-საფორთიფიკაციო ზღუდეები და დაბრკოლებები. მოწინააღმდეგის დივერსიულ-სადაზვერვო ჯგუფებისა და ცალკეული დივერსანტების გადმოსხმისა და მათი ქვეყნის ტერიტორიის სიღრმეში შეღწევა-გადაადგილების შეფერხების მიზნით, საზღვარზე გადასვლელი ყველა ბილიკი და მათ შორის ტყიან მასივებში, დაინალმა ქვეითთა საწინააღმდეგო ნაღმებით. ერთი სიტყვით, შეიქმნა საზღვრის მიმდებარე ტერიტორიებზე დანალმული ველების მთელი სისტემა. ერთ-ერთი მათგანი იყო სოლიფერდის მიმართულება, რომელიც თითქმის გოდერძის უღელტეხილამდე აღწევდა. ჩვენი ხელმძღვანელობა არ გამოირიცხავდა, რომ დანალმული ველებისა და ბილიკების არსებობა და მათი სავარაუდო საზღვრები, ადრე თუ გვიან, მოწინააღმდეგისთვისაც გახდებოდა ცნობილი. სწორედ ამიტომ შეირჩა ჩვენი სასაზღვრო უშიშროების ორგანოების მიერ სოლიფერდის მიმართულება. დანალმული ველები და უღრანი ტყეები, ერთის მხვრივ მოწინააღმდეგის მიერ ნაკლებად განიხილებოდა სახიფათო მიმართულებად, მეორე მხვრივ კი, მათში დატანებული

და საგანგებოდ მონიშნული ბილიკებით, ჩვენი აგენტებისა და საზღვარგარეთის კურიერების საზღვარზე უსაფრთხო და შეუფერხებელ გადასხმას და გადაადგილებას უზრუნველყოფდა.

დანალმულ ველებსა და მიმდებარე ტყეებში უშიშროების ორგანოების მითითებითა და უშუალო მონაწილეობით შეიქმნა და აღიჭურვა საიდუმლო გასასვლელიები. ყველა, ვინც ფლობდა ამ გასასვლელიების არსებობის შესახებ ინფორმაციას, მათ შორის აგენტები და კურიერები, ხელწერილის დადებით იღებდნენ ვალდებულებას გაუთქმელობის შესახებ. მე ასეთი სამი გასასვლელით ვსარგებლობდი...

დანალმულ ველებზე საგანგებო გასასვლელიები და სპეციალური ბილიკები შეიქმნა და მომზადდა უბრალო, პრაგმატული ლოგიკით: მონინალმდევე მხარე დანალმულ ველებსა და საინჟინრო-ფორთიფიკაციული თვალსაზრისით მომზადებულ და აღჭურვილ მიმართულებას ნაკლებად მიიჩნევდა დივერსიულ-სადაზვერვო ჯგუფებისა თუ ცალკეული აგენტების გადმოსხმის თუ მოქმედების არეალად, ამიტომაც ეს მიმართულებები საჭარისო თუ ოპერატიული თვალსაზრისით ნაკლებად იცვებოდა, ეს გარემოება კი ჩვენს წისქვილზე ასხამდა წყალს.

ირიმჭალის ციხე-სიმაგრის ნანგრევებში მონყობილ სამალაგში ჩემი „სამეულის“ წევრები - გენჯი აბაშმაძე და ჯივან მიქელთაძე არ დამხვდნენ. ყველა დათქმული თუ სხვა საგანგაშო ნიშანი მოვჩხრიკე და შევისწავლე, მაგრამ მათ დაბრუნების

შესახებ ინფორმაცია ვერ მოვიპოვე. საგანგაშო განცდები არ მასვენებენ - ბიჭები ხომ არ ჩავარდნენ?..

ბიჭების მოძებნა და დახმარება მომიწია, მაგრამ ასეთ ვითარებაშიც კი ინსტრუქციას ვერ დავარღვევდი. სამალავიდან ამოღებული საიდუმლო პაკეტი უვნებლად უნდა ჩამომეტანა. დათქმულ დრომდე ლოდინიც სახიფათო იყო, ვაითუ ჩავარდნენ და მუქარისა და წამების შემდეგ მეც გამოქვეყნდნენ?! მაგრამ ინსტრუქციის დარღვევა აზრადაც არ მომსვლია, დათქმული თორმეტი საათის განმავლობაში ეგებ დაბრუნდნენ, ვინ იცის რა დონისა თუ სახის დახმარების აღმოჩენა დასჭირდებათ!.. მთელი დღე არ მომისვენია: საგანგებო სათვალთვალს პუნქტი მოვანყე და გათვაცეცებით, მისხალ-მისხალ შევისწავლე თვალთახედვის არეში მოხვედრილი თურქეთის ტერიტორია. ქვემოთ, ხევში თურქი მესაზღვრეების განწესი შევნიშნე, გაძლიერებული შეიარაღებითა და შემადგენლობით. არ მომეწონა. ადრე თურქული სასაზღვრო განწესი სამი-ხუთი კაცის შემადგენლობით, მხოლოდ ძველი შაშხანებით შეიარაღებულები, უწესრიგოდ და უყურადღებოდ, ვალის მოხდის მიზნით, თვეში ორჯერ თუ ჩამოივლიდა სოფელ-სოფელ, ახლა კი მთელი ათეული, კბილებამდე შეიარაღებულები, მათ შორის ორი ტყვიამფრქვევით, უშუალოდ საზღვრის მიმდებარე ბილიკებით გადაადგილდებოდნენ და საგულდაგულოდ სწავლობდნენ ყველა ქოხსა თუ მიტოვებულ ნანგრევებს... ციხისკენ არ გადმოუხვევიათ. ჯერ ერთი ციხე უშუალოდ საზღვრისპირსაა, თანაც უღრან ტყეში მიუვალ მალლობზე. როგორც იქნა ბილიკს გადაუხვიეს და სოფელ ერიმში შევიდნენ. შე-

ბინდებამდე ველოდე ბიჭების დაბრუნებას, მაგრამ ამაოდ, ისინი, არ გამოჩნდნენ...

დათქმული დრო ამოიწურა. ლოდინს აზრი აღარ ჰქონდა. მთელი იარაღი ავისხი და სამალავიდან გამოვედი. მხოლოდ ჩვენთვის ცნობილი ბილიკით სამშვიდობოს გამოვალნივ.

მთელი არსებით ვგრძნობდი ჩვენი მესაზღვრეების მობეჭენილ მზერას, სასხლეტზე მიხორცებული თითის სითბოს, გამალებულ გულისფანცქალს და მთელი არსებით მზადყოფნას, რომ საჭიროების შემთხვევაში დროულად დამაზღვიონ და უბრუნველყონ ჩემი სახელმწიფო საზღვარზე ქვეყნისთვის ეგზომ საჭირო და აუცილებელი საიდუმლო ინფორმაციით დახუნძლული, უვნებელი და უსაფრთხო გადმოსვლა!

განთიადისას გადმოვლახე გოდერძის უღელტეხილი... თეთრობის ტყეში, მეტყვევის ქოხში მელოდა ლეიტენანტი ვერნიგარა ჩემთვის უცნობ ტყავისქურთუკიან ახალგაზრდა ოფიცერთან ერთად. საიდუმლო პაკეტი და შეიარაღება ჩავაბარე. ჩემი მენყვილე ბიჭების ამბავი ვიკითხე. არ დაბრუნებულანო, - სინანული და გულისტკივლი ვერ დამალა ლეიტენანტმა. ჩემთვის უჩვეულო წინათგრძნობა და საგანგაშო მოუსვენრობა დამეუფლა!.. ისიც არ მომეწონა, თუ რატომ არ დამხვდა მაიორი ტრაპიზონიანი, თანაც, ლეიტენანტმა ვერნიგარამ ჩემთვის უცნობი ახალგაზრდა ოფიცერი არ გამაცნო. ჩემი ეჭვების შესახებ ლეიტენანტ ვერნიგარასთვის აღარც მიკითხავს, რატომღაც მეუხერხულა, თანაც არ მჩვევია უცხად ამჩატება და მიაბიტური მითირამბები. ერთმანეთს უგემურად და ტრაფარეტულად დავემშვიდობეთ. ისეთ ბითურ და მყავე გან-

წყობა-ხასიათზე ვიყავი, დანა პირს არ მიხსნიდა. სახლში ტყე-ტყე ფეხით დაბრუნება ვირჩიე, ასე მირჩევნია, მეთქი - დავამშვიდე ლეიტენანტი. მე კი ჩემთვის ვიაზრე - ჯერ კიდევ გაუთვითცნობიერებულ, დამთრგუნავ დარდსა და სულისშემძვრელ, მტანჯველ ფიქრებს გზას გადავაცოლებ და გავიქარვებ,-მეთქი. თანაც არავისთან უნებლიე გადაყრა და იძულებითი საუბრები არ მსურდა...

თავი II

„ვაჰ სოფელო, რა შიგან ხარ,
რას გვაბრუბებ, რა ზნე გჭირსა!“

შოთა რუსთაველი

მივლინებიდან დაბრუნების ათი დღის თავზე, სრულიად საქართველოს მეხივით დაატყდა ფრიად უსიამო და შემზარავი ამბავი - 1944 წლის 15 ნოემბერს, ღამით, სრულიად საიდუმლოდ და მოულოდნელად დედაბუდიანად გაასახლეს აჭარისა და სამცხე-ჯავახეთის რეგიონების მუსლიმური აღმსარებლობის თურქმანული წარმომავლობის მოსახლეობა.

აღნიშნული დეპორტაცია განხორციელდა სსრკ თავდაცვის სახელმწიფო კომიტეტის 1944 წლის 31 ივლისის N 6279-სს დადგენილებისა და 1944 წლის 20 სექტემბრის სსრკ შსს N 00117 ბრძანების საფუძველზე, რომელიც ინსტრუქციით ადგენდა თურქების, ქურთების, ჰემშილების, აზერბაიჯანლების, იეზიდების, ბოშების და თათრების საქართველოს სსრ-ის საზღვრისპირა რაიონებიდან, კერძოდ ახალციხის, ადიგენის, ახალქალაქის, ასპინძის, ბოგდანოვკის (ამჟამად ნინოწმინდის), აგრეთვე - აჭარის ასსრ ქ. ბათუმის, ბათუმის, ქობულეთის, ქედისა და ხულოს რაიონებიდან სპეცგადასახლების წესსა და რიგს.

შუა აზიის რესპუბლიკებში ყაზახეთში, უზბეკეთში და ყირგიზეთში საქართველოდან, საბჭოთა კავშირის თავდაცვის სახელმწიფო კომიტეტის 1944 წლის 31 ივლისის N 6279-სს

დადგენილების საფუძველზე სპეცგადასახლებაში გადაიყვანეს 19 818 ოჯახი. მათ შორის:

- თურქი-მესხები (თურქმანული თარაქამას და ე.წ. „იერლი“-ს ტომთა წარმომადგენლები/„იერლი“ თურქულად მკვიდრ მოსახლეს ნიშნავს) - 14 493 ოჯახი;

- ქურთები - 1 830 ოჯახი;

- აზერბაიჯანელები - 3 058 ოჯახი;

- იეზიდები - 7 ოჯახი;

- თათრები - 126 ოჯახი;

- ჰემშილები / გამუსლიმანებული სომხები/ - 304 ოჯახი.

აჭარის ავტონომიური რესპუბლიკიდან გადაასახლეს 1764 ოჯახი.

კერძოდ:

- თურქები - 668 ოჯახი;

- ქურთები - 792 ოჯახი;

- ჰემშილები - 304 ოჯახი.

სულ საქართველოდან გადაასახლეს 125 000 ადამიანზე მეტი!..

1944 წლის 21 დეკემბერს მეხი ჩემს ოჯახსაც დაატყდა, რითაც საბედისწეროდ და რადიკალურად შეიცვალა ჩემი ოჯახის ბედ-იღბალი და მომავალი.

სისხამ დილით, მზის შემოცინებამდე, ძილ-ღვიძილში მყოფს, ჩვენი სოფლის შარავგზაზე სამხედრო ცხენების მყარად ნაჭედი ფლოქევების მონოტონური თქარათქური შემომესმა. უცნაურად მეჩვენა. სასაზღვრო საგუშაგოსკენ მიმავალი გზა სოფელს გვერდს უვლიდა, მესაზღვრეები არ უნდა ყოფილი-

ყვინ. მილიციელები ან ჩეკისტები თუ იქნებოდნენ, მაგრამ უთენია, სისხამ დილით?! - მათ ხელწერას არ ჰგავდა, ისინი ხომ ღამით მოქმედებდნენ. არასტანდარტული ვითარება ცუდად მენიშნა. გულმა რეჩხი მიყო. ისედაც მოუსვენარი, შფოთიანი ძილი დამჩემდა, ბოლოდროინდელმა აკვიატებულმა უსიამო, შემზარავმა სიზმრებმა ხომ სულ მომასავათა... ამას ადრე ჩემი ქურთი ნათლიის ოჯახის გასახლებით გამოწვეული ტანჯვა-დარდის გამონაყოფ ფიქრებს ვაბრალებდი, ახლა კი სულ სხვა შეგრძნებამ გამკრა გულში, ავისმომასწავებელმა აზრმა კი გონებაში მწველად გამიელვა...

სამი ცხენოსანი ჯიქურ შემოიჭრა ჩვენს ეზოში. ჩემთვის უცნობი პირი მყივანა ხმით გარეთ გასასვლელად მიხმოდა. სახელდახელოდ, ნაჩქარევად ჩაცმული გამოვლასლასდი აივანზე. ორი მილიციელი და ერთი ტყავისქურთუკიანი მამაკაცი მედიდურად და აუჩქარებლად ცხენებიდან ჩამოქვეითნენ.

- ვამეხ ბაქრაძე თქვენ ბრძანდებით? - მკითხა ტყავისქურთუკიანმა, თანაც გაფაცაცებით, თავიდან ფეხებამდე მათვალიერებდა. ალბათ იმის გაგებას ლამობდა, შეიარაღებული ხომ არ ვიყავი.

- სახლში შემობრძანდით, სტუმარი ღვთისაა, - თავაზიანობის საბურველში მსურდა გამეხვია გაკვირვება და მოულოდნელობისაგან გამოწვეული უსიამო გრძნობა.

- მოპატიუებისათვის დიდი მადლობა, მაგრამ დროში შემღუდული ვართ, წინ გრძელი გზა გველის. შენ ჩვენთან ერთად უნდა წამოხვიდე. ათი წუთი გაქვს მოსამზადებლად. მხოლოდ გადაუდებლად საჭირო ნივთები წამოიღე, მეტი იქ არც

დაგჭირდება, - მითხრა და ერთ მილიციელს აივანზე ასვლა ანიშნა, მეორეს კი სახლიდან მეორე გასასვლელის, სასტუმრო ოთახის კართან მიდგმული კიბის დარაჯობა დაავალა. თვითონ კი ეზოს მოხერხებულ კუთხეში გადაინაცვლა, პაპიროსი გააბოლა და ბოლთას ცემას მოჰყვა.

გამოცდილებისა და გონება-გამჭრიახობის კვალობაზე მაშინვე ვიგუჟანე - დამდგარა ჩემი აღსასრული და ეგაა... მაშ, მაპატიმრებენ?!

ასეც აღმოჩნდა. ჩოჩქოლზე მთელი ჯალაბობა ფეხზე დადგა. დედაჩემის აწენილი თმა-სახე, გაოგნებული, ბოლომდე გაუთავისებელი მოულოდნელად თავსდამტყდარი უბედურებისაგან გაფითრებული სახე და ცრემლიანი, გაფართოებული თვალები... მეუღლის შეშლილი მხერა და ათრთოლებული მხრები... დედის კალთას განწირულად ჩათრენილი ბიჭები და ცნობისმოყვარე, აკიაფებული, შეშინებული თვალები... მამაჩემი, აივნის მოაჯირის საყრდენ ბოძზე მითიური ამირანივით მიჯაჭვული, განუყრელ კომბალზე უსუსურად დაყრდნობილი, სასონარკვეთილი სევდიანი თვალები... ყოველივე ამან, ცალკე-ცალკე და ერთობლიობაში აღქმულმა, შემძრა და წუთიერად გამაოგნ-გამაქვავა, მაგრამ მალევე გონს მოვეგე, უნდა მემოქმედა. სიტყვიერი პროტესტი გამომეხატა მაინც. რამე მეკითხა... ეს ოჯახის წევრებისა და ახლობლების გამხნეებისთვის იყო საჭირო, თორემ მშვენივრად ვხვდებოდი, რომ უკვე განწირული ვიყავი. ჩემი ცნობისწადილის დასაკმაყოფილებლადაც იყო გათვლილი, ისედაც ვიცოდი, ისინი არცერთ კითხვაზე პასუხისგამცემლები არ იყვნენ...

- უკაცრავად თუ არ ვიქნები, რა მოხდა, რა დანაშაულს მე-
დავებით? - წყალნალეულივით გამომივიდა უსუსური შეკით-
ხვა.

- სადაც საჭიროა იქ თავის დროზე ყველაფერს გეტყვიან,
ჩვენი ამოცანაა დროზე და უვნებლად მივიყვანოთ დანიშ-
ნულების ადგილას, ზედმეტი, უაზრო შეკითხვებით თავს ნუ
მოგვაბებრებ, ნურც შენ შენუხდები, დრო მიდის, სწრაფად მოე-
მზადე! - შემომათფეთა ჩეკისტმა გველის თვალებით ცივი და
გამჭოლი მზერა და განზე გააფურთხა...

დედა და მეუღლე დაფაცურდნენ. ბაბუაჩემის ნაჩუქარ საგ-
ვარეულო სკივრს უმაღლ მოხადეს თავი... მამაჩემმა ძველი, მაგ-
რამ საკმაოდ კარგად შენახული გამძლე ხურჯინი მოიძია. მეც
სამგზავროდ გამოვეწყე, ოღონდ ამჯერად ჩემი ბებუთისა და
განურელი თოფ-დამბაჩის გარეშე... ვინ მომცემდა მისი ტა-
რების უფლებას, უაზროდ ჩამორთმევისთვის კი როგორ გავი-
მეტებ, თანაც ორი ვაჟკაცი მეზრდება, ისინი მაინც გამოიყე-
ნებდნენ ღირსეულად, გავიფიქრე უნებლიედ.

ათი წუთიკ და მზად ვიყავი. მამამ მოასწრო „ყარაგიობას“
ეზოში გამოყვანა და მორთვა-მოკაზმვა... სიმართლე გითხ-
რათ, ისე ვიყავი გაოგნებული და გაბრუებული მოულოდნე-
ლად თავსდამტყდარი უბედურებითა და გაურკვეველი, ჯან-
სალი გონებისთვისაც კი შეუცნობადი სიტუაციით, ყველაფერს
მექანიკურად, ყოველგვარი ფიქრისა და აზრის დატანების
გარეშე ვაკეთებდი.

დედას გადავვხვიე, მამას ვეამბორე, შვილებს გადავეკონე,
მეუღლეს ჩავვხვიე და სრულიად მექანიკურად, ძლივს ავბობ-

ლდი ცხენზე, მგონი ერთმა მილიციელმა ხელიც კი შემაშვე-
ლა... შუაში ჩამიყენეს და ჩორთით დაუყუყვით ჩვენი ბექობიდან
ქვევით მიმავალ გზას.

ხულომდე ისე ვიარეთ, ჩემთვის რამე არც უკითხავთ, ჩემი
მისამართით კრინტიც არ დაუძრავთ. ერთმანეთს თუ გადაუ-
ძახებდნენ მოკლე ფრაზებით, ისიც ვინრო გვებზე სიფრთხი-
ლის გამოჩენისკენ თუ იყო მიმართული.

ხულოში, შინაგან საქმეთა რაიგანყოფილების შენობასთან
შინსახკომის ხუთკაცნიანი ბადრაგი გველოდა. ცხენი მილიციის
თანამშრომლებმა ჩამომართვეს, ოჯახს დაუბრუნებთო, - მო-
მაძახეს და მილიციის საჭინბოსკენ წაიყვანეს. ბადრაგის
უფროსმა ორი ბადრაგის დაცვის ქვეშ საქართველოს სახელმ-
წიფო უშიშროების სახალხო კომისარიატის ხულოს რაიონუ-
ლი განყოფილების უფროსის კაბინეტში ამიყვანა. რაიგანყო-
ფილების უფროსმა ცეცხლოვამძლე სეიფის მასიური კარი გა-
მოაღო, ყვითელი საქალაღდე გაღმოიღო და სანერ მაგიდას
მიუჯდა.

- ესე იგი თქვენ ხართ ვამეხ ბაქრაძე? ყოვლისშემძლე „იღ-
ბალა“?!


- გახლავართ ბატონო, ოღონდ ერთი რამ მინდა შევახსე-
ნოთ - მე უბრალო აჭარელი კაცი ვარ, ჯერ ჭიანჭველაზეც ფეხი
არ დამიდგამს უბატონოდ, - მრავლისმეტყველად ჩავიდუღუნე
და მოვავლე თვალი იქაურობას, ჩემთვის კი მოვინიშნე - ჩემი
ოპერატიული ფსევდონიმი საჯაროდ და უაპელაციოდ რატომ
წამოისროლა, ნეტაუ?!. მისი პროფესიონალიზმი და ტაქ-
ტიანობა მომეწონა - ჩეკისტმა ერთი სიტყვით, ზედმეტი ახსნა-

განმარტების გარეშე, მანიშნა, რომ ჩემი პიროვნებისა და უშიშროების ორგანოებთან საიდუმლო თანამშრომლობის შესახებ საქმის კურსში იყო, ხოლო ბადრაგს მიანიშნა, რომ გამოცდილ და საშიშ - „კლიჩკიან“ / კრიმინალური უარგონით ზედმეტი სახელი, რაღაც თიკუნის გვარი/ პერსონასთან ექნებოდათ საქმე, რაც ავტომატურად მიანიშნებდა ჩემს მიმართ განსაკუთრებული სიფრთხილისა და ყურადღების გამოჩენის აუცილებლობაზე.

- ვამეხ, მე ახალს ვერაფერს გეტყვი, შენი ჯიბრი და პირადი ინტერესი არ მაქვს, ვალდებული ვარ გაგაცნო საქართველოს სახელმწიფო უშიშროების კომისარიატის საგამოძიებო სამმართველოს უფროსის განკარგულება თქვენი დაპატიმრებისა და ბათუმში, უშიშროების საგამოძიებო იზოლატორში გადაყვანის შესახებ. მეტს ვერაფერს გეტყვი, ზედმეტი კითხვებით ნუ შემანუხებ, ნამდვილად მეტი არაფერი ვიცი, იმედია დანარჩენს გამომძიებელი აგისხნის, - უფროსი პატიოსანი კაცის შთაბეჭდილებას ტოვებდა, შევნიშნე ისიც გაცხადებული და გავგონებულევი კი იყო ამგვარი გადაწყვეტილებით, მასაც სმენოდა ჩემი საიდუმლო მივლინებებისა და უშიშროების სამსახურისთვის ეგზომ საჭირო და საგანგებოდ ფასეული ოპერაციების განხორციელების შესახებ. თვალი ამარიდა, ბადრაგის უფროსს ანიშნა წაიყვანეთო, თვითონ კი საჩქაროდ სათადარიგო კარიდან მეორე ოთახში გავიდა.

ბადრაგის უფროსის ბრძანებით ჯარისკაცებმა თავიდან ფეხებამდე საგანგებოდ გამჩხრიკეს, ჯიბეები გადმომიტრიალეს, პასპორტი და დაბადების მოწმობა „ჩემს“ საქალაქს დაურ-

თეს და ხელბორკილები დამადეს. უსიტყვოდ გამიგდეს წინ და საბადრაგო მანქანის გისოსებიან სათავსოში ამომაცოფინეს თავი. მე არც გავძალიანებულვარ და არც ისტერიკა შემყრია - ჯერ ერთი, საკუთარ თავში დარწმუნებული ვიყავი, რომ ცამდე მართალი ვარ, მეორეც, თავის მართლებასა და რაიმე სახის პროტესტს ბადრაგთან აზრი არ ჰქონდა, უბრალოდ მათ ნამდვილად მეტი არაფერი იცოდნენ, ზედმეტობით მხოლოდ სახელს გავიტეხდი და ღირსებას შევილახავდი... რეალობა კი ისედაც ნათელი იყო. სულის შექცვრამდე აღშფოთებული და გულგატეხილი ვიყავი. რის გამო ვისჯებოდი! ნამდვილად გაუგებრობას ეწეებოდა ადგილი!.. განა ჩემი ოპერატიული ხელმძღვანელობა საქმის კურსში არ ჩაუყენებიათ?!



თავი III

ბათუმამდე თითქმის შეუჩერებლად ვიარეთ, თუ არ ჩავთვლით აჭარისწყლისა და მახუნცეთის მიმდებარედ განლაგებულ მესაზღვრეთა შიდა კონტროლის გამშვებ პუნქტებს. ეს პუნქტები განა სახელმწიფო საზღვრის გადასასვლელებს აკონტროლებს, არამც და არამც - სასაზღვრო ზონასა და სასაზღვრო ზოლში მოქცეულ ადმინისტრაციულ-ტერიტორიული ერთეულების ტერიტორიაზე მოსახლეობის გადაადგილებაზე კონტროლს ახორციელებს, რათა არ დაუშვან სახელმწიფო საზღვრის მიმდებარე რაიონების ტერიტორიაზე უცხო და არასასურველ ელემენტთა მოხვრდრა, მათი გადაადგილება და ცხოვრება. ამისათვის სათანადო ორგანოების მიერ გაცემული სპეციალური საშუალებაა საჭირო.

ბათუმში შებინდებისას შევედით. როგორ უცბად დაჰატარავდა ჩემი თვალთახედვის სივრცე. საბადრაგო მანქანის ცხაურიანი სარკმელია გარესამყაროსთან შეხების ერთადერთი საშუალება. ზღვიდან მონაბერი მარილიანი სიოთი ვხვდები, რომ ქალაქში ვარ, უფრო სწორედ ზღვასთან ახლოს რომელიღაც უბანში. მანქანამ სვლას უკლო. ბოლოს გაჩერდა. ბადრაგის უფროსმა რაღაც მოახსენა უშიშროების საგამოძიებო იზოლატორის მორიგე ოფიცერს. მძიმე ჭიშკრის ძალუმი ჭრიალი მამცმობს, რომ ჩემი პატიმრობაში აყვანა უკვე სრული რეალობაა. მანქანა უკუსვლით მიდის და მკვეთრად ჩერდება. ცოტა ხნის შემდეგ ცხაურიანი კარები იხსნება და ისმის ბრძანება: მკვრაცხლად გადმოდიოთ და ჩქარი ნაბიჯით იარეთო. სამ-

ხედროფორმიანი ბადრაგი, იმის დასტურად, რომ ბრძანების შესრულებისას შეუვალი და მკაცრია, ხიშტიან შაშხანას მიღერებს, მეორე კი კონდახის ჩარტყმით მემუქრება.

საგამოძიებო იზოლატორის მორიგე ჩემს მონაცემებს ინერს, თანამემნე ხელის ფათურით საგანგებოდ მჩითავს, მამონმებს და უფროსს ომახიანად ახსენებს, პატიმრის სხეულზე და თანსაცემელში საეჭვო ან აკრძალული ნივთი არ აღმოჩენილაო. ჩამომართვეს საათი, თუთუნის ქისა და ასანთი. სხვა პირადი ნივთები. ჯიბის საათი, ადრე, ჯერ კიდევ ხულოს უშიშროების განყოფილებაში ჩხრეკისას ჩამომართვეს. როგორც იქნა ჩემი მიღება - ჩაბარების ოქმზე ბადრაგის უფროსმა და იზოლატორის მორიგემ რიგრიგობით მოაწერეს ხელი და ერთადგილიან კამერაში გამამწესეს. ორმა მეზადრაგემ წინ გამიგდეს გაიარეო, - მიბრძანეს. დერეფნის ბოლოს მოწყობილი სპეციალური კიბით სარდაფში ჩამიყვანეს და ერთ-ერთ საკანთან კედელს მიმაყენეს. კონტროლიორმა საკნის კარები გახსნა, ბორკილები მომხსნა და ბიძგით საკანში შემავლო. წამიყ და მასიური კარი მიიხურა. კლიტის მჭახე ჩხაკუნმა საბოლოო წერტილი დაუსვა თავისუფლებას. ჩემი ცხოვრების ერთი ეტაპი დასრულდა. დაიწყო მეორე, სრულიად შეუცნობადი, არანაკლებ მძიმე და ფათერაკიანი...

კედელზე, მერცხლის ბუდესავით მიყუყული, რკინის ცხაურიანი ნათურა ძლივს ბუეტავდა, საკნის ისედაც რუხ ფერებსა და გაქუცულ კედლებს უფრო ამუქებდა და აუჟმურებდა. რეტსა და გაოგნებას როგორც იქნა, ვძლიე და ჩემი საკნის დათვალიერება-შესწავლა გადავწყვიტე. ოთახის ერთ კედელს

მასიური რკინის ნარა გასდევს, რომელიც მიჭრით პატარა რკინისავე მაგიდას ემიჯნება, გვერდით მიდგმული პატარა ძელსკამით. ოთახის შორეულ კუთხეში საპირფარეშოა მონყობილი სანახევროდ ამოყვანილი აგურის კედლებითა და ღია საკარე ღიობით. იქვეა ჩაჟანგულ-ჩაყვითლებული პირსაბანი გაქუცული ონკანით. წყალი გრაფიკით მიენოდებაო საკანს, - თავიდანვე მითხრა კონტროლიორმა. ონკანი ძლივს დამნებდა. ჟანგიანმა წყალმა ჩიფჩიფ-თქრიალით ატყაპუნდა რკინის პირსაბანში. დაველოდე, როგორც იქნა წყალი დაინმინდა. პეშვით მოვსვი. უგემური ჭაობის სადარი გემო და სუნი დაჰკრავდა. ევხ, მთაში ლალად გაზრდილი შვილი, ანკარა ნაკადულებით ნასაზრდოები მთიელი განა შეეგუება ჭაობისგემოიან შმორიან წყალს?!. ევჰ, ჯერ სადა ხარ ვამეხ, ვინ იყის ბედი რას გიმზადებს!..

რალა გზა იყო, რკინის უქვეშაგებო ნარზე მოვკალათდი. ერთი კითხვა მანვალედა: რატომ დამაპატიმრეს, არაფერს მეუბნებიან... ხულოს უშიშროების განყოფილების უფროსის ნათქვამია მხოლოდ - დაპატიმრებული ხარ საქართველოს უშიშროების კომისარიატის საგამოძიებო სამმართველოს მიერ გაცემული ბრძანების საფუძველზე. ნეტა რა დავაშავე, რას მედავებიან, რა ბრალეულობა უნდა წამომიყენონ... მთელმა შეგნებულმა ცხოვრებამ კინოფირივით თვალწინ გაირბინა. ვერაფერი საეჭვო და საგანგაშო ვერ აღმოვაჩინე. გაურკვევლობა უფრო მტანჯავდა, ვიდრე იმის შეგნება, რომ უკვე დაპატიმრებული ვარ და საკნის შმორიანი სივრცის განუყოფელი ნაწილი ვავხდი. არანაკლებ მანვალედა მეორე კითხვა

- თუ არიან საქმის კურსში ჩემი ოპერატიული ხელმძღვანელობა, პოლკოვნიკი კარაბელნიკოვი, თითქმის რვა წელია მისი ოპერატიული დაქვემდებარების ქვეშ ვარ, განა მან არ იცის რისი გამკეთებელი ან მაქნისი ვარ? მე ხომ საიდუმლო თანამშრომლობის დღიდან კონსპირაციას არ ვარღვევდი, მიღებულ დავალებებს პირნათლად და თავის დროზე ვასრულებდი, ამ ხნის განმავლობაში ჩავარდნა ან რაიმე იაღლიში არ მექონია... ახლა რა მოხდა? კითხვები, მხოლოდ კითხვები და არც ერთი პასუხი. როგორც იქნა ქანცგანწყვეტილსა და ნერვებადგლეჯილს ჩამძინებოდა... ამას თუ ძილი ქვია კომპარების ლაბირინთებში გაბლანდულ ძილ-ბურანს. მართლა, კინაღამ დამავინწყდა, სარკმელი... უფრო სწორად ცხაურიანი, პატარა კვადრატებად დაყოფილ-დანანვერებული ცის ნათლეთი... სარკმელი შემინული არ იყო, მისი გამოსობით საკანში იღვენთებოდა მკრთალი სინათლე, ზღვიდან მონაბერი სიოს ერთი უმნიშვნელო ნაკადი და გვიანი შემოდგომის სუსხი. არც ქვეშაგები, ზენარი თუ საბანი... მხოლოდ რკინის ნარი. მორიგე კონტროლიორის ხრინწიანმა, მჭახე ხმამ გამომიყვანა ძილ-ბურანიდან. ადექითო, - რუსულად გაჰკიოდა საცოდავი. თავი მისკდება. თითქოს პატრა, მაგრამ აბეზარი, ჯუჯა მჭედლები, პატარა მაგრამ წვეტიანი ჩაქუჩებით შეწყობილად მირტყამენ საფეთქლებში... სახსრების ტკივილიც ვიგრძენ, მარჯვენა ფერდისაც... ეტყობა ერთ გვერდზე გაუნძრევლად მეძინა. ზღაზნვით წამოვდექი. დავბარბაცდი, მაგრამ დროზე შევიკავე თავი, რამეთუ კედელს მივენარცხებოდი. შმორიანმა, მაგრამ ცივმა ონკანის წყალმა, მაცოცხლებლად იმოქმედა. უგემურად

მოვიბანე პირ-სახე და თმები თითებით შევისწორე. ამასობაში კარში ჩატანებული რკინის პატარა სანათურის ჩხაკუნის მომესმა, კონტროლიორმა რკინის მისკა შემოდგა, ხელი-სოდენა, შავი, ტალახისდარი პურით... არაფერი არ მინდოდა, პირს დანაც ვერ გამიხსნიდა, მაგრამ კუჭი თავისას მოითხოვდა - უკვე დღელამეზე მეტია ყელში ნამცეცის კი არ გადამსვლია. უგემურად მოვინჯნე შავი პური და რამდენიმე კოვზი ბალანდა მოვხრიპე. ვერც გემო ჩავაყოლე და ვერც წარმომავლობის გავიგე რა... ვინ იყის რამდენ ხანს ვიქნები ბალანდის მხვრეპავი?..

მთელი დღე მარტობასა და გაურკვევლობაში გავატარე. ათასი აზრი და ეჭვი მიტრიალებდა თავში, მაგრამ რაციონალური აზრის გორგალი ისევ უთავბოლოდ ბორიალობდა და მის წვერს ვერა და ვერ მივაგენი. რა არ ვიფიქრე და რას არ ვუკირკიტე, მაგრამ ჩემი დაკავების თუ დაჭერის მიზეზს ვერ მივაგენი. შებინდებისას ჩამძინებოდა. არ ვიცო რამდენ ხანს მეძინა, ერთი კია, კარებზე გულისწამლებმა ბრაგუნმა გამომავ-ხიზლა. დენნაკრავივით წამოვვარდი და მივაყურადე. უანგიან ბოქლომში კლიტის ღრჯიალმა კარისკენ მიაჭაჭვა ჩემი ურადღება. ამასობაში კარიც გაიღო, კონტროლიორმა ბანჯგვლიანი დაუვარცხნელი თავი შემოყო და მკვიანა ხმით გამოაცხადა: - ბაქრაძე, გამომძიებელთან, დაკითხვაზე, ცოცხლად! მე აღარ დამიყოვნებია, მაშინვე კარისკენ გავქანდი, ცნობისწადილი მკლავდა, ნეტა რაზე დამიჭირეს, ახლა ხომ მეტყვიან, მაინც...

თავი IV

კონტროლიორმა, კარებთან მომლოდინე ორ ბადრაგს გადასცა და განზე გადგა. სახით კედლისკენ დგომა და ხელების ზურგზე შემოჭდობა მიბრძანეს და შუაში მოქცეულ გზას გამოიყენეს. სარდაფს რამდენიმე გასასვლელი ჰქონდა. უფრო ჭურღმულს მოგაგონებდა, ვიდრე ცივილური ორგანიზაციის საგამომძიებო დანესებულებას. რამდენიმე გადასასვლელი და კიბე ამატარ-ჩამატარეს და ბოლოს გრძელი კორიდორის ბოლოში რკინის მასიური კარების წინ ისევ კედლისკენ სახით დგომა მიბრძანეს, მე უგემურად და უნებისყოფოდ, უფრო რობოტივით ვასრულებდი მათ ბრძანებებსა თუ მოკლე კომანდებს. ერთ ერთი ბადრაგი ხიშტიანი სასხლეთფეხზემეყენებული შაშხანით მე მომებჯინა, მეორემ კი რკინის კარზე მონივნებით, უფრო კი მორიდებით დააკაკუნა. ჩამი-ჩუმი არ ისმოდა. რამდენიმეჯერ სცადა კაბინეტის მესვეურის ყურადღების მიქცევა, მაგრამ უშედეგოდ. ბოლოს, ეტყობა მასაც მოსწყინდა გაურკვეველობა, კარი ფრთხილად შეაღო და თავი შერგო. გამომძიებელი სადღაც გასულა - უფრო თავისთვის ჩაილაპარაკა, კარები ფართოდ გამოაღო და შესვლა მიბრძანა. მე უსიტყვოდ დავმორჩილდი. თვითონ შაშხანამომარჯვებული შემეყვა, მეორე კი ძველებურ პოზაში ადგილზე დარჩა.

დაკითხვის ოთახი დიდად არ განსხვავდებოდა საკნისაგან, თუ არ მივიღებთ სათვალავში საპირფარეოსა და პირსაბანს უანგიანი ონკანით. გაქლექილი მასიური მაგიდა, ნახევრადრბილი გაქუცული გამომძიებლისთვის განკუთვნილი

საზურგეანი სკამი და მის მოპირდაპირედ, მოყვითალო-ყავისფერად შეღებილი, ესეც არანაკლებ გაცრეცილი და გაქუცული, იატაკზე საგულდაგულოდ დაჭედილი ტაბურეტი... ერთი შვება იყო. ეზოს მხარეს ჩატანებული გისოსებიანი შემინული ფანჯარა უფრო დიდი ზომის იყო, სინათლევ შესაბამისად მეტი. უჰ, რა დახუთული ჰაერია, კაცი პირდაპირ გაიგუდება, - თავისთვის ჩაილაპარაკა ბადრაგმა, ფანჯრის სახელურს სწვდა და ფართოდ გამოაღო. დასაკითხი ოთახის კარი ღია იყო. ორპირი ნიავი შემოსისინდა ოთახში და შემოიტანა ზღვის მლაშე და ნესტიანი ჰაერი. მეამა, ღრმად ჩავისუნთქე და ცოტა შვება ვიგრძენი. ამასობაში გამომძიებელიც შემოვიდა. ხელის აქნევით ბადრაგს გასვლა ანიშნა. მანაც ჩექმების ქუსლები ერთმანეთს მხედრულად მიარტყა, მხედრულადვე შებრუნდა, უსიტყვოდ გააბიჯა ოთახიდან და რკინის მასიური კარებიც ფრთხილად მიიხურა.

გამომძიებელი მხედრულად იყო გამოწყობილი. გიმნასტიურითა და პორტუპეით, რომელზედაც მასიური კობურა, რევოლვერით გაძეძგილი ეკიდა. თავზე ყოლოსფერარშიანი სამხედრო ქუდი ეხურა. კაპიტნის სამხრეები ყოლოსფერიანი ზოლით მიუთითებდა მის უშიშროების ორგანოებთან წილნაყრობას. გამომძიებელი ფანჯარასთან მივიდა, ზღვაური ღრმად ჩავისუნთქა, ფანჯარა სანახევროდ მოხურა, სკამზე დაჯდა, იღლიაში ამოდებული საქალაღდე მაგიდაზე დადო. ზონარი აუჩქარებლად გახსნა, გადაფურცლა, თითქოს საჭირო ფურცელს ეძებსო, ქუდი მოიხადა, მაგიდის კუთხეში დადო და მხოლოდ ახლა შემომხედა. საშუალოზე მაღალი, მხარ-

ბეჭიანი, შავთვალწარბა, მხედრულად შეკრეცილი, გამელოტებადანყებული წაგრძელებული თავი. გამჭოლი მზერა და დანაკვეთული სახე მის ნებისყოფასა და ხასიათის სიმტკიცეზე მეტყველებდა. გამოცდილ ჩეკისტს ესეც არ გამოუმპარვია. ხელით მანიშნა დაჯექიო და წელში მხედრულად გასწორდა.

- მაშ, ბაქრაძე ვამეხ ოსმანის ძე, თქვენ ბრძანდებით?
- გახლავართ ბატონო! შევატყვე სიტყვა „ბატონი“ ეხამუშა, არ მოეწონა.

- მოდი თავიდანვე შევთანხმდეთ, ბატონი არ ვარ, ამხანაგი გამომძიებელი ვარ, გასაგებია სამართალში მიცემულო ბაქრაძე?!

- ბოდიში ამხანაგო გამომძიებელო, მე ქართული ტრადიციული მიმართვა მერჩივნა, მაგრამ რა გაეწყობა.

- კარგი. კარგი... ლირიკა გვერდზე გადავდოთ. საქმეს შევედგეთ. მაშ ასე, თქვენ ბრალი გედებათ ძალიან მძიმე დანაშაულში, რომელიც ისჯება საქართველოს სისხლის სამართლის კოდექსის 58-ე მუხლით... იცით ეს რას ნიშნავს: უვადო პატიმრობას ან სოციალური დასჯის უმაღლეს ზომას. მოდი თავიდანვე შევთანხმდეთ, ითანამშრომლე გამომძიებასთან, დანაშაულის გულახდილი აღიარება შესაძლოა შეამსუბუქებს შენს სასჯელს. თითქოსდა თავში ურო დამკრესო, დავრეტიანდი, საღი აზროვნებისა და მეტყველების უნარი წამერთვა. ერთხანს უაზროდ დავცქეროდი საღებავაქერცლილ იატაკს და გაბრუებულს თავი კოშმარულ სიზმარში მეგონა. ასე ვიყავ ერთხანს. ბოლოს საღმა აზრმა იმარჯვა და აზროვნების უნარი წელ-წელა დამიბრუნდა. საღი აზრი და ცივი გონება უარს ამ-

ბობდა წაყენებული ბრალის აღქმაზე... 58-ე მუხლი?! ეს ხომ ლალატის მუხლია, შესაბამისად „ხალხის მტრის“ უცილობელი იარაღი. ვაიმე, მე და მოლალატე? სამშობლოს გამყიდველი? რეტი ცოტა რომ გადამივიდა, დასაკლავად განწირული ხარისხით უაზრო და დაბრეცილკითხვიანი მზერა გამომძიებელს მივაპყარ...

- ამხანაგო გამომძიებელო, მგონი ვინმეში შეგეშალეთ! მე და მოლალატე? ხალხის მტერი?! ნამდვილად აქ დიდ გაუგებრობასთან გვაქვს საქმე. მე მთელი ჩემი შეგნებული ცხოვრება დიადი საბჭოეთის სამსახურსა და კეთილდღეობას შევწირე! ეს გაუგებრობა... გემუდარებით სიმართლე დაადგინოთ. ნუ დამლუპავთ, ნუ შებღალავთ ჩემს პატიოსან სახელს, ცოცხლად ნუ დამიმარხავთ ხანდაზმულ, პატიოსან მშობლებს, ნუ ამიტირებთ ცოლ-შვილს... საქვეყნოდ მოლალატედ და გამყიდველად ნუ გამომაჭენებთ, გემუდარებით უფროსო!, - ჩავიბღავლე და ავექვითინდი. აქეთ სიმწრის ოფლი, იქით ვაჟკაცის სპეტაკი ცრემლი გამომძიებლისთვის რალაცას უნდა ნიშნავდეს უცილობლად...

- დანყნარდი ბაქრაძე. ესე იგი შევთანხმდით, გამოძიებასთან თანამშრომლობთ?

- დიახ ამხანაგო გამომძიებელო! - იმედის ნაპერწკალი გამიკრთა სიმწრისგან ჩასისხლიანებულ თვალებში.

- მაშ აღიარებთ დანაშაულს?

- რომელ დანაშაულზე მელაპარაკებით? მე ერისა და ქვეყნის წინაშე რამე დანაშაული არ მიმიძღვის, პირიქით, მთელი შეგნებული ცხოვრება მის იდეებსა და მიზნებს ვემსახურ-

რებოდი... რამდენჯერ გადამიდვია თავი, რამდენი საფრთხე თუ ფათერაკი გამომივლია, რამდენჯერ სიკვდილს ჩაეხედე თვალებში!

- ამხანაგო ბაქრაძე ასე არაფერი გამოვა ან აღიარებთ დანაშაულს ან სხვა ზომებს მივმართავთ, მაგრამ აღიარებით ჩვენებას მივიღებთ უცილობლად.

- რომელი დანაშაული, რომელი აღიარებითი ჩვენება? მე უდანაშაულო ვარ. იცით მე ვინ ვარ? გაქვთ ამის კომპეტენცია? დაშვებული ხართ სპეციფიურ თემებთან, რაც საბჭოთა სასაზღვრო ჯარების სადაზვერვო ორგანოების საქმიანობას ეხება?

- თქვენ რა მოქალაქეე ჩემს კომპეტენციებში ეჭვი გეპარებათ! მე ვარ საბჭოთა სახელმწიფო უშიშროების კაპიტანი კოხრეიძე, საგანგებო საქმეთა უფროსი გამომძიებელი. მე თქვენს შესახებ იმაზე მეტი ვიცი, ვიდრე ეს თქვენ წარმოგიდგინიათ...

- მაშინ ისიც გეცოდინებათ, რომ მე გაუთქმელობის ხელნერილი მაქვს დადებული და ჩემი კონკრეტული საქმიანობის შესახებ მხოლოდ ჩემს ოპერატიულ ხელმძღვანელობას ვაბარებ ანგარიშს. თქვენ იცნობთ ბათუმის სასაზღვრო რაზმის დაზვერვის განყოფილების უფროსს პოლკოვნიკ კარაბელნიკოვს? უმორჩილესად გთხოვთ, შემახვედრეთ მასთან, გაესაუბრეთ მას, ის გეტყვის სიმართლეს ჩემს შესახებ!

- პოლკოვნიკი კარაბელნიკოვი? სად ვნახავ მას ?აა, ის ხომ მოსკოვშია უკვე, დაანინაურეს...

- მაშინ ჩემი უშუალო ხელმძღვანელი მაიორი ტრაპიზონიანი შემახვედრე ან თქვენ შეხვდით. კიდევანა ლეიტენანტი ვერნიგარა, მისი თანაშემწე. ჩემი ყოფილი ოპერატიული ხელმძღვანელები მაიორი ტულაშვილი და მაიორი ჯაიანი...

- მაიორი ტრაპიზონიანი?! მოიცა, მოიცა... ორბროვანად გაიღიმა, თავისთვის რაღაცა ჩაილაპარაკა უშიშროების კაპიტანმა და გამალებით საქაღალდის ფურცვლა დაიწყო. ბოლოს, ეტყობა, მიაგნო მისთვის საინტერესო ჩანაწერს და გათაცვიცვითა და ერთი ამოსუნთქვით წაიკითხა. საუბედუროდ მე საკმაოდ შორს ვიჯექი და ვერანაირად ვერ წავიკითხავდი აღნიშნულ საბუთს.

- ჰმ, მაიორი ტრაპიზონიანი... ტრაპიზონიანი, - ისევ ორბროვანად ჩაიღიმა, თავი გააქნია და, - ისიც საგანგებო ბრძანებით სამსახურის გასაგრძელებლად, სომხეთში, მეგრის სასაზღვრო რაზმში გადაიყვანეს... ასე რომ, შენტვის საუბედუროდ და სავალალოდ ვერავის ვერ შეგახვედრებ, დაპირისპირებაზე ხომ ლაპარაკი ზედმეტია. მე და შენ ვართ მხოლოდ პირისპირ...

- ღმერთო დიდებულო! რა მემართება! ნუთუ ვერავინ დამიცავს, ნუთუ ვერავინ იტყვის სიმართლეს ჩემი საქმიანობისათვის სამშობლოსათვის უმნიშვნელო წვა-დაგვის შესახებ... განა მე მარტოსულსა და განწირულს ვინმე მენდობა, ვინმე დამიჭერებს?!. - ახლა კი ბოლომდე გავითავისე ჩემი უმწეო, გამოუვალი მდგომარეობა და ცხოვრებაში პირველად სასოწარკვეთილმა ავქვითინდი... გამომძიებელმა ალბათ იგუმანა,

რომ ჩემი დაკითხვის გაგრძელებას აზრი აღარ ჰქონდა, ბად-
რაგი იხმო და ჩემი საკანში გადაყვანა უბრძანა.

თავი V

ბადრაგმა, უმწეობისა და გამოუვალობის შეგნებითა და გააზრებით განადგურებული, საკანში შემაბრუნა. მთელი ღამე თეთრად გავათენე. საღი აზრი ვერა და ვერ დავიჭირე. დილით ჩამთვლემოდა. კონტროლიორის ბრახუნმა გამაღვიძა. ხემსი გადმომცა. საჭმელს პირს როგორ დავაკარებდი, დარდმა და გაურკვევლობამ, ხომ მორალურად, სრულიად მომიტავა. მადა წამერთვა. მხოლოდ წყალი მოვსვი. გამოსავალი უნდა მეძებნა, საღ აზრს უნდა ემარჯვა. სწორი დასკვნები გამეკეთებინა და შექმნილი მძიმე სიტუაციიდან გამოსავალი მომეძებნა. ერთი რამ ნათელი იყო - მოხდა ის, რასაც ყველაზე მეტად ვუფრთხობდი. თავიდანაც, ხომ საიდუმლო თანამშრომლობაზე იმიტომ დავთანხმდი, რომ თავი გადამერჩინა და ოჯახი არ დამეობლებინა. რა გამოდის - თითქმის რვა წელი საიდუმლოდ ვითანამშრომლევ სადაზვერვო ორგანოებთან, ფირალივით დავეხეტებოდი ტყე-ღრეში, ჩემი სიცოცხლისა და თავისუფლების ფასად ვრისკავდი მტრულად განწყობილ ქვეყანაში საზღვარზე არალეგალური გადასხმისა თუ საიდუმლო სადაზვერვო დავალების შესრულების, სულ ვფრთხილობდი, კონსპირაციის წესებსა და მოთხივნებს ზედმიწევნით ვიცავდი, ყველა დავალებას გულმოდგინედ და შედეგიანად ვასრულებდი და მაინც ბოლომდე ნდობა ვერ დავიმსახურე. მადლობას ვინ ჩივის, სამშობლოს ღალატს მედავებთან და ყველაზე საშინელი 58-ე მუხლით ჩემს წინააღმდეგ აღძრეს სისხლის სამართლის საქმე. ნეტავი ვინ გამიჩალიჩა, ვის

გადაველობე გზაზე, ვის არ მოსწონდა ჩემი პატიოსნება და თავგანწირვა, ვინ შეიტანა ეჭვი ჩემს პატიოსნებასა და ერთგულებაში და ჩამიშვა. ისიც ყურადსაღებია, რომ უბრალო პირს არ უდანოსია ჩემზე, ის უფრო მაღალი რანგის ჩინოსანი უნდა იყოს, ჩემს არალეგალურ საქმიანობაში ჩახედული, ყოველ შემთხვევაში ის ამის შესახებ ინფორმაციას უნდა ფლობდეს. ვის შეეძლო ჩემში ეჭვის შეტანა და სამშობლოს დასაცემი ბრალის წაყენება? აუ... გამახსენდა - მაიორი ტრაპიზონიანის ხსენებისას გამომძიებელი შეცბა, სასწრაფოდ საქაღალდეში რაღაც საბუთი მოძებნა, ერთი ამოსუნთქვით წაიკითხა და გაკვირვებითა და თანაც დაუფარავი ირონიით შემთავალიერა... ნუთუ ტრაპიზონიანი?!.

თავი მისკდება. თითქოს უროს მირტყამენ საფეთქლებში... ტანშიც მამატვრევს. არ ვიცი რამდენ ხანს ვიყავი ამ მდგომარეობაში, ბოლოს გონება გამინათდა - ძველი ხალხური შეგონება გამახსენდა: წყალში ჩავარდნილი კაცი იხრჩობა და ღმერთს შესთხოვს დახმარებას, ამ დროს კი იღუმალი ხმა ჩაესმის - გაანძრე ხელი და მოგეშველებიო. თავის კვლა, ბნედა და ცრემლებს ღვრა საქმეს არ და ვერ უშველის. თავი ხელში უნდა ავიყვანო, ყველაფერი უნდა დავალაგო და გავიაზრო, სწორი გზა და გეზი გავიგნო და ჩემს თავს მე ვუპატრონო. როგორც ჩანს არც კარაბელნიკოვს, ტულაშვილს, ჯაიანს და მით უმეტეს ტრაპიზონიანს არავენ გამოიძახებს, გამოკითხავს ან შემახვედრებს... განა ცოტა რამ მსმენია სახელმწიფოსა და მისი სამართალდამცავი ორგანოების რეპრესიული მანქანის შესახებ. უბრალო დანოსით - თუ გინდ პოლიტიკურ თემაზე

უაზრო და შეუგნებელი ლაყბობის გამო ხალხს ხვრეტენ და აციმბირებენ, მე კი ამ საშინელ ბრალდებას ვინმე მაპატიებს, ჩემს გულწრფელობასა და სიმართლეს ენდობა და დღეს ან ხვალ კონტროლიორი გაცისკროვნებული თვალებით შემოაღებს საკნის კარს და საზეიმოდ რუსულად წამოიძახებს - „ბაქრაძე სვეშამი!“ არა! ჩემს თავს მე უნდა მივხედო, უნდა გავმართლდე, უნდა გადავრჩე და ადრე თუ გვიან დავებრუნდე ოჯახსა და ცოლ-შვილს. ყურების ჩამოყრითა და ვაი-ვიმით არაფერი გამოვა. ჩემს თავს შევეუძახე, ლოყებზე ხელი შემოვირტყი, ცივი წყლით დავიზილე კისერი და სახე, ჩემს თავს პირობა დავუდე - არავითარი სასონარკვეთილება, მხოლოდ უკეთესი მომავლის რწმენა და გადარჩენის გზების ძიება. ერთი შეგონება მომაგონდა „ვინც ეძებს, ის ყოველთვის პოულობს!“

საჭმელი უგემურად მივირთვი. მე ძალ-ღონე, რკინისებური ნებისყოფა და გამოსავლის დაუდგრომელი ძიება თუ გადამარჩენს. სხვისი იმედი, უეცარი ხსნა ან სასწაულების არ უნდა მჯეროდეს, ფარ-ხმალი არ უნდა დავეყარო, არც ყურები, არც ცხვირი და არც ხელები არ უნდა ჩამოვუშვა ან ჩამოვეყარო... მოხდეს მოსახდენი!

დავმშვიდდი. აწეწილი ნერვები დავიმშვიდე, აბურდული ფიქრები და გრძნობა-გონება მოვთოკე, დავანყნარ-დავალაგე და ნარზე მოსასვენებლად მივწეცი. კაზე ბრახუნმა გამაღვიძა. ისევ გამომძიებელთან მიხმობდნენ.

გამომძიებელი უფრო თავაზიანი და კეთილგანწყობილი მეჩვენა - მომესალმა და სკამზე მიმითითა, დაჯექიო. სალამი ჩამოვართვი, სკამზე მოვკალათდი და სმენად ვიქეცი.

- მაშ ასე, სამართალში მიცემულო ბაქრაძე, როგორც გავიგე, ბრალს არ აღიარებთ, არ გინდათ გამოძიებასთან თანამშრომლობით და თქვენი ისედაც სავალალო მდგომარეობა და ხვედრი შეიმსუბუქოთ, რა გაეწყობა შენინებაა, - უემოციოდ წარმოთქვა და ჩემს რეაქციას დაელოდა.

- ამხანაგო გამომძიებელო, ვინ თქვა უარი გამოძიებასთან თანამშრომლობაზე, დიდი სიამოვნებით, მაგრამ იმას, რაც არ ჩამიდენია ვერ დავიბრალებ - ჩემი ერისა და ქვეყნისთვის არ მიღალატია, უფრო მეტიც, არასდროს გულშიც კი არ გამვლია.

- ეეხ, ბაქრაძე, არ გინდა აღიარო დანაშაული, შენც მოისვენე და მეც დამასვენე, თავის მხრივ გპირდები სასამართლოსთან გიშუამდგომლო სასჯელის შემცირებისა და სასჯელალსრულების დაწესებულებაში შედარებით იოლი რეჟიმის დაწესების შესახებ. არ გინდა და რა გაეწყობა. მაშინ მივყვეთ ქრონოლოგიურად გამოძიების მსვლელობას და გასარკვევი საკითხების თანმიმდევრობას.

- მზად ვარ ნებისმიერ კითხვას გავცე ამომწურავი პასუხი. მზად ვარ სიმართლე დადგინდეს და სამართალმა პური ჭამოს.

- ბაქრაძე, დამიჯერე მე შენი ჯიბრი არ მაქვს, არც მტრობა, არც რაიმე ინტერესი... უახლოეს დრომდე შენი პიროვნების შესახებ არც კი ვიცოდი, მაგრამ შენზე წაყენებული ბრალდება ძალიან მძიმეა და გულგრილად, ჰარი-ჰარად ამ საქმეს ვერ

მივუდგები... მეც მაკონტროლებენ და რაც მთავარია, სამართალმა ნამდვილად უნდა ჭამოს პური. პირველი კითხვა - შენი პირველი ცოლის ნათესავებთან როგორი ურთიერთობები გაქვს, არის თუ არა მათ შორის ვინმე თურქეთის სამართალდამცავი ორგანოების თანამშრომელი ან სამხედრო მოსამსახურე?

- ამხანაგო გამომძიებელო, ჩემი ბორჩხელი მეუღლე და მისი მშობლები დიდი ხანია აღარ არიან, მეუღლეს დარჩა ორი ძმა, რომლებიც მესაქონლეობასა და მინათმოქმედებას მისდევენ, წერა-კითხვაც კი არ იციან. მათთან ბოლო შეხვედრა ხუთი წლის წინ მქონდა, მათთან სოფელში, ისიც მიღებული დავალებიდან გამომდინარე ინფორმაციის დაზუსტების მიზნით გამოვკითხე, იმ ვარაუდით, რომ იმ მოვლენის შესახებ მათ უნდა სკოდნოდათ. ამის შესახებ ანგარიშშიც მიუთითე... მას შემდეგ მათთან არავითარი კავშირი და კონტაქტი აღარ მქონია...

- გასაგებია. ქალაქ არტანუში რა ვითარებაში გაეცანით ცხვარაძეს, ეჭვი ხომ არ გაჩენიათ მის გულწრფელობასა და სანდოობაში?

- გოჩა ცხვარაძეს შვიდი წლის წინ შემთხვევით შევხვდი არტანის ბაზარში. მისმა ქართულ ორნამენტიანმა დოქებმა და სურებმა მიიპყრო ჩემი ყურადღება. ამის შესახებ მე დაუყოვნებლივ ვაცნობე ხელმძღვანელობას. მათივე დავალებით გადმოვიბირე და ჩავაყენე ჩვენი უშიშროების ორგანოების სამსახურში ის ყველა მითითებასა და დავალებას პირნათლად ასრულებდა. ამჟამად საქართველოშია, თქვენი შესაძლებ-

ლობის კაცს არ გაგიჭირდებათ მისი მონახვა და გამოკითხვა...
იმედია სრულ სიმართლეს იტყვის.

- გასაგებია. თქვენ საკმაოდ კარგად იცნობდით არტაანის ბიზნესწრეებში ცნობილ ქალს - ფატმას, თუ მესხიერება არ მღალატობს, მასთან ინტიმური ურთიერთობებიც კი გქონდა. ეჭვი არ გაგჩენია, რომ ის თურქეთის კონტრდაზვერვის საიდუმლო თანამშრომელი იყო ან არ შეგინიშნავთ მისი კონტაქტები საეჭვო პირებთან?

- ფატმა გავიცანი ცხვარაძის მეშვეობით, საქმის ინტერესებიდან გამომდინარე, ჩემი ოპერატიული ხელმძღვანელობის დავალებით დავამყარე მასთან ურთიერთობა, ერთი პერიოდი მის ფირმაში ვმუშაობდი. ინტიმური ურთიერთობებიც საქმის ინტერესებიდან იყო გამომდინარე... საეჭვო კონტაქტების შესახებ არათფერი მსმენია, მისი თანამშრომლობის შესახებ ჩვენ ინფორმაცია გვექნებოდა ან დავეჭვდებოდით მაინც. მსგავსი რამ არც ცხვარაძეს არც ცხოვრებაშვილს ან იქ ჩანერგილ სხვა აგენტებსაც არ შეუნიშნავთ და არც უეჭვიანიათ...

- ტყუი ბაქრაძე, შენ ყველაფერი შესანიშნავად იცოდი. სწორედ ფატმამ გავშიფრა: მან პირველმა გაიგო, რომ არანაირი ბორჩხელი სალიხი არ იყავი, მან პირველმა შენიშნა და გაშიფრა შენი იდუმალებით მოცუული უეცარი გაუჩინარება-გამოჩენის შესახებ, მან დაგაშანტაჟა და დაგაკავშირა არტაანის კონტრდაზვერვის სამმართველოს მაღალჩინოსანთან, რომელთანაც დადე ხელწერილი საიდუმლო თანამშრომლობის შესახებ, მათი დავალებით აწვდიდი ჩვენს ორგანოებს დებინტორმაციას. ერთი სიტყვით, ორმაგ თამაშს თამაშობდი,

ამას ოპერატიულ ენაზე ორმაგი აგენტი ქვია... სიმწრის ოფლმა დამასხა. ყველაფერს ვიჭვებდი, ოღონდ ამას არა! მე და ორმაგი აგენტი? მე და თამაში? მე და ლალატი?.. მაგრამ სხვა გამოსავალი არაა, თავი უნდა ვიმართლო!

- უკაცრავად კადნიერებისთვის, მაგრამ ასეთი რამ როგორ მოგივიდათ აზრად... რა ფატმას საიდუმლო აგენტობა, რა გადაბირება, რა ხელწერილი, რა დეზინფორმაცია, რა ორმაგი თამაში თუ აგენტობა... გამორიცხულია. ეს შეუძლებელია, ეს გამორიცხულია, - მეტი მღელვარების გამო, აფექტის მდგომარეობაში თავი ვეღარ მოვთოკე და გამომძიებლის მაგიდას მთელი ძალით მუშტი ვთხლიშე. რკინის მაგიდა შეზანზარდა, ხოლო გამომძიებლის საქალაღდე ბუსავით გადაფრინდა იატაკზე, კობრეიძე ჩემს ასეთ რეაქციას არ ელოდა, ცოტა დაიბნა, შემდეგ აენტო, სათხლეშად მუშტი მომიღერა, მაგრამ ბოლო მომენტში თავი ხელში აიყვანა. ნამოდვა, ბოლთის ცემას მოჰყვა, შემდეგ ფანჯარასთან მივიდა, შორეთს უყურა ერთ ხანს, შემდეგ მაგიდასთან დაბრუნდა, საქალაღდე ძველ ადგილს დაუბრუნა, პაპიროსის კოლოფი ამოიღო, ერთი მისრისა, მოუკიდა, გააბოლა და ვაი საოცრებავ - პაპიროსი მეც გამომინოდა. თვალეხს არ ვუჯერებდი. ჩემმა თავშეუკავლობამ და თავხედობამ ისე აანთო, რომ მოსაკლავადაც კი გამიმეტებდა და სიგარეტის შეთავაზება?.. მე თან მომერიდა, თან ვერ გავბედე, მამონშებს და რაიმე არ დამმართოს, მეთქი...

- აიღე პაპიროსი, აიღე, მე გამომძიებელი ვარ, ჯალათი კი არა... მეორეჯერ აღარ მიქარო, ნუ გგონია მხოლოდ შენ გაქვს აწენილი ნერვები, უნებლიეთ ცოდვა არ ჩამადენინო. ესე იგი

კატეგორიულად უარყოფ ჩემს ნათქვამს: ფატმა აგენტი არ ყოფილა, არ გაშანტაჟებდა, არ შეგახვედრა კონტრდაზვერვის მაღალჩინოსანს?

- არამც და არამც, ამხანაგო გამომძიებელო, ასეთი რამ ბუნებაში არ ყოფილა. მასე რომ ყოფილიყო ჩვენი რეზიდენტი გაიშიფრებოდა, აგენტურული ქსელი მოიშლებოდა... ბოლოსდაბოლოს დაპატიმრებულ ცხოვრებაშვილს ვინ მომატაცებინებდა ციხის საკნიდან და ვინ მომცემდა საშუალებას, რომ ის, საქართველოში უვნებლად გადმოგვეყვანა, ჩემი მენყვილეების ხომ უნდა გაშიფრულიყვნენ. გაქვთ ასეთი ინფორმაცია?

- ჯერ ერთი, შენი საქამე არაა ჩვენ რა ინფორმაცია გვაქვს, მეორეც, ცხოვრებაშვილისა და ცხვარაძის საქმითაც დაინტერესდებიან, იმედია. შენ თავს მიხედე და შენს მიმართ დასმულ კითხვებზე გამეცი სწორი და ამომწურავი პასუხები. კარგი... მოდი დეტალებში შევიდეთ: გავიხსენოთ 1942 წლის აგვისტო. მაშინ შენ, შენი „სამეულის“ წევრები - მიქელთაშვილი და ფუტურიშვილი ვითომ შემთხვევით გადაეყარეთ ჟანდარმებს? - ჩვენს ხელთ არსებული ინფორმაციით ეს ყველაფერი წინასწარ იყო დაგეგმილი და შენთან შეთანხმებული - თურქეთის სპეცსამსახურებს არ სჭირდებოდათ შენი მენყვილეები, ზედმეტი მოყურადეები, ისინი რომ დაეჭირათ და შენ არა, მაშინ ჩვენები შენში ეჭვს შეიტანდნენ, ასე გადაწყდა მათი ლიკვიდაცია და ამიტომ გათამაშდა ვითომ შემთხვევით გადაყრა ჟანდარმებთან და ორმხვრივი სროლა. თურქები ერთი გასროლით ორ კურდღელს კლავდნენ: ორი აგენტი იქნებოდა ლიკვიდირებული, შენთვის, როგორც ორმაგი აგენტის-

თვის, კი - უნაკლო, ნაღდი, გარანტირებული ალიბი. შედგომში ფუტურიშვილის საზღვარგარეთ მორიგ მივლინებაზე უარის თქმამ რაც გამოიწვია კი იცი...

- ვიცი და ძალიან განვიცდი. ჯერ ერთი, მაიორი ტულაშვილი დახეიბრდა და ეგზომ გამოცდილი და ადამიანური თვისებებით დაჯილდოვებული ჩეკისტი ჩამოწერეს და ნაადრევად პენსიაზე გაუშვეს, მეორე, მაიორი ჯაიანი ფაქტიურად სადამვერვო საქმიანობას ჩამოაშორეს და მესამე, ფუტურიშვილმა თვითონაც სულელურად განირა თავისთავი და უღიმღამოდ დაასრულა სიცოცხლე. ზებურ ფუტურიშვილმა ჩვენს მიმართაც არაკაცურად მოიქცა, თავისი სიმხდალე და უტიფრობა რომ დაეფარა, ჩვენ აუკად მოგვიხსენია, არაპროფესიონალიზმში დაგვდო ბრალი, ჩვენში ეჭვი შეიტანა, უდისციპლინობასა და სიმხდალეში დაგვადანაშაულა. თურმე, იმის მაგივრად, რომ ერთად მედგრად და ერთიანი ძალით შევბმოდით მონინალმდევეს - თურქ უხადარმებს, ჩემი ბრძანებით გავიფანტეთ და ყველა თავის გადარჩენას ვცდილობდით. მართალია, გაფანტვის და ცალკ-ცალკე საქართველოში დაბრუნების გადანწყვეტილება მე მივიღე. არ შეიძლებოდა უხადარმებთან ღიად ბრძოლაში ჩართვა, რამდენიმე მიზეზის გამო: ჯერ ერთი - ჩვენ ვიყავით უცხო ქვეყნის ტერიტორიაზე შებლუდული საბრძოლო შეიარაღებითა და ტყვია-ნამალით; მეორე - ჩვენ თურქეთში საომრად, ტერორისტული თუ დივერსიული აქტის ჩასატერებლად ან შაჰიდებივით თავგასანირად კი არ მიგვავლინეს, აქაოდა, ძალა აჩვენეთ და მაქსიმალური ზარალი მიაყენეთ თურქებსო, ჩვენ კონკრეტული, ოპე-

რატოული დავალების შესასრულებლად გადაგვისროლეს საზღვრის გადაღმა, რაც უნდა გაგვეკეთებინა კონსპირაციისა და უსაფრთხოების მოთხოვნათა სრული დაცვით და რაც მთავარია, მესამე - სამალავიდან ამოღებული ფასდაუდებელი სადაზვერვო მასალა უვნებლად და უსაფრთხოდ უნდა გამოგვეტანა. საბუთები კი მე მქონდა ქუროთუკის სარჩულში ჩაკე-რებული. ორი დღე-ღამე ხიდის ქვეშ ლატანზე გაკრული მში-ერ-მწყურვალე ველოდი უანდარმების ცეცხლის შეწყვეტას და ვითარების ჩანყნარებას. უკან დაბრუნებულმა აღმოვაჩინე რა ომარ მიქელთაშვილის გვამი კი არ მივატოვე, არამედ ხოხვა-ცოცვით გადმოვიტანე ჩვენს ტერიტორიაზე და მისმა ჭირისუფალმა წესის აგებით მიაბარა მიწას. მე შემძლო ეს არ გამეკეთებინა, უპატიოსნოდ მოვექცეულუყავი, გვამის პოვნა დამემალა, ადრე თუ გვიან გვამს ნადირ-სვაფი დაგლეჯდა და მორჩა... უფროსობამ მაშინ ეს ყველაფერი დანვრილებითა გაანალიზა და წამახალისა კიდევ. მე ფუტურიშილზე პასუხისმგებლობა არ ამიღია და არც არავის დაუვალებია. ვმოქმედებდით ინსტრუქციის მიხედვით. ლოგიკურადაც ასეა - ცალკ-ცალკე მეტი შანსი იყო შენიღბვისა და თავი გადარ-ჩენისა. კიდევ ერთხელ ვიმეორებ - ვერ დავუშვებდი ჩვენს გაშიფვრას და სადაზვერვო მასალების თურქეთის სპეცსამსა-ხურების ხელში ჩავარდნას. ამ საქმეში ჩვენი იაღლიში მხო-ლოდ იმაში იყო, რომ ინსტრუქციის ერთი მოთხოვნა დავარღ-ვიეთ: წარმატებული ოპერაციით წათამამებულებმა, საზღვრის მიმდებარედ სპეციალურად აღჭურვილ სამალავში კი არ დაველოდეთ ღამის დადგომას, არამედ, წინასწარ დაუთქმელ

და შეუსწავლელ-დაუზვერავ, საზღვრიდან საკმაო მანძილით დაშორებულ ტყეში გადავწყვიტეთ მოსვენება.

- დავეშვათ ამ ეპიზოდში დაგიჯერე. იმაზე რას მეტყვი: დაჟინებით, რატომ მოითხოვე, თითქმის ულტიმატუმის ფორმით, პოლკოვნიკი კარაბელნიკოვისაგან შენი „სამეულიდან“ გაყვანა და დამოუკიდებლად მოქმედება. ამით სხვა კურიერების მხრიდან თვალთვალის თავიდან აცილება გინდოდა, რათა უფრო იოლად შეგძლებოდათ ორმაგი თამაშის გაგრძელება?

- ამხანაგო გამოძიებელო, არაადამიანურად გულს მიკლავთ და უსაფუძვლო ეჭვებით მამყირებთ. მე ხომ „დიდ მინასთან“ ჩვენი რეზიდენტის ერთადერთი კურიერი და მეკავშირე ვიყავი. როგორ წარმოგიდგენიათ, ჩემი ჩავარდნა ან ლიკვიდაცია როგორ სიტუაციაში ჩააგდებდა სიმწრით აწყობილ საქმეს, მეორეც სადაზვერვო ინფორმაციას მაშინ აქვს ფასი თუ ის უტყუარია, დროული და წინმსწრები. მე სადაზვერვო საქმის გამოცდილი პროფესიონალი ვარ, არაერთნაირი გამოცდილების მქონე კურიერი და რაც მთავარია, როგორც ჩვენს, ასევე თურქეთის საზღვრისპირა რეგიონებს ხუთი თითქმის ვიცნობ, ყოველთვის დამოუკიდებლად ვმოქმედებდი და ყველა შესაძლო შემთხვევათა ვარიაციები დალეჭილ-დახვენილი მქონდა. მენწყვილეები და ჯგუფური მოქმედება კი პირიქით, ჩვენი რეზიდენტურის ერთადერთ კურიერს უფრო მონწყულადს ხდიდა...

- ვაა, ეს რა დახვენილი არამზადა შემხვდა კაცო! ყველა კითხვაზე წინასწარ აქვს მომზადებული და დამუშავებული

მისთვის ალიბიანი და სარფიანი პასუხები! - გამომძიებელი გაბრაზდა. მაგიდიდან მთელი ტანით გადმოიწია, უროსავით დიდი მუშტი თავში უნდა ედრუბა, მაგრამ რატომღაც გადაიფიქრა, გაბრაზებული წამოვარდა და ბოლთას ცემას მოჰყვა. ბოლოს ფანჯარასთან მივიდა და პაპიროსი გააბოლა. პაპიროსი აღარ შემომთავაზა... ხმაგაკმენდილი, თითქმის გაუნძრევლად ვიჯექ ტაბურეტზე და მის დამშვიდებას ველოდებოდი. როგორც იქნა გამომძიებელი დამშვიდდა და მის ადგილს დაუბრუნდა. მორიდებთ ჩავახველე, უფრო მინდოდა ყურადღება მოექცია ჩემთვის, ვიდრე ამას ფიზიოლოგიური თუ ჯანმრთელობის მდგომარეობის თავისებურება მოითხოვდა.

- ამხანაგო გამომძიებელო, მესმის თქვენი გამოუალი მდგომარეობის, მაგრამ მინდა ჩემი სავალალო მდგომარეობაც გაითვალისწინოთ: მართალმა კაცმა, ვიღაც არაადამიანის შეთითხნილი დანოსის საფუძველზე დაპატიმრებულმა და განწირულმა, როგორ ვალიარო არარსებული დანაშაული, სამშობლოს ღალატი დავიბრალო და ჩემი ფეხით მივიდე გილიოტინაზე ან ცხვარივით უდრტვინველად მიუშვირო უგულო ჯალათს კეფა-კისერი... როგორ მოვიქცე, გულწრფელად, დედას გაფიცებთ, მირჩით!...

- ვაა, რა ვქნა კაცო! ვამეხ, ერთადერთი გამოსავალია ბრალის აღიარება. მხოლოდ ამით თუ შეიმსუბუქებ სასჯელის ზომას, თორემ ამ ბრალდებას შენ არავინ მოგიხსნის, შენს არგუმენტებს უბრალოდ არც შეისმენენ, კოლეგიის მოსამართლეთა „სამეული“ საქმეში არსებულ ჩვენებებსა და ბრალდებებს მანაც

სარწმუნოდ მიიჩნევს და მაშინ ნამდვილად არ აგცდება სასჯელის უმაღლესი ზომა!..

- ვაიმე, ღმერთო, რომელ წყალში გადავვარდე ან რა მოვიმოქმედო, რომ სიმართლეში დაგარწმუნოთ!.. გამწარებულმა მჭიღზე ვიკბინე და სიმწრის ოფლმა ხერხემლის გავლით საცვლებს უნია...

- კარგი, კარგი დამშვიდდი, გავაგრძელოთ - საქმის მასლებიდან ირკვევა, რომ შენს თურქეთის სპეცსამსახურებთან თანამშრომლობაზე და ორმაგი თამაშის გაბმაზე ეჭვი აღდრეც ყოფილა. კერძოდ, ფუტურიშილი დაეჭვებულა და გამოუთქვამს მოსაზრება, რომ ჟანდარმებთან გადაყრა და საცეცხლე კონტაქტი შემთხვევითი არ ყოფილა. 1943 წლის მარტში, მორიგ გადასხმაზე უარის თქმაც იმით აუხსნია, რომ ჟანდარმები, როგორც ჯაშუშობაში შემჩნეულს, ხელმეორედ შეეცდებიანო მის ლიკვიდაციას.

- სრული სიცრუეა. ჩვენი ჟანდარმებთან გადაყრა და საცეცხლე კონტაქტი სრულიად შემთხვევითი იყო. მე ოპერატიული ხელმძღვანელობის დავალებით გადავამოწმე მომხდარი. მაშინ ჟანდარმებმა დევნის შედეგად ალყაში მოაქციეს თურქ ყაჩაღთა ერთი ჯგუფი, რომლებიც ძარცვავდნენ და ავინროვებდნენ მოიალაღეებს. მე რომ ორი ჟანდარმი შემომაკვდა, ისიც ყაჩაღებს დააბრალებს. მაშინ ორმხვრივი სროლის შედეგად ყველა ყაჩაღი მოკლეს. ფუტურიშილი მკვდარია, მისი ეჭვების საფუძვლიანობას ან რეალურ განზრახვას ვინღა გადაამოწმებს, - სასონარკვეთილმა წამოვიძახე და ხელები თავზე შემოვიჭდე.

- მესმის, მაგრამ საქმეში არსებული საბუთი ამას სრულად ხსნის და ჩვენში არავითარ ეჭვს არ იწვევს. კარგი, გავარძელოთ: შენ და ჩვენმა რეზიდენტმა ცხოვრებაშიღმა რატომ დაუმალეთ მაიორ ტრაპიზონიანს, შენს უშუალო ხელმძღვანელს, რეზიდენტურის შესაძლო ჩავარდნის საფრთხის შესახებ?! თქვენ ამის შესახებ პოლკოვნიკ კარაბელნიკოვს, ტრაპიზონიანის გვერდის ავლით, მეორე, საიდუმლო პაკეტით მოახსენეთ. საქმის მასალებიდან ირკვევა, რომ თქვენ ბოროტად გამოიყენეთ ცხოვრებაშილის თქვენდამი უბოძო, ფაქტობრივად უპირობო ნდობა, უარყოფიდად დაუხასიათეთ მაიორი ტრაპიზონიანი და ფაქტიურად მორალური ზეწოლის შედეგად მიაღებინეთ გადაწყვეტილება გვერდი აევლო მისთვის. შენ ისიც გაითვალისწინე, რომ მაიორი ტრაპიზონიანი შენდამი უარყოფიდად არის განწყობილი, ეჭვის თვალით უყურებს შენს ერთგულებასა და გულწრფელობას. იმიტომ ხომ არა, რომ ტრაპიზონიანი უფრო კრიტიკულად აღიქვამდა ამ ინფორმაციას, სიღრმისეულად ჩანვდებოდა საქმის არსში, ყოველმხრივ გაანალიზებდა შექმნილ გარემოებას, დაეჭვდებოდა შენს ნეგატიურ როლზე რეზიდენტურის შესაძლო ჩავარდნის მომზადების საქმეში, ეჭვს შეიტანდა შენში, როგორც ორმაგ აგენტზე და ოპერატიული თამაშის მონაწილეზე, მის დასკვნებსა და მოსაზრებებს მოახსენებდა ზემდგომ ორგანოებს, შენს წინააღმდეგ დაიწყებოდა საქმის წარმოება, გადამოწმება და გამოძიება. ეს რომ თავიდან აგეცილებინა, შეგნებულად დაარწმუნე რეზიდენტი, გვერდი აევლო ტრაპიზონიანისთვის.

- ამხანაგო გამომძიებელო, მე მაიორმა ტრაპიზონიანმა შემძულა არა იმიტომ, რომ ჩემს ერთგულებასა და პატრიოტიზმში ეჭვი შეეპარა, როგორც სანდო და პატიოსან თანამშრომელზე, არამედ იმიტომ, რომ მე მუსლიმური აღმსარებლობის ვიყავი, თანაც აჭარელი. მოგეხსენებათ ტრაპიზონიანის წინაპრები წარმოშობით თურქეთიდან, კერძოდ ერზრუმის ოლქიდან არიან, როგორც საყოველთაოდ ცნობილია, რუსეთ-ოსმალეთის ომის (1929-1930 წ.წ.) დროს, რუსეთი ოსმალეთის წინააღმდეგ ორ - კავკასიისა და ბალკანეთის ფრონტებზე აწარმოებდა საომარ მოქმედებებს. რუსეთის გაერთიანებულმა არმიამ კავკასიის ფრონტზე ხელშესახებ წარმატებას მიაღწია და ოსმალეთის ტერიტორიის სიღრმეში, კერძოდ აღმოსავლეთ ანატოლიაში, მნიშვნელოვნად წაიწია და დაიკავა მთელი რიგი პროვინციები. მათ შორის ერზრუმის ოლქი, სადაც კომპაქტურად სახლობდნენ სომხები. სომხური მოსახლეობა რუსულ არმიას შეხვდა როგორც ოსმალეთისაგან განმთავისუფლებულს და მის მხარეზე გადავიდა. სახელდახელოდ შექმნილი სომხური რაზმები და მოსახლეობის დიდი ნაწილი გადავიდნენ რუსების მხარეს, ესე იგი ოსმალეთის წინააღმდეგ. სამწუხაროდ, რუსეთის არმიამ მეორე - ბალკანეთის ფრონტზე წარმატებებს ვერ მიაღწია, ფაქტიურად დამარცხდა.

ომის დამთავრების შემდეგ, მოლაპარაკების შედეგად, რუსეთის იმპერიას გადაეცა ქართული მიწების ნაწილი - სამცხე-ჯავახეთი, ხოლო რუსეთის არმიის მიერ დანარჩენი, ადრე დაკავებული ტერიტორიები უნდა დაებრუნებინა ოსმალეთისთვის. ოსმალეთის იმპერიის ქვეშევრდომ სომეხთა ცნობილი

ქმედებების პასუხად, ოსმალეთის მთავრობის მხრიდან მათ გარდაუვალი რეპრესიები ელოდათ. ეს გარემოება მაშინდელ სომხურ ელიტასაც ჰქონდათ გათვითცნობიერებული. რუსი გენერალიტეტისა და სომეხთა სამღვდელოების ძალისხმევით, ევროპის წამყვანი სახელმწიფოების მხარდაჭერით, რუსეთ-ოსმალეთს შორის ამ საკითხზე მოლაპარაკება შედგა. რუსეთის მთავრობას, მისთვის გადაცემული, ადრე ოსმალეთის შემადგენლობაში არსებული, ტერიტორიებიდან მუსლიმი მოსახლეობისთვის ოსმალეთში გადასახლებისთვის ხელი არ უნდა შეეშალა. შესაბამისად, ოსმალეთის მთავრობა ვალდებულებას იღებდა რუსეთის არმიის მიერ ადრე დაკავებული ტერიტორიებიდან ქრისტიანი მოსახლეობის გადასახლებისთვის ყოველმხვრივ შეეწყო ხელი. ქრისტიანულ რუსეთს ნაკლებად აწყობდა ახალ მიერთებულ ტერიტორიებზე მუსლიმური აღმსარებლობის მოსახლეობა, ისევე როგორც მუსლიმურ ოსმალეთს - ქრისტიანი მოსახლეობა. რეპრესიების თავიდან აცილების მიზნით, სომხური მოსახლეობა, სხვებთან ერთად, მასიურად გადმოსახლდა რუსეთის იმპერიის მფლობელობაში არსებულ ტერიტორიებზე.

კავკასიის მთავარმმართველის გადანწყვეტილებით, ქართველი თავად-აზნაურების ერთი ნაწილის ნებართვა-დასტურით, სომეხ და ბერძენ ლტოლვილთა დიდი ნაწილი ჩამოსახლეს საქართველოში და კომპაქტურად გაამწესეს სამცხე-ჯავახეთსა და თრიალეთის ზეგანზე. მაიორი ტრაპიზონიანი ძირძველი ისტორიული სამშობლოდან მისი წინაპრების აყრას და სხვა მიწებზე განსახლებას უსამართლოდ მიიჩნევს, გა-

ნიცდის, როგორც პირწავარდნილი ნაციონალისტი, ამიტომ გენეტიკურად უკიდურესად სძულს თურქები და საერთოდ მუსლიმური აღმსარებლობის მრევლი. სხვათა შორის ის ამას არც მალავდა, არაერთხელ უთქვამს და დამმუქრებია კიდეც. კი ბატონო, ეს მისი ნებაა ვინ სძულდეს ან ვინ უყვარდეს, მაგრამ სამსახურებრივი ურთიერთობები აქ რა შუაშია. მას ჩემში, როგორც საიდუმლო თანამშრომელში, არავითარი საბაბი არ გააჩნდა, რომ ეჭვი შეპაროდა ჩემს სანდოობასა და ერთგულებაში. მისი ეჭვიანობა მისი ფსიქოლოგიურ-მორალურ-ნაციონალისტური აზროვნებისა და მდგომარეობის პირდაპირი გამოძახილია და მეტი არაფერი. რაც შეეხება რეზიდენტის უპირობო ნდობის ბოროტად გამოყენებას, ესეც სრული აბსურდი და სისულელეა. ხელმძღვანელობის მითითებითა და ინსტრუქციით მოხდა ჩვენი შეხვედრა-დაახლოება. რეზიდენტურის აგენტურულ ქსელში რიცხული აგენტების უმეტესობა ადრე ჩემთან იყვნენ ოპერატიულ კავშირზე, მე უშუალო მინაწილებას ვიღებდი მომავალი აგენტების შერჩევა-შემოწმებასა და გადაბირებაში. ამ და სხვა დამსახურებისთვის, სათანადო განათლების არქონის მიუხედავად, ოფიცრის ჩინიც მიბოძეს. მე ვიყავი რეზიდენტის თანაშემწე, თანამოაზრე და კურიერი „დიდ მინასთან“. ახლაც, მხოლოდ ჩვენ ორმა ვიცით სამალავის არსებობის შესახებ და მხოლოდ მე - მისი ადგილმდებარეობა, სადაც ჩვენს მოქმედ აგენტებზე საიდუმლო მასალები ინახება და სხვა, კიდეც ბევრი რამ!.. მე არ მჭირდებოდა მისი ნდობის ბოროტად გამოყენება, მე მხოლოდ მის მოსაზრებას დავეთანხმე, რათა ზედმეტი აუთიტირება და უაზრო მითმა-მოთქმა

არ გამოეწვია ამ თემას. მეორეცაა, - რეზიდენტი პირადად იცნობდა ტრაპიზონიანს, მის კაცთმოძულე, ქსენოფობიურ მიდრეკილებას მუსლიმანების მიმართ, მათთან მიმართებაში მის ველურ ბუნებას. ამის შესახებ ჩვენ ღიად გვისაუბრია არაერთჯერ... დიხასაც, მისი კაცთმოძულე, ველური ბუნებიდან გამომდინარე, კაპიტანი ცხოვრებაშვილი ლეგიტიმურად თვლიდა, რომ ტრაპიზონიანი შანსს არ გაუშვებდა ხელიდან, რეზიდენტურის შესაძლო ჩავარდნის საფრთხე სათავისოდ რომ არ გამოეყენებინა, შემდეგ ყოველივე ჩვენს უნიათობაზე, საქმისადმი ზერელე მიდგომისა თუ არაპროფესიონალიზმისთვის დაებრალეებინა. ამ ფონზე კი თავისი პერსონის განსაკუთრებულობას უსვამდა ხაზს და უფროსობის თვალში წარმოჩნდებოდა როგორც პროფესიონალი და საქმისადმი უერთგულესი. რეზიდენტმა სწორედ ამიტომ მიიღო გადაწყვეტილება შექმნილი ვითარების შესახებ მოეხსენებინა ხელმძღვანელობისათვის ტრაპიზონიანის გვერდის ავლით, მით უმეტეს, რომ რეზიდენტისა და რეზიდენტურის საქმიანობა ტრაპიზონიანის სამსახურებრივ კომპეტენციაში არ შედიოდა. რეზიდენტურა მას არ ეხებოდა და არავინ აპირებდა მისთვის ანგარიშის ჩაბარებას. მაიორი ტრაპიზონიანი მხოლოდ ჩემს ოპერატიულ ხელმძღვანელად ითვლებოდა, ისიც ნომინალურად.

- რატომ გაჩნდა ლეგიტიმური ეჭვი, რომ ჩვენს რეზიდენტურას ჩავარდნა ემუქრებოდა?

- თქვენთვის უკვე კარგად ცნობილ ფაქტმა ხანუმთან ჩემი ურთიერთობიდან გამომდინარე, მისი კავშირების წყალობითა

და უშუალო მეცადინეობით მოხერხდა ჩვენი რეზიდენტის ლეგალიზაცია. მან რეკომენდაცია გაუწია რეჯებ დინდარს, ესე იგი მალხაზ ცხოვრებაშვილს მისი მეუღლის მეგობართან და პარტნიორთან - რაშიდ ბეისთან, რომლის კომპანია ამარაგებდა არტაანისა და ყარსის რეგიონებში განლაგებულ კავალერიის ნაწილებს თივითა და ფურაჟით. კომპანიის არტაანის წარმომადგენლობის ხელმძღვანელად, ისევ ფატმა ხანუმის მეცადინეობით, დაინიშნა „ჩემი ბიძაშვილი“ - რეჯებ დინდარი, სტამბოლში განათლებამიღებული გამოცდილი ახალგაზრდა კაცი. ეს გარემოება ჩვენ მოხერხებულად გამოვიყენეთ და რიგი სამხედრო მოსამსახურის გადმოხიზვა მოვახერხეთ, შეხებითობის პრინციპით - საინტენდანტო სამსახურის თანამშრომლები. მაგრამ მოხდა გაუთვალისწინებელი რამ: რაშიდ ბეის კომპანიის მიერ მიწოდებული ფურაჟი გაფუჭებული აღმოჩნდა, - რის შედეგად რამდენიმე სამხედრო ნაწილში ადგილი ჰქონდა პირუტყვის, უმეტესად სამხედრო ცხენების მასიურ დაცემას. სამხედრო პროკურატურამ ფაქტზე დაიწყო გამოძიება, საიდენდანტო სამსახურის თანამშრომლები, მათ შორის რამდენიმე ჩვენი აგენტიც დააპატიმრეს. სწორედ მაშინ გაჩნდა საშიშროება, ვაითუ რომელიმემ ვერ გაუძლოს წამებას ან სასჯელის შემსუბუქების მიზნით პირადი ინიციატივით გამოტყდეს საბჭოთა დაზვერვასთან საიდუმლო თანამშრომლობის შესახებო. ამას რომ ჩვენი დაპატიმრება მოჰყვებოდა, მგონი უტყუარი ფაქტია...

- საქმის მასალებიდან ირკვევა, რომ გარკვეული შეხებითობა ამ საქმეში შენც გქონდა...

- ამხანაგო გამომძიებელო, დახვრეტაზე უფრო იოლად მოვანერ ხელს, ვიდრე მაგ ცოდვას ავიღებ თავზე. ამ საკითხზე მეტს ვერაფერს ვიტყვი, გარდა იმისა, რომ სრული აფსურდია და ბოღვა.

- 1944 წლის ოქტომბრის შუა რიცხვებში შენი ხელმძღვანელობით მოხერხდა ჩვენი რეზიდენტის არტაანის ციხიდან გამოხსნა და საქართველოში უვნებელი გადმოყვანა. საქმის მასალების მიხედვით, ესეც შენი თურქეთის სპეცსამსახურებთან თანამშრომლობის წყალობით მოხდა...

- ამხანაგო გამომძიებელო, დიდი მოწინებით ბოდიშს გიხდით, ერთი შეკითხვა თუ შეიძლება?!

- კი. ყურადღებით გისმენ.

- საქმის მასალებით ირკვევა ან თუ არის რაიმე მტკიცებულება, რომ ჩვენი რეზიდენტი ან რომელიმე დაპატიმრებული აგენტი თურქის სპეცსამსახურებმა გაშიფრეს და ბრალი წაუყენეს შპიონაჟში?

- ჰმ! ნამდვილად ჭკვიანი და საზრიანი ყოფილხარ. შენ წარმოიდგინე, არა...

- აი ხომ ხედავთ, რომ ჩემს წინააღმდეგ საქმე უნიჭოდ და დაუდევრად შეთითხნილია. ჯერ ერთი, თურქეთში მე მიცნობენ როგორც სალიხ დინდარი, რეზიდენტს კი როგორც ჩემს ბიძაშვილს - რეჯებ დინდარს. თურქეთის რესპუბლიკის მოქალაქეებს, ბორჩხის მაზრის მკვიდრებს, წარმოშობით გურჯებს. მეტი არაფერი. საქმის მასალებში არ არსებობს საბუთი ჩვენი რეზიდენტისა თუ სხვა პირების, თურქეთის მოქალაქეების, მათ შორის სამხედრო მოსამსახურეების, საბჭოთა დაზვერვასთან

მხილებს შესახებ. რა დანიტერესება მქონდა, როგორც საბჭოთა დაზვერვის აგენტს, თურქების მიერ გაშიფრულსა და ორმაგ აგენტს, ოპერატიულ თამაშში ჩართულს, თურქეთის მოქალაქის ციხიდან გაპარვის ორგანიზება რომ ვიკისრე. დოკუმენტალურად დადასტურებულად დანიტერესებულმა ორგანოებმა იცოდნენ, რომ რეჯებ დინდარი ჩემი ბიძაშვილია. აზრს არ აყოლებენ ვინც მაგ ზღაპრებს თხზავენ - სად საბჭოთა აგენტი და სად ბორჩხელი რეჯება... და თუ მე გაშიფრული ვარ და არაავითარი სალის დინდარი არ ვარ, მაშინ როგორ იქნება საბჭოთა აგენტი ბორჩხელი რეჯებ დინდარის ბიძაშვილი... კარგი, ვინც შემითხზა ეს საქმე გასაგებია, მაგრამ თქვენ, გამოძიებას ეს ეჭვი არ გაგიჩნდათ ან ნამდვილად თვლით, რომ დიდი ოსმალეთის იმპერიის სამართალმემკვიდრე სპეცსამსახურები ერთუჯრედიანი ბრიყვებითა და სულელი უნიჭო-უნიგნურებით არიან დაკომპლექტებული.

- აბა, აბა, ფრთხილად, დაუკრეფავში არ შეტოპო, მე საქმის მასალებს ვეყრდნობი მხოლოდ.

- კეთილი და პატიოსანი. რაღა მეთქმის... სარკასტულ-დამცინავი ღიმილი შემეყინა გაფითრებულ ტუჩებზე და უმწეოდ თავი ჩავკიდე. ბოლომდე გავისიგრძეგანე, რომ განწირული ვარ, რომ გამოძიება მხოლოდ ფარსია, ჩემი ბედი უკვე გადანყვეტილია. სამართლიანობისა და კანონის დაცვის იმიტაციაა მხოლოდ. ჩემს თავზე გამოვცადე რას ნიშნავს უდანაშაულო ადამიანის განწირვა. მთავარი მისი უდიდებულესობა დანოსია!!!

- ბატონო გამომძიებელო, დიდ ბოდიშს გიხდის, მაგრამ როგორც კაცმა კაცს ერთი შეკითხვა და დავამთავროთ. მე გავითავისე, რომ განწირული ვარ და არაფერი მეშვევლება. არც თავის მართლებას და აღარც თავის დაცვას აზრი აღარ აქვს...

- კი ბატონო, ბრძანე! - სიტყვა „ბატონში“ იმდენი სარკაზმი და ქილიკი იგრძნობოდა, მე სერიოზულად დავვეჭვდი გამომძიებლის ქართველობაში! ამნაირად და ამ დონეზე გადაგვარება და კომუნისტური იდეოლოგიის შესრუტვა-გათავისება? ვაი ჩვენო საქართველო! ვაი ჩვენო გმირო წინაპრებო! ვაი მე!!! დიდი ძალისხმევა დამჭირდა გაოგნება, ემოციები და ურთიერთგამომრიცხავი აზრები მომეთოკა, მაგრამ უნდა მეკითხა...


- ამხანაგო გამომძიებელო, ისე ნუ მომკლავთ ჩემი ბოლო მეწყვილეების - გენჯი აბაშმაძის და ჯივან მიქელთაძის ბედი ვერ გავიგო!

- ერთი წუთით, - გეგონება მომიბოდიშაო, საქალაქდღე გულდასმით მოჩხრიკა, კმაყოფილების ნიშნად ტუჩები აანკლაპუნა და, - გასაგებია. აბაშმაძე და მიქელთაძე ბოლო მივლინებიდან საქართველოში აღარ დაბრუნებულან. არის ეჭვი, რომ თურქეთის სპეცსამსახურების მიერ დაგვებულ მახეში გაებნენ... სხვათა შორის აქაც შენ გივაჟუკაცია. ყოელ შემთხვევაში ძიების მასალებში ასეა... მის ტონში ვერც ირონია შევნიშნე ვერც სერიოზულობა. სიტყვა ითქვა სიტყვისთვის... მხოლოდ!

- გმადლობთ. ბარემ ლონდონიდან დელიმდღე გვირაბის გაყვანაც დამაბრელებთ! კმარა! მორჩით მასკარადს! გააკეთეთ

რაც გადაგინწყვეტიათ. დაკითხვაზე ნულარ დამიბარებთ. მე დუ-
მილის უფლებას გამოვიყენებ!

გამომძიებელმა მგონი კმაყოფილებაც კი იგრძნო, რახან
დავინებდი, ხმაურით დახურა საქალაქდღე, ფაქიზად განასკვა
ზონარი, საქმიანად იღლიაში ამოიღო და ბადრაგი იხმო. იმ-
ნამსვე ხელის აქნევით აღნიშნა, გაიყანეთო და ჩქარი ნაბიჯით
დატოვა დაკითხვის ოთახი.



თავი VI

დაკითხვიდან მესამე დღეს, გვიან ღამით, სხვა საკანში გადა-
მიყვანა. საკანი ორადგილიანი იყო. პირვანდელ საკანთან
შედარებით უფრო ფართე და ნათელი, თორემ ინტერიერით
არაფრით განსხვავდებოდა. ისეთივე რუხი და უღიმღამო იყო.
ცარიელ სანოლზე, ნარზე დავანყე ჩემი ნივთები: ლეიბი,
ბალიში, ზენარი და პირსახოცი. ესენი ახალ საკანში გად-
მოყვანის წინ მომცეს. პატარა თორბაში ჩემი პირადი ნივთები
მელაგა. სათანადო პატივის გაღების შემდეგ ერთმა ჩვენე-
ბურმა კონტროლიორმა ქალაქში შეიძინა და მალულად გად-
მომცა, თორემ სახლიდან ისე ნაჩქარევად და ნაუცბადევათ
გამომიყვანეს, ქვედა საცვალში საგანგებოდ გამოკვრებული
გარკვეული ფულადი თანხის გარდა, რომელსაც შავი დღის-
თვის ვინახავდი, თითზე შემოსახვევი ძაფიც კი ვერ წამოვიღე.
მეორე სანოლზე, უფრო სწორედ ნარზე ერთ ბრგე, თმა-
გაჩეჩილ მამაკაცს ზურგშეცევით ეძინა და ხვრინავდა.

აქ გადმოყვანამდე, ორი დღე-ღამის განმავლობაში, დაკით-
ხვაზე აღარ გავუყვანივარ. ვინეჩი ჩემთვის და ცხოვრების მუხა-
ნათობასა და ავბედითობაზე ვფიქრობდი. არანაირი კონტაქტი
გარე სამყაროსთან არ მქონია. მხოლოდ უშიშროების საგა-
მოძიებო ობოლატორის კონტროლირების გულგრილი, ცივი
და ზოგჯერ უხეში რამდენიმე სიტყვიანი მონოლოგი და ციხის
ბალანდისა და შავი პურის იძულებითი თქვლეფთა, რამე თუ
გავითავისე - თავბედის წყევლა-კრულვა, სხეულის გვემა,
ვიშვიში, შიმშილი ან სხვა პროტესტის რადიკალური, თუნდაც

უკიდურესი ფორმა უაზრობაა და მეტი არაფერი. დავუძღურდები, მორალურად, ზნეობრივად და ფიზიკურად დავძაბუნდები, გავტყდები, რითაც ციხის სასაფლაოს კიდევ ერთ უპატრინო და უსახელო ბორცვს შევმატებ. მე კი საბოლოოდ გადავწყვიტე - რაც არ უნდა დამიჯდეს, უნდა გაუძლო ყველაფერს, მედგრად და შეუპოვრად გადავიტანო ყველა ზენოლა, სიდუხჭირე თუ ფათერაკი... მე არალეგარულმა ცხოვრებამ და მოღვაწეობამ ფიზიკურად გამომბრძმედა და სულიერად გამომანართო, უნდა გავუძლო, უნდა გადავიტანო, უნდა ვიცოცხლო, უნდა დავუბრუნდე შეურყეველი, შეურყვნილი ფსიქიკითა და ნორმალური, საღი ჯანმრთელობით ჩემს ოჯახს, ჩემს მშობლიურ გარემოს, მე მათ ვჭირდები, ისინი მე მჭირდებიან!

ნარზე ლეიბი გავშალე, ჩექმები გავიხადე, წამოვგორდი, თავქვემ ხელები ამოვიდე და ჩავფიქრდი. საბჭოთა ციხეებსა თუ კოლონიების შესახებ საკმაო ლიტერატურა მქონდა წაკითხული, ყოფილი პატიმრებისგანაც ბევრი რამ მსმენოდა, მეტნაკლებად ვერკვეოდი იქ არსებულ წესებსა თუ რეჟიმზე. ისიც ვიცოდი, რომ ასეთ დანესებულებებში ფაქტიურად შიდა ხელისუფლება კრიმინალური ავტორიტეტების ხელშია. ისინი არიან ციხეების, ბანაკებისა და კოლონიების რეალური ბატონ-პატრონები. ადამიანის ბედიცა და სიცოცხლეც კი მათ ხელშია. იქ ვერ დამალავ რეალურ მიზეზს თუ რატომ მიხარ, რა დანაშაულის გამო იხდი სასჯელს. თუ შენი კრიმინალური ბიოგრაფია ან განვლილი ცხოვრების წარსული მათი კოდექსისა და ეთიკის ნორმებში არ ჯდება, მათ ლოგიკაში არ ეტევა,

მაშინ მოგჭამა ჭირი შენმა გოლიათუმა ძალამ, ადრინდელმა სოციალურ-ეკონომიკურმა მდგომარეობამ თუ თავისუფლებაზე ყოფნისას მითვლილმა პრივილეგიებმა და ავტორიტეტმა.

მე მთელი სიგრძე-სიგანით გათავისებული და შეგნებული მქონდა ჩემი რეალური ყოფა და გარემოებანი. სრულად მესმოდა, ბოლომდე გავისიგრძეგანე და გავითავისე, ნებისმიერი სახის სასჯელაღსრულებით დაწესებულებაში ყოველგვარი რანგისა თუ მასტის პატიმარ-ტუსალი თუ გაიგებდა, რომ მე საბჭოთა დაზვერვის სტაჟიანი აგენტი ვარ, თანაც წლების განმავლობაში საბჭოთა რეჟიმის დაცვისა და გაძლიერება-განმტკიცების მიზნით, ზედმინწევნით პირნათლად და შედეგიანად ვასრულებდი სპეცსამსახურების ყველა დავალებასა და მითითებებს, მოგჭამა ჭირი ყველაფერმა, ერთ დღეში გამასალევენ, არც მშველელი, არც ქომაგი და არც გვერდში მდგომი არ გამომიჩნდება. ვის გაუჩნდება სურვილი აგენტთან ურთიერთობის ან ახლო კონტაქტის. არამც და არამც...

სალ გონებაზე განსჯა და სწორი დასკვნების გაკეთებაა საჭირო. მივეყვით ლოგიკას - თვითონ უშიშროების ორგანოები არა თუ მოისურვებენ, არამედ კატეგორიულად არ და ვერ დაუშვებენ ჩემი საიდუმლო თანამშრომლობის გაშიფვრას ან ზოგადად როგორც აგენტის ჩაუარდნას... არასდროს და არავითარ შემთხვევაში ციხის, კოლონიის თუ ბანაკის ადმინისტრაციას არ მიაწვდიან ინფორმაციას ჩემს საიდუმლო კონტაქტებსა თუ დაზვერვასთან რაიმე ფორმით თანამშრომლობის შესახებ.

გარანტირებოლად დარწმუნებული ვიყავი და ინფორმაციის გაუონვისა არ მეშინოდა.

ეს ყველაფერი გასაგებია, მაგრამ მე ხომ ცოცხალი ადამიანი ვარ, რეალურად ვვარსებობ, რეალურად რაღაცის გამო ჩავვარდი, რაღაცის გამო ვიხდი სასჯელს, ბრიყვისთვისაც ცნობილია: აქ ლამაზი თვალების გამო არ ზიან...

რჩება მთავარი: უნდა დავშიფრო ჩემი პიროვნება. უნდა შევძლო სასჯელალსრულების დანესებულებაში მოხვედრის და სამართალში მიცემის რეალური და რაც მთავარია დამატებითი მიზეზების ჩამოყალიბება-შემუშავება და ლეგენდირება. ერთი სიტყვით რომ ვთქვათ, უნდა შევთხზა-შევიმუშავო მარტივი, გამართული, მრავალმხვრივ შესწავლილი-გადამონშებელი და რეალურ ცხოვრებასთან უტყუარად შესამებული და მორგებული ინფორმაცია თუ ვინ ვარ, რატომ მოვხვდი ციხეში და საერთოდ რაზე ვიხდი სასჯელს. მით უმეტეს საბჭოთა კავშირის სისხლის სამართლის კოდექსის 58-ე მუხლით!.. ეს მუხლი კი ავტომატურად „ხალხის მტრად“ გამოცხადებას ნიშნავს. ასი თვალი და ასი ყური უნდა გამოვება. სიფრთხილე, გამჭრიახობა და მოზომილი ქცევა თუ სიტყვა-პასუხი მმართველს.

შევედგე საქმეს! ვარ ის, ვისაც მთელი საზოგადოება მიცნობს - ვამეხ ბაქრაძე, სოციალური წარმომავლობა - გლეხი, აჭარის სოფელ მზიანეთიდან. მყავს ოჯახი - ცოლი და ორი ვაჟიშვილი. თავის დროზე ვირიცხებოდი გენერალ ასლან აბაშიძის რაზმში, ვღებულობდი მონაწილეობას ბათუმისა და აჭარის მხარის თურქებისაგან გათავისუფლებისათვის წარმოე-

ბულ ბრძოლებში. ერთ-ერთი პირველი ჩაგები ახალი ცხოვრების ფერხულში: შევედი კომკავშირში. ჩამოვაცალიბე ახალგაზრდული დამკვრელი ბრიგადა და სოფლის არტელის მოწინავეთა რიგებში ვირიცხებოდით. შემდეგ ადგილობრივი ხელმძღვანელობის რეკომენდაციითა და გადანწყვეტილებით მუშაობა გავაგრძელე ხულოს სატყეო მეურნეობაში, კერძოდ თეთრობი-გოდერძის სატყეოს უფროსი ეგერის პოზიციაზე. ვმუშაობდი მუხლჩაუხრელად. მოხდა ისე, რომ ადგილობრივ ხელმძღვანელს ამ პოზიციაზე მისი კადრის გაყვანა მოუნდა, შესაბამისად ჩემი მოხსნა გადანწყვიტა და მიზგზად აბსურდული ბრალდება წამომიყენა - თეთრობის მოიალაღეებმა უკანონოდ, სატყეო მეურნეობის ნებართვის გარეშე დაამზადეს საშეშე მერქანიო. მე გაკვირვებულმა შევახსენე, რომ ხსენებული ტყის უბანი საკოლმეურნეო ტყეა და არა სახელმწიფო. მაგრამ ჩემს წინააღმდეგ იმანაც იმუშავა, რომ იქ მალაღმთიან, ძნელად მისადგომ ხევ-ხუვებში, კონკრეტულ უბანზე, ორი უწყების ტყეთმფლობელობის საზღვრები ზუსტად არ იყო გავლებულ-განსაზღვრული.

მე გავაპროტესტე. უფროსმა კომკავშირული ორგანიზაციის კომპენტენციაც ბოროტად გამოიყენა და არა მარტო შეძლო მისი განზრახვის გამართლება, არამედ ჩემი კომკავშირის რიგებიდან გარიცხვის საკითხის დაყენებაც. ბრალად დამდეს დაუღვერობა და მავნებლური დამოკიდებულება სოციალისტური საკუთრების მიმართ. ყოველივე მთიელი კაცის ჩვეული სიმძაფრითა და კატეგორიულობით გავაპროტესტე. უკიდურესად შეურაცყოფილმა და გამწარებულმა სატყეო მეურ-

ნეობის უფროსსა და მის დამქაშებს უშვერი სიტყვებით ვაგინე და დავემუქრე, რომ სისხლით მოუნევდათ ჩემი შეურაცხყოფისათვის ზღვევა. შედეგად ახალი იარლიყი მომანეპეს - თანამდებობის პირის შეურაცხყოფა და ანტისახელისუფლებო ლაყობა! იცოდნენ ამ არამზადა ჩინოვნიკებმა ბრალდების შეთხზა და სისხლის სამართლის კოდექსის შესაბამის მუხლთან შეჯერება!.. საბოლოო ჯამში ჩემს წინააღმდეგ შეთითხნილი მასალები აჭარის ავტონომიის სათანადო სამართალდამცავ ორგანოში მოხვდა, იქ კი ჩემი ბრალეულობა ლაკონურად ჩამოაყალიბეს - „დაუდევრობა და მავნებლური დამოკიდებულება სოციალისტური საკუთრების მიმართ. ანტისახელისუფლებო ლაყობა და ხალხის მასებში ანტისაბჭოთა აგიტაციის განწევის მცდელობა“. ასე მოვხვდი ციხეში და „გავინაღდე“ 58-ე მუხლი და „ხალხის მტრის“ იარლიყი. ლეგენდა მრავალჯერ გავატარე გამოცდილი ჩექისტის გონებაში, არაერთჯერ შევაჯერე ფაქტებთან თუ ლოგიკურ შედეგთან და მივიჩნიე, რომ ლეგენდა უბრალო, მწყობრი და უტყუარია, დამაჯერებლურად გამოიყურება... გამთენიისას ნათქვამ-ნააზრევითა და ნანერვიულებით გათანგულს ჩამძინებოდა.

დილით, როგორც ყოველთვის, ზედამხედველ-კონტროლიორის კარებზე ბრახუნმა და შექახილმა გაგვალვიდა - ადგომის დროაო.

ჩემი თანამესაკნეც ზღაზნვით წამოდგა, თვალები მოიფშვნიტა და კონტროლიორს უშვერი სიტყვებით შეუკურთხა. ხელპირი დაიბანა და მხოლოდ ამის შემდეგ მომიბრუნდა:

- ოო, გამარჯობა. აქ მართო არ ვყოფილვარ. მეძინა. ამის გამო ვერ შეგამჩნიე, ბოდიში, - ცალკებად ჩაიდუდუნა და ღიმილი შემომანათა. აუჩქარებელი, გულგრილი და მედიდური ქცევა, ეტყობა ჩემთან ავტირითეტი დასაფიქსირებლად დასჭირდა, - ვიზრე და ჩემის მხვრივ ნიშნისმოგებით ჩავიღიმე. აუჩქარებლად პირსაბანთან მივედი, ხელ-პირი დავიბანე, სხვა საჭიროებანიც მოვითავე და ტაბურეტზე ჩამოვჯექი.

გაცნობა ვერ მოვასწარიო. კონტროლიორმა მხოლოდ ჩემთვის განკუთვნილი ბალანდა შემოდო სარკმლის რაფაზე. მეზობელი კი გასასვლელად იხმო, - გამომძიებელი სასწრაფოდ გიბარებსო. ისიც სწრაფად წამოდგა, ისე რომ საწოლიც არ მოუწესრიგებია.

მთელი დღე მართობაში ვავატარე. მხოლოდ ორჯერ მომაკითხა კონტროლიორმა, სადილ-ვახშმად მთავაზობდა სუფსა და თვაფას.

ჩეკისტური გამოცდილებიდან ვიცი: დაინტერესების ობიექტს სიმართლის დასადგენად ან საჭირო ინფორმაციის წამოსაცდენად სპეციალურად მიუგზავნიან მომზადებულ აგენტს, რომელიც თამაშობს კეთილგანწყობილი და თანამოაზრე პირის როლს, უთანაგრძნობს, ამართლებს, უწონებს ქცევებსა და განზრახვებს, შედის ნდობაში, უსვამს რივ პროვოკაციულ ან მინიშნებად კითხვებს და ლებულობს დაზვერისა თუ ძიებისათვის საჭირო ინფორმაციას. ეჭვის ჭია მიღრღნიდა გულს, ვაი თუ მოგზავნილია, „პოდსტავას“ მიკეთებენ... ისიც მაეჭვებდა, ბალანდა მისთვისაც რატომ არ მოიტანეს, მშიერი კაცის დაკითხვა რა ბედენაა, მეოჟი.

მთელი დღე ამგვარ ფიქრსა და აზრთა ჭიდილში „ნაო-
მარს“ ჩამძინებოდა, უფრო სწორედ, ჩამთვლემოდა. კარის
ბრახუნმა გამაღვიძა. თანამესაკნე შემოაბრძანეს და მჭახე ბრა-
ხუნით კვლავ დაადეს საკნის მასიურ კარს კლიტე...

ჩემი თანამესაკნე უხმოდ მიუახლოვდა მის ნარს, უგემურად,
შეუდგა დილიდანვე აწენილი ლოგინის დალაგებას. მოზო-
მილად, დინჯად იქცეოდა, ეტყობოდა მხედრული სიზუსტე და
მიხვრა-მოხვრა სანოლის გასწორების თუ ტანისამოსის ჩაცმა-
გახდისას. ჩეკისტის დაკვირვებულ თვალს ეს გარემოება არ
გამოეპარებოდა, თორემ ჩვეულებრივი ადამიანი ყოველივე
ამას ყურადღებასაც არ მიაქცევდა.

მე მაშინვე ვიგუჟანე - შემომიგზავნეს უშიშროების სამსახუ-
რის თანამშრომელი ან სპეციალურად მომზადებული აგენტი,
რათა ჩემთან ნდობაში შემოვიდეს, მეც გული გაუხსნა და
გადმოვულაგო სიმართლე, ერთგვარად ამოვალაგო ნადარ-
დევი და სული შევიმსუბუქო. კვლავ დავრწმუნდი ჩემი დიდი
პაპის ნათქვამის სისწორესა და სიზუსტეში: - „ეს ქვეყანა
ტყუილი დუნიაა, წამსვლელთა საბინადრო, ცხოვრება კი
ერთი დიდი თამაშიო“. ცხიემიც თუ თამაში და ყველა სიტყვის
ანონ-დანონა დამჭირდებოდა, ამაზე ყველაზე ნაკლებად
მიფიქრია. ახლა კი ისევ ქართული სხარტულა მომაგონდა: -
„თეთრსა და წითელ ღვინოსა, განა სულ ყველას სმა უნდა,
პირზე მომდგარსა სიტყვასა, განა სულ ყველას თქმა უნდა?!“
მიგიხვდი ჩემო „უბედურობის ძმავ“, მიგიხვდი. მეც ჩემებურ
საკენკს არ მოგაკლებ, გწამდეს!

- გამარჯობა მეზობელო. კარგ განწყობას და მომავალს გისურვებ. ისე შენ უნდა თქვა, უდრტვინველი და ხალასი ძილი მცოდნიაო, მთელი ღამე ფეხიც კი არ გაგიტოკავს, მონოტონური ხვრინვა კი მოსასმენად ერთ რამედ ღირდა!

- აფერუმ მეზობელო, ყოჩაღ, პატიმრის კვალობაზე იუმორის გრძნობა, რომ შეგრჩენია. მე კი მთელი დღე გამომძიებელმა სული ამომხადა. ჯერ დამკითხა, შემდეგ კი საგამომძიებო ექსპერიმენტებზე მახოდილა პორტსა და ბათუმის სასპეკულანტოდ ვარგის მიყრუებულ კუთხე-კუნჭულებში.

- მესმის შენი. მეორე მხრით, რა ვენა ძმაო, დარდი და თავზარის ცემა „ ავნებს ხორცსა, მერმე სულსა“, - უადგილოდ ვესესხე სულმნათ შოთას და ჩემი უეცარი ნაკითხობის თვითონ გამიკვირდა.

- ოო, შენ ამასთანავე ნაკითხი და გონებაგახსნილი კაცი ყოფილხარ, შენთან ნამდვილად არ გამიჭირდება საკნის უღიმღამო ცხოვრება, ალმაცერად შემომხედა, ცალყუბად ჩაიციხა და შეფიცულივით თვალი ჩამიკრა.

- გაიხარე ჩემო ძმაო, აქ სხვა არჩევანი არ გვაქვს, უნდა შევეგუოთ და ვზიდოთ ერთმანეთი!..

- სრულად გეთანხმები, ვაი რომ ასეა, სიმართლეს ღალადებენ ბაგენი შენი. ჩამეცინა. ახლა მე მონუსხულივით ჩავეუკარ თვალი. ეტყობა ისიც მიხვდა, მოთელვა საკმარისიაო და ისე, რომ ჩემსკენ არც მობრუნებულა ჩაილაპარაკა:

- მე მიშა კალიკიდი ვარ, შენ?

- მე ვამეხ ბაქრაძე. კეთილი იყო ჩვენი გაცნობა. თუ რაიმე სახეიროს ერთმანეთს ვერ გავუკეთებთ არც რაიმე გვევნოს, -

დინჯად ვთქვი და ხელი გავუწოდე. მანაც მომიბრუნდა, ხელი შემაგება და დასტურო, - შემომცინა.

- აგაშენა ღმერთმა. თვეზე მეტია ხმის გამცემი არავინ მყავს. მართო ვარ საკანში გამომწყვდეული...

- ეეჰ, თუ კარცერია, ჩემს საკანს ეთქმის კარცერი, სადღაც ჯურღმულში, სარდაფის ბოლოს, ნესტიანი, ტურტლიანი, თანაც ერთ კაცზე გათვლილი...ის იყო რაც იყო...

- მესმის. ახალბედა პატიმრებს იქ ამწყვდევენ ხოლმე. რაც უფრო გაუსაძლისია პირობები ახალი, პირველად სამართალში მიცემული პატიმრისთვის, მით უფრო მძაფრდება მისთვის თავისუფლების საჭიროება და მით უფრო დამყოლი და „პირმორღვეული“ ხდება. მეც გამომიციდია ეგ...

- მიშა, მართალი ხარ. ერთი პირობა ისეთი სასონარკვეთილება და გამოუვალობა ვიგრძენ, თავი მოვიკლა, მეთქი, - ვიფიქრე.

- ეე, თავის მოკვლა რა ბედენაა, ახლა უნდა დადგე თუ დასადგომია, შენ დაიწყე და დიდ შოთას მეც დავესესხები: „ჭირსა შიგან გამაგრება, ესრე უნდა ვით ქვითკირსა“.

- გაიხარე გენაცვალე. გვარი კალიკიდი, რაღაც უცნაურად უღერს, უკაცრავად თუ არ ვიქნები, რომელი ერის შვილი ბრძანდებით?!

- ბრძანება შენდა, რა დასამალ-დასაფარი მაქვს. ნალკელი ბერძენი ვარ. ამჟამად ბათუმელი. შენ?

- მე აჭარელი ვარ. მაღალმთიანი, ბედკრული, გაჭირვებული აჭარის შვილი.

- ესე იგი მუსლიმანი ქართველი ყოფილხარ, გადღეგრძელოს უფალმა! ისე რომ ითქვას, მაგრები ხართ ეს აჭარლები! სამასი წელი ხუმრობა ხომ არაა, ოსმალეთის უღელ ქვეშ გაძლება არ გინდა! რვაჯერ აუჯანყდით ოსმალს ხონთქარს... თვითმმართველობა, ასკერში სავალდებულო განწვევის არშემოღება, ენის, კულტურის, ტრადიციების, ადათ-წესების, ქართული ცხოვრების წესებისა და ნორმების, ქართული მორალისა და თვითშეგნების შენარჩუნება შეძელით... მართალია, სარწმუნოებასთან გამოთხოვება კი მოგიწიათ...

- ეს ასეა ჩემო მიშა. ჩვენ სარწმუნოება დავთმეთ, რომ შეგვენარჩუნებინა ქართული მრწამსი, სული და ცნობიერება... წინაპართა მინა-წყალი. წინააღმდეგ შემთხვევაში ან ამოგვწყვეტდნენ ან გავასახლებდნენ. ვინ იცის სად და მაშინ ნახე ყველაფრის დაკარგვა და სრული გადაგვარება-ასიმილაცია. ჩვენს ძველებს უთქვამთ: „წინდახედული, საზრიანი კაცი ორი უბედურებიდან უმცირესს ირჩევს“.

- მართალი ხარ ვამეხ, მართალი! სარწმუნოება ერთია, ეროვნული თვითმყოფადობის შენარჩუნებაა - მეორე. მიშამ ეს თქვა და ხასიათიც წაუხდა. მაშინვე ვიგუჟანე, მეც არ დავახანე:

- მიშა, შე კაცო, ხასიათი წავიხდა, რა დავემართა?

- შენმა შეგონებამ დამაფიქრა. აი, მე წალკელი ბერძენი ვარ, ძველი პონტოელების შთამომავალი. ჩვენც იგივე ბედი გვეწვია. ოსმალეთმა პონტოს სამეფოც დაიპყრო. თქვენ, აჭარლებმა გვაჯობეთ. სარწმუნოება დავათმობინეს, მაგრამ სხვა დანარჩენი შეინარჩუნეთ. ჩვენ, პონტოელმა ბერძნებმა, სარწმუნოება შევინარჩუნეთ. მაგრამ ენა, ტრადიციები და ბევრი სხვა

რამ დავკარგეთ. ჩვენები ახლაც თურქულად საუბრობენ. ჯერი სარწმუნოებაზეც რომ მიდგა, პონტოელები დაიქსაქსნენ, ვინ სად... ასე მოხდენენ ჩემი წინაპრები საქართველოში, თრიალეთის ზეგანზე.

- თუ უკაცრავსად არ ვიქნები, ერთსაც გკითხავ, რა საქმიანობას ეწევი?

- პონტოელი ბერძნები, ისევე როგორც სომხები ძირითადად ვაჭრობითა და ხელოსნობით ვართ დაკავებული. ჩემები ოდითგანვე ვაჭრობას მისდევდნენ. დიდვაჭრებიც გყავდა. საბჭოთა ხელისუფლებამ ქარვასლები, დუქნები თუ სავაჭრო ფარდულები ჩამოგვართვა და მათი ნაცონალიზაცია მოახდინა. მიწის მუშაშად არ დაბადებულაო პონტოელი, ამბობენ. ასე იყო თუ ისე, ბაბუაჩემი ბათუმში გადმოსულა და ვაჭრობისთვის მიუყვია ხელი.

- შენც ვაჭრობის სფეროში ხარ დასაქმებული?

- რა თქმა უნდა. ვმუშაობ ბათუმის ერთ-ერთ უნივერსიტეტში საქონელმცოდნედ.

- რა გინდა ძმაო, კაი სამუშაო კი გქონია, როგორც მთიან აჭარაში ამბობენ - „მოთოხნე და მოცოხნეო“, კაი ბაგაზე კი ბმულხარ, მეტი რა გინდა?! აქ რას აკეთებ, როგორ მოხდი ამ ჯურღმულებში?

- იოლია სათქმელად. მიზერულ ხელფასზე ქალაქში შეძლებულად ვერ იცხოვრებ. არ მითხრა ახლა, რად გინდა კაი ცხოვრებაო. ჰოდა ჯერ გადამყიდველობა - სპეკულანტობას მოვკიდე ხელი, შემდეგ კი მადამ მსძლია - კონტრაბანდას შევეჭიდე... პორტში სანდო ხალხი გავიჩინე, შესაბამისი კავშირე-

ბი დავამყარე, უცხო და საბჭოთა გემების ეკიპაჟის წევრებთან ავანწყეთ აღებ-მიცემობა.

- კონტრაბანდისტები ჩვენთან, მთიან აჭარამიც იყვნენ. ადრე ეგრეთ წოდებულ „მწვანე“ საზღვარზე ჩალიჩობდნენ. ბევრი დააპატიმრეს 30-იან წლებში... შენ როგორღა ჩავარდი?

- ქართული ანდაზისა არ იყოს - „კოკა წყალს ყოველთვის არ მოიტანსო“, სწორედ ასე მოხდა. ვილაცას არ მოეწონა ჩემი საქმიანობა და დანოსი მიიტანა „სადაც არს“. ჭკუფი სრულად აიყვანეს. გამოძიება ჯერ არ დამთავრებულა.

- თუ უკაცრავად არ ვიქნები, მინდა გკითხო, შენი პირველი პატიმრობაა? - გამოგიტყდებით, ერთთავგვარ აზარტში შევედი, როცა სხვისი ბედით დავინტერესდი, თანაც გამოცდილი პატიმარი მჭირდებოდა, მე ხომ ციხის ცხოვრებას, პატიმართა ურთიერთობებს, ქცევის წესებს თუ სხვათა შესახებ მხოლოდ წიგნში წაკითხულით, სხვების მონაცემებით ვიცოდი ან საერთოდ ვერ ვერკვეოდი.

- საუბედუროდ არა, ჩემო ვამეხ. ეს უკვე მესამე პატიმრობაა - „ხოდკა“, ციხის ტერმინით თუ ვიტყვით. შენ?

- მე კი პირველად. ისიც მგონი დიდ გაუგებრობასთან მაქვს საქმე. არაფერი, რის გამოც კაცის დაპატიმრება რომ შეიძლება არ ჩამიდგინია. ხელები გავასაფსავე და მის რეაქციას დაველოდე.

- მართალი ხარ. მაღალმთიან ზონაში მიწათმოქმედებისა და მეცხოველოების მეტი არის რამე თუ? არტელის ხარ-ძროხა ან თხა-ცხვარი ხომ არ მოგიპარია, ბიჭო? - სიტყვა „ბიჭო“ ამ შემთხვევაში გაშინაურებას უფრო ნიშნავდა, რადგან ამის თქ-


მის შემდეგ მეგობრულად წამომარყტა მხარზე. ნამდვილად ვგრძნობდი, მიშა ჩემს კეთილგანწყობის მოპოვებას და გაშინაურებას ლამობდა.

- არა კაცო, რა არტელის პირუტყვი. მე სატყეო მეურნეობაში ვმუშაობდი, სახელმწიფო ტყეს ვიცავდი.

- სამასალე ხე-ტყეს თუ გაყიდდი „ლევად“ ე.ი. უსაბუთოდ, თორემ ჩვენს ტყეებში იმდენი ნადირი სადაა, ბრაკონიერობა რომ დაგენყო, - მიშამ ირონია არ დაიშურა.

- არა კაცო, რა სამასალე ხე-ტყე ან მერქანი, მოიალაღეებმა შეშა დაამზადეს და უბანი სახელმწიფო ტყის კუთვნილება აღმოჩნდა, - ერთი სიტყვით მიშას მთელი სერიოზულობითა და დამაჯერებლურად მოუყევი ღამით შეთხზული და ლეგენდირებული ზღაპარი. მიშა ჯერ ჰაიჰარად მისმენდა, შემდეგ კი ჩემი ნაამბობისადმი ცხოველი ინტერესი გამოიჩინა. მიუხედავად მცდელობისა, ვაკვირვებას ვერ მალავდა, მე კი მის ყველა უესტსა და მიმიკას ვაკვირდებოდი.

საბოლოო ჯამში ეგზომ სასარგებლო და ჩემი ეჭვების სრულად დამადასტურებელი დასკვნა გავაკეთე - მიშა ნამდვილი „პადსტავა“, ნამდვილად მომიგზაუნეს. კოვზი ნაცარში ჩაუვარდა სანყალს. ის ჩემგან აღსარებას ელოდა და არა საგანგებოდ შეთხზულ, მაგრამ სრულიად რეალისტურ და სიცოცხლისუნარიან ზღაპარ-ლეგენდის მოსმენას...



თავი VII

მე და მიშა კალიკიდი კიდეც დიდხანს ვსაუბრობდით. ბოლოს ჩემთვის ეგზომ საინტერესო და საჭირობოროტო თემას შევჩებოთ:

- მიშა ბატონო, მე არასდროს არ ვყოფილვარ თავისუფლების შეზღუდვისა თუ აღკვეთის ადგილებში, შენ კი მესამედ წარსდგები სამსჯავროზე. ციხეებზე და იქ გამეფებულ მდგომარეობაზე კი მსმენია, მაგრამ მაინც ბუნდოვანი წარმოდგენა მაქვს, თუ შეიძლება „გამანათლო“ ამ მიმართულებით. მესმის, შეგონება - „არ ცოდნა, არ ცოდვაო“ აქ უადგილოა. კრიმინალური სამყარო არ პატიობს არცერთ სიტყვას და ქმედებას... ძმობას, თუ არ დაზარდები, მომიყევი ამის შესახებ!..

- ჩემო ვამეხ, ვატყობ გულადი და თამამი კაცი ხარ. რამდენადაც დიდი ცხოვრებისეული გამოცდილება გაქვს, იმდენად ნაკლებად ერკვევი ციხის ცხოვრებასა თუ კრიმინალურ სამყაროში დამკვიდრებულ ყოფასა და კანონებში. მომეწონე როგორც კაცი და პიროვნება. არ მინდა მათი უნებლიე მსხვერპლი გახდე, თორემ განსჯა-ანალიზის უნარი არ გაკლია. ღმერთმა უხვად მოგმადლა ყოველივე. პირველ რიგში ზოგი რამ უნდა იციდე კრიმინალური ავტორიტეტისა და საერთოდ კრიმინალური სამყაროს შესახებ. ისე ციხე-კოლონიებში თავს ვერ გაიტან. სულ არაფრისთვის შეიძლება გაგაფუჭონ ან სიცოცხლეს გამოგასაღმონ.

- მიშა ბატონო, დიდად დავალებული დავრჩები თუ შენგან სათანადო ცოდნასა და გამოცდილებას შევიძენ!

- კი ბატონო, მაშინ ყურადღებით მომისმინე: კრიმინალი ადამიანთა მოდგმის განუყოფელი ატრიბუტი იყო. პირველი ადამიანის - ადამის უფროსმა ვაჟმა კაენმა უმცროსი აბელი შურის გამო მოკლა. აქედან მოყოლებული კაცის კვლა, ყაჩაღობა, ქურდობა, ძარცვა-გლეჯა და სხვა დანაშაულებრივი ქმედებები კაცობრიობის ისტორიაში ყოველთვის იყო. ოღონდ იმ განსხვავებით, რომ ზოგჯერ კრიმინალი მინავლდებოდა, ზოგჯერ კი ახალი ძალით იფეთქებდა და ცივილიზებულ სამყაროს თუ საზოგადოებას წალეკვით ემუქრებოდა, ძირითადად იმაზე იყო დამოკიდებული თუ რა ფორმებითა და მეთოდებით ან სიმკაცრით ებრძოდა ამა თუ იმ ქვეყნის გაბატონებული მმართველი ელიტა თუ ხელისუფლება. ასე იყო საქართველოსა და რუსეთშიც.

- მსმენია, როგორც ციხეებსა და კოლონიებში, კრიმინალს აკონტროლებს კანონიერი ქურდი. მისი ძალაუფლება განუმეღია. ის კრიმინალური სამყაროს ფაქტიური მეფეა. ვინ არიან კანონიერი ქურდები, საიდან იწყება მათი სათავე?

- კი ბატონო, ამ საკითხით მეც მრავალგზის დავინტერესებულვარ, სათანადო ინფორმაციის მოძიებაც კი შევძელი: საბჭოთა კავშირში კრიმინალური ტალღა განსაკუთრებით გააქტიურდა მეოცე საუკუნის ოცდაათიან წლებში. საბჭოთა ხელმძღვანელობა დარწმუნდა რა, რომ კრიმინალური სამყაროს მოსპობა ან განეიტრალება შეუძლებელი შეიქნა, გადაწყდა კრიმინალური სამყაროს ელიტის, რაღაც ფორმით გაკონტროლება. ამ პროცესს უშუალოდ ხელმძღვანელობდა იოსებ სტალინი. მან 1929 წელს მთავარი პოლიტიკური სამმართვე-

ლოს თავმჯდომრის პირველ მოადგილეს ჰ.იაგოდას მისცა შესაბამისი დავალება. ჰ. იაგოდამ ზედმინვენით შეისწავლა წამყვანი ქვეყნების კრიმინალური პოლიციის გამოცდილება, განსაკუთრებით კი გერმანელი მოღვაწის - ვილჰელმ შტიბერის გამოცდილება.

ვ.შტიბერმა თავის დროზე შექმნა პრუსიის დაზვერვა, კონტრდაზვერვა და კრიმინალური პოლიცია.

მან შეიმუშავა დამნაშავეობასთან ბრძოლის საკუთარი მეთოდი. ის ამტკიცებდა: „კრიმინალის მოსპობა შეუძლებელია. დანაშაული იყო, არის და იქნება. ამიტომ აუცილებელია კრიმინალური სამყაროს კონტროლი. საამისოდ კი ერთადერთი გზა არსებობს: ჩვენს კონტროლქვეშ უნდა მოექცეს კრიმინალური ელიტა“.

საამისოდ ვ.შტიბერმა უდიდესი სამუშაო გასწია. მან საგანგებოდ შეისწავლა ინდოეთში არსებული ქურდული კასტების სტრუქტურა, ზნე-ჩვეულებანი. ასე ჩამოყალიბდა კრიმინალური სამყაროს ელიტის პორტრეტი.

კრიმინალური ელიტის მოდელი შემდეგში მდგომარეობდა: „არა ოჯახი, არა გაზეთები არა წიგნები, არა მთავრობასთან თანამშრომლობა. ეს უკანასკნელი, რასაკვირველია, დეკლარაციულ ხასიათს უნდა ატარებდეს. ელიტა ძირითადად ჩვენი ან ჩვენს კონტროლქვეშ მოქცეული პირებისგან უნდა შედგებოდეს, რომლებიც გაარჩევენ საქმეებს, გაყოფენ ნადავლს, დასჯიან იმათ, ვინც თავის თავზე მეტისმეტად ბევრს იღებს ან ჩვენ დაგვეხმარებიან მათ დასჯაში“.

აღნიშნული მოდელი გერმანიაში წარმატებით განხორციელდა. კრიმინალმა იკლო. მთავრობა აკონტროლებდა დამნაშავეობის სიტუაციას.

შტიბერისეული მეთოდი რუსებმაც გადმოიღეს. „ქურდი“ - ასე ეწოდა რუსული კრიმინალური სამყაროს ელიტის წარმომადგენელს.

ჰ.იავოლამ მიზანშეწონილად მიიჩნია ხელისუფლების აქტიური ძალსხმევით კრიმინალთა ახალი ელიტის შექმნა. წარმოდგებოდა ქურდის ახალი ტიპი, რომელიც კანონის კონტროლქვეშ იქნებოდა.

ასე გაჩნდა ტერმინი „კანონიერი ქურდი“. მალე ვორკუტისა და მაგადანის ზონებში გაჩნდნენ პირები, რომლებიც თავს კანონიერ ქურდებს უწოდებდნენ. კანონიერ ქურდს ეკრძალებოდა ოჯახის ყოლა, პოლიტიკაში მონაწილეობა, გაზეთებისა კითხვა. კანონიერ ქურდად შეიძლებოდა ეკურთხებინათ მხოლოდ ის პირი, რომელიც რამდენჯერმე იქნებოდა ნასამართლევი. კანონიერი ქურდები საგანგებო „სხოდკაზე“ წყვეტდნენ თუ კანდიდატი რამდენად იმსახურებდა კანონიერი ქურდის ტიტულს. კანონიერი ქურდი ხელშეუხებელი პირი იყო. ყველა, ვინც მას შეეხებოდა, სასტიკად ისჯებოდა.

- რა უფლებებით სარგებლობდნენ კანონიერი ქურდები?
- კანონიერი ქურდები ციხეებსა და ზონებში თავს შეფუებად გრძნობდნენ. ისინი არ მუშაობდნენ. ჰყავდათ ამალა. გააჩნდათ ძალაუფლება ადამიანთა გარკვეულ ჯგუფებზე.
- თავად კანონიერი ქურდები ვის ემორჩილებოდნენ?

- თავად კანონიერი ქურდები უმკაცრესი ზედამხედველობის ქვეშ იყვნენ. ქურდი, რომელიც გამოდიოდა კონტროლიდან, კარიერას სავალალოდ ამთავრებდა. მას ან „აფუჭებდნენ“ ან ფიზიკურად უსწორდებოდნენ. ასევე სავალალო იყო იმ ქურდის ხვედრი, რომელიც აღარ სჭირდებოდათ. საბოლოოდ, კანონიერი ქურდები მათივე ძმაკაცების ან მილიციელების ტყვიის წერა ხდებოდნენ. ბედნიერი იყვნენ ისინი, ვინც ნაადრევად დაბერებულნი, ავადმყოფნი, ჭუჭყსა და სიბინძურეში ასრულებდნენ სიცოცხლეს. მათ ადგილს ახალგაზრდები იკავებდნენ, თინალი კი უცვლელი იყო.

- ამჟამადაც ასეა, ყველა კრიმინალური ელემენტი კვლავინდებურად ექვემდებარება კონტროლს?

- მეორე მსოფლიო ომის დროს კრიმინალურმა აფეთქებამ მოიხვედრა მთელი საბჭოთა კავშირი. გამოჩნდნენ ისეთებიც, რომლებმაც აღარ მოისურვეს დადგენილი წესებით თამაში. ყოფილ ფრონტელებს გაუტკბათ იარაღი, ისინი ძარცვავდნენ მაღაზიებს, მდიდარ ბინებს, მხეცურად უსწორდებოდნენ ყველას, ვინც გზაზე გადაელობებოდათ. ასეთებს „ბესპრედელშიკებს“ უწოდებდნენ, რადგან ისინი არც ხელისუფლებას ცნობდნენ და არც კრიმინალური სამყაროს ავტორიტეტებს. მათ მიმართ მთავრობამ ჩამოაყალიბა საგანგებო დამოკიდებულება: „ბესპრედელშიკი“ უნდა მოკვდეს!

- გასაგებია. ამ კატეგორიის დამნაშავეებს ყველას ვერ განყვეტდნენ, მათი საქმიანობა კოლონიებსა და ბანაკებშიც გავრცელდებოდა!

- რა თქმა უნდა. ციხეებსა და კოლონიებში მათმა გამოჩენამ მკვეთრად გააუარესა კრიმინალებს შორის დაპირისპირება. მუდმივ ჩხუბსა და ქიშპში არიან დღესაც. ჩხუბი და ხოცვა-ჟლეტაც კი მათ შორის ჩვეულებრივი მოვლენაა...

- კლასიკურმა კრიმინალურმა ელიტამ თუ განიცადა მეტამორფოზა?

- კი. თანაც ძალიან მკვეთრად. მკაცრად განისაზღვრა დაუნერვლი კანონი - ქერდული ღირსების კოდექსი. მას საფუძვლად დაედო ძველი ქერდული გავების მცნებები. ამჟამად ქერდული კოდექსის ძირითადი პოსტულატები შემდეგია: არ იმუშაოს არც ციხეში და არც თავისუფლებაზე ყოფნისას; არავითარ შემთხვევაში არ ითანამშრომლოს ხელისუფლებასთან, განსაკუთრებით სამართალდამცავ ორგანოებთან; არ მოატყუოს თავისიანები; არ აიღოს ხელში იარაღი, ე.ი. არ იმსახუროს შეიარაღებული ძალების რიგებში; არ ჰქონდეს საკუთარი ქონება; არ შექმნას ოჯახი, რათა არ მიიღოს საბუთები და არ დაასმევინოს სადმე ბეჭედი; არ აუნოს მარტოხელებს, ღარიბებს, გაუბედურებულებს; ის თავისუფალი ნების მატარებელია, საკუთარი თავის მეუფე; არ დაღვაროს სისხლი, არ მოკიდოს ისეთ საქმეს ხელი, როცა სისხლის ღვრა გარდუვალია.

კვლავინდებურად ნათლავენ ან გვირგვინს ადგამენ კანონიერი ქერდების „სხოდკაზე“, რის შემდეგაც უკეთებენ სპეციალურ ტატუს - რვაქიმიან ვარსკვლავს. ყველა კანონიერ ქერდს აქვს საკუთარი „პაგანილო“ - პირობითი სახელი, გინა ზედმეტი სახელი, რომლითაც იცნობენ კრიმინალურ სამყარო-

ში. ყველა კანონიერ ქურდს ან დანაშაულებრივ დაჯგუფებას აქვს თავისი ქურდული საღარო, ეგრეთ წოდებული „ოფშიაკი“, ურთიერთდახმარების ფონდის მსგავსი რამ. ფონდს ხელმძღვანელობს კრიმინალური ავტორიტეტი, სახსრების განკარგვა ხდება კანონიერი ქურდის გადანყვეტილებითა და უშუალო მითითებით.

- როგორც სწორად გაგიგე კრიმინალური სამყარო ორ ჯგუფად, გინდა კასტად იყოფა: ქურდული სამყარო და სისხლის სამართლის დამნაშავეთა სამყარო...

- სრული სიმართლეა. ქურდულ სამყაროში მოიაზრებიან ქურდული გაგების მიმდევრები. მათ პრინციპებსა და პოსტულატებზე უკვე ვისაუბრეთ. მათი გაგებით ყველაზე „პრესტიჟულ“ და გავრცელებულ დანაშაულთა ჩამონათვალია: ჭიბის ქურდები, ბინის ქურდობა, ბინების საკეტებისა და სეიფების გასაღების და კლიტეების ოსტატი (ეგრეთ წოდებული „მედვეჟატნიკი“), ბანკის და სხვა საფინანსო დაწესებულების ან ფოსტის „გატანა“- ძარცვა.

სისხლის სამართლის დამნაშავეთა სამყაროს წარმომადგენლები ძირითადად „ბესპრედელშიკები“ - თავზეხელაღებულიები, ნაძირლები ე.ი. ქურდული სამყაროს ტერმინოლოგიით თუ ვიტყვი „სუკი“, გინდა „ბოზები“. მათ დანაშაულებრივ ჩამონათვალში მოიაზრება: ბანდიტიზმი, რეკეტი, ყაჩაღობა, ხოცვა-ჟლეტა, ძალადობა, გაუპატიურება, სადამსჯელო და წამების ჯგუფებში მონაწილეობა პრინციპით - გადავრჩენებისმიერ ფასად. თანამშრომლობა სასჯელალსრულების დაწესებულების ადმინისტრაციასთან კომფორტის, პრივი-

ლეგიებისა თუ შეღავათების მიღების მიზნით, სხვა პატიმრების დასჯა, დამონება, ლიკვიდაცია, ქილერობა, კაცის კვლა, შეკვეთილი მკვლევლობები.

ოდითგანვე ქურდული სამყაროს წარმომადგენლები და თავგზეულადებულები ანუ ნაძირლები ერთმანეთზე გადაკიდებულნი არიან.

- ბატონო მიშა, ვიცი დაგდალე ჩემი ცნობისმოყვარეობითა და ამომწურავი ინფორმაციის ცნობისნადილით, მაგრამ კიდევ ერთი, ჩემი აზრით მთავარი შეკითხვა დამრჩა: ამჟამად სამყარო რომელი მასტისა და კასტის დამნაშავეებს აერთიანებს?

- ამასაც მოგახსენებ: პირველი, ყველაზე მაღალი კასტა არიან ე.წ. «ბლატნოები». როგორც წესი ისინი თავისთავს ასე არ უწოდებენ. მათ მოსწონთ ასეთი ტერმინები: „ბრატვა“- საძმო, „არესტანტ“- ტუსაღი, „ბრადიაგა“ - მანანწალა, „ჟულიკი“ - თაღლითი. ესენი პროფესიონალი დამნაშავეები არიან. მათი „პროფესიული კარიერის“ სავალდებულო ეტაპებია ციხეები და ბანაკები. ბლატნოების კასტაში უფროსი „პახანიაა“ - ქურდული ავტორიტეტი. პახანის გარემოცვაში არის რამდენიმე ბლატნოი, ყოველი მათგანი თავისი საქმითაა დაკავებული: ზოგი „მუჟიკებს“ აკონტროლებს, ზოგი საერთო სალაროს - „ობშიაკს“ და ასე შემდეგ. მათ ავტორიტეტებსაც უწოდებენ. პახანს და მის გარემოცვას ჰყავს გვარდია: ათლეტები, მებრძოლები, გლადიატორები. ბლატნოი ყველა პატიმარი ვერ გახდება. უპირველეს ყოვლისა, ის უნდა იყოს სუფთა სახელით თავისუფლებებში ყოფნისას. უმაღლესი კასტისკენ გზა გადაკეტილი ჰქონდათ მათ, ვინც მსახურობდა არმიამში, ვინც ერთ-

ხელ მანც ზონაში ყოფნისას გავიდა სამუშაოზე. ბლატნოს ზონებში აქვთ რიგი პრივილეგიები - უფლება არ იმუშაონ, დაიტოვონ ოფისიდან ის, რის დატოვებასაც ჩათვლიან საჭიროდ. ბლატნოებს აქვთ თავიანთი ვალდებულებებიც: სამართლიანი, სწორი პახანი ვალდებულია აკონტროლოს, რომ ზონაში „გრევი“ შემოდიოდეს. ე.ი ზონამ არალეგალური გზებით უნდა მიიღოს სურსათი, ჩაი, თამბაქო, არაყი, ტანსაცმელი. პახანი ასევე ვალდებულია მოაგვაროს სხვა პატიმართა შორის წარმოქმნილი დავები, მათ შორის არ დაუშვას შეტაკებები, ასევე თავისიანებს შორის, გააკონტროლოს ზონაზე წესრიგი და წესები, რათა საძმომ მშვიდად იცხოვროს და არ იშიშვლოს.

მეორე, ყველაზე მრავალრიცხოვანია „მუყიკების“ კასტა. ესენი ზონაში შემთხვევით მოხვედრილი ხალხია. ერთი ცოლმა დააჟინა ლოთობისათვის, მეორემ რალაც წვრილმანი რამ მოიპარა, მესამემ იჩხუბა და ასე შემდეგ. მუყიკს ზონაში ხელისუფლებაზე პრეტენზია არ აქვს, არავისი მოსამსახურე არაა, ადმინისტრაციასთან არ თანამშრომლობს, მათ ასევე არ შეუძლიათ ბლატნოების საქმეებში ჩაერიონ, საქმის გარჩევებისას ხმის უფლება არ გააჩნიათ. რა თქმა უნდა, მათ შორის ფრიად დაფასებული ხალხიცაა, რომლთა აზრს ბლატნოები ყურად იღებენ. ერთი სიტყვით, მუყიკები ის კატეგორიაა, რომლებიც სასჯელის მოხდის შემდეგ აპირებენ დაუბრუნდნენ ნორმალურ ცხოვრებას და პატიოსან შრომით საქმიანობას.

მესამე კასტაა ე.წ. „კოზლი“ (თხები). ისინი სასჯელალსრულების დაწესებულების ადმინისტრაციასთან ღიად თანამშ-

რომლობენ. ისინია, ვინც დათანხმდა იმუშაოს სამეურნეო საქმეების გამგებლად, კლუბის გამგედ, ბიბლიოთეკარად. ეს ის პირებია, რომლებმაც გამოსწორების გზას დაადგინეს. გამყიდველებს ყველგან ცუდად ეპყრობიან. ზოგადად გამყიდველები არავის უყვარს. იმასაც თუ გავითვალისწინებთ, რომ ყველა დაწესებულებაში პატიმრებსა და ადმინისტრაციას შორის ყოველთვის ცივი ომია გამართული, მათდამი უარყოფითი დამოკიდებულება ახსნადია. კობლებთან შეიძლება მისაღმება, ურთიერთობები ე.ი საუბარი, მათთან შეხებას შეიძლება, მაგრამ საერთო საფიხვნოზე მათ არ უშვებენ.

მეოთხე კასტაა ე.წ. „პეტუხი“ - ყვინჩილები. ისინი ყველაზე დაბალი კასტაა. ესენია: „ობიჟენიე“- განანყენებულები, „ოპუშენიე“-დაჩმორებულები, „პიდორი“- ჰომოსექსუალისტები და სხვა. ეს გარიყულთა კასტაა - „იზგოი“. გაუკარებლები, მოკვეთილები, გარიყულები. მათ შორის არიან პასიური ჰომოსექსუალისტები და ისინი, ვინც სხვადასვა მიზეზის გამო გააუპატიურეს. მათ დონეზე ზონაში არიან შუალედური კასტა - „ჩუშკი“ - დედალორები და „ჩერტი“ - ემმაკები. მათ შორის განსხვავებაა, რომ ამ უკანასკნელებს, როგორც პასიურ ჰომოსექსუალისტებს, ისე არ იყენებენ. ისინი უბრალოდ შეუხებლები არიან. მათთან კონტაქტი და გაკარებას კი სამარცხვინო და დაუშვებელია. ციხეებში ჰომოსექსუალიზმი ყოველთვის იყო. ის თავის დროზე, როგორც წესი, ნებაყოფილებითი იყო, მაგრამ დროის რაღაც მომენტიდან ის დასჯის ყველაზე ამაზრზენ ფორმად იქცა.

- მე ბრალი დამდეს დანაშაულში, რომელიც სისხლის სამართლის კოდექსის 58-ე მუხლითაა დასჯადი. მე რა ბედი მელის? როგორ მოვიქცე?

- სისხლის სამართლის კოდექსის 58-ე მუხლით გასამართლებულებს „პოლიტიკურებს“ უწოდებენ. ადრე ძალიან ცუდი ხვედრი ელოდათ „ხალხის მტრებად“ შერაცხულ „კონტრას“... მათი მასიური განადგურება ხდებოდა როგორც კრიმინალური სამყაროს, ასევე სასჯელაღსრულების დაწესებულების ადმინისტრაციის მხრიდან. ამჟამად სიტუაცია მკვეთრად შეცვლილია - კრიმინალები და პოლიტიკურები ნეიტრალიტეტს იცავენ, ერთმანეთის საქმეებში არ ერევიან და თავთავიანთ „ოჯახებად“ – „სემეიკად“ ცხოვრობენ. შენთვის მთავარია შენიანთან შეძლო საერთო ენის გამონახვა და დამეგობრება. იყავით მეგობრულად, ერთ მუშტად, ერთ-სისხლ და ერთ-ხორც, მაშინ ვერაფერს ვერაფერს გაგიბედავთ, ძალა ერთობაშია. არასდროს არ ჩაერიო „ბლატნოებისა“ და „მუჟიკების“ საქმეებში. ეცადე „ბოზებისა“ და „ყვინჩილებისაგან“ თავი ყოველთვის შორს დაიჭირო. არ იახლობლო, არ დაუახლოვდე, არც სიტყვით და არც ფიზიკური კონტაქტით, ერთი შეხება ან ხელის ჩამორთმევა და, „შენი“ 58-ე მუხლი ვეღარ დაგიცავს, გაგწირავს ყველა... ფრთხილად და საზრიანად იყავი. სანამ რამეს გადაწყვეტ, მოიმოქმედებ ან იტყვი, ასჯერ გაზომე, გააშალაშინე, გაანალიზე და გაშიფრე. შენ ამის უნარი შეგწევს.

- დიდი მადლობა, ბატონო მიშა. შენ კრიმინალური სამყაროს ავან-ჩავანს მაზიარე. სირცხვილი არაა ამისთანა კაპი კონტრაბანდისტისთვის იჯდეს. მას თავისუფალი კომერციის საშუა-

ლება უნდა მისცე, ხალხსაც წაადგება და ცალკეულ საქონელზე ხელოვნურად შექმნილი დეფიციტის ადარ იქნება.

- მართალია, ისე ამბობენ მწვანე საზღვარზე კონტრაბანდისტული საქმიანობა უფრო იოლია. ამსიგრძე საბჭოთა კავშირ-თურქეთის სახმელეთო საზღვარს, გამავალს მთებზე, უღრან ტყეებში, ხევ-ხუვებზე და კლდე-კაპანებში ვერანაირი მესაზღვრე ფიზიკურად ვერ დაიცავს და გააკონტროლებს. აი, თურქეთის მხარეს, რომ შეიძინო სათანადო კავშირების ხალხი და საზღვარზე გაჭრა კონტრაბანდისტის ბილიკი, მაშინ ნახე როგორ აენცოს საქმე... ფული მდინარესავით გადმოდიდება... შენ, როგორც აჭარელს თურქული ენა გეცოდინება... ხარ თურქეთის ტერიტორიაზე ნამყოფი?

- მიშა მე დურგალი ვარ და არა კონტრაბანდისტი. თურქეთთან საზღვრის ჩაჭრამდე ისტორიული იმერხევი, შავშეთი, ლივანა, არტაანი, ართვინი და ტაო-კლარჯეთის დიდი ნაწილი რუსეთის იმპერიის შემადგენლობაში შედიოდა. მხოლოდ 1921 წლის ჯერ მოსკოვის, შემდეგ კი ყარსის ხელშეკრულებებით გადაეცა თურქებს... მანამდე ძირძველი ქართული მიწები საქართველოს შემადგენლობაში იყო და რა თქმა უნდა, შავშეთ-იმერხევეში თუ სხვაგან ჩვეულებრივ თავისუფლად გადავაადგილდებოდით. იქ მე და მამაჩემმა ბევრი ოდა-სახლი თუ სამეურნეო ნაგებობები დავდგით, ცხონებული პირველი მეუღლეც იმერხეველია. სიმართლე გითხრა, ვაჭრობაზე და მით უმეტეს კონტრაბანდაზე, არასდროს მიფიქრია, ეგ არაა ქართველის ხელობა. მე სახლებს ვაშენებდი და ხალხს მომავლის რწმენასა და სიხარულს ვჩუქნიდი.

- როგორც ვიცი სახელმწიფო საბჭოვარი მეოცე საუკუნის 30-იანი წლების დასაწყისში საბოლოოდ ჩაიკეტა. მას შემდეგ პირველი ცოლის ნათესავეებთან თუ გქონია კონტაქტი? ან ვინმე ხომ არ გწვევია სტუმრად?

- არა. არც დავუშვებდი. მე კანონმორჩილი მოქალაქე ვარ, მეორე, იქაური ნათესავეები უკვე უცხო ქვეყნის ტერიტორიაზე ცხოვრობენ და მათთან კონტაქტით რატომ გავირთულებდი საქმეს ან საციხოდ რატომ გავიხდიდი თავს... ჩემი არ მყოფნის ასეთი მძიმე მუხლით ბრალს მდებენ და არავინ იცის დახვრეტას თუ გადავურჩები. რამე რომ მქონდეს დასამალი კი ბატონო, ამისთანა ამავიან და მზრუნველ აღამიანს როგორ დავგიმალავდი რამეს. ის, რაც ადრე მოგიყევი წმინდა წყლის სიმართლეა.

მიშა გაოცებას ვერ მალავდა, თუ როგორ მწყობრად და გამართულად ვხსნიდი ჩემს არგუმენტებს ან შესაძლოა, სულ სხვა რამე იყო... ყოველ შემთხვევაში, ყველა ღონეს ვხმარობდი ჩემს ქცევებსა თუ მონაყოლს რამე ეჭვი არ გაეჩინა კალიკიდიში...

კიდევ ბევრი ვიბაასეთ მე და მიშამ. ბოლოს საღათას ძილმა თითქმის ორივეს ერთად წაგვართვა თავი. დილით ისევ კონტროლიორის ხმამ გამომალვინა.

ავდექით, ხელ-პირი დავიბანეთ და საუბმეც მოგვართვეს. ლ.ბერიას დადგენილი პატიმრის ულუფა - ერთი მათლაფა წვნიანის შეჭამანდი და 300 გრამი შავი პური.

უხმოდ ვისაუბმეთ. მიშა კალიკიდიმ თავს შეუძლოდ ვგრძნობო და ისევ ნარზე მიწვა. მეც ტაბურეტზე ჩამოვჯექი და ისევ

ფიქრმა წამილო. ცოტა ხნის შემდეგ კარების საკეტის ჩხაკუნმა დამაბრუნა ფიქრების ბურუსიდან. კონტროლიორი მიმას უხმობდა გამომძიებელთან.



თავი VIII

მიმა კალიკიდი დაკითხვიდან აღარ დაბრუნებულა. მე კი ჩემს ეჭვებში საბოლოოდ დავრწმუნდი: პირი, მიმა კალიკიდად წოდებული, სპეციალურად მომიგზავნეს, რამე თუ გამწარებული, უსამართლოდ სამართალში მიცემული კაცი ეგზომ სანდომიან, გულგახსნილ და გულმართალ კაცს რამე სიმართლეს ხომ მოვუყვებოდი, გულს გავუხსნიდი, მოვიოხებდი სიმართლეს აღსარებასავით გადმოლაგებით!..

ორი დღე-ღამე სულ მარტომ გავატარე. არც ვინმე შემომისახლეს და არც გამომძიებელმა გამომიძახა. მეძინა, ხან ვფიზიოლოგი, ვფიქრობდი, ვნერვიულობდი, ხან კი ბოლთას ვცემდი ციციქნა საკნის ბეტონიან იატაკზე...

მარტოობის მესამე დღეს, ნაშუადღევს, ახალმა კონტროლიორმა დამუშავებული მანერით შემოალო კარი. მას ორი მებადრაგვეც შემოყვა. უსიტყვოდ და უცერემონიოდ კედლისკენ

სახით მიმაცენეს, გამჩხრიკეს, ხელები ზურგსუკან დამაწყობინეს და ხელბორკილები დამადეს. უსიტყვოდ გამიგდეს წინ და გზას გამიცენეს. სარდაფის ლაბირინთების გავლით მეორე სართულის საკმაოდ ნათელ და კეთილმოწყობილ დერეფანში, ერთ-ერთ დახურულ კართან ისევ ზურგმექცევით კედელს მიმაცენეს. კონტროლიორმა ფრთხილად დააკაკუნა, კარები გამოაღო. შიგნით მყოფთ რაღაც ანიშნა და მორიდებით მიხურა. ორ წუთში გვიხმობენო, - ბადრაგს გადაულაპარაკა და ფანჯარასთან მივიდა.

ორი წუთი ორი საუკუნე მეჩვენა. როგორც იქნა სამაგიდო ზარის უღარუნმა გამოგვიყვანა ფიქრებიდან. კონტროლიორმა კარი შეაღო და შესვლა გვიბრძანა. თვითონ გარეთ დარჩა. ერთ-ერთმა ბადრაგმა ოთახში თითქმის შემავლო, კედელს მიმაცენეს და გვერდით ამომიდგნენ. ცნობისნადილმა მსძლია და სასამართლო ოთახს მყისიერად თვალი მოვაჯლე. ცვილისფრად შეღებილი კედლები, მასიური მწვანე მაუდგადაფარებული მაგიდა. შუშის წყლიანი სურა და თლილი ჭიქა. მაგიდის ცენტრში დაბალი, იატაკზე მილურსმული ტაბურეტი. სამი მასიური საზურგიანი სკამი და მათზე მედიდურად მოკალათებული სამი ტყავისქურთუკიანი მოსამართლე. ეს იყო სასამართლო დარბაზის მთელი ავლადიდება, თუ არ ჩავთვლით მოზრდილ ფანჯარას გაუმჭვირვალე სქელი ფარდებით. შუაში მჯდომმა ბადრაგს ჩემზე ბორკილების მოხსნა და კარს მიღმა მოცდა უბრძანა.

მარცხენივ მჯდომმა ტყავისქურთუკიანმა ტაბურეტზე ჩამოჭდომა შემომთავაზა.

- მსჯავრდებულო ბაქრაძე, თქვენს წინააღმდეგ წარმოებაშია სისხლის სამართლის საქმე, აღძრული სისხლის სამართლის კოდექსის 58-ე მუხლით. საგამოძიებო სამსახურმა საკმარისი მტკიცებულებანი მოიპოვა, შეაჯერა და ძიება დაასრულა. სისხლის სამართლის საქმე განაჩენის გამოსატანად გადასცა საქართველოს სსრ სახელმწიფო უშიშროების სახალხო კომისარიატის სასამართლო კოლეგიას, რომელსაც თავმჯდომარეობს მოსამართლე მალლაფერიძე, წევრი-მოსამართლეები რაღჩენკო და გვასალია. მოსამართლე გვასალია: მოგვახსენეთ საქმის არსის ირგვლივ. იგი სპორტული აღნაგობის, მხარბეჭიანი, საშუალო ასაკის, სათვალეებიანი მოხელე გახლდათ. მან მიჩოჩებულ საქალაქდეს ზონარები შეხსნა, გადაფურცლა, საჭიროს მიაგნო და წაიკითხა:

- წინამდებარე სისხლის სამართლის საქმე აღიძრა აჭარის ასსრ სახელმწიფო უშიშროების სახალხო კომისარიატის საგამოძიებო განყოფილების მიერ სათანადო წესით შემოსული მასალების საფუძველზე. მსჯავრდებული ვამეხ ბაქრაძე წლების განმავლობაში ასრულებდა საბჭოთა სასაზღვრო ჯარების სადაზვერვო სამსახურის საზღვარგარეთის კურიერის მოვალეობებს. უნდა ითქვას, პირველ ეტაპზე საკმაოდ წარმატებულად და ეფექტურად. დროთა განმავლობაში ის მოხვდა თურქეთის რესპუბლიკის სადაზვერვო სამსახურის თვალთახედვის არეში, დაპატიმრების თავიდან აცილების მიზნით მათ შესაბამის სამსახურს თანამშრომლობაზე დათანხმდა. წლების განმავლობაში თურქულ მხარეს, ბრალდებულის მეშვეობით, სასაზღვრო სადაზვერვო სამსახურებთან ოპერატიული თამაში

ჰქონდა გამართული. ბრალდებულის მიზემით დაილუპა ერთი აგენტი. ერთმა აგენტმა შესაძლო გაშიფრვისა და დაპატიმრების თავიდან აცილების მიზნით უარი განაცხადა მორიგი დავალების შესრულებაზე, იძალადა ოფიცრებზე, რომლის დროსაც მძიმედ დაიჭრა ცნობილი პროფესიონალი მზვერავი ტულაშვილი. არსებობს გონივრული ეჭვი, რომ სწორედ ბრალდებულის ხელშეწყობით ასევე ჩავარდა ორი ჩვენი საიდუმლო თანამშრომელი, რომლებიც ამჟამად თურქეთის ციხეში იხდიან სასჯელს. ერთი სიტყვით, მსჯავრდებულმა ბაქრაძემ სამშობლოს უღალატა, ჯამუშობდა მტრულად განწყობილი ქვეყნის სასარგებლოდ და წლების განმავლობაში საბჭოთა დაზვერვას აწვდიდა თურქების მიერ კონტროლირებად ინფორმაციასა თუ დეზინფორმაციას. საგამოძიებო სამსახურმა შეისწავლა მოძიებული და მის ხელთ არსებული მასალები და დოკუმენტაცია, რის საფუძველზეც დაასკვნა: მსჯავრდებული ბაქრაძე მხილებული იქნას დანაშაულში, რომელიც გათვალისწინებულია საქართველოს სსრ სისხლის სამართლის კოდექსის 58-ე მუხლის შესაბამისი პუნქტებით, ცნობილი იქნას სისხლის სამართლის დამნაშავედ და შეეფარდოს სასჯელის ზომა - თავისუფლების აღკვეთა. ხსენებული მუხლი ითვალისწინებს თავისუფლების აღკვეთას ხუთი წლიდან ოცდახუთ წლამდე ვადით. მაგრამ აქ ნიშანდობლივად მეჩვენა ერთი საინტერესო დოკუმენტი. ამხანაგო სასამართლო კოლეგიის თავმჯდომარე, გთხოვთ, პირადად გაეცნოთ. გვასალიამ გამოსვლა დაამთავრა და სისხლის სამართლის საქმე მინიშნებულ გვერდზე გადაშლილი მიუჩოჩა

კოლეგიის თავმჯდომარეს. მალლაფერიძემ დიდი ინტერესით ჩაიკითხა შეთავაზებული დოკუმენტი. გაოცებას ვერ მალავდა, გაკვირვების ნიშნად კი თავს აქნევდა. კითხვა დაასრული.

ცნობისწადილით დამაკვირდა, თითქმის ლამობდა ჩემს შეცნობას, ასეთივე მრავლისმეტყველი მინიშნებით საქალაქო მოსამართლე რაღჩენკოს მიუჩოჩა. ამ საბუთის წაკითხვის შემდეგ კოლეგიის წევრები, ერთი ხანი, დაბალ ხმაზე, რაღაცაზე ბჭობდნენ და დაობდნენ.

ბოლოს კოლეგიის თავმჯდომარემ მოსამართლე მალლაფერიძემ საბოლოო ვერდიქტი გამოაცხადა: მსჯავრდებული ვამეხ ბაქრაძე ცნობილი იქნას დამნაშავედ, გათვალისწინებული სისხლის სამართლის კოდექსის 58-ე მუხლით და სასჯელის ზომად განესაზღვროს ოცი წელი მკაცრი რეჟიმის სასჯელსრულების დაწესებულებაში მოხდით. ვითვალისწინებთ რა საქმეში არსებულ რიგ მასალებს, გამონაკლისის ფორმით, პატიმარ ბაქრაძეს მიეცეს ოჯახის წევრებთან მიმოწერის ნება, ასევე ოჯახის წევრებთან წელიწადში ორი მოკლევადიანი და ერთი გრძელვადიანი პაემანის უფლება. განაჩენი საბოლოოა და გასაჩივრებას არ ექვემდებარება. სიტყვა დაასრულა და საქალაქო დაცვაპუნებით დახურა. +

გაუგონარი ბრალდებით თავზარდაცემულმა წამოდგომა და გაპროტესტება დავაპირე, მაგრამ პირობით ნიშანზე მყისიერად შემოცვივდნენ მებადრაგეები და ტაბურეტზე „მიმალურსმეს“... ხმა კრინტო, - ბოროტად ჩაისისინა ერთ ერთმა ბადრაგმა და შაშხანის კონდახი მომიღერა.

გვასალია ადგა. დინჯად მომიახლოვდა და დოკუმენტზე ხელის მონწერა მოხდა. მე გაპროტესტება გადავწყვიტე. არ გირჩევ ურჩობასო, - ჩაილაპარაკა გვასალიამ და თვალი თვალში გამიყარა. შემოჩჩეხებული ფურცელი წავიკითხე. გაუთქმელობის ხელწერილი იყო. სამუდამოდ გულში უნდა ჩამემარხა აბსოლუტურად ყველაფერი, რაც სახელმწიფო უშიშროების ორგანოებთან მაკავშირებდა: სახელმწიფო უშიშროების ორგანოებთან, კერძოდ სასაზღვრო ჯარების დაზვერვის სამსახურთან საიდუმლო თანამშრომლობა, მონინაალმდევე ქვეყნის ტერიტორიაზე არალეგალური გადასხმები თუ მივლინებები, საერთოდ ყველაფერი, ასევე ისიც, რომ ჯაშუშობის ბრალდებით ვარ სასჯელმისჯილი. წინააღმდეგ შემთხვევაში დახვრეტა არ ამცდება არც მე და არც ოჯახის წევრებს, - ეს უკვე გვასალიამ დაამატა, თვალი ჩამიკრა, ისე რომ ბადრავს არ გაეგონა, ჩამჩურჩულა:

- შენ გამოცდილი და ჭკვიანი კაცი ხარ, ლეგენდებისა და ნებისმიერ ქმედებათა შენიღბვა-ლეგენდირების ოსტატი! იმსახურებ იცოდე: გაგწირა ერზრუმელმა და დახვრეტას გადაგარჩინა პონტოელმა, რომელმაც შენში საზრიანი, გონებაგამჭრიახი და წინდახედული პიროვნება დაინახა. თუ ასეთი შემართებით, საზრიანად იქნები, ყველა სიძნელეს გადაიტან და დადგება დრო, ოჯახს საღ-საღამათი დაუბრუნდები. მეტს ვერაფერს გეტყვი. მშვიდობით.

მოსამართლის ნიშანზე მებადრაგეები მომვარდნენ, ხელეები ზურგს უკან გადამიგრიხეს, ბორკილები დამადეს. ვითომ ესეც არ მეყო, ერთ-ერთმა გვერდში მაშხანის კონდახი ჩამარ-

ტყა, აქაო და იცოდე, წინააღმდეგობის განევა არ გაბედო ან პროტესტის რაიმე ფორმით გამოხატეას არ შეეცადო, მაინც აზრი არა აქვსო. დარტყმა ღვიძლის არეში იყო, სიმწრისგან სუნთქვა შემეკრა, დავრეტიანდი და ჩავიჩოქე. მეორე ბადრაგი უფრო ჰუმანური აღმოჩნდა. წამომაცენა, ტაბურეტზე დამსვა და სულის მოთქმა მაცადა.

გაოგნებული, მორალურად განადგურებული და სულიერად დაცემული მხოლოდღა თვალებს ვაფახურებდი... ნერწყვიც გამიშრა, ხორხში კი მწარე, აქამდე შეუცნობელი ტკივილი ვიგრძენ... ღმერთო, ეს რა ხდება! - სასამართლომ მომიყენა სისხლის სამართლის კოდექსით გათვალისწინებული უმკაცრესი და უმძიმესი დანაშაული, მაგრამ განიხილა და იმოქმედა ადმინისტრაციული პროცედურის წესით. ისეთი სერიოზული ბრალდება, როგორცაა ჯაშუშობა, განიხილეს და გადაწყვიტეს გამართივებული წესით. ოცი წლით პატიმრობა მომისაჯეს, ვითომ ეს ოცდლიანი ადმინისტრაციული სასჯელი იყოს. ფეხქვეშ გათელეს სამართლის ელემენტარული ნორმები, რომლის მიხედვითაც ნებისმიერ ადამიანს აქვს უფლება სასამართლომ მოუსმინოს, თავი დაიცვას მის წინააღმდეგ ინკრიმინებული, წაყენებული ბრალდებისაგან, იმართლოს თავი და გააპროტესტოს ან გაასაჩივროს გამოტანილი სასჯელი. ადვოკატის აყვანასა და გამოყენებაზე ხომ ლაპარაკი ზედმეტია.

ვაა, რა მაგარია - „განაჩენი საბოლოოა და გასაჩივრებას არ ექვემდებარება“! ღმერთო შენ მიშველე! ვერც თავში იცემ ხელებს, ბორკილებით გაქვს ზურგს უკან ვაკრული. სიმწრის

ოფლმა ჯერ შუბლი და ღაწვები დამინამა, ცხადად ვიგრძენ გველის სისინივით როგორ ჩადინდა ხერხემალზე სიმწრის ოფლი და კუდუსუნის ძვალს მიღმა ჩაინთქა.

სასამართლო კოლეგიის თავმჯდომრის ნიშანზე მებადრა-გეები მხრებში ამომიდგნენ, წამალასლასეს და საკანში მიკრეს თავი. ისიც შეღავათია - ხელბორკილები მომხსნეს!..

აქეთ ღვიძლის არეში აუტანელი ფიზიკური ტკივილი, იქით მორალურად და ზნეობრივად განადგურებული ცნობიერება, გაგლეჯილი გული და გათელილი, აბურდული სული... პირველად ჩემს ცხოვრებაში გულამოსკვნით ავქვითინდი, შემდეგ კი შემზარავი ხმით ავბლავლდი... მჭილი თავში, მჭილი გულში... კედელზე თავისცემა და გოდება. არაადამიანური ბლავილი დიდხანს ისმოდა „ჩემი“ წყეული, ჯოჯოხეთად ქცეული საკნიდან...

დილის სხივმა გამომალვოდა! მზის სხივი ტირილ-ბლავილისა და მარილიანი ცრემლისგან დასიებულ თვალებს მოესალ-ბუნა... მცირედი სითბო ჯერ სულს შემდეგ კი გაგლეჯილ გულს მალამოდ ჩაელვენტა და გაათბო! სიცოცხლეს დაუბრუნდი, მაგრამ რად გინდა ასეთი სიცოცხლე? თავში და საფეთქლებში რამდენიმე მჭედელი თავის საქმეს ბეჯითად და თავდაუზოგავად აკეთებდა! აზრი, ფიქრისა და განსჯის უნარი ჯერ კიდევ წართმეული მქონდა. კიდევ ერთჯერ ვიღმუვლე და ნარზე წამოვჭეჭი. არ ვიცი გულწასული და გონებადაბინდული რამდენ ხანს ვეგდე, როგორ, რა ძალამ შემაძლებინა ნარზე გადანოლა ვერ გეტყვი. სხვა გზა არ იყო. ჩემი თავისთვის მე უნდა მიმეხედა. ბნედა და სასონარკვეთილი გოდება

გამოსავალი რომ არ იყო, ამას ქვეცნობიერად ვხვდებოდი. ნელში გავიშართე და პირსაბანთან მივლასლასდი. უანგიანი წყალი მაცოცხლებელი ელექსირი მეგონა... ჩამოვიბანე გახურებული ღანწვები, ამოვიწმინდე ჩასიებული და ცრემლშემხმარი თვალები.... კეფასა და გულმკერდზეც ვისხურე მაცოცხლებელი სითხე. ტკივილები დამიამდა. თვალის ბინდი ნელ-ნელა გადაიკრია და საგნების გარჩევა ძალუმად, მაგრამ მაინც შევძელი. დავბრუნდი ნარზე. სიგრძივად გავწეცი და ხელები თავქვემ ამოვიდე. არ ვიცი ასე რამდენ ხანს დავყავი. ისევ კონტროლიორის ხრინწიანი, შემზარავი ხმა და სანოლიდან ადგომის მოწოდება... ცოტა ხანში კარში ჩატანებული სარკმლის საგდულიც აჭრიალდა. კონტროლიორმა ალუმინის საინით ბალანდა, ალუმინისვე მათლაფით ჩაიადწოდებული ცხელი სითხე და სამი ნაჭერი შავი პური შემოდგა და ისევ მიიჭახუნა სარკმლის საგდული.

რკინის მაგიდაზე გადავითანე ყველაფერი და უგემურად მოვსვი ჩაი. ცხელი სითხე მეამა. ჯერ ამოხახული პირი, შემდეგ კი დაგვალული ყელი ჩაალბო და ყლუპის გაკეთება შევძელი... სული მოვითქვი. ჩაი სვენებ-სვენებით მოვითავე, ბალანდისთვის კი ხელი არ მიხლია. ისევ წამოვწეცი და თავგახელამოდებული კვლავ გავინაბე, გონიერება ვერ თოკავდა ცნობიერებას... არ უნდოდა შეეცნო რეალობა, უფრო სწორად ჩემს თავზე დაცემული მეხი და თავბარი... ნელნელა გონებაც განათდა... პირველი, რაც გამოიკვეთა, მოსამართლის აუღელვებელი და მონოტონური ხმა იყო. შემდეგ კი განაჩენი - ოცი

წელი პატიმრობა. ოცი წელი!.. ჯაშუშობა!.. სამშობლოს ღალატი!..

მუხლი 58-ე!.. პოლიტიკური მიზანშეწონილობიდან გამომდინარე, ეს მუხლი სამართალდამცავ ორგანოებს აძლევდა ფართო ინტერპრეტაციის საშუალებას-თითქმის ნებისმიერი ქმედება თუ გამონათქვამი შეიძლებაოდა, ჩათვლილიყო სისხლის სამართლის დანაშაულად. ამ მუხლით ასამართლებდნენ ყველას, დანყებული სამშობლოს ღალატის თუ შპიონაჟის ბრალდებით, დამთავრებული რეჟიმის მიმართ ოდნავ საეჭვო პოლიტიკური არალოიალურობის გამოვლინებით ანუ თავისუფალი აზრით დანყებული და ანეგლოტის მოყოლით დამთავრებული. ამის გამო ამ მუხლით დაპატიმრებული და გასამართლებული ყველა პირი ითვლებოდა პოლიტიკურ პატიმრად. სოციუმში გაშვანშვალებული ამაზრზენი და ყოველისმომცველი, გარანტირებული იარლიყი - „ხალხის მტერი“ ან უბრალოდ - „კონტრა“!

თავი IX

ის დღე ტანჯვასა და გოდებაში გავატარე. ბოლოს დავმშვიდდი. აზრებს მოვიხმე, ფიქრები დავალაგე. ბოლოს გონებაც დამეწმინდა, ცნობიერებაც გადაიწმინდა და რეალობა მთელი სიცხადითა და სიცხოველით გავითავისე!..

მაშ ასე: სასამართლო კოლეგიამ, უბრალოდ „ტროიკამ“ ჯაშუშობის ბრალდებით ოცი წლით პატიმრობა მომიისაჯა. განაჩენი საბოლოოა და გასაჩივრებას არ ექვემდებარება. ვერაფერს მოიმოქმედებ-ეს რეალური მოცემულობაა. ვერსად გაექცევი. ვერც გააპროტესტებ და სასამართლოს განაჩენს ზემდგომ ორგანოებში ვერ გაასაჩივრებ. სამართალს ვერ იპოვი! ესაა რეალური მოცემულობა! კიდევ რა გვაქვს? - გამონაკლისის ფორმით მეძლევა ოჯახის წევრებთან მიმონერის ნება, ხოლო წელიწადში ორჯერ მოკლევადიანი და ერთჯერ გრძელვადიანი პაემანის უფლება. სიმართლე უნდა ითქვას - საბჭოთა რეჟიმისა და მართლმსაჯულების პირობებში თითქმის დაუჯერებელი გადაწყვეტილებაა. ეს ორ რამეზე მეტყველებს: პირველი ის, რომ ჩემი განაჩენი ნამდვილად საბოლოოა და არ გადაიხედება, ესე იგი საბოლოოდ ამცდა გაცხადებული სასჯელის სიკვდილით დასჯით - დახვრეტით შეცვლა და მეორე, მოსამართლეებს თვითონაც შეგნებული ჰქონდათ, კარგადაც უწყობდათ, რომ ჯაშუშობის ბრალდება თითიდან გამოწოვილია და რეალურად სხვა მოტივებთან გვაქვს საქმე. აქ პონტოელის ხელი ნამდვილად ურევია - მასთან მოყოლილი ლეგენდა ჩემს მიმართ წაყენებული ბრალდებებისა თუ დაპა-

ტიმრების მიზეზების შესახებ იმდენად რეალურად და სიცოცხლისუნარიანად ეჩვენათ, რომ საბოლოოდ დარწმუნდნენ - ამ ვერსიას ბოლომდე გავყვებოდი და სიმართლეს არ გავთქვამდი! ასე რომ ჩემი ფიზიკურად მოსპობა-ლიკვიდაციის აუცილებლობა გამოირიცხა. ასეა, აღარ ვარ სამიში!..

გავითავისე გვასალიას სიტყვები - დახვრეტას გადამარჩინა პონტოელმა, ესე იგი მიმა კალიკიდიმ. ეტყობა, მან დანვრელებით მოუყვა ყველაფერი ჩემს ირგვლივ, მაგრამ ვინ გამწირა? გვასალიამ ესეც ხომ მითხრა - ერზრუმელმაო. ვინაა ერზრუმელი ჩემი გარემოცვიდან? ააა, გონება გამინათდა - ერზრუმელი ფესვები აქვს კარაპეტ ტრაპიზონიანს, კი, ნამდვილად, მაიორი ტრაპიზონიანის წინაპრები წარმოშობით ხომ ერზრუმის პროვინციიდან არიან, რომლებიც მეცხრამეტე საუკუნის დასწყისში საქართველოში, კერძოდ კი ძირძველ ისტორიულ ქართულ კუთხეში - სამცხე-ჯავახეთში ჩამოასახლეს. პირველივე დღიდან სწორედ მან ვერ მიგუა როგორც მუსლიმანი ქართველი. სომხური აგრესიულ-შოვინისტური პარტიის მიმდევრების - დაშნაკების იდეოლოგიით ნასზრდოები და „დიდი სომხეთის“ აღდგენა-აღორძინების იდეით შეპყრობილი და დაავადებული... „სომეხთა გენოციდის“ (საუბარია მეოცე საუკუნის დამდეგს, პირველი მსოფლიო ომის დროს, ოსმალეთის ხელისუფლების მიერ ოსმალეთის იმპერიის ტერიტორიაზე სომეხთა დევნა-შევიწროებისა და მასობრივი დეპორტაციის შესახებ, რომლის დროსაც მრავალი სომეხი ეროვნების ადამიანი დაიღუპა) ორგანიზებასა და განხორციელებაში, რატომღაც ყველას, მათ შორის მუსლიმან ქართ-

ველებსა და ლაზებსაც ადანაშაულებდნენ (აკი შურისძიების მიზნით მოახერხეს კიდევ ასი ათასზე მეტი მუსლიმანი ქართველების - აჭარელისა და ლაზის ამონყვეტა ისტორიულ ქართულ მიწებზე - ართვინის, ოლთისის, რიზესა და ტრაპიზონის რეგიონებში), არადა მოსაკითხი და მოსათხოვი მე მქონდა, როგორც მუსლიმან ქართველს, მაგრამ არამც და არამც მას... მაგრამ რას იზამ, ძალა აღმართს ხნავს, მან ოსტატურად გამოიყენა მისი თანამდებობრივი მდგომარეობა და მუხანათურად, ვერაგულად გამწირა... ამით მისი წილი შური იძია ვაჟბატონმა! მე და ჩემი ოჯახი კი გაგვაუბედურა და გაგვათახსირა...

... ასე გონებაგანათებული, რეალობა განჭვრეტილი, გათავისებულ-აღქმული და თავისთავში დარწმუნებული არასდროს ვყოფილვარ!.. ჰმ, ჩემი თავი მევე მომეწონა. ვიამაყო...

ყველაფერი დაეწყო, გაიხსნა და გაიძიფრა, მაგრამ ეს რეალობას ვერ შეცლის - რეალობა კი ერთია - ოცნლიანი პატიმრობა! შეუცნობადი მომავალი და უკიდევანო საბჭოთა კავშირის ტერიტორიაზე მიმობნეულ სასჯელალსრულების დანესებულებებში ყოველმხვრივ რთული, ძნელი, სიცვიან-მიმშილიანი და ფათერაკებიანი დიდი გაზა, ოცი წლით განსაზღვრულ-მოზღუდული.


რალა დროის, უკვე „გვიანლაა თითზე კბენანი“. ახლა მხოლოდ ერთი მიზანი უნდა მამოძრავებდეს - გავუძლო საბჭოთა ციხე-საპყრობილეების უმკაცრეს რეჟიმს, ყოველმხვრივ არაადამიანურს, წარმოუდგენლად უსასტიკესს, შეძრწუნებამდე

დაუნდობელს და შეცბუნებამდე გულგრილს... იმ წისქვილს, რომელიც ყველაფერს ფეჭავს და ინელებს...

წინმსწრებად გეტყვით, პატიმრის ფსიქოლოგიასა და აზრთა წყობას მხოლოდ ის გაიგებს, ვინც ზონაშია ნამყოფი. შენ იცი ყველაზე საშიში რაა ზონაში? ეს არც გისოსებია და არც მავთულხლართები, არც ბალანდა და არც ავტომატიანი მსკვლელები თუ ბადრაგი, არც კრიმინალური სამყაროს მიერ დადგენილი დაუნერეელი კანონები და წესები... ყველაზე საშინელი ისაა, რომ ნელ-ნელა დავინწყებას ეძლევა ის, რომ სხვა ცხოვრებაც არსებობს. შენ, რა თქმა უნდა, შეგიძლია წაიკითხო გაზეთები, თავისუფალი სამყაროდან მიიღო წერილები, მოუსმინო ახლადშემოყვანილი პატიმრების მონათხრობს თავისუფალი სამყაროს შესახებ, მაგრამ ნახევარი წლის შემდეგ ყოველივე ამას აღიქვამ როგორც ზღაპარს... რეალობა კი „ბრატვან“-საძმო (პატიმართა კონტინგენტი, რომელთაც კრიმინალური წარსული აქვთ და ქურდული მენტალიტეტითა და წესებით ცხოვრობენ), „სემეიკები“-ოჯახები (პატიმართა პირობითი დაჯგუფებები ან გაერთიანებები, ერთდაიგივე ან მონათესავე მუხლით ან დანაშაულისთვის სასჯელმისჯილნი) და სხვა, უფრო დაბალი ფენისა და ღირსების პატიმრები, საცხოვრებელი ზონა, პრომზონა (სამრეწველო, სანარმოო ზონა, სადაც პატიმრები მუშაობენ და ქმნიან სხვადასხვა სამრეწველო თუ საყოფაცხოვრებო პროდუქციას). ქურდული გაცება, ნათქვამზე პასუხისგების აუცილებლობა, როცა იმის დაჯერებას იწყებ, რომ ციხეში თუ კოლონიაში შექმნილი და გაბატონებული ვითარება შენი ერთადერთი რეალობაა და რომ

ვერასდროს ველარ იქნები ძველებური, ციხეში მოხვედრამდე, აღქმისა და გაგების პიროვნება. ციხე-საპყრობილეებში შექმნილი ვითარება და გაბატონებული პირობები ადამიანებს მორალურად ამახინჯებენ, ზნეობრივად ანადგურებენ, ფსიქოლოგიურად რყვნიან და პირუტყველ ინსტიქტებამდე დაჰყავთ პატიმართა უმრავლესობა. ნამდვილი გმირობაა ბოლომდე შეინარჩუნო უბრალო ადამიანური თვისებები, მორალურად არ გატყდე, ფსიქოლოგიურად არ გადაგვარდე და ფიზიკურად ჯანმრთელი და შეურყეველ-შეურყენელი დაუბრუნდე თავისუფალ საზოგადოებას.

წილი ნაყარია! „რუბიკონი გადალახულია“!.. რწმენა და გამძლეობა, მოთმინება, ჩემო ვამეხ! შემოვუძახე საკუთარ თავს. დავმშვიდდი. დავწყნარდი და მოვემზადე შეუცნობელი და ფათერაკებიანი, ბუნდოვანებითა და ჩემთვის ჯერ კიდევ გაუთავისებელი პატიმრული ცხოვრებისათვის.



თავი X

სასამართლო სხდომისა და სასჯელის მისტიდან ერთი კვირა გავიდა. ისევ ცალკე საკანაში ვარ. გარესამყაროს მონყვეტილი და გარიყული, ადამიანებთან ურთიერთობებსა და კონტაქტს დანატრებული. მალე გადამიყვანდნენ მაინც საერთო საკანში, ადამიანებთან მაინც ვიქნები... ბევრს აღარ ვფიქრობ. ყოფით პირობებს თანდათან შევეგუე. სხვა გამოსავალი მაინც აღარაა.

ნავახშმევს ზედამხედველ-კონტროლიორი შემოვიდა და მისთვის ჩვეული რიხით „მომახარა“:

- პატიმარო ბაქრაძე მოემზადე ეტაპირებისთვის. დღესვე გაგამწესებენ სასჯელალსრულების დაწესებულებაში. როგორც იქნა, - ჩემთვის ჩავილაპარაკე და ბადრაგს ცნობისნადილის დასაკმაყოფილებლად მივმართე:

- ამხანაგო ნაჩალნიკო, პატივს დამდებ თუ მეტყვი, რომელ საპყრობილეში გადავყავარ? - მან უხეიროდ და უადგილოდ ჩაიციხა, ჩაახველა და უტიფრად მომახალა:

- მოხარული წაბლიც ხომ არ მოგართვა, - უტიფრად მომაშტერა მისი წირპლიანი, გველის თვალები და უტიფრად გადაიხარხარა, უადგილოდ ეჩვენა ერთი შეხედვით მისაღები და ბანალური შეკითხვა, გული რომ იჯერა, დაწყნარდა, დასერიოზულებულმა მითხრა:

- ციხე ციხეა, თითქმის ყველგან ერთნაირი პირობებით და მობინადრებით. შენ, გირჩევნია ეტაპირებისთვის მოემზადო და უფალს შესთხოვო პატიმრის უღიმღამო ყოფისა და ცხოვ-

რების შემსუბუქება. მოემზადე. მალე ბადრაგი მოგაკითხავს, - თქვა და კარები ჭახუნით მიიხურა. რაც მქონდა, ერთ ფუთაში შვკარ, ტანსაცმელი დაფვერთხე და მოხერხებულად მოვირგე, სანოლი და ზენარი მოვახვიე და ნარზე მივანყე, ტუალეტის მოვითავე, დარჩენილი ფულადი თანხა ქვედა საცვლის ხვანჯარში მიკერებულ საიდუმლო ჯიბეში დავიგულე, ჩავთვალე, რომ ეტაპირებისთვის მზად ვარ.

ერთი საათი არ იქნებოდა გასული ზედამხედველი და ორი ბადრაგი, შინსახკომის შინაგანი ჯარების ფორმიანი ორი შეიარაღებული ჯარისკაცი საკანში სულთამხუთავებივით გამომცხადნენ. საკანი საგულდაგულოდ მოათვალიერეს, ბოხჩა გამახსნევინეს და ყველა ნივთი საგულდაგულოდ შეამოწმეს, კედელთან ზურგშექცევით მიმაყენეს, გამჩხრიკეს, ხელებზე ხელბორკილები დამადეს და გაყოლა მიბრძანეს. უკანასკნელად მოვათვალიერე ჩემი მარტოობის „სავანე“ და ბადრაგს ძუნძულით გაყვევი. სარდაფის ლაბირინთით ბეტონის ღობით შემოზღუდულ ეზოში გამიყვანეს და „სტუდაბეკერის“ საგანგებოდ აღჭურვილ ძარაზე შემავდეს. სულ შვიდი პატიმარი საგანგებოდ გამოგვკეტეს და რკინიგზის სადგურისკენ გაგავაქანეს. იქ, წელში მოხრილმა სირბილით მატარებლის საბადრაგო ვაგონში ამოვყავ თავი. ყველგან ხიშტმოღერებული ბადრაგი იდგა და გამყივანი ხმით წამოსროლილი მოკლე კომანდები ისმოდა. ჩემთვის განკუთვნილ საბადრაგო ვაგონის ცხაურიანი ვისოსებით მოზღუდულ განყოფილებაში მიკრეს თავი. ხელბორკილები შემხსნეს. საბადრაგო მატარებლის ბაქანი გარესამყაროსგან მავთულხლართებით იყო

შემოსაზღვრული, შორიდან დიდხანს ისმოდა პატიმართა განწირული გამოსათხოვარი შეძახილები, ქალების სასონარკვეთილი შეკვივლება და ხმამალალი მოთქმა-გოდება. გული შემეკუმშა, შემეცოდა საცოდავი ხალხი. კიდევ კარგი ჩემები არ მაცილებენ. წარმოვიდგინე ჩემი მეუღლის სიმწრისგან ჩამოხოკილი ლოყები, ცრემლ-სისხლწარევი თვალები და გული შემეკუმშა. ამ ტანჯვასაც გადავურჩი, მადლობა უფალს!

ბუნებრივია, არცერთი პატიმარისთვის ახლობლებთან გამოთხოვება-დამშვიდობების უფლება არ მიუცით, პირიქით, ყველანაირად ზღუდადდნენ და ბაქანიდან მოშორებით მილიციის კორდონიც კი დაეყენებინათ. თითოეულ ვაგონს ხუთკაციანი ბადრაგი და ბადრაგის უფროსი ოფიცერი აცილებდა. ბოლოს როგორც იქნა მატარებელი დაიძრა. ბორბლების ჯერ კანტიკუნტი, შემდეგ კი მონოტონურად ტაკა-ტუკი შეერია წყვილად. მშვიდობით, ჩემო ბათუმო! მშვიდობით ჩემო მშობლიურო, უტკბესო და ტკივილამდე საყვარელო აჭარის მთა-ბარო, მშვიდობით ჩემო მშობლებო, ცოლ-შვილო, მოყვარე-მოკეთეებო. ოდესმე გიხილავთ კი შენი ეული, განწირული შვილი. სევდამორეულს, ხალხში ლეგენდად გაბნეული ვილაც პატიმრის ლექსად თქმული გოდება გამახსენდა:

„ვერ ვიპოვე ჩემოდანი,
ვერ ვიპოვე ტომარაო,
მშვიდობით ჩემო სახლ-კარო,
ან მოვალ და ან არაო!“

სევდიანად წავილიდნენ, გული ამომიჭდა. კაცური ცრემლები ჩემდაუნებურად წამსკდა, ხელი ავიფარე და სახელოში წვეთ-წვეთად, ჩავმალე...

შუადღისას უკვე თბილისში ვიყავით. საბადრაგო ვაგონის ცხაურიანი სარკმლიდან დავლანდე ბებერი მთაწმინდა, ფერდობს მიყუჟული ქათქათა მამადავითი... მოუსვენრობა და ერთგვარი თრთოლვა სხვა პატიმრებსაც შეეცყოთ. დედაქალაქში ასე ჩამოსვლა ნამდვილად არცერთს არ გვინდოდა... თავს იმით ვიმშვიდებდით, რომ ჯერ ისევ საქართველოში ვიყავით. ისიც შვებაა სოხუმი-სოჭის გავლით რომ რუსეთის უკიდევანო ტრამალებისკენ არ გაგვიყენეს...

ნავთლულის სადგურზე ბადრაგი გველოდა. რამდენიმე საბადრაგოდ გადაკეთებული „სტუდაბეკერი“. იგივე პროცედურით, ელვისებური გადარბენით გაგვანაწილეს ავტომანქანებში და გზას გაგვიყენეს.

ძარის ცხაურიანი სარკმლიდან ფრაგმენტებად ვხედავდი ცის ნაგლეჯს, თბილისის ქუჩების აივნის სახლებს და მდინარე მტკვრის ლურჯ ზოლს...

როგორც იქნა ციხის კარებსაც მივაღეწით. მასიური რკინის კარები მძიმედ, გულისწამლბი ღრჭიალით გაიღო და ერთი სულის მოთქმით შეისრუტა მანქანების კოლონაც და იქ მოთავსებული ბედდამწვარი პატიმრები...

ჯერ ციხის მაღალკედლიან ეზოში შეგვყარეს. მწყობრად დაგვაყენეს და სახელობითი სია ამოიკითხეს. ხელბორკილები შეგვხსნენ და საკარანტინო საკნებში დაგვანაწილეს.

„ჩემი“ საკარანტინო საკანი ოც პატიმარზე იყო გათვლილი, ორსართულიანი სანოლევით. ჩვენ კი სულ თვრამეტნი ვიყავით. როგორც შემდეგ გაირკვა, ყველა ქართველი. ლეიბი და ბალიში სანოლვზე ეწყო. ძველი, გაქუცული, აშმორებული და ცხიმისა და ოფლისაგან გაზინთული. ყველასგან დაუკითხავად საპირფარეშოს მოპირდაპირე კედელის თავში ნარი მოვნიშნე, ნარის პირველი სართული, წინა იარუსი, ავირჩიე. ლოგინი შევამოწმე, ბოხჩა მივაგდე და ჩამოვჯექი. სული მოვიტყევი...

პირველი საერთო საკანი ინვენტარითა და აქსესუარებით არაფრით არ გამოირჩეოდა ჩემთვის უკვე კარგად ნაცნობი საკნისაგან, ოღონდ ეს უფრო სივრცითი იყო, უფრო მოზრდილი ცხაურიანი სარკმლით. ორიარუსიანი ნარები კედლების ჩაყოლებზე ჩაემწკვივრებინათ. იარუსებს შორის, თითქმის შუაში მასიური მაგიდა იდგა, ორივე მხრით ჩაყოლებული მასიური ძელსკამებით. კედლის მეორე ბოლოს საპირფარეშო და ხელსაბანი იყო მოწყობილი. უსახური და გაქუცული. საპირფარეშო შემოზღუდული იყო სანახევროდ ამოყვანილი აგურის კედლით, ღია კართა და მასიური სანაგვე ვარცლით. საპირფარეშოს კედელთან მიდგმული იყო პირსაბანი უნგეანი ონკანით და მამაპაპური თუნუქის ხელსაბანით, ეს უკანასკნელი ალბთ, იმ შემთხვევისთვის მოეწყოთ, როცა ონკანში მომდინარე წყალი არ იქნებოდა.

თითქოს ვილაყის კომანდას ელოდნენ, პირიქით, გაკვირვებული მე შემომცქეროდნენ. სამარისებური სიჩუმე ჩამოვარდა. ბოლოს ერთი, ჩია ტანის, მარჯვენა მკლავზე თვალშისაცემი სვირინგებიანი, უკბილო, საძაგელი შესახედაობის პატი-

მარი წამოდგა. მას „ჩემი“ რიგის ნარების მოპირდაპირედ, ჩემგან მესამე თუ მეოთხე ნარის მეორე იარუსი შეერჩია. მხრები აათამაშა, გაიზმორა და წრიპინა ხმით წამოიძახა:

- „ქათმებო“ თავიანთი ადგილი მოძებნეთ სანამ ლამაზები ხართ! კვლავ სამარისებური სიჩუმე. ყველა დაძაბული ათვალეერებდა ერთმანეთს, თან იმას შიშობდა, ალბათ, უნებლიეთ ხომ არ „დაეკონტაქტა“ „ქათამს“. მე უკვე მიმა კალიკიდის მონაყოლიდან ვიცოდი კრიმინალური სამყაროს კლანებსა თუ კასტების შესახებ. მათ შორის ურთიერთდამოკიდებულებასა თუ ქცევის წესებზე. მეც იგივე სიფრთხილით ვაკვირდებოდი ჩემს ირგვლივ მყოფთ. როგორც იქნა ყველაფერი გაირკვა: უშუალოდ საპირფარეშოსთან, საკნის ბოლოს ორიარუსიანი ნარის ორი ბინადარი წამოდგა და თავჩალუნული დაელოდა განაჩენს.

- აი მესმის, სწორედ მოქცეულხართ, პირადი ქანდარა უშეცდომოდ მიგიგნიათ, თორემ ვაი თქვენი დღე, - თქვა, კმაყოფილმა ღანწებზე ჩამოისვა ხელი და განაგრძო:

- საქვეყნოდ ცნობილია „ბლატნოებისა“ და „პოლიტიკურების“ უპირობო და საუკუნო შეთანხმება. იდეურ ნიადაგზე არსებული ქიშპი თუ მტრობა, გაუტანლობა და შუღლი, ერთმანეთის ხოცვა-ჟლეტა წარსულს ჩაბარდა. ჩვენ თქვენს საქმეებში არ ვერევით, თქვენ - ჩვენს საქმეებში. მოდი ახლაც და აქაც ბოლომდე ვუერთგულოთ შეთანხმებას. ადვილად ცნობადი რომ გავხდეთ, სანამ უკეთ გავიცნობთ ერთმანეთს, „პოლიტიკოსებმა“ საკნის მარჯვენა ნახევარი დაიკავეთ, დანარჩენები კი მარცხენა ნახევარში მოთავსდით. თვრამეტიდან

რვა პოლიტიკური პატიმარი აღვმოჩნდით. აი, თურმე ყველა გაკვირვებით რატომ მომჩერებოდა. გამოუცდელიობის გამო ჩემს ირგვლივ უხერხულობა და გაუგებრობა ავტომატურად მოიხსნა, კიდევ კარგი, როგორც პოლიტიკური პატიმარი, თავიდანვე არ შევმცდარვარ რიგისა და ადგილის შერჩევაში. ყველანი თავთავიანთ რიგზე და ადგილზე დალაგდნენ.

რა თქმა უნდა, საკარანტინო საკნის პატიმარები ადრე ერთმანეთს არ ვიცნობდით. არც არასდროს ერთმანეთს შევხვედრივართ. პარტიმრები საქართველოს სხვადასხვა კუთხიდან იყვნენ. მართალია, რამდენიმე მათმათგანი ადრეც იყო ნასამართლევი-ნაჯდომი, მაგრამ ძირითადი მასა ჩემსავით ახალბედები იყვნენ. ამას ნებისმიერი ჭკუამყოფელი და დაკვირვებულნი შენიშნავდა. თითქმის ყველა ფრთხილობდა, ერთმანეთს არ ეკონტაქტებოდა. არც ნდობა იყო, არც ნაცნობობა, არავის უნდოდა ნაადრევად რაიმე შარსა თუ ხათაბალას გადაყროდა. ყველამ იცოდა, რომ დროებით იყვნენ საკარანტინო საკანში. ერთი ან ორი კვირის შემდეგ დაანაწილებდნენ ძირითად საკნებში, სადაც დიდხანს მოუწევდათ ჯდომა. შეიძლება ათეულობით წელიც კი. იქ გამოჩნდება ვინ ვინაა, თეთრი და შავი... ამიტომ პატიმრები უმეტესწილად თავისთვის იჯდნენ. ზოგი ნარზე წამოწოლილი თავის ფიქრებთან იყო დამარტოხელებული, ზოგს ეძინა, ზოგს კი უახლოეს მგობელთან მოესწრო გაცნობა და დაბალ ხმაზე რაღაცაზე ბასობდნენ. აქ შეკრებილთ მხოლოდ ერთი რამ გვაერთიანებდა, თავისუფლების აღკვეთა - პატიმრობა. ეს კრებული - სურვილისა და ბედის სანინალმდევოდ თავისუფლებააღკვეთილი

ჭრელი მასა დაგუბებული დარდუბალა ჭაობივით იყო. არავინ იცოდა ერთმანეთის სადაურობა ან რის გამოა დაპატიმრებული. ნებისმიერ შემთხვევაში ბედის უკუღმართობამ სხვადასხვა ეროვნების, ჩამომავლობისა თუ აღმსარებლობის, კასტისა თუ მასტის, რანგისა თუ წარსულის მქონე ადამიანები ერთად შეგვყარა, ერთი საერთო ხვედრითა და იარლიყით - ტუსადი, გინდა „არესტანტი“, გინდა „ბრადიაგა“, გინდა პატიმარი!

იმ დღემ უღიმღამოდ და მდორედ ჩაიარა. ნამგზავრი, დაღლილ-დაქანცულები ნარებზე ჭერეხებად მივეყარეთ და საღათას ძილმა წაგვართვა თავი. ძილქუშში ვიღაცა ხვრინავდა, ვიღაცა გმინავდა, ვიღაცა რაღაცას ბოღავდა ან სასონარკვეთილი შეძახილით საწოლიდან წამოიწვედა და ისევ მოცელი-ლივით ეშვებოდა ბალიშზე...

დილაუთენია წამოგვყარეს. ათი წუთი თავის მოსაწესრიგებლად, - ბრძანების კილოთი შემოგვძახა ზედამხედველმა და გავიდა. ცოცხალი რიგით მოვისაქმეთ ბიოლოგიური მოთხოვნილებანი და ვიბანავეთ. ცოტა ხნის შემდეგ საკნის კარში დატანებული სარკმლიდან ჩამოგვირიგეს ალუმინის ბადია, რუსულად „მისკად“ წოდებული, ალუმინისვე მათლათა და კოვზი. თანაც გამოგვიცხადეს, ეს თქვენი ინდივიდუალური ჭურჭელია და მოუარეთო. სათითაოდ ჩამოგვირიგეს თითო ნაჭერი შავი პური, ერთი „მისკა“ - მათლათა შეჭამანდი, რუსულად „ბალანდად“ წოდებული და ერთი „კრუშკა“ - ტოლჩა მღვრიე ცხელი სითხე, „ჩაიად“ წოდებული. ესაა და ეს, მაშინდელი შინსახკოის კომისრის - ლ.ბერიას მიერ დადგე-

ნილი პატიმრის ულუფა, რუსულად „ჰაიოკად“ წოდებული. ჩემო მკითხველო, მინდა წინასწარ გაგაფრთხილოთ: ციხეებსა თუ სასჯელაღსრულების სხვა დაწესებულებებში გაბატონებული ტერმინოლოგია თუ უარგონი რუსულენოვანი წარმომავლობისაა, პატიმრებიც ძირითადად რუსულენოვან ტერმინოლოგიას იყენებდნენ, მეც იძულებული ვარ ასე მოვიხსენიო, იმედია გამიგებთ...

დანარჩენი ხუთი დღე ერთფეროვანი იყო. ციხის ტერიტორიას ვგვიდით, ვალაგებდით, გაზონებს ვბარავდით, ვკრეჭდით, ნარგავებს ძირებს ვუბარავდით. ზოგნიც დატვირთვაგადმოტვირთვით სამუშაოებზე გავყავდით. ერთი სიტყვით მოსვენების კი არა, თავის მოსაფხანნი დროც არ გვრჩებოდა.


მეექვსე დღეს დილიდანვე დალაქთან გაგვატარეს. სათითაოდ გადაგვხოტრეს. შემდეგ აბანოში წაგვიყანეს. უფრო სწორედ ნესტიან დაორთქლილ სარდაფში მძიმე, აუტანელი სუნი იდგა, გულისამრევი, დეზინფექციას ჩაგვიტარებენო, - რომელიღაც პატიმარმა „გვახარა“. ცხოვრებაში პირველად მომიწია დედიშობილა „ფართო მასების“ წინაშე წავმდგარიყავი. აქეთ სირცხვილი მკლავდა, იქით საჯარო ბანაობის გამო შექმნილი უხერხულობა, მაგრამ სხვა გზა სად იყო, მომიწია ამასთანაც შეგუება. მით უმეტეს, რომ ჩემს გარდა არავის უხერხულობა არა ეტყობოდა. საცვლები - პერანგი და მისი ამხანავი დასაწვავად სანაგვე ურნებში ჩაგვაყრევინეს, კიდევ კარგი, ამდენი ხნის ნანახ-ნამალავი ფული საწოლის ღრუტნაში შევჩურთე, თორემ საცვალთან ერთად ურნა არ ასცდებოდა, რითაც უკანასკნელ ხელჩასაჭიდ იმედსაც დავკარგავდი.

დანარჩენი ტანისამოსი და ფეხსაცმელი ჯერ დაქლორეს და აირის ლუმელში გაატარეს, შემდეგ კი პატარა თოფრიკებში ჩაგვალაგებინეს და საკუჭნაოს შემნახველ საკანში ჩაგვაბარებინეს, თოფრიკებზე კი ქიმიური ფანქრით სახელ-გვარმინერო-ლი თეთრი ნაჭრები მიგვაკერებინეს. ციხის სპეცტანსაცმელი, ქოშები, ქვეშაგები, ზენარი, ბალიში და თეთრეული სათითაოდ ჩამოგვირიგეს, მიღების შესახებ ჟურნალის სათანადო გრაფაში ხელმოწერით. ისევ საკარანტინო ძველ საკნებში ჩამოგვარიგეს. ახალ სამოსში პატიმრები სასაცილონი იყვნენ. ცხადია თავთავიანთი ზომით არავის არ ერგო ტანსაცმელი. ზოგს დიდი ზომის ტანსაცმელი ჩუჩელასავით ეკიდა, ზოგი კი ნახევრად შიშველი ხელ-ფეხით სახალისო შესახედაობისანი იყვნენ. ბოლოს ზოგზოგებმა მოახერხა ერთმანეთში ტანსაცმლის გადაცვლა და მეტნაკლებად მოწესრიგება. მე გამიმართლა. როგორც მალალსა და ახოვანი აღნაგობით გამორჩეულს, თავიდანვე დიდი ზომის სპეცტანსაცმელი მარგუნეს.

სადილის შემდეგ ციხის ლაზარეთში გადაგვიყვანეს. ექიმებთან ჩამოგვატარეს და თითოეულზე სამედიცინო წიგნაკი აკინძეს. მე ჯანმრთელობას არ ვუჩიოდი, საერთო სამედიცინო დასკვნაც მაკმაოფილებდა, ისეთი, ციხის მთავარმა ექიმმა ჩემი მისამართით რომ თქვა: „ხარივით ჯანმრთელიაო“. ბოლოს დერეფნის შუაში მწკრივად მოგვანყეს, ციხის განაწესი და ქცევის წესები გავაცანეს, თითოეულ პატიმარს ინდივიდუალური ნომერი მოგვანიჭეს, აგვიხსნეს, რომ რობის მარცხენა ჯიბეზე უნდა მივიწეროთ და დღეის იქით ყველა ამოძახებისას

ან მიმართვისას ამ ნომრით წარვსდგეთ. ინსტრუქტაჟის გრაფაში სათითაოდ ხელი მოგვანერინეს და ციხის საკნებში გადაგვანაწილეს. ზედამხედველმა საზეიმოდ გამომიცხადა:

- ტუსალი ბაქრაძე, ნომერი 2245, საერთო ტიპის საკანი, ნომერი 125, მესამე სართული!.. მაშ ასე, მოქალაქე „ვამეხ ბაქრაძე“ ისტორიას ბარდება, მის ადგილს კი „პატიმარი ნომერია 2245“ იკავებს. ღმერთო ჩემო! უფალო შეიწყალე ყველა თავისუფლება და ღირსებააყრილი ადამიანი. ისიც გაგვაფრთხილეს - მიმართვისას ხმამაღლა უნდა წამოვიყვირო - „პატიმარი 2245“... საკნებში დაგვაბრუნეს. ძირითად საკნებში გადასაყვანად მომზადებისათვის ოცი წუთი მოგვცეს...



თავი XI

სასჯელადსრულების საკანში შესვლა

კარანტინის საკნიდან მხოლოდ მე გამანაწილეს 125-ე საკანში. ამაზეც რეაქცია არ მექონია. არც დასანანი რამ, არავის გავცნობილვარ. არც მჭირდებოდა, მაინც დროებითი ნაცნობობა იქნებოდა. დათქმულ დროს ბადრაგი შემოვიდა. ჩემი ბარგ-ბარხანის, რუსულად „ვეშჩად“ წოდებული, შეგროვება მიბრძანეს და წინ გამიგდეს. ყველა სართულის გასასვლელ-გადასასვლელი რკინის ცხაურა კარები მასიური ბოქლომებით ჩარაზული იყო. კედლისკენ სახით მაყენებდნენ, კარს ხსნიდნენ, მატარებდნენ, ისევ კეტავდნენ... როგორც იქნა ჩემთვის გამიზნულ საკანსაც მივალწიეთ. ბადრაგმა ისევ მიბრძანა-სახით კედლისკენო, საკნის კლიტემ აქაც მჭახედ გაიჩხაკუნა და მასიური შეჭვდილი რკინის კარი მძიმედ, ჭრიალით გაიხსნა. საკანში შესვლა მიბრძანეს. „სტაროსტა პრინიმაი“ (მამასახლისო მიილე) - ერთ-ერთმა ბადრაგმა საკნის სიღრმეში შესძახა, მეც ჯიკავით შემავლო და მამინვე კარები მიიხურა.

უცაბედად და უეცრად, ნირნამხდარი და გაკვირვებული აღმოვჩნდი საკნის შუაგულში! ათეულობით წყვილმა თვალმა თითქმის ერთდროულად ცნობისწადილითა და ზიზღნარევი ირონიით თავიდან-ფეხებამდე „მომთირა“. ზოგი საკნის ორრიგად ჩამწკრივებული ნარების - „შკონკების“ გასასვლელში დოინჯმოყრილი იდგა, ნაწილი საწოლზე მიწოლილი, ნაწილი მასიური მაგიდის ორივე მხარეს ჩამორიგებულ ძელსკამებზე

ნამოყუნტული... ერთი სიტყვით ცნობისნადილით უინმორეულებმა თავიდან ბოლომდე შემათვალიერეს, გამზომეს და ამწონ-დამწონეს. შევატყვე, ზოგს საერთოდ რეაქცია არ ჰქონია, აქაოდა ბუზი შემოფრინდა საკანშიო. პატიმართა მზერაში მაინც ცნობისმოყვარეობა, ცნობისნადილი, ზოგიერთებში გულგრილობა, შეფარული ზიზღიც კი გამოსჭვივოდა. ნუთიერი დუმილი... ჩემთვის კი მთელი საუკუნე. როგორც იქნა მაგიდის ბოლოდან ერთი მაღალი, საშუალო აღნაგობის, თმაშევერცხლილი პატიმარი წამოდგა, იქნებოდა 50-55 წლის, წვერ-ულვაშიანი, გამჭოლი მზერა და სახის დაჭიმული, მკაცრი ნაკვთები მის შემტევ, მკაცრ და შეუვალ ხასიათზე მეტყველებდა. მბრძანებლური მზერა მტყორცნა, თავიდან ფეხებამდე შემათვალიერა და ხელის მოძრაობით მაგიდის კიდესთან მიხმო. მიშა კალიკიდის რჩევა გამახსენდა: - „რამდენად ღირსეულად და ვაჟკაცურად შეხვალ საკანში და კაცურად „ჩაენერები“ ისე აენყობა სხვა პატიმრებთან შენი ურთიერთობები და შესაბამის პატივში იქნები. არ აჩქარდე, დაბალ ტონზე, დამაჯერებლური და ლაკონური პასუხები გაეცი. არ შეგეშინდეს, არ აღელდე, არ დაიბნე, თამამად და პატიოსნად დაიჭირე თავი. შეეცადე ზოგიერთებმა უაზრო და აგდებული რეპლიკებით ემოციაზე არ აგაგდონ, არ ავიყოლიონ, მოუზომელ, ქარაფშუტა სიტყვაზე არ „წამოგაბან“, არ გამოგოჭირონ, თორემ გაგაფუჭებენ და მერე მოგჭამა ჭირი... კონფლიქტის პროვოცირება არ დაუშვა, თუ შესაძლებელია ჩხუბსა და საქმის გარჩევებში მონაწილეობა არ მიიღო, ღირსეულად გადექ განზე, თორემ ქართული ანდაზისა არ

იყოს - „არამკითხე მოამბეს, მიბეგვეს და მიაგდესო“... ერთი სიტყვით ფსიქოლოგიური ორთაბრძოლისა და საკნური „ნათლობისათვის“ მორალურად მზად ვიყავი. დინჯად, აუჩქარებელად რამდენიმე ნაბიჯი გადავდგი და მონიშნული ადგილიდან ერთ მეტრში გავჩერდი, მშვიდი გამომეტყველება მივიღე და მამასახლისად წოდებულს ცნობისნადილით მივაბტინე მზერა. ქართულად დაიწყო:

- მე მამასახლისი ვარ, შეგიძლია გრიშა დამიძახო, შენ?

- მე ვამეხ ბაქრაძე ვარ, - მისივე მანერით ვუპასუხე.

- სადაური ბაქრაძე? იმერელი?

- არა ბატონო, აჭარელი, უფრო სწორად მაღალმთიანი აჭარიდან.

- ბევრი მსმენია აჭარლებზე. პატიოსანი, გულიანი და ვაჟკაცი ხალხია. მერე და მთის ლალი და ამაყი შვილი ამ შმორიან საკანში რამ შემოგაგდო?

- ბედის უკუღმართობამ და ზოგიერთ არამზადა კაცთა მუხანათობამ, ბატონო ჩემო, - წარმოვთქვი და თვალი თვალში გავუყარე. გრიშა არ ელოდა ამ სითამამეს, არ იყო სხვა პატიმრებისგან ჩვეული, ალბათ. გაკვირვებულმა და გაოცებულმა პირველი კანფუზი მოხერხებულად აიშორა, იხტიბარი არ გაიტეხა, გამონწვევა მიიღო და მზერა მომაბტინა, ბოლოს მაინც ვერ გაუძლო და თვალი ამარიდა, „ჩერთ პობირიო“ (ეშმაკმა დალახვროს) ჩაილაპარაკა და ცხოველი ინტერესით მკითხა, ამჟერად რუსულად:

- „პო კაკოი სტატიი ჩალიშსია“ (რომელი მუხლით ნავსაყუდლობო)?

- საბჭოთა კავშირის სისხლის სამართლის კოდექსის 58-ე მუხლით, ბატონო ჩემო!

- აჰა, გასაგებია, ესე იგი „პოლიტიჩესკი“?! (პოლიტიკური პატიმარი) მაინც რა დააშავე ასეთი? 58-ე მუხლი ... სერიოზულად ყოფილა საქმე, ჰმ... „ხალხის მტერი“ ან უბრალოდ - „კონტრა“. ისე, ჩემს გამოცდილებასა და დაკვირვებას თუ ვენდობი, მომკალი და ბოროტმოქმედს არ გაგხარ...

- რას იზამ ბატონო, აკი მოგახსენეთ, არამზადა კაცების მუხანათობამ, კაცმოძულეობამ, უგულობამ და უჭიმობამ, გაუტანლობამ გამწირა...

- კაი, კაი, მჭერმეტყველება შენთვის შეინახე, პატიოსან ხალხს აუხსენი რა მოხდა, რა შეგემთხვა, რას გედავებიან?! ჩემო მომთმენო მკითხველო დამაფინყდა მეთქვა: სისხლის სამართლის 58-ე მუხლის ხსენებაზე პატიმართა ერთი ნაწილი გამოცოცხლდა, უფრო ცხოველი ყურადღებითა და ცნობისნადილით მომაჩერდა, ზოგი მაგიდას მიუჯდა, ზოგი სანოლზე წამოყუნტდა, ზოგიც ადგა და მისდაუნებურად ბოლთასცემას მოჰყვა. მათი ბედი თუ უბედობა შევახსენე, გონება აურიე და სული ავუფორიაქე, ნეტა რამდენია მათ შორის ჩემსავით დაუმსახურებლად და უსამართლოდ „ხალხის მტრის“ იარლიყმინებებულნი... ერთი სიტყვით, საყოველთაო ცხოველი ინტერესით მომაჩერდა არაერთი წყვილი თვალი. მე, ლეგენდისამებრ, მოკლედ მოვუყევი ჩემი „თავგასავალი“ და დავდუმდი...

- გამოდის, „დანოსი“ სატყეო მეურნეობის დირექტორმა გაგიჩალიჩა? მაგისი ნაბოზარი დედა ვატირე, - თქვა მამასახლისმა და გააფურთხა. - რამდენი მოგისაჯეს?

- ოცი წელი შრომა-გასწორების დანესებულებებში სასჯელის მოხდით...

- რას იზამ ვამეხ, აქ ვისაც ხედავ, უმეტესობა შენსავით ვილაც ნაძირალას ან რეჟიმის მსხვერპლია. მართალია, ეს ბევრს, მათ შორის პოლიტიკური სტატიით გასამართლებულსაც არ ეხება მაგრამ... - სინანულით ჩაიქნია ხელი და განაგრძო: მიწა და იცოდე და გაითვალისწინო, საკავშირო მასშტაბით, საქვეყნოდ და სამარადუამოთ შეთანხმებული ვართ ჩვენ, ქურდული სამყაროს წარმომადგენლები და „პოლიტიკოსები“, რომ ერთმანეთის საქმეებში არ ვერევი, არც საქმის გარჩევებში და არც განაჩენის სისრულეში მოყვანისას... ამიტომ ზედმეტი შეკითხვებით და საქმის დეტალური „გაიასნებით“- გარკვევა-ჩაკირკიტებით აღარ შეგანუხებთ, პრინციპი პრინციპია! - თანასაკნელებს მკაცრი მზერა მოაულო, შემდეგ ისევ მომიბრუნდა და მითხრა: - შენი ნაამბობი შთამბეჭდავია და დამაჯერებლურად უღერს, ჯერ აქ შევჩერდეთ. დანარჩენს ცხოვრება გვიჩვენებს, „პოლიტიკოსებთან“ დაიდე ბინა... დრო გვიჩვენებს, - თქვა და საკნის მეორე ნაწილისკენ მიმითითა, სადაც რამდენიმე პატიმარი არანაკლები ცნობისნადილით მოჩერებული მელოდა.

კრიმინალების იქედნური ქირქილის, ბილწი ჩახითხითებისა და აგდებული მზერის ქვეშ მითითებული მიმართულებით ვიარე. ძნელი წარმოსადგენი არაა, მამასახლისის მკაცრი

გაფრთხილება რომ არა, რა სიამოვნებით დამთეთქვავდნენ და სრულად უდანაშაულოზე ამოიყრიდნენ ჯავრს, ბოლმასა და სატკივარს. ვითომ მე ვიყავი მათი უბედურებისა თუ ტანჯავების პირველწყარო.

საკნის ბოლოში „პოლიტიკურები“ შემომეგებნენ. ყველას გულითადად და სანდომიანად მივესალმე და ზრდილობიანი თავისდაკვრით მშვიდობა ვუსურვე. ერთი სანდომიანი გამომეტყველების ახალგაზრდა პირველი მომიახლოვდა, უხმოდ ჩამომართვა სანოლის მონყობილობა და ერთ-ერთ თავისუფალ ნარზე დააღაგა. მეორემ, შუა ხნის მამაკაცმა, ხელი გამომინოდა და კარგად მონყობა და მოსვენება მისურვა. მე აუჩქარებლად ჩამოვართვი ხელი, - კეთილი, მეთქი, - ჩავილაპარაკე და სანოლის გაშლა-გასწორებას შევეუდექი. მიშა კალიკიდის დარიგებიდან ისიც მახსოვდა: - „საკანში ახალშესახლებულმა იქ დამხვდურ თანასაკნელებთან გაცნობისას არამც და არამც ინიციატივა პირველმა არ გამოიჩინო“. მეც, რამდენიმე წყვილი ცნობისმოყვარე თვალების „ზედამხედველობის“ ქვეშ სანოლი გავშალე, ფეხგაუხდელმა წამოვწეი და თავქვეშ ხელები ამოვიდე. ჩემდაუნებურად, უეცარმა გააზრებამ შემზარა: „ჩემი“ ოცი წლიდან ნეტა რამდენის გატარება მარგუნა ბედმა ამ ჩაკეტილ სივრცეში, იმ ხალხთან ერთად, რომლებსაც საერთოდ ვერ იცნობ ან გაეცნობი და თუ არაკაცია აღმოჩნდა ან ვიგინდარა, აბეზარა მამაძალლი, რამდენი ხანი უნდა ითმინო მისი კომპანიონობა, შეგიცვლიან თუ... ეეხ!

უეცრად წამოპარული სევდიანი ფიქრებიდან ზედამხედველის მჭახე ხმამ გამომიყვანა, - „სტარასტა უივო, ნა პრაგუ-ლკუ“! - (მამასახლისო ცოცხლად, გასასაეირნებლად!). როგორც შემდეგ გავიგე, დასაძინებლად დანოლის წინ კანონით ნახევარსაათიანი გასეირნების უფლება გვეძლეოდა ციხის პერიმეტრზე სპეციალურად მონყობილ და აღჭურვილ ეზოში. პატიმრები უკვე შეჩვეულები იყვნენ, რომ მამასახლისის მითითებები და ბრძანებები უსიტყვოდ და ცოცხლად უნდა შესრულდეს. აჩქარებული ნაბიჯით საკნიდან გავიკრიბეთ...

თავი XII

ეგრეთ წოდებული „სასეირნო ეზო“ სულ რაღაც ოცდაათი კვადრატული მეტრის სწორკუთხოვანი ფართი თუ იქნებოდა ბეტონის უსწორმასწორო იატაკითა და მაღალი, უხეიროდ და უგულოდ, უნიათოდ შებათქაშებული ღობური კედლებით გარშემორტყმული და ზემოდან რკინის მასიური ცხაურით „შეჭედილი“. პატიმრებმა, ზედამხედველისა და სათვალთვალო კოშკურიდან გუშაგის შაშხანამოღერებელი მეთვალყურეობის ქვეშ უგულო და უმიზნო ქუნძულს მოჰყვნენ. ვითომ ეს დამორგუნველი და უსახური გარემო არ გვეყო, კოკისპირულმა წვიმამ დაარტყა, რამაც ზედამხედველ-კონტროლიორი აიძულა საკანში შევერეკეთ.

ჩემი „შკონკის“- ნარის მოპირდაპირედ, პირველ იარუსზე საშუალო აღნაგობის, თეთრწვერულვაშიანი მამაკაცი „სახლობდა“. მისმა სიდინჯემ და დარბაისლობამ თავიდანვე მიიქცია ჩემი ყურადღება. ასაკით სამოც წლამდე იქნებოდა, მაგ-

რამ უფრო დაბერებული მეჩვენა. უბრალოდ გამეცნო, - მე როსტომ მგალობლიშვილი ვარ ქუთაისელიო და მეგობრულად ხელი გამომიწოდა.

- მე ვამეხ ბაქრაძე ვარ, ბათუმიდან, - მონინებით მივუგე და გამართული მარჯვენა შევაგებე.

- კეთილი და პატიოსანი. მე ძალიან მიყვარს და ვაფასებ აჭარლებს, გამბედავი და უშიშარი ადამიანები ხართ. რაც მთავარია, სიტყვის კაცები არიან. აჭარელი ვაჟკაცი თავს მოიკლავს, ვიდრე დანაპირებს არ აასრულებს, - დინჯად თქვა და მხარზე მეგობრულად ხელი მომითათუნა. რა თქმა უნდა მესიამოვნა და მორიდებით მადლობა მოვუხადე:

- დიდი მადლობა ბატონო როსტომ, მესიამოვნა, მარტივად და ზუსტად დაახასიათეთ აჭარელი კაცის ბუნება და ხასიათი.

- ჩემო ვამეხ, მე საინტერესო და შინაარსიანი ცხოვრებით ვიცხოვრე. მთელი საქართველო დავლილი მაქვს, ყველა კუთხე ერთიანად ლამაზია, ხალხი კი - საოცარი.

- აჭარაში, კერძოდ ბათუმში, ნამყოფი ბრძანდებით?

- ჩემო ვამეხ, ნამყოფი რას მიქვია, სისხლიც კი მაქვს ნანთხევი...

- ბატონო როსტომ, სასიამოვნოდ გამაკვირვეთ და ცნობისნადილიც ამიშალეთ, თუ მეტყვით როდის და რა ვითარებაში, გამიხარდება...

- მე, ქართული გვარდიის ოფიცერს, 1921 წლის მარტში ბათუმისა და სრულიად აჭარის გამოსახსნელად მიბრძოლია... მაშინ აჭარლებმა ქართული ეროვნული ჯარის მხარდამხარღირსეულად იბრძოლეს და საბოლოოდ დავებრუნეთ

მრავალტანჯული აჭარა დედასამშობლოს - საქართველოს. მაგრამ ვაი, რომ ეს დამოუკიდებელი საქართველოსთვის ბრძოლის ბოლო ეპიზოდი იყო. რამდენიმე დღეში ქალაქში წითელი არმიის ნაწილები შემოვიდნენ, ქართული ეროვნული საჯარისო შენაერთები დაშლილად გამოცხადდა, ხოლო დემოკრატიული საქართველოს მთავრობა ბათუმიდან სამი გემით ემიგრაციაში წავიდა, - სევდიანი თვალები მომანათა და უმაღვე გაჩუმდა. სიმართლე გითხრათ, ძალიან გამიხარდა, რომ უფალმა საკანში გვერდით თანამებრძოლი და ჭეშმარიტი მამულიშვილი მარგუნა. აი ნამდვილად იღბალა ვარ, რა! კიდევ ერთხელ ამ აზრზე დავიჭირე ჩემი თავი და უნებლიედ ჩამეცინა. ეს გარემოება ბატონ როსტომს არ გამოჰარვია. შვენშინე კიდევ, არ მოეწონა უადგილო ღიმილი. მე კი, ვიდრე ცუდ რამეს იფიქრებდა, შევეცადე მკვირცხლად და ხალისიანად მეპასუხა:

- ბატონო როსტომ, უზომოდ ბედნიერი ვარ თქვენი გაცნობით. ვერ წარმოიდგენთ როგორ გამახარეთ. მე, კახაბრის ველზე, გენერალ ასლან აბაშიძის რაზმის მოხალისეს და თქვენ, ქართული ეროვნული ჯარის ოფიცერს მხარდამხარ გვიბრძოლია საერთო ეროვნული საქმისათვის.

ბატონმა როსტომმა ჯერ ცოტა გაიკვირვა, შემდეგ კი მონივნებით წამოდგა, ხელები გაშალა და ჩემსკენ წამოინია, მეც შევაგებე ჩემი ღონიერი მკლავები. ამბორი იმდენადვე გულწრფელი და სადა იყო, რამდენადაც ეს პატოისან ადამიანებს ჩვევიათ ხოლმე.

- მაშინ აჭარელმა მოხალისეებმა დიდად ივაჟკაცეთ და დიდი სახელიც დაიდეთ. უკუგდებულ მტერს თითქმის რიზმდე ვსდიეთ, მაგრამ რად გინდა, კომუნისტებმა ჯერ სეპარატისტული ბრესტის ზავით მსოფლიო ომს გამოეთიშნენ, მერე ჯერ მოსკოვის, შემდეგ კი ყარსის ხელშეკრულებებით დაუთმეს ქართული ძირძველი მიწა-წყალი: - ტაო-კლკარჯეთი და კოლა-არტაანი, ბაიბურთი და სპერი, საპალაკაციო და ერუშეთი... მხოლოდ აჭარის, ისიც აჭარელი ხალხისა და მისი წინამძღოლების საარაკო სიბრძნისა და ძალისხმევით მოხერხდა აჭარის ავტონომიის სტატუსით შენარჩუნება.

- ბატონო როსტომ აჭარლებს არა მარტო რეგულარულ ოსმალურ არმიასთან გვინევედა ბრძოლა, არამედ პროვოკატორები, ხოჯა-მოლები და „ჩათნიკები“ სოფელ-სოფელ დაძრწოდენ, ხალხს აშინებდნენ კომუნისტების „უღმერთობით“, მუსლიმანური სარწმუნოების შევიწროებითა და აკრძალვით, მუსლიმანური ადათ-წესების, მათ შორის ქალებისთვის სარწმუნოების სიმბოლოს - „ჩადრის ახდით“, მედრსეებში და ჯამეებში არაბული ენისა და ყურანის სწავლების აკრძალვით, წითელი არმიის რიგებში ახალგაზრდობის სავალდებულო და საყოველთაო განწვევით და სხვა ამაზრზენი მოწოდებებითა და პროპაგანდით... მაშინაც აჭარლებს გარე და შინაგან მტრებთან გვინევედა ბრძოლა. ზოგადად, ფარული იდეოლოგიურ-რელიგიური შემოტევები უფრო საშიშია, ვიდრე აშკარა მტერთან - შეიარაღებულ ნაწილებთან და „ჩათნიკების“ შენაერთებთან.

მონაცოლმა არა მარტო ბატომი როსტომი, არამედ ყველა „პოლიტიკური“ პატიმარი დააინტერესა და ირგვლივ შემოკრიბა. აღმოჩნდა, რომ პოლიტიკური პატიმრების დიდი ნაწილი ბათუმში, მითუმეტეს აჭარის მთიან ნაწილში, ნამყოფი საერთოდ არ ყოფილა. „ცოცხალ“ აჭარელთან გაცნობა და გასაუბრება ყველამ ისურვა. პირველად ბატონმა როსტომმა მკითხა:

- ვამეხ, მე განათლებულ და გამოცდილ კაცად მომქონდა თავი, მაგრამ ზოგიერთი ფაქტით ნამდვილად დავინტერესდი:- პირველ რიგში ვერ გავიგე, რას ნიშნავს სიტყვა „ჩათნიკი“ და ვინ არიან ისინი?

- თუ მეხსიერება არ მდლალატობს და თურქული ენის ცოტა რამ თუ გამეგება „ჩათნიკი“ თურქულად პარტიზანს უნდა ნიშნავდეს. საქმე იმაშია, რომ პირველი მსოფლიო ომის დანყებისა და კავკასიის ფრონტზე რუსული საიმპერიო ჯარების წარმატებების კვალობაზე, ოსმალეთის მთავრობამ ციხეებიდან და სხვა სასჯელალსრულების დაწესებულებებიდან ყველა სიკვდილმისჯილი და სამუდამო პატიმრობაში მყოფი პირი სასჯელის მოხდისგან გაათავისუფლა, პირობა დაუდო, რომ იმპერიის სასიკეთოდ იბრძოლებდნენ საერთო მტრების წინააღმდეგ. მათგან ჩამოაყალიბეს რაზმები, შეაიარაღეს, რუსული საიმპერიო ძალების მიერ ოკუპირებულ ტერიტორიებზე გადასხეს და პარტიზანულ ომში ჩააბეს რუსული რეგულარული ჯარისა და ადგილობრივი ქართველი მოსახლეობის წინააღმდეგ. ისინი ჩვენი ჯარების მიერ ოკუპირებულ ტერიტორიებზე აწყობდნენ ტერორისტულ გამოხდომებს

სამხედრო და სამოქალაქო მაღალჩინოსანთა და წინამძღოლთა მიმართ. ატარებდნენ დივერსიულ ქმედებებს სამხედრო თუ სამოქალაქო სამრეწველო ობიექტებზე, პორტებში. თურქეთიდან მოვლენილ ან ადგილობრივ რეაქციულად განწყობილ ხოჯა-მოლებთან ერთად ატარებდნენ პროოსმალურ და ისლამურ აგიტაცია-პროპაგანდას, აშინებდნენ ხალხს და მუსლიმანური აღმსარებლობის მოსახლეობას ოსმალეთის იმპერიაში მასიური გადასახლებისაკენ მოუწოდებდნენ.

- ოჰო, აჭარაში უფრო რთულად ყოფილა საქმე, ვიდრე წარმომედგინა. მე როგორც სამხედრო პირი, მხოლოდ შეიარაღებული წინააღმდეგობის პერიპეტეებში ვერკვევოდი. მერე რა დაუპირისპირეთ აჭარლებმა?

- ჩვენ, აჭარის მოწინავე საზოგადოებას და საქართველოს ხელისუფლებას გვიწევდა ბრძოლები, როგორც ღია ისე ფარულ ფრონტებზე. მოხერხდა მრავალი ოსმალთა პარტიზანის, დივერსანტისა და პროფოკატორის გამოვლენა-განეიტრალება. ბევრი რამ მოვახერხეთ და შევძელით. რაც მთავარია, თავიდან ავიცილეთ მოსახლეობის მასიური მიგრაცია, რელიგიური და უკიდურესად სოციალური ფენის ნიადაგზე.

- გავიგეთ, რომ შინაურ თუ გარეშე მტერს მედგრად ედევით. ახალი, საბჭოთა ხელისუფლების მიერაც რიგი რეფორმებიც წარმატებულად განხორციელდა, მაშინ რა მოხდა 1929 წლის მიწურულს, რატომ აჯანყდა აჭარა?

- ბატონო როსტომ, აქ ბევრ გარემოებასთან და შიდა თუ გარე ფაქტორთან გვექონდა საქმე. ვითარებას ისევ ძაბავდა, რო-

გორც ზემოთ მოგახსენეთ, თურქეთიდან შემოგზავნილი პარტიზანები, პროვოკატორები და რეაქციულად განწყობილი სასულიერო პირები, რომლებიც ამინებდნენ მოსახლეობას, ეწეოდნენ ანტიქართულ - ანტისახელმწიფოებრივ აგიტაცია-პროპაგანდას, პირდებოდნენ ერთმორწმუნეებს ოსმალეთში გადასახლებას, ერთი სიტყვით მუჰაჯირობაში წასვლისკენ მოუწოდებდნენ. სამწუხაროდ და საუბედუროდ ახალგაზრდა საბჭოთა ხელისუფლება დეფიციტს განიცდიდა გამოცდილი, მოაზროვნე და პატრიოტულად განწყობილი კადრებით. შედეგად რიგ თანამდებობაზე, როგორც სრულიად საქართველოს, ასევე აჭარის რეგიონში საბჭოთა, ადმინისტრაციულ თუ სამეურნეო თანამდებობებზე მოხვდნენ შემთხვევითი კადრები, რომელთა უნიათობის, გამოუცდელობის, გაუაზრებელი და ზედაპირული აზროვნებისა და საქმიანობის წყალობით მივიღეთ აჯანყება.

- ვამეხ, უკაცრავად თუ არ ვიქნები, საბჭოთა პროპაგანდისტული წყაროების მეშვეობით გაჩნდა და გავრცდელდა რიგი მოსაზრებები და ვარაუდები... ერთ-ერთი ვერსიით მუსლიმანი აჭარლები ებრძოდნენ საბჭოთა ხელისუფლებას, იყო მოსაზრებაც მოსახლეობის ანტიქართულ განწყობასთან დაკავშირებით... - ამ ბრალდებათ, კერძოდ აჭარლების ანტიქართულ განწყობაში დადანაშაულებათ უკიდურესად გამაბრაზა და აღმაშფოთა, გული გამიხლიჩა. ერთი პირობა ვიფიქრე დავეზღვრე თავყბას, მეთქი, მაგრამ საღმა აზრმა და ჩეკისტურმა გამოცდილებამ მიხსნა - ემოციების მოთოკვა, გრძნობების დაოკება, წყენის თუ გულგატეხილობის დაფარვა-

მორჩულება, სადი აზრი და ცივი გონება ყოველთვის მკარნახობდა რეალური გადანწყვეტილების მიღებასა და ხელსაყრელ ფონზე უდანაკარგოდ გასვლას. მეორეც, ციხის საკანში რა აზრი აქვს აღმფოთება-შემფოთებას... თუ არგუმენტირებულად და ფაქტებით არ შეგიძლია არსებული მოსაზრების გადაფარვა-გაფანტვა და საპირისპიროში საზოგადოების, თუნდაც უმცარი, უგუნური თუ გაუნათლებელი პატიმრებისა, პირის მოკვება და გაჩუმება მაინც უნდა შეძლო... მით უმეტეს ბატონი როსტომი ფრიად განათლებული და გამოცდილი კაცი იყო. წინმსწრებად გეტყვით, შემდეგ წლებშიც, ეს მოსაზრება შეფარვით და იუმორნარევად ბევრჯერ მსმენია, გულიც მტკენია, მაგრამ ჩემი მოსაზრება და არგუმენტები უშიშრად და მთელი სიმართლით მითქვამს. ახლაც ასე იყო:

- ბატონო როსტომ, მე თქვენდამი დიდი პატივითა და მოწინებით განვიმსჯვალე, შეგიცან როგორც ჭკვიანი და განსწავლული კაცი. სიმართლე გითხრათ, გამიჭირდა თავის მოთოკვა, მაგრამ პატიება შევძელი და მოდი შევთანხმდეთ: ეს სულელური პროპაგანდისტულ-თავისმართლებლური ჭორი, რითაც მაუანმა ხელისუფალმან თავიანთი უნიათობა, უმეცრება და უაზრო, დანაშაულებრივი შეცდომების გადაფარვა გადანწყვიტეს და ამ მიზნით ჩემი კუთხის ხალხზე ასეთი გაუგონარი, ამაზრზენი ცილისმწამებლური ბრალდებები გაავრცელეს, უნდა დაივიწყოთ. წინააღმდეგ შემთხვევაში ჩვენ ვერ ვიმეგობრებთ...

- კაი შე კაცო, მხოლოდ გაგონილი გითხარი და არა დანახული...

- ჩვენი წინაპრების შეგონება არ უნდა დაგვაფიქვდეს: „სჯობია ერთხელ დაინახო, ვიდრე ასჯერ მოისმინო“, იმ ბრძოლებში მეც ვღებულობდი მონაწილეობას, გენერალ აბაშიძის რაზმის უმეტესობა მთიელი მოხალისეები ვიყავით, მერე რა, რომ ჩვენ მუსლიმანები ვართ, ვინმეზე ნაკლები პატრიოტიზმით, სიმამაცითა და გულადობით ვიბრძოდით თუ... ჩვენ მოხალისეები ვიყავით, მხოლოდ მოხალისეები... აჭარელი პატრიოტი თავკაცების მონოდებაზე, ყოველგვარი გამოსარჩენის ან სარგებლის გარეშე, დღე-ღამე დღე-ღრანტეებით ფეხით ვიარეთ და თავგანწირვით ჩავებით ბრძოლაში, ზოგიერთი გმირულად დაეცა ბრძოლის ველზე... ამის გარდა სხვა რამ ნახე? არა! ბევრ რამეს გაიგონებს კაცი: ადამიანის შეურაცხყოფელ და ცილისმწამებლურ ჭორს, წინასწარ გათვლილ და გამიზნულ პროპაგანდისტულ-ძირიგამომთხრელ სიცრუეს, მაგრამ ყველას კი არ იჭერებს ჭკვიანი კაცი. აღელვებულმა სულისმოსათქმელად გავჩუმდი, ბატონი როსტომიც უხერხულად გრძნობდა თავს. ეტყობა ნანობდა კიდევ, რომ ასეთი დაუფიქრებელი „იალლიში“ მოუვიდა. დუმდა. მაშინ ახალგაზრდა პატიმარმა, იმან, პირველმა რომ თავაზიანად ლოგინი ჩამომართვა, მორიდებით მკითხა:

- ქართული შეგონება გვამცნობს: „კვამლი ცეცხლის გარეშე არ არსებობსო“, ვამეხ სინამდვილეში რა მოხდა, გვაინტერესებს ფრიალ...

- კი ბატონო, მამაო ჩვენოსავით ვიცი. როგორც გითხარით მე თავიდანვე ამ მოვლენათა ეპიცენტრში ვიყავი და რაც ჩემი თვალით ვნახე და ჩემი ყურით გავიგონე იმას გეტყვით მხო-

ლოდ, მაგრამ ვშიშობ ბევრ დროს წაგართმევთ, - ვითავმდაბ-
ლე ჩემდაუნებურად.

- ეეს, ჩემო ვამეს, შენ „ოცნლიანში“ მე კიდევ „ჩვიდმეტნ-
ლიანში“ ვარ გარანტირებულად „გაჩხერილი“. ამ ბიჭებსაც
რომ უყურებ, ათ წელზე ნაკლები არც ერთს არაა აქვს მისტი-
ლი, ასე რომ არ ინაღვლო, დროს წავართმევ ბიჭებსო. დრო
თავზე საყრელად გვაქვს, ჭკვიან კაცებს კი ყოველთვის ვერ
ნახავ, - თქვა და თვალით კრიმინალების მხარეს მიგვანიშნა.

- შევეცდები მოკლედ მოგიყვეთ, თუ სინამდვილეში რა მოხ-
და აჭარაში 1929 წლის გაზაფხულზე. მაგრამ სანამ უშუალოდ
აჭარის ტრაგიკული ისტორიის ამ პერიოდს შევეხებით, მოკლე
ისტორიული წიაღსვლა უნდა გავაკეთოთ. მოგეხსენებათ
აჭარა სამასი წელი ოსმალეთის ბატონობის ქვეშ იყო, ისე
როგორც მთელი სამხრეთ - დასავლეთი საქართველო, ესე
იგი ისტორიული მესხეთი. მიუხედავად ოსმალეთის იმპერიის
მკაცრი, არაადამიანური დამპყრობლური და ასიმილაციური
პოლიტიკისა, აჭარამ შეინარჩუნა ადგილობრივი თვითმმარ-
თველობის ავტონომიურობა, მშობლიური ქართული ენა,
ქართული კულტურა, წინაპართა ადათ-წესები და ტრადიციები.
ქართული თვითმყოფადობა და მსოფლმხედველობითი
პრინციპები.

სხვა გზა არ იყო, მძიმე საგადასახადო და სარწმუნოებრივი
დისკრიმინაცია რომ არა, ქართველი კაცი ქრისტიანულ - მარ-
თლმადიდებლურ რწმენასაც ბოლომდე შეინარჩუნებდა. ამ
ერთმა ციდა აჭარლობამ რვაჯერ აუჯანყდა ოსმალეთის იმპე-
რიას, რვაჯერ, მაგრამ მხსნელი და მხარდამჭერი არავინ აღ-

მოჩნდა. საქვეყნოდ ცნობილია, რომ ამ ძნელბედობის უამს სხვა ქართული პროვინციები ურთიერთქიშპითა და ტყვეთა გატაცება-გაყიდვით იყვნენ დაკავებულნი.

ბოლოს როგორც იქნა ნანატრი დროც დადგა. 1877-1878 წწ რუსეთ-ოსმალეთის ომის შედეგად, რუსეთის იმპერიამ შემოიმტკიცა ისტორიული ტაო-კლარჯეთი, კოლა-არტაანი, ერუშეთ-საპალაკაციო და აჭარა-ლაზეთის უდიდესი ნაწილი. აჭარლობა იმედით შეჰყურებდა დედასაქართველოსთან დაბრუნებას, მაგრამ რად გინდა - აქეთ თურქი ემისრებისა და ხოჯა-მოლების გამუდმებული ჩიჩინი, რომ რუსი ვერ აგიტანთ, მას არ სჭირდება მუსლიმანური აღმსარებლობის მოსახლეობა, იქნება შევიწროვება, დევნა, ღირსების შელახვა და ტრადიციული ოჯახის შერყვნა და ა.შ. იქით - რუსი ადგილობრივი თუ სამხარეო მოხელეების უგულო, რიგ შემთხვევაში, უსამართლო, აღვირაბსნილი მოქმედება გულს უცრუებდა და საგონებელში აგდებდა მუსლიმან ქართველს. შედეგმაც არ დააყოვნა: რუსეთ-ოსმალეთის შეთანხმების შედეგად 1878-1882 წლების განმავლობაში მუსლიმ მოსახლეობას ნება ეძლეოდა თვითონ შეერჩია საცხოვრისი. შედეგად ასიათასზე მეტი მკვიდრი აჭარელი, აფხაზი და სამცხე-ჯავახეთის მუსლიმანი ქართველობა გაუყენეს მუაჯირობის მწარე და ეკლიან გზას. მეორე მზაკვრობაც ჩადეს შეთანხმებაში რუსმა ჩინოვნიკებმა - მუჰაჯირად წასულ მოსახლეობას ეკრძალებოდა მამა-პაპურ ადგილებზე რეპატრიაცია.

თურქებმა პირველი მსოფლიო ომის დაწყების წინ, 1914 წლის მიწურულს, ჯერ პარტიზანული რაზმები შემოუშვეს აჭა-

რაში, შემდეგ რეგურალური არმიის ნაწილები მოაყოლეს და დაიპყრეს ქვემო აჭარის დიდი ნაწილი.

მეფის მოხელეები და მათი შეიარაღებული დაცვა იძულებული გახდნენ აჭარის მთიანი რაიონები მიეტოვებინათ და გოდერძის უღელტეხილის გავლით მესხეთს შეაფარეს თავი.


1915 წლის დასაწყისში, თბილისიდან მოსულმა განმათავისუფლებელმა არმიამ აჭარიდან განდევნა თურქები, მაგრამ თურქებმა უკან დახევის დროს გადაწვეს სოფლები. „კახაბრიდან ქედამდე სოფლებში მამალიც აღარ ყოვის, სოფლები გადამწვარია და გავერანებული, შენობები გადამწვარი“ - წერდა მაშინდელი პრესა.

რუსეთის მოხელეებმა, რომლებმაც აჭარის მოსახლეობის დროული გაფრთხილება თურქეთის მხრიდან მოსალოდნელი საშიშროების შესახებ ყურად არ იღეს, დროული დახმარება არ აღმოუჩინეს და აჭარა ოსმალთა დამპყრობლებს მიუგდეს, თავის გამართლების მიზნით აჭარლებს სამშობლოს ღალატი დასწამეს, მოაწყვეს სახრჩობელები, მირეკეს მოსახლეობის ნაწილი და „თავკაცების“ სამაგალითო დასჯა გადაწყვიტეს. ორი მოთავის ჩამოხრჩობა მოასწარეს. ქართველი ინტელიგენციის დროული ჩარევის შედეგად სხვები ჩამოხრჩობას გადაურჩნენ. მართალია, აჭარლების ერთგულების და უსამართლოდ დასჯის შესახებ ბათუმის ოლქის გენერალ-გუბერნატორმა და კავკასიის მეფისნაცვალმა იმპერატორს მოახსენეს და ბრალდებები მოუხსნეს, მაგრამ ზოგიერთი ქართველთმობულე მოხელის მხრიდან მაინც დიდხანს იგრძნობოდა აჭარლებისადმი უნდობლობა.

საქართველოს და მათ შორის აჭარის გასაბჭოების პირველ წლებში გამოუცდელმა, რიგ შემთხვევაში გააზრებისა და ანალიზის უგულვებელყოფის შედეგად მიღებულმა გადაწყვეტილებებმა, კერძოდ: მუსლიმანური აღმსარებლობისა და ადათ-წესების უპრეცედენტო დევნა, რომლის კულმინაციაც იყო ქალებისთვის მუსლიმანობის მთავარი ატრიბუტის - ჩადრის ახდის აქცია, მუსლიმანური სასწავლო დაწესებულების - მედრესეების დახურვა, ახალგაზრდების საყოველთაო სამხედრო სამსახურში განწვევა. აქ უნდა აღინიშნოს ერთი გარემოება - სამასი წლის განმავლობაში ოსმალოსა და რუსეთის იმპერიას არ შემოუღია საყოველთაო განწვევა, ეს ხდებოდა ნებაყოფილებით. ხალხმა ეს ვერ გაიგო, სწორი სააგიტაციო კამპანიაც არ იქნა განუული. მთის მოსახლეობა აჯანყდა - საბჭოთა რეჟიმს გამოუცხადა უნდობლობა და დაუმორჩილებლობა. აჭარა ისევ დადგა მუჰაჯირობის საშიშროების წინაშე. საბოლოო ჯამში მოხერხდა ხელისუფლებასა და ხალხს შორის შეთანხმება და აჯანყებულები მშვიდობიანად დაიშალნენ. აჯანყებას დიდი მსხვერპლი არ მოჰყოლია. მართალია, მაშინ არ დასაჯეს, მაგრამ რად გინდა - 1936-1938 წლებში ყველას გაუხსენეს, ნაწილი დახვრიტეს, ნაწილი დააპატიმრეს, დანარჩენები კი ოჯახებიანად შუა აზიის რესპუბლიკებში გადაასახლეს. ერთი რამ მაინც უნდა ვახსენთ კომუნისტების სასახელოდ - აჭარაში, როგორც რეგიონში, ყველაზე წარმატებულად და შედეგიანად გატარდა კოლექტივიზაციისა და ინდუსტრიალიზაციის პროცესი!.. აი ასე იყო, დაახლოებით ბატონებო! - წარმოვთქვი დასკვნითი სიტყვის დარად და გავუყრდი. დამსწრე

საზოგადოება დუმილითა და ნაღველით შეხვდა ჩემს ტირადას. თავჩაქინდრული და გარინდული თავთავიანთ მოგონებათა და გასაჭირის მორევში გადაშვებული იყვნენ... მხოლოდ რამდენიმე წუთის შემდეგ, სრული მხარდაჭერისა და თანაზიარობის ნიშნად, ბატონი როსტომი უხმოდ წამოდგა, მკლავები მომხვია და გაირინდა.

ერთიცაა, საკნის კრიმინალ ბინადართ ჩვენი საფიქრალ-საზრუნავისთვის არ ეცალათ - სასადილო მაგიდას გარშემომჭდარნი კარტს თამაშობდნენ და გააფთრებით, უწმანური სიტყვების კორიანტელით, რაღაც თემაზე კამათობდნენ.



თავი XIII

ბატონი როსტომი იმდენად სერიოზული, დარბაისელი, განათლებული და ზნემალღებულები პიროვნება იყო, რომ ერთი შეხედვით უბრალოსა და სხვებისაგან არაფრით განსხვავებული პატიმრის მიმართ პირველი გასაუბრებისთანავე მისდამი მოწინებით, ერთობ რიდიტა და ხათრით იმსჭვალეობდი, „თქვენობითა“ და „ბატონობით“ მიმართვა მოგიწოდებოდა. ეს მაშინ, როცა კომუნისტური იდეოლოგიის მესვეურები ყველაფერს აკეთებდნენ, იმისათვის, რომ „ბურჟუაზიულ-ფეოდალური გადმონაშთები“ ქართველი კაცის ლექსიკიდან და მეხსიერება-ცნობიერებიდან წაეშალათ, იმის მიუხედავად, როცა თვითონ კარგად უწყობდათ, რომ სიტყვა „ბატონი“ ქართველი კაცის ლექსიკაში გამოიყენებოდა განსაკუთრებული დაფასების, განათლების, მორალურ-ზნეობრივი აღმატებულების აღსანიშნავად და არა მბრძანებლის ან პატრონის სინონიმით.

ბატონ როსტომს, როგორც საქართველოს დემოკრატიული რესპუბლიკის ეროვნული გვარდიის ოფიცერს, განათლება საზღვარგარეთ ჰქონდა მიღებული. გარდა მშობლიური ენისა თავისუფლად ფლობდა რუსულ, გერმანულ და ფრანგულ ენებს. ის პოლიტიკურად აქტიური პიროვნება იყო.

როგორც ოფიცერი საქართველოს დამოუკიდებლობისა და ტერიტორიული მთლიანობისათვის თბილისის მისადგომებთან იბრძოდა 1921 წლის იანვარ-თებერვალში. 1924 წლის

ცნობილი ანტისაბჭოთა აჯანყების, ქაქუცა ჩოლოყაშვილსა და სხვა ცნობილ პატრიოტებთან ერთად, ერთ-ერთი მოთავე და იდეოლოგი იყო. კომუნისტებმა არ აპატიეს. მართალია, დახვრეტას გადაურჩა, მაგრამ პატიმრობას ვერ ასცდა. ეროვნული გვარდიის ოფიცერი რუსეთში, დასავლეთ ციმბირის ტაიგაში იხდიდა სასჯელს.

მიუხედავად ამისა, როგორც ერთ-ერთმა პატიმარმა თქვა, ლავრენტი ბერიაზე ცუდს ვერ ათქმევინებდი. ეს გარემოება მენიშნა. ერთ საღამოს დრო ვიხელთე ვკითხე კიდევ:

- ბატონო როსტომ, თქვენ როგორც პოლიტიკური პატიმარი, საბჭოთა კავშირის შინსახკომის კომისარს ლავრენტი ბერიას არ უნდა წყალობდეთ, თქვენ კი პოზიტიურად ხართ განწყობილი...

- ჩემო ვამეხ, მე 1924 წლის ანტისაბჭოთა აჯანყებაში მონაწილეობისა და თავგაცობის გამო ემიგრაციაში წავედი. უცხო ქვეყნებში ბინა ვერ დავიდე, ახლობლების მონატრებამ და სამშობლოს სიყვარულმა თავისი ქნა და 1930 წელს საქართველოში დავბრუნდი. მშობლიურ სოფელში მშვიდად და ჩემთვის ვცხოვრობდი, მაგრამ ვილაცა არ მოასვენა ეშმაკმა და „მიდანოსა“. 1932 წლის გაზაფხულზე ამიყვანეს და ანტისაბჭოთა აჯანყებაში მონაწილეობის გამო დამაპატიმრეს. „ტროიკამ“ გადასახლება მომისაჯა. აღმოსავლეთ ციმბირში, ტაიგაში გამგზავნეს. სასჯელს შრომა - გასწორების სპეციალურ დასახლება-კოლონიაში ვიხდიდი. დისლოკაციის რაიონში მისვლისთანავე ბადრაგმა ტყეში დაგვტოვა, სამუშაო იარაღები დაგვიყარა და გვითხრა, სამ თვეში სოფელი უნდა ააშენოთო.

საშინელი სიცივე და აუტანელი შიმშილი იყო. ლავრენტი ბერია საბჭოთა კავშირის შინაგან საქმეთა სახალხო კომისარი რომ გახდა, პატიმრებისათვის „პაიოკი“ (უღუფა) დააწესა და ჩვენც ამოვისუნთქეთ... ლ. ბერიას ბრძანებით ზონები რაზმებად დაყვეს, რაზმები კი ბრიგადებად. ზონასა და რაზმს შინსახკომის ჯარების ოფიცრები, იგივე ოპერმუშაკები ხელმძღვანელობდნენ, ხოლო ბრიგადებს კრიმინალური ავტორიტეტები - „ბუგორები“. თუმცა ზონაში მაინც „ბეზპრედელი“-განუკითხაობა იყო. თავიდანვე „ბუგორებს“ განსაკუთრებით ცუდი ურთიერთობა „პოლიტიკურებთან“ ჰქონდათ. ბოლოს, შვეთანხმდით, რომ ერთმანეთის საქმეებში არ ჩავერეოდით...

- ბატონო როსტომ, თქვენ ეგზომ სწავლული კაცი ბრძაბდებით, საინტერესოა „კანონიერი ქურდის“ ტიტული პირველად ვინ მიიღო?

- უცნობია, ის კი ცნობილია, რომ „კანონიერი ქურდები“ სწორედ „ბუგორების“ წრიდან გახდნენ. ადრე თითო ბანაკში 50-60 „ბუგორი“ იყო, თუმცა „კანონიერი ქურდი“ ყველაზე „უმნიკვლო მასტი“ ანუ ის გამხდარა, ვისაც არც პასპორტი ჰქონდა და არც ცოლი ჰყავდა... ერთი სიტყვით კომუნისტების ავანტიურამ გაამართლა - ქურდებმა ზონებში „პალაყენიე“ დაამყარეს.

- კი მაგრამ ამდენ ზონასა თუ ბანაკში, მოკლე ხანში, შესაძლებელი იქნებოდა ამდენი „კანონიერი ქურდის“ „გამოზრდა“?

- რა თქმა უნდა არა, უფრო სწორედ ვერა. თავდაპირველად „კანონიერი ქურდი“ რამდენიმე „ლაგერს“ -

ბანაკს ეგრეთ წოდებული „მაყურებლის“ მეშვეობითა და დახმარებით აკონტროლებდა. მართალია, „მაყურებელს“ „ზონაზე“ გავლენა ჰქონდა, მაგრამ მას არ შეეძლო გადაწყვეტილება ქურდთან შეთანხმების გარეშე მიეღო...

- ასე ხელშესახებია, ქურდების წვლილი ზონებსა და ბანაკებში წესრიგის დასამყარებლად?

- ნამდვილად. „კანონიერმა ქურდებმა“ იმის გაკეთება შეძლეს, რასაც ე.წ „ატრიადის“- რაზმის ხელმძღვანელები ვერ აკეთებდნენ. არადა „ატრიადის“ ხელმძღვანელები და ციხე-ბანაკების ოპერატიული მუშაკები მაღალი რანგის ოპერმუშაკები იყვნენ და ისინი „მასტებს“ სიარულზე ცნობდნენ, მაგალითად, ვინ „ქათამი“ იყო და ვინ „მუჟიკი“...

- „პეტუხს“ ანუ „ქათამს“ ვის ეძახიან?

- ვინც ციხეში გააუპატიურეს, აგრეთვე ბუნებრივად ჰომოსექსუალები არიან.

- „მუჟიკები“ ვინლა არიან?

- „მუჟიკები“ შავი სამყაროს წესებით ცხოვრობენ, მაგრამ ქურდებს მაინცდამაინც არ ემორჩილებიან, უფრო დამოუკიდებელ ცხოვრებას ეწევიან.

- გამოდის „პოლიტიკოსები“ ჩვენ ვართ, აი „ტრუდიაგები“ - მშრომელები ვინლა არიან?

- მართალია. „პოლიტიკოსი“ ზოგადად ყველა ისინია, ვინც სისხლის სამართლის კოდექსის 58-ე მუხლით არიან. გასამართლებულნი და სასჯელმისჯილნი. „ტრუდიაგები“, ეს ჩვეულებრივ მშრომელი ხალხია, რომლებიც საამქროებში, სახელოსნოებში და ციხისა თუ ბანაკის ტერიტორიაზე არსებულ

ფაბრიკა-ქარხნებში თუ საბადოებზე მომუშავე პერსონალია. ისინი ციხე-ბანაკებში გამომუშავებული ფულით ოჯახებსაც კი ინახავდნენ...

- აუ, ეს რამდენი გაუგებარი და საინტერესო ტერმინებია! ეს ტერმინები სპეცსამსახურებმა მოიგონეს?

- არა. „კანონიერმა ქურდებმა“ თავიანთი ენა იმიტომ შექმნეს, რომ მათი ლაპარაკი ზედამხედველს ვერ გაეგო, თუმცა ახლა ყველაფერი გაშიფრულია... მოკლედ, „კანონიერმა ქურდებმა“ საბჭოთა სახელმწიფოს განმტკიცებაში ლომის წილი შეიტანეს. მათ ყველა ურჩი პატიმარი დაიმორჩილეს და მუშაობა დააწყებინეს.

- ბატონო როსტომ, ასეთი კასტის შესახებაც მსმენია - „სუკი“ ე.ი. „ბოზები“. ესენი ვინღა არიან?

- ქურდებში ხშირად ხდებოდა „გარჩევები“. ზოგს გადაცდომა მოსდიოდა ან წააგებდა და ვერ ჩააბარებდა „თავანს“ ე.ი. წაგებულ თანხას, ასეთებს ქურდები თავისი ოჯახიდან აგდებდნენ. ერთი სიტყვით „სუკი“ ე.ი. „ბოზები“, ის ქურდები და კრიმინალური ავტორიტეტები არიან, რომლებიც ქურდული ოჯახიდან განდევნის შემდეგ ციხე-კოლონიების ადმინისტრაციასთან თანამშრომლობდნენ. ისინი იყვნენ ბრიგადირები, სანყობის, საკუჭნაოს, აბანოს გამგეები და სხვა. „კანონიერი ქურდები“ და „ბოზები“ ერთმანეთის დაუძინებელი მტრები იყვნენ.

- ბატონო როსტომ, ბოდიშს ვიხდი, ვატყობ შეგაწუხე და დაგლალე ჩემი მიამიტი და გულუბრყვილო კითხვებით. ერთი

კითხვაც და მეტს აღარ შეგანუხებთ. მსმენია ტერმინი „წითელი ზონა“, ეს რაღაა?

- ჩემო ვამეხ, პირიქით, შენ წინდახედული და ცნობის-მოყვარე კაცი ყოფილხარ. თუ ქურდულ სამყაროსა და საერთოდ კრიმინალურ სამყაროს არ იცნობ, ვერ ერკვევი „ქურდულ კანონებსა“ თუ ციხე-ბანაკებსა თუ კოლონიებში გაბატონებულ წესებსა თუ ქცევების ნორმებში, მაშინ სასჯელაღსრულების ვერც ერთ დანესებულებაში თავს ვერ გაიტან. პირიქით, ნუ დამზოგავ, მკითხე რაც გენებოს. ჩემი რჩევისა და ზოგადად თანადგომის იმედი ყოველთვის გქონდეს. რაც შეეხება „წითელ ზონას“... ქურდული ოჯახიდან განდევნილი კრიმინალური ავტორიტეტები და ყოფილი „კანონიერი ქურდები“ ჯერ დათანუტელები იყვნენ სხვადასხვა ბანაკებსა და ზონებში. მაშინ ხშირი იყო ე.წ. „სუკების“ და მათი მხარდამჭერების, დაპირისპირებულ, ტრადიციულ კრიმინალურ სამყაროსთან კონფლიქტები, კრიმინალური გარჩევები, მასობრივი არეულობები და უაზრო ხოცვა-ჟლეტა. ამის გამო ყველაზე შეურიგებელი და დაუმორჩილებელი ე.წ. „სუკები“ ჩეკისტებმა ერთად შეკრიბეს, ერთ ბანაკში. ზოგადად, სხვა პატიმრებისგან გამოსარჩევად წითელ სამკლავურებს ატარებდნენ. უმეტეს წილად, ციხე-ბანაკების ადმინისტრაციასთან აქტიური და ნაყოფიერი თანამშრომლობის გამო, ისინი დიდი ავტორიტეტით სარგებლობდნენ. მათ აზრს ითვალისწინებდნენ და ხშირად გადაწყვეტილებას იმის მიხედვით იღებდნენ. მაგალითად, „ბოზების“ დახასიათებით ხდებოდა ხალ-

ხის ზონებიდან გათავისუფლება და მათ შორის პირობით ვადამდე გათავისუფლებაც...

- დიდი მადლობა ბატონო როსტომ ნდობისა და გულის-
ხმიერებისთვის. თქვენ სიკეთეს არასდროს დავივიწყებ.

- არაფრის, გენაცვალე. ახლა კი გვიანია, მოდი დავიძინოთ.

თავი XIV

რამდენიმე დღის შემდეგ ციხის სამეურნეო ნაწილის უფროსმა დამიბარა. ჩემი პროფესიითა და შესაძლებლობით დაინტერესდა და სადურგლო საამქროს ხელმძღვანელობა შემომთავაზა. სიამოვნებით დავთანხმდი. ჯერ ერთი, რა გამაძლებინებდა ოცდაათი საათი საკანში უსაქმოდ და მეორეც, ჩვეულ საქმეს გულს გადავაცოლებდი. სამეურნეო ნაწილის უფროსის კეთილგანწყობამ გამაბედვინა და საამქროში როსტომ მაგალობლიშვილის გადმოყვანა ვთხოვე. უფროსი მაშინვე დამთანხმდა: - კეთილი და პატიოსანი კაცია, ასაკიანი, მისთვის ეს სულზე მოსწრება იქნებაო.

საკანში დაბრუნებულმა ბატონი როსტომი ვიხმე და სასიამოვნო და სასიხარულო ამბავი ვახარე. ფრიალ გაუხარდა. მომეფერა და ძმური თანადგომა აღმიქვა.

სადურგლო საამქრო ციხის მთავარი საცხოვრებელი კორპუსებიდან მოშორებით ეგრეთ წოდებული „ხოზდვორის“ – (სამეურნეო ეზოს) ტერიტორიაზე იყო განლაგებული. საშუალო ზომის ფიცრული აღჭურვილი იყო სხვადასხვა დანადგარ-მონწყობილობით. ჩემი და როსტომის გარდა საამქროში კიდევ სამი კაცი მუშაობდა. ორი ეროვნებით რუსი იყო, მესამე კი ქართველი კახეთიდან. მალევე შევეწყეთ. ისინიც პოლიტიკური პატიმრები აღმოჩნდნენ. ვმუშაობდით დინჯად. თავიდანვე დავუთქვი ბიჭებს - არავითარი საბოტაჟი ან მინდობილი საქმისადმი უგულო დამოკიდებულება. პატიმრის ისედაც დატანჯულ სვე-ბედს ზედმეტი პრობლემები ნაღდად არ

გვჭირდებოდა. მეორეცაა, ყველა პატიმარს პირადი ბარათი გვექონდა, რომელზეც ციხის ბუღალტერიის მიერ გვერიცხებოდა შრომადღევები, გარკვეული ფულადი თანხა გამოიშვავების კვალობაზე, რითაც შეგვეძლო ეგრეთ წოდებულ „ლარიოკში“, გარკვეული სახის პროდუქტის, ტანსაცმლის თუ ჰიგიენური საშუალებების შეძენა. თუნდაც ამიტომ არ ღირდა საქმისადმი უგულო დამოკიდებულება. კრიმინალური სამყაროს წარმომადგენლები კი პირიქით, სულ წინააღმდეგობაში იყვნენ ციხის ადმინისტრაციასთან, სამუშაოს თავს არიდებდნენ, უხარისხო და წუნიან პროდუქციას უშვებდნენ, რის გამოც ხშირად კარცერისა თუ საჯარიმო საკნების ბინადარნი ხდებოდნენ. წინმსწრებად გეტყვი, „გუბერნსკიზე“ სამი წლის პატიმრობის დროს ერთხელაც არ დავუსჯივარ ადმინისტრაციას, კარცერსა თუ საჯარიმო საკანში მოხვედრაზე ხომ ლაპარაკიც ზედმეტი იყო. მე დიადი მიზანი მამოძრავებდა - ოცი წელი უნდა გავძლო, ფიზიკურად და მორალურად ჯანსაღი უნდა დავუბრუნდე ოჯახსა და მშობლიურ მხარეს!.. მხოლოდ ერთხელ შეეცმნა საფრთხე მონოტონურ, ციხის ერთფეროვან ცხოვრებას...

მე და როსტომი (შემდეგში ასე მოვიხსენიებ, რადგანაც როსტომმა კატეგორიულად მომთხოვა „ბატონობით“ აღარ მიმეშართა, ორივე პატიმრები ვართო. მეც ნელ-ნელა შევეჩვიე), ერთხელ გვიან ღამით დავბრუნდით. ერთ-ერთი ციხის მაღალჩინოსანის დაკვეთით წიგნების კარადას ვაკეთებდით და არ გვინდოდა განზილება. დაკვეთა დროულად შევასრულეთ.

ღამის სამი საათი იქნებოდა, რომ კრიმინალების მეორე ნახევარში ჩოჩქოლი ატყდა, რაც არაადამიანურ კვილსა და უნმანური სიტყვების კორიანტელში გადაიზარდა. ყველანი წამოვცვივდით. შუქი ავანთეთ. საზარელი სურათი გადაიშალა. „პარაშასთან“ ერთი, საკნის კარებთან კი ორი პატიმარი სისხლის გუბებში ცურავდნენ. მამასახლისი მაგიდაზე ავარდა. ყველას სიმშვიდისკენ მოუწოდა, წინააღმდეგობის შემთხვევაში ყელებს დაგლადრაფთო. პირველადი სამედიცინო დახმარება უშედეგო გამოდგა. სამივეს მიებარებინა ეშმაკისთვის მათი ცოდვილი, უხეირო სული.

გრიშამ პატიმრები დააშოშმინა და გადანყვიტა სანამ დაცვას იხმობდა, მანამდე გაერკვია თუ რა მოხდა. „პოლიტიკოსები“ კრიმინალების საქმეში ახლაც არ ჩაგრეულვართ. ნარებზე შორიახლოს ჩამოვჯექით და კრიმინალურ გამოძიებას - „რაზბორკა-გაიასნებას“ მივაყურადეთ. სამივე გარდაცვლილი კრიმინალი ქურდული სამყაროს წარმომადგენლები იყვნენ, ეგრეთ წოდებული „ბლატნოები“. ერთი ქართველი - მეტსახელად „მიშა კუტაისსკი“, მეორე საქართველოში დაბადებული და გაზრდილი რუსი „საშკა სუხუმსკი“ და ახალციხელი სომეხი „სურენ სხვილისსკი“... სამივე რეციდივისტი, არაერთხელ მჯდარა ციხე-კოლონიებში. აქ, როგორც მშობლიურ სახლში, ისე გრძნობდნენ თავს. საზოგადოებრივ-სასარგებლო საქმეს თავს არიდებდნენ, „ბეზღელნიკობდნენ“, ჩაის ნაყენით - „ჩიფირით“ იჭერდნენ „კაიფს“, მთელი დღეები სხვადასხვა აზარტულ თამაშებით, განსაკუთრებით კი კარტის თამაშით „კლავდნენ“ დროს. ეს ერთი შეხედვით „კლავდნენ დროს“,

თორემ „ინტერესის“- მატერიალური სარგებლის გარეშე არც კამათელს გააგორებდნენ და არც ბანქოს ერთ ქალაქსაც არ ჩამოვიდოდნენ. აბა „ხავკა“ - საკვები და თავისუფლების ადგილებიდან „გრევი“ ან „კაბანჩიკი“ - სურსათ-სანოვაგე და სპირტიანი სასმელები, საიდან უნდა მოხვედრილიყო საკანში.

თურმე „სურენ სხვილისსკიმ“ თავის დროზე, ასე ხუთი წლის წინ „საშკა სუხუმსკი“ ბანქოში წაგებული „თავანის“ არჩაბარების გამო „პეროზე - (დანის წვერზე) დააყენა“, თუ დანიშნულ დროზე წაგებულ თანხას არ ჩააბარებდა, ის მას გააუპატიურებდა და „დააჩმორებდა“ ან მოკლავდა... ამ საქმეს დიდი რეზონანსი და გარჩევები მოჰყოლია. სლაფური წარმოშობის ავტორიტეტები „საშკა სუხუმსკის“ თავდებში დაუდგნენ და წაგებული თანხის დროზე შეგროვება თავის თავზე აიღეს. მეორე მხარეს სომხური წარმოშობის ავტორიტეტები იდგნენ, რომლებიც მტკიცედ და კატეგორიულად მოითხოვდნენ „წმინდა წესი“ ესე იგი, „თავანის“ - წაგებული თანხის, ჩაბარება უნდა აღსრულდესო. პრაგმატული მოსაზრების გამო, იმ დროს ხსენებულ ციხეში თავმოყრილმა ქართულმა კრიმინალურმა დაჯგუფებამ ნეიტრალური - ოქროს შუალედის პოზიცია დაიკავა. თანხა იმდენად დიდი იყო, რომ სლაფური წარმოშობის კრიმინალურმა დაჯგუფებამ ვერ შეაგროვა, სომხური კრიმინალური დაჯგუფება კი რაიმე დათმობაზე წასვლას არ აპირებდა. ამასობაში რუსეთის შრომა-გასწორების ერთ-ერთი კოლონიიდან ორთაჭალის „გუბერნსკი“ ციხეში გადმოუყვანიათ კრიმინალური ავტორიტეტი და საქვეყნოდ ცნობილი რეციდივისტი „მიშა კუტაისსკი“. თურმე ის

„საშუა სუხუმსკის“ ძველი მეგობარი - „კორიში“ ყოფილა. ციხის მოსალოდნელი სისხლიანი, კაცთამკვლელი „რაზბორკების“ შესახებ მისთვის მაშინვე გამხდარა ცნობილი. „მიმა კუტაისსკი“ გამოეცხადებოდა „საშუა სუხუმსკის“, არ დაუშვებდა მეგობრისა და ძველი „სარატნიკის“- თანამოაზრის შესაძლო „ჩაშვება“ - ჩაძირვას ან უარესი, ქურდული პატივის აყრას, გაუპატურებასა და „გაქათმებას“. ამიტომ ქართველი თანამოაზრე კრიმინალების თანადგომითა და დახმარებით მოახერხა თავანის შეგროვება, სომხური კლანისთვის ჩაბარება და მეგობრის გამოსხნა. მართალია, ასეთი რამ კრიმინალურ სამყაროში მოსული თემაა, წმინდათაწმინდა პრინციპი „მოსასვლელი უნდა მოვიდეს, ჩასაბარებელი - ჩაბარდეს“. „თავანის“ ჩაბარების შემდეგ ინციდენტი ამონურულად ითვლება და კლანებს თუ ცალკეულ კრიმინალურ ავტორიტეტებს შორის გადამტერების ან შურისძიების საბაბიც ქარწყლდება.

მართალია, ხუთი წლის წინანდელი ინციდენტი წარსულს ჩაბარდა და მხარეებმა კვლავინდებურად და შეხმატკბილებულად გააგრძელეს თანაცხოვრება, მაგრამ პიროვნულ დონეზე ორივე კრიმინალს - „მიმა კუტაისსკის“ და „საშუა სუხუმსკის“ გველის ნაკუმენივით დაამახსოვრდათ „სურენ სხვილისსკის“ მაშინდელი შეუპოვრობა და დაუნდობლობა.

კრიმინალები აგერ ერთი წელია ერთ საკანში ზიან და „ბლატნობენ“. კარტის თამაში ხომ მოსულა. „მიმა კუტაისსკიმ“ და „საშუა სუხუმსკიმ“ გადაწყვიტეს „სურენ სხვილისსკისთვის“ სამაგიეროს გადახდა. მთელი წლის განმავლობაში


მიზნობრივად, შეთანხმებულად ეთამაშებოდნენ სურენას, სანამ არ წააგებინეს სოლიდური თანხა. თანხა იმდენად დიდი იყო, რომ ჩაბარება ნაკლებად მოსალოდნელი იყო. „სურენ სხვილისსკი“ ციხის პირობებში რა მოგახსენოთ და თავისუფლებებზე მყოფიც კი ვერ შეაგროვებდა წაგებულ თანხას.

ერთი სიტყვით, სამჯერ დაუთქვეს „თავანის“ ჩაბარების ვადა და „სურენ სხვილისსკიმ“ სამივეჯერ ვერ ჩააბარა. მაშინ „საშუა სუხუმსკიმ“ ის „პეროზე“ დააყენა. ვადა გავიდა, მაგრამ „სურენ სხვილისსკი“, „თავანის“ ჩაბარებას არ ჩქარობდა. გაფრთხილებისას ორივე კრიმინალი მასხრად აიგდო და მათი ნათესავებიც აუგად, შეურაცმყოფელი, უნმანური სიტყვებით შეამკო. ეს უკვე ბოლო წვეთი იყო. ავტორიტეტიანმა კრიმინალ-რეციდივისტებმა გადანყვიტეს დამნაშავეს უხმოდ, ზედმეტი გარჩევებისა და აყალ-მაცალის გარეშე ლიკვიდაცია. ბოლო სამი დღე-ღამე მშვიდად და წესიერად იქცეოდნენ, რომ დანარჩენების ყურადღება მოედუნებინათ. მეოთხე ღამეს, როცა ყველამ დაიძინა, „მიშა კუტაისსკიმ“ და „საშუა სუხუმსკიმ“ მძინარე „სურენ სხვილისსკი“ გაკოჭეს, პირში ჩვარი ჩატენეს, „პარაშასთან“ გადაათრიეს, ჯერ სასტიკად სცემეს, შემდეგ კი ორივემ გაუკუღმართებული, სადისტური წესით გააუპატიურეს. მომაკვდავი იქვე დააგდეს, უინმოკლეულები „შკონკაზე“ არხეინად მიესვენნენ და საღათას ძილით დაიძინეს.

მოთხიზლდა სურენა, რომელმაც ბოლომდე გაითავისა მისი შერცხვენა და სამუდამო გათახსირება. იმდენი ეწვალა, რომ თოკები შეიხსნა, იატაკის ღრიჭოდან გამოიღო ადრე საგან-

გებოდ გადამალული ბებუთი, ჯერ მძინარე მიმას გამოჭრა ყელი, შემდეგ საშას, ბოლოს კი თვითონ გამოიჭრა ყელი... აღმოჩნდა, ყოველივე ამას ერთი „ქათამი“ ხედავდა, მაგრამ რას მიეხმარებოდა ან რას მოიმოქმედებდა, ეს ხომ მისი შურისძიებაც იყო, კრიმინალების მხრიდან მისდამი ეგზომ დამცირების, გათახსირებისა და მუდმივი შეურაცყოფა-აბუჩად ავდების სატვასური... მან კიდევ ერთხელ ხელები მიიტყაპუნა უკანალზე და „მშობლიურ გარემოს“ – „პარაშას“ დაუბრუნდა.

გრიშა მამასახლისმა გამოძიება ჩატარებულად ჩათვალა და კარებზე ბრახუნით იხმო ზედამხედველები და მომხდარის შესახებ მოკლედ მოახსენა.



თავი XV

აუტანელ შრომასა და ციხის ერთფეროვანი ცხოვრების პირობებში სამი წელი უცებ გავიდა!..

1948 წლის მარტის მიწურულს ციხის ადმინისტრაციამ ყველა პოლიტიკური პატიმარი სამწყობრო მოედანზე მოგვანყო და გამოგვიცხადა: საბჭოთა კავშირის პოლიტიკური ხელმძღვანელობის დადგენილებით პატიმრები, გასამართლებულნი სისხლის სამართლის კოდექსის 58-ე მუხლით, მიჩნეულნი არიან განსაკუთრებით საშიშ სახელმწიფო დამნაშავეებად. მათთვის იქმნება განსაკუთრებული დანიშნულების შრომა-გასწორების ბანაკები. პირველი ასეთი ბანაკი საბჭოთა კავშირის შინაგან საქმეთა სამინისტროს 1948 წლის 28 თებერვლის ბრძანებით უკვე შექმნილია. ტერიტორიულად განსაკუთრებული დანიშნულების შრომა-გასწორების ბანაკი პირობითი სახელდებით „მინერალნი - მინერალური“ უკვე შექმნილია რუსეთში, კომის ავტონომიური საბჭოთა სოციალისტური რესპუბლიკის კოჟვინის რაიონის დაბა ინტაში. ეტაპირებულთა სია ამოიკითხეს და სამეურნეო განყოფილებას გასცეს განკარგულება პატიმართა მომზადების თაობაზე. ეტაპირებისთვის მზადყოფნის ბოლო ვადად 12 აპრილი დაინიშნა. ჩემი საკნიდან იმ ავადსახსენებელ სიაში მე და როსტომ მგალობიშვილი მოვხდით. მაშ ასე, შეთითხნილი ბრალდება და პოლიტიკური პატიმრის სტატუსი არ მეყო, ახლა განსაკუთრებით საშიშ სახელმწიფო დამნაშავედაც მცნეს.

სიის ამოკითხვის შემდეგ სხვა პატიმრები დაშალეს, დააბრუნეს თავთავიანთ საკნებში. ორთაჭალის ციხიდან ხსენებულ სიაში სულ 17 პატიმარი მოვხდით. ერთმანეთს ვერ ვცნობდით, რადგან სხვადასხვა საკნებში ვიყავით განთავსებულნი, გადაკეტილი სართულებითა და სარდაფებით. სამუშაოზეც კი ბრიგადებად და ჯგუფებად გადაყავდით.

ადმინისტრაციული განყოფილების თანამშრომელი მაშინვე ეტაპირების მომზადებისთვის თადარიგს შეუდგა. ჯერ ბუღალტერიაში გადაგვიყვანა. ბარათებზე რიცხული თანხები დაგვიჯამეს, გასაქვითი გაქვითეს. ნაწილი ხელზე მოგვცეს. დანარჩენი კი ოჯახებზე გადასაგზავნად გადადეს.

ცხადია, საშიში დამნაშავეების სტატუსის მინიჭების შემდეგ, თავიანთ საკნებში აღარ დაგვაბრუნებდნენ. ასეც მოხდა. თითოეული პატიმარი საგანგებო კონტროლის ქვეშ, წყვილი ბაღრაგის მეშვეობით ძველ საკნებში გადაგვიყვანეს. ბარგი-ბარხანის შეგროვება და საკუჭნაოდან პირადი ნივთების გამოტანა გვიბრძანეს და ეტაპირებისთვის განკუთვნილ საკანში გაგვგზავნეს, რომელიც მეორე კორპუსის ნახევრად სარდაფის ტიპის კუთხურ ბარაკს წარმოადგენდა.

საღამომდე ეტაპირების საკანში მონყობა-განთავსებით დაგვავდით. ვახშამიყ ცალკე მივირთვით. ერთი სიტყვით, სიკვდილმისჯილი განწირულებივით სხვა პატიმრებისაგან სრულ იზოლაციაში მოგვაქციეს. აღარც სამუშაოზე გავუყვანივართ. იმ დღესვე ჩვენს სამუშაო ადგილებზე სხვა პატიმრები გაამწესეს.

ჩვიდმეტივე ქართული წარმოშობისანი აღმოვჩნდით. თითქმის მთელ საქართველოს წარმოვადგენდით. აჭარიდან მარ-

ტო მე გახლდით. განწირულები ძუნწიტყვაობდნენ. ყველას საკუთარი სადარდებელი და საფიქრალი გვქონდა.

ერთი კი ვიგუმანეთ და შვებით ამოვისუნთქეთ. განსაკუთრებული დანიშნულების შრომა-გასწორების ბანაკი „ინტლაგი“ - გინდა „მინერალნი“ შეიქმნა სპეციალურად სისხლის სამართლის კოდექსის 58-ე მუხლით სასჯელმისჯილთათვის, ესე იგი იქ მხოლოდ პოლიტიკური პატიმრები ვიქნებით განთავსებულნი და ერთჯერ და სამუდამოდ მოვისვენებთ სხვადასხვა ჯურის, კასტისა თუ მასტის კრიმინალებისა თუ „ბეზპრედელეებისაგან“. პოლიტიკურებს კი ერთმანეთთან არც არაფერი გვაქვს გასაყოფი და სადავო... ჩვენი მძიმე უღელის გვეყოფნის. პირიქით, ერთმანეთის ატანა-გატანას და თანადგომას, ხელის შეშველებას მივეჩვიეთ. მაშ ასე, შეუცნობადისა და შორეულის განცდით გათანგულები ველოდით ეტაპირებას.

როგორც იქნა დადგა 12 აპრილი. შებინდებისას ორი საბადრაგოდ გადაკეთებულ-ალჭურვილი „სტუდაბეკერი“ მოადგა მეორე კორპუსის ფლიგელს. უხმაუროდ და ზედმეტი ემოციების გარეშე, ბედსდამორჩილებულნი, ერთრიგად, ძუნძულით მოვკალათით გისოსებიან ძარებზე. ისევ ნავთლულის სადგური... სათადარიგო ლიანდაგზე „ჩვენი“ საბადრაგო ვაგონი გველოდა. იქაც მთელი სიმკაცრის დაცვით, სათითაოდ, ერთმნკრივად წაგვაბუნძულეს საეტაპო ვაგონში. ტუსადთა დიდ მანძილზე გადაზიდვისთვის განკუთვნილი მატარებლის ვაგონი გვერდებზე რკინის ფირფიტებით გამაგრებული და რკინის ცხაურ-გისოსებიანი ორი გვერდითი პატარა სარკმელით ნახევრადჩაბნელებულ სარდაფს ემსგავსებოდა. ვაგო-

ნის ერთ ბოლოში განთავსებული იყო ნახევრად ღია საპირფარეშო, წესისამებრ ჩაყანგებული პირსაბანიო და ონკანით. ვაგონის მეორე ბოლოს განთავსებული იყო ბადრაგისთვის განკუთვნილი ცხურკარებიანი სათავსი პატარა მაგიდითა და ორი სანოლით. პატიმართა სათავსო, თითქმის მთელი ვაგონი, მთელ პერიმეტრზე ჩამორიგებული, ორიარუსიანი რკინის სანოლებით - „შკონკებით“ იყო წარმოდგენილი. ვაგონის შუაში მიდუღებული რკინის მასიური მაგიდა ორივე მხარეს ჩარიგებული ძელსკამები. ეტყობა სადილის მისართმევადა... ვაგონში შესასვლელი კარი მონყობილი იყო ერთ-ერთი გვერდული კედლის შუაში, რომელიც გარედან მიჩოჩებით იხურებოდა და ღვედებით იკეტებოდა მასიურ ბოქლომზევე. ვაგონი ოფლისა და პარაშისაგან აშმორებული, გულისამრევად ხრჩოლავდა. ტუსაღთა შორს მანძილზე გადასაყვანად აღჭურვილ ვაგონებს „ტეპლუმკებს“ - „დათბუნებულ“ ვაგონსაც უწოდებდნენ. ეს იმიტომ, რომ ერთ-ერთ კედელთან მონყობილი იყო რკინის ჩაყანგული ქვანახშირის ღუმელი. სითბოსა და ცეცხლის ერთადერთი წყარო. გვსმენოდა, რომ ქალაქი ინტა რუსეთის ევროპული ნაწილის თითქმის უკიდურეს ჩრდილოეთში მდებარეობდა, პოლარეთის მიმდებარედ, სადაც ღღე-ღამის მცნებაც კი თავისებურია... პოლარულური ღამეების გამოძახილით. ამიტომაც პირველ რიგში ღუმელის გამართულობა და ქვანახშირის მარაგი შევამოწმეთ.

ღამის სამი საათი იქნებოდა, ეშელონი დაიძრა. ვტოვებდით დედაქალაქს, ვტოვებდით დედასამშობლოს სრულ გაურკვევლობასა და კვლავ ხილვის მიზერული პერსპექტივით... საბად-

რავო ეშელონს თითქმის არ აჩერებდნენ. მხოლოდ სამტრედიის საკვანძო და გუდაუთის დისატანციაზე ცოტა შეგვაყოვნეს შემადგენლობათა რიგიანობის რეგულირების მიზნით... დღის 11 საათი იქნებოდა, რომ ჩვენმა ეშელონმა „ფსოუს“ ხიდზე - საქართველო-რუსეთის საზღვარზე უკანასკნელად შეჰკვივლა, რითაც თითქოს გვამცნობდა, დაემშვიდობეთ მშობლიურ საქართველოს, ვინ მკვდარი და ვინ ცოცხალიო. გულდამძიმებულნი, გულამომჯდარნი, ცრემლმორეულნი, დარდითა და ვარამით დამძიმებულნი მივგვკროდით გისოს-ცხაურიან სარკმელებს და ვცდილობდით მეტი დაგვენახა მშობლიური, რათა მტკიცედ ჩავგვებეჭდა მესხიერებაში მარად სანატრელი და მარადმოსაგონარი ღვთაებრივი ქართული გარემო. ფილტვების დახეთქამდე ვისრუტავდით მშობლიურ სურნელს, აუჩქარებლად და შესხენების გარეშე შეთანხმებულ ივით მორჩილად ვუთმობდით ერთმანეთს ეგზომ ჯადოსნურს, მომაჯადოებელ სარკმელებთან ადგილებს.

ქალაქ როსტოვამდე ვაგონში ხალვათად ვიყავით, მხოლოდ 17 ქართველი. ვაგონი კი უფრო მეტ პატიმარზე იყო გათვლილი. სარწმუნო იყო, რომ ადრე თუ გვიან სხვა პატიმრებს შემოგვიმატებდნენ. საბადრავო ეშელონი როსტოვში რამდენიმე საათით გაჩერდა. აქვე მოხდა ვაგონების შევსებაც. ჩვენს ვაგონში ოცდაათამდე პატიმარი „შემოგვისახლეს“. კონტინგენტი ფრიად ჭრელი იყო. კრიმინალები და ქურდული სამყაროს წარმომადგენლები ჭარბობდნენ. ამას შეუიარაღებელი თვალითა და გონების განსაკუთრებული დაძაბვის გარეშეც გაარკვევდით - კრიმინალური სვირინგებით დამშვე-

ნებულნი და ქურდული ჟარგონით უხვად გაჯერებული „ბაასი“ უტყუარად მიაწმენდა.

ემელონში, რომელიც ძირითადად პოლიტიკური პატიმრებით იყო დაკომპლექტებული და კონკრეტული დანიშნულების ადგილზე მიდიოდა, კრიმინალებით აღრევა ცოტა არ იყოს გვეჩოთირა, გაგვაკვირვა ფრიად. მართალია, ჩვენ არავინ არაფერს გვეკითხებდა, მაგრამ მაინც... ბევრი ვიმსჯელე და ერთი აღმოჩენა ამეკვიატა: ეგებ ჩვენი კიდევ ერთხელ დაშინება ან ეგზეკუცია განიზრახეს ამ ქვეყნისანმა, რათა ცხოვრება ახალ პირობებში „თაფლად“ არ გვეჩვენოს...

კრასნოდარის მხარის სარკინიგზო სადგურ „კავკაზსკაიაში“ კრასნოდარისა და სტავროპოლის მხარეებსა და ჩრდილოკავკასიურ რესპუბლიკებში განლაგებული სასჯელაღსრულების დაწესებულებებიდან შეგროვილი პოლიტპატიმრებით სავსე რამდენიმე სპეცვაგონი ჩვენს ემელონს ჩაუბეს. იმ ვაგონებში პატიმართა სიჭარბის გამო, რამდენიმე პოლიტიკური პატიმარი ჩვენც შემოგვისახლეს.

ჩვენი „ტეპლუშკა“ - გინდა „ჩათბუნებული ვაგონი“ მთლიანად გადაიჭედა. მართალია, ქართველებს ვერ გაგვიბედეს ჩაჩოჩება-შევიწროება, მაგრამ ახალშემოსახლებულები აირივნენ, ზოგმა თავისუფალი „შკონკა“ გაითავისა, ზოგი კი პირდაპირ იატაკზე, კედლების გასწვრივ მოეწყო. ამჯერად გაგვიმართლა, „საქათმე“ არ მოუწყიათ. ბაღრაგისთვის განკუთვნილი სათავსოც კი გამოათავისუფლეს, სადაც „პახანი“ რამდენიმე ავტორიტეტთან ერთად განთავსდა. ბაღრაგი ტამბურებში დააყენეს. კრიმინალები განცალკევებით მოეწყვნენ.

როგორც მოგახსენეთ, ვაგონი პირთამდე გადაიჭედა. აქ უკვე ყველა ჯურის, მასტის თუ კასტის პატიმარს იხილავდით. კრიმინალები თავის ჩვეულ საქმიანობას როგორ მოიშლიდნენ: ქვანახშირის ღუმელი აანთეს, „ ჩიფირი“ მოადუღეს. მასიურ მაგიდას მიუჯდნენ და ბანქოს თამაშს შეუდგნენ. ჯერ უწყინარი ფორმით, „ინტერესის“ გარეშე თამაშობდნენ, შემდეგ კი ფსონებისა და კონების ჩამოდება დაიწყეს. აზარტში შესული თამაში თანდათან სახიფათო ხასიათს იღებდა. კონში ყველაფერი მოდიოდა. ლამის ერთმანეთი გააშიშვლეს. ერთერთმა მოთამაშემ, უსიამო გარეგნობის ახმახმა, აზიური გარეგნობის, ფართეყვრიმალნიანმა, ჭრუტათვალებიანმა ნახიშტარნაჩათლახარმა, სახენატრილობევემა ტუსალმა, რომელიც, მისი აგრესიული, გამომწვევი ქცევებით თუ ვიშტელებთ, თავგებულადღებული დებოშირი და ჩხუბისთავი უნდა ყოფილიყო, უახლოეს „შკონკაზე“ წამოწოლილ პატიმარს უჩვეულოდ მიაჩერდა, მას პირში ოქროს კბილი აღმოუჩინა და აი საოცრება, უცნობი კაცის ოქროს კბილი კონში ჩამოვიდა. თანამეინახეები ფრიად შეცბუნებულეები და აღშფოთებულეები, უარზე დადგნენ მიეღოთ უცნაური ფსონი, მაგრამ ახმახმა გულზე მჭილი იკრა და საზარლად დაიღრიალა, - ვერ გავიგე „მონლოლ პეტკას“ არ ენდობით თუ რა გეტკავათ.

ოქროსკბილიანი პატიმარი მართლაც უცნაური ვინმე იყო. საშუალოზე მაღალი, ბრვე, მხარბეჭიანი, შავი წვერ-ულვაშითა და არისტოკრატიული თლილი სახე-იერით რამდენადაც შთამბეჭდავად გამოიყურებოდა, იმდენად დაჩაგრულ-დაოსებულად-გაუბედურებულად იქცეოდა. თავისთვის იყო, „შკონ-

კაზე“ მისავათებული, მატერიის ზურჩანთას თავქვე იდებდა, ბლუჯავდა. არც ჩიფირი მოუთხოვია, არც ბანქოს თამაშში ერეოდა, იწვა თავისთვის და მალიმალ თუთუნის წეკოს აბოლებდა. მასაც ეხამუმა და ეჩოთირა მისი კბილის ფსონად ჩამოსვლა, მაგრამ ზედმეტი ემოციების გარეშე, წეკო გაზეთის ნაგლეჯში გაახვია, გააბოლა, რამდენიმე ღრმა ნაფაზი დაარტყა და ისევ თავის საზრუნავ-სადარდებელსა და ფიქრს მიჰყვა. თუ ყურადღებით დავაკვირდებოდით, ადვილად ვიგუშანებდით, რომ მისი ქცევის მანერა და სიდარბაისლე მისი წარმომავლობისა და სოციალური მდგომარეობის განსაკუთრებულობაზე მიანიშნებდა. რატომღაც „ჩემს“ პატიმრად მოვინიშნე.

ბანქოს თამაში კი ამასობაში უფრო და უფრო აზარტულ და დრამატულ ხასიათს იღებდა. საბოლოო ჯამში ახმახმა „ჩემი“ პატიმრის ოქროს კბილი პირწმინდად წაავო.

რატომღაც ყველას ეგონა, რომ კბილის კონში ჩასვლა რალაც ტუნგუცური ღადავი იყო. წაგების შემთხვევაში კი ამგვარი „თავანის“ ჩაბარება მხოლოდ „მონღოლ პეტკას“ ხუმრობა ან ახირება ეგონათ, მეტი არაფერი. მაგრამ მოლოდინი არ გამართლდა.

წაგებული „მონღოლ პეტკას“ მეტოქე, ესე იგი „თავანის“ მიმღები, ცნობილი კრიმილალური ავტორიტეტი და „პახანის“ მარჯვენა ხელი იყო. ეს გარემოება კი თავისთავად გამორიცხავდა რაიმე სახის დათმობას, კომპრომისსა თუ პატიებას. თანაც ეტაპის დანიშნულების ადვილამდე ჯერ კიდევ საკმაოდ მანძილი იყო. თაზეხელალებულ რეციდივისტებსა და ცხოვ-

რებაზე ხელჩაქნეულ, მომავალზე იმედგაცრეებულ, დღევანდელი დღით მცხოვრებ პატიმრებს სახალისოდ და საღადაოდაც ექნებოდათ ეს ინციდენტი. მან კატეგორიულად და უპირობოდ მოითხოვა „თავანის“ ჩაბარება, მოკვლითაც დაემუქრა.

თავის მხვრივ, არც მონგოლოიდური რასის ინდივიდი ხუმრობდა. ის ნამდვილად მონგოლოიდური რასისა აღმოჩნდა - ეროვნებით ბურიატი. უკან დახევას არც ის აპირებდა. ბევრი არც უფიქრია, ამპარტავნულად, იქედნურად თავი გადააქნია, გაბერილ-გადაპნტილი სქელი ტუჩები უჩვეულოდ, ამაზრზენად დაგრისა, ზიზღითა და სარკაზმით კარისკენ გააფურთხა, მის ორ ამფსონ-თანამზრახველს თვალით ანიშნა, თავდაჯერებულად, ამპარტავნული ჩოროთით ნარზე მიწოლილ „მსხვერპლთან“ ჭიქურ მიიჭრა. ჯერ თვალები ააბრიალა, ზიზღითა და მთელი სიძულვილით ჩააშტერდა. მხრების კუნთები აათამაშა. ხელები მჭილად მოკუმშა, თითები აატკაცუნა, „ჩემს“ პატიმარს პირის ფართოდ გაღემა უბრძანა და სახელდახელოდ, საიდღანაც მოძიებულის, კაპრონის ზონარი თითზე გადაიხვია.

„ჩემი“ პატიმარი არც განძრეულა. მოძალადეს ქვემოდან ზემოთ ცისფერი თვალები დამცინავად შეანათა და მრავლისმეტყველი სარკასტული გრიმასი მოირგო ნატიფ, არისტოკრატიულ ბავებზე. მსხვერპლის ამგვარმა რეაქციამ „მონღოლი პეტკა“ მთლად გადარია, თვალები საზარლად გაქაჩა, ცხვირნინ მუშტები აუთამაშა, იმის ნიშნად, რომ თუ არ დანებდებოდა,

ჯერ თვალებს დასთხრიდა, შემდეგ კი მოგუდავდა. შემზარავად დაიღრიალა:

- შენ, რა, ჩემი არ გესმის?! ახლავე გააღე შენი მყრალი „სანაგვე“ თორემ გადაგიხიე ლაყუჩები! - მონღოლს მისი თანამზრახველები წამოეშველნენ, მსხვერპლი საწოლიდან წამოაგდეს, აქეთ-იქიდან ბადრაგივით ამოუდგნენ. ერთ-ერთმა მსხვერპლს მხრებში სწვდა, შეანჯღრია, მოქაჩა და დაუსისინა:

- შენ რა, წერას აუტანიხარ თუ სიცოცხლე მოგწყინდა, დააღე მეთქი, სალობიე!

ამასობაში მონღოლი მსხვერპლს ყელში სწვდა, თითქოს მოხრჩობა დაუპირა, უეცრადვე ყელზე ხელები უშვა და ყბებში ჩაათრინდა, პირის ძალით გაღება სცადა. ერთ-ერთმა თანამზრახველმა კაპრონის ზონარი ითრია და ოქროს გვირგვინიან კბილზე მორგება სცადა. მსხვერპლი ერთი პირობა არც გაძლიანებულა, ვითომ დანებდა ბედსა, მაგრამ უცებ აიშვა და აზვავდა: მონღოლს მთელი ძალით წიხლი ლაჯებში ამოსდო, ხოლო ზონარმომარჯვებულს ისე მძლავრად ხეთქა თავი შუბლში, რომ საცოდავმა ერთი სასონარკვეთილად ამოიხავლა და იატაკზე გაიშხლართა. მონღოლიც საშინელ დღეში იყო, ლაჯებში ხელამოდებული იატაკზე გორავდა და არაადამიანურად ღრიალებდა. მესამემ უკნიდან მიეპარა, კისერში სწვდა და მახრჩობელა თუანდის ჩატარება სცადა, მაგრამ „ჩემმა“ პატიმარმა თავისმხვრივ თავზე სწვდა, კისრულით გადმოიღო და იატაკზე დაანარცხა. მთელი ვაგონი ბრბოდ აიჯავრა. არავინ ელოდა „ჩემი“ უწყინარი პატიმრის თავმეხელაღებულ სიმამაცესა და თავგანწირვას. ერთი პირობა გა-

ოგნებულ-გახევებულნი იდგნენ. ბოლოს კრიმინალები გამოფ-
ხიზლდნენ, ვერ აიტანეს მათი ერთ-ერთი ლიდერის შეურაც-
ჰხყოფა, უმონყალოდ დამცირება და მსხვერპლს ჯგროდ მიე-
სივნენ. „ჩემი“ პატიმარი მოხერხებულად იგერიებდა „მუშლი
მუხასა“... ზოგი მუცელზე ხელებშემოჭდობილი დაგორდა,
ალბათ წიხლი ჩააზილა, ზოგი ყბებს იზელდა, ალბათ მაგრად
მოხვდა ვაჟკაცის მუშტი, ზოგიც თავზეხელშემოჭდობილი
იატაკზე გორავდა, ალბათ უროს მსგავსი მუშტი მოხვდა
საფეთქელში, ლანძღვა-გინების კორიანტელს კი ვინ მოთვ-
ლის, „შენირულის“ მისამართით. მაგრამ თქმულა - „ძალა და
სიმრავლე აღმართს ხნავსო“, ვილაცამ უკანიდან წამოეპარა,
დრო იხელთა და ორივე მუშტი გამეტებით თავში სთხლიშა.
მსხვერპლი დარეტიანდა, მაგრამ თავდამსხმელი ორივე
ხელით ითრია და მოგუდვა დაუნყო, ამასობაში რამდენიმე
პატიმარმა ერთდროულად ზემოდან დააცხრა, იატაკზე
მოჭრილი მუხასაცით წამოაქციეს და წიხლებით უმონყალოდ
დაუნყეს ცემა „ჩემს“ პატიმარს, გარდაუვალია, ცემით ამოხ-
დიდნენ სულს. კრიმინალები არავის პატიობდნენ „რამკიანი
ქურდის“ ან განსაკუთრებულ „ცვეტში“ მყოფ კრიმინალური
ავტორიტეტის ფიზიკურ შეურაცხყოფას. განწირული მოძა-
ლადეების წიხლებს ქვეშ ფართხალებდა, ერთი ხელით სახეს,
მეორით კი საზარდულს იფარავდა და განწირული კვნესოდა.
ბოლოს ერთმა პატიმარმა დრო და მომენტი იხელთა, მთელი
ძალით მუცელში წიხლი ჩააზილა და თავში უროსავით დიდი
მუშტიც ჩასცხო. ეს ბოლო წვეთი აღმოჩნდა. განწირულმა
ერთი არაადამიანურად ამოიხავლა, ხმამაღლა ლაღადისით

მშობლიური ქართულით - „ ვაი, ნანაო !“ ამოიგმინა და კედელთან მიესვენა.

მშობლიური ბგერები და ყველა ქართველთათვის სათაყვანებელი სიტყვა - „ნანა“! - ზემოდან ჩავვესმა, თითქოს თვით გეცა რეკდა... ჩვიდმეტი ქართველი ერთდროულად წამოცვიდნამოიჯაგრა ნარებიდან. მანამდე ჩვენ, პოლიტიკური პატიმრები, ადრე პირობამიცემული საერთო-საყოველთაო შეთანხმების თანახმად, კრიმინალების საქმეებში არ ვერეოდით, ამიტომ ნარებზე წამოწოლილნი, ჩვენი საფიქრალითა და სადარდებელით ვიყავით გართულნი. მაგრამ ახლა?! - ვაი რომ სასიკვდილოდ განწირული მსხვერპლი ქართველი - ჩვენი თანამემამულე ყოფილა, ჩვენი სისხლი სისხლთაგანი და ხორცი ხორცთაგანი, თანაც უდანაშაულოდ და უთანასწოროდ დაჩაგრული და სასიკვდილოდ გამეტებული... განა ოქროს გვირგვინიანი კბილის ქონა ან ტარება თავად დანაშაულია?!. აქ უკვე პირობები და შეთანხმებები აღარ მოქმედებდა, არც რაიმე შეგონება ჭრიდა... ერთ-ერთმა ჩვენთაგანმა ეკლესიის დედო ზარივით დააგუგუნა:

- ძმებო, ქართველებო, ჩვენს სისხლსა და ხორცს უდანაშაულოს ცხვირწინ გვიკლავენ, ცოცხლად გლეჯენ და ჭამენ, მიმიფურთხებია ყველასა და ყველაფრისთვის, ჰვა მაგათ! - დაიღრიალა და ვეფხვისებურად ისკუპა. აღარც დრო იცდიდა - ცოტაც და კრიმინალთა გამხეცებული ბრბო ცოცხლად გაგლეჯდა ჩვენს თანამემამულეს. მეც ვისკუპე, ელვის სისწრაფით ზედახორასთან გავჩნდი, სხვა ქართველებთან ერთად მარ-

დად ვეკვთე, სისხლმონყურებულ „ათორებს“ ზემოდან დავაცხრიტ და ელვის სისწრაფით მიმოვფანტეთ.

ნაგვემი და დასისხლიანებული, მისავათებული თანამემამულე ხელში ავიტაცე, ჩემს ნარაზე დავანვინე და მის მოსულიერება-მოვლას შეუდექით. დამავინყდა მეთქვა, ჩვენ შორის ერთ-ერთი ქართველთაგანი პროფესიით ექიმი იყო. მან ოპერატიულად იმუშავა და გონზე მოიყვანა „ჩვენი ქართველი“. როგორც შევძელით ჭრილობები და ჩალურჯებული ადგილები მოვბანეთ და სახელდახელოდ შევეზვიეთ.

„ომგადახდილი“ ვაგონი ბორგავდა. გმინავდა... ზოგი შველას ითხოვდა. ზოგი წყალს. ზოგიც შემზარავი ხმით ილანძღებოდა და იგინებოდა უცენზუროდ და უმისამართოდ... ქართველები კი!.. ქართველები ერთად შეკრებილნი, ერთ მუშტად მომჭილულნი, მკლავებნაკაპინებულნი, ერთსულ-ერთსისხლოვნებით გაცისკროვნებულნი მზად ვიყავით ნებისმიერი შემოტევის მოსაგერიებლად და თანამემამულის დასაცავად, სიცოცხლის თვასადც კი...

ხმაურზე მეზობელი „ვაგონ-ტეპლუშკიდან“ მაშხანა-ხიშტ-მოღერებული ბადრაგის წევრები შემოცვივდნენ, მოჩხუბრები დააშოშმინეს. გამოცდილმა ოპერატიულმა მუშაკმა „ნასედკების“ მეშვეობით მალევე გაარკვია მტყუნ-მართალი!.. შემდგომი გარჩევებისა და შესაძლო სისხლისღვრის თავიდან აცილების მიზნით აგრესიულ კრიმინალთა ჯგუფი, მათ ლიდერთან ერთად, ჩვენგან გაიყვანეს და სხვა ვაგონში გამოკეტეს. ვაგონში მხოლოდ პოლიტიკური პატიმრები დავრჩით, ჩვენი თანამემამულის ერთად. ოპერარწმუნებულმა გაიზიარა

ჩვენი მოსაზრება და თხოვნა, რომ დაზარალებულს მეტი ყურადღება სჭირდებოდა. უჩვენოდ შესაძლოა კრიმინალებს მისთვის კიდევ რამე ხიფათი წამოენწყოთ. გაგვიმართლა - ისიც პოლიტპატიმარი აღმოჩნდა, ოღონდ სასჯელს სტავროპოლის მხარის რომელიღაც ციხეში იხდიდა...

* * *

კომის ავტონომიის დედაქალაქის, სიკტივკარის გზაგა-საყარზე, სადგურ მიკუნზე ჩვენი ეშელონი სარეზერვო ხაზზე გადაიყვანეს. პატიმრების გადაყვანა-გადანაწილება-გადაჯგუფების შემდეგ ყველა პოლიტიკური პატიმარი ერთად შეგვყარეს, ახალი ევიპაუი ჩამოაყალიბეს და ისიც რამდენიმე ხანში დაიძრა დანიშნულების ადგილისკენ - დაბა ინტაში განლაგებულ N 1 საგანგებო (განსაკუთრებული) დანიშნულების პრომა-გასწორების ბანაკ „მინერალნიში“...

თავი XVI

ზოგი რამ საბჭოთა ბანაკთა სისტემის ისტორიიდან.

საბჭოთა ბანაკთა სისტემის პირმშოდ შეიძლება ჩაითვალოს სოლოვცის იტულებითი სამუშაოების განსაკუთრებული დანიშნულების ბანაკი, რომელიც მდებარეობდა არხანგელსკის ოლქში, სოლოვცის კუნძულებზე. ბანაკი ორგანიზებული იქნა საბჭოთა კავშირის სახალხო კომისართა საბჭოს 1923 წლის 13 ოქტომბრის დადგენილებით. მის დაქვემდებარებაში იყო ორი - არხანგელსკისა და კემის გადამგზავნ-გამანაწილებელი პუნქტი. ბანაკის ხელმძღვანელობა დაეკისრა სა-

კავშირო მთავარ პოლიტიკურ სამმართველოს. საყურადღებოა ის გარემოება, რომ ამავე ბანაკში სასჯელს იხდიდა ბანაკის, ესე იგი შრომა-გასწორების დაწესებულების, სამეურნეო ანგარიშსწორებაზე (თვითკმარობის, თვითდაფინანსების, თვითკმაყოფის ფორმის ერთ-ერთი პრინციპი) გადასვლის პროექტის ავტორი ყოფილი ვალიუტის მაქინაციების ოსტატი ნ.ფრენკელი. ის ბანაკში დაინიშნა საექსპლოატაციო-კომერციული განყოფილების უფროსად. მოგვიანებით კი სამსახურიდან გადადგა საინჟინრო ნაწილების გენერალ-ლეიტენანტის ჩინით.

მეოცე საუკუნის 20-ან წლებში საბჭოთა კავშირის თავისუფლების აღკვეთის დაწესებულებებში პატიმართა საერთო რაოდენობა არ აღემატებოდა ორი ათას კაცს.

მომდევნო წლებში პატიმართა რაოდენობამ საგრძნობლად იმატა. ეს დაკავშირებული იყო საბჭოთა კავშირის კომპარტიის ცენტრალური კომიტეტისა და სახალხო კომისართა საბჭოს მიერ მიღებულ მთელ რიგ დადგენილებებთან, რამაც დაუდო სათავე საბჭოთა კავშირში ბანაკების სისტემის გაფართოებას.

1929 წლის 28 ივნისს საკავშირო მთავარმა პოლიტიკურმა სამმართველომ ჩამოაყალიბა განსაკუთრებული დანიშნულების ჩრდილოეთის ბანაკების სამმართველო, დისლოკაციის დროებითი ცენტრით ჯერ უსტ-სისოლსკში (ახლანდელი სიკტივკარი), შემდეგ კი კოტლასში - კომი ასსრ.

1929 წლის ივლისის მეორე ნახევარში შეიქმნა ვიშერსკის განსაკუთრებული დანიშნულების ბანაკთა სამმართველო,

ცენტრით ურალის ოლქის (ამჟამად პერმის) ქ. კრასნოვიშერსკი. იმავე წლის ბოლოსთვის კი - შორეული აღმოსავლეთის განსაკუთრებული დანიშნულების ბანაკის სამმართველო, ცენტრით ქ. ხაბაროვსკი; ციმბირის განსაკუთრებული დანიშნულების ბანაკის სამმართველო, ცენტრით ქ. ნოვოსიბირსკი; შუა აზიის განსაკუთრებული დანიშნულების ბანაკის სამმართველო, ცენტრით ქ. ტაშკენტი და ყაზახსტანის განსაკუთრებული დანიშნულების ბანაკის სამმართველო, ცენტრით ქ. ალმა-ათა.

1930 წლის 25 აპრილს ბანაკთა სისტემის სახელმძღვანელოდ ყალიბდება საკავშირო მთავარი პოლიტიკური სამმართველოს ბანაკების სამმართველო. 1930 წლის 1 ივნისისთვის ბანაკთა სამმართველოს ექვემდებარებოდა 7 ბანაკი. მათში პატიმართა საერთო რაოდენობა შეადგენდა 168 163 ადამიანს. პატიმრები დაკავებული იყვნენ ხე-ტყის დამზადებით, გზების მშენებლობით, ჭაობების ამოშრობით, ცელულოზ-ქაღალდის კომბინატის მშენებლობით, ოქროსა და ქვანახშირის მოპოვებით, თევზჭერით, საბჭოთა მეურნეობებში მუშაობითა და მელიორაცით.

1931 წლის შემოდგომის მიწურულს მოხდა საკავშირო პოლიტიკური მთავარი სამმართველოს ბანაკების სამმართველოს რეორგანიზაცია და ჩამოყალიბდა საკავშირო მთავარი პოლიტიკური სამმართველოს ბანაკების მთავარი სამმართველო.

„გულაგის“ ჩამოყალიბების შემდეგ მისი სისტემა დაჩქარებული ტემპებით ფართოვდებოდა და მოიცვა ქვეყნის ყველაზე მოშორებული ჩრდილოეთის რეგიონებიც კი.

1934 წელს მოხდა რეორგანიზაცია და საკავშირო მთავარი პოლიკური სამმართველოს ბაზაზე ჩამოყალიბდა საბჭოთა კავშირის შინაგან საქმეთა სახალხო კომისარიატი - შინსახკომი.

მაგალითისთვის, საარქივო მასალების მონაცემებით, 1940 წლის 1 მარტისთვის სისტემაში ირიცხებოდა 53 ბანაკი, რომელიც მოიცავდა 600-ზე მეტ ფილიალსა და 475 შრომა - გასწორების კოლონიას. მათ შორის 172 - ე.წ. „კონტრაგენულს“, რომელთა პატიმრები მუშაობდნენ სხვადასხვა სამშენებლო და სამეურნეო უწყებებში: - 170 სამრეწველო, 83 - სასოფლო სამეურნეო და 50-არასრულწლოვანთა კოლონიებს. გარდა ამისა ამ სისტემაში მოქმედებდა 90 „ახალშობილთა სახლი“. მათში 1940 წლის 1 მარტისათვის იმყოფებოდნენ 4595 ბავშვი, რომელთა დედები სასჯელს იხდიდნენ.

საბჭოთა ბანაკებში მდგომარეობის შესახებ საერთო წარმოდგენა რომ შეგვექმნათ, ძვირფასო მკითხველო, მოვიყვან მხოლოდ ერთ ეპიზოდს: 1940 წლის 1 აპრილის მინაცემებით „ნკვდ გულაგის“ სისტემაში პატიმართა საერთო რაოდენობა შეადგენდა 1 300 000 ადამიანს. აქ იყვნენ როგორც სხვადასხვა ეროვნების საბჭოთა მოქალაქეები, ასევე ევროპის, აზიისა და ამერიკის რიგი ქვეყნების მოქალაქეები, რომელთა ეროვნული შემადგენლობა ასეთ სტატისტიკას იძლეოდა:

367 553 რუსი,

179 951 უკრაინელი,
45 623 ბელორუსი,
26 175 თათარი,
25 040 უზბეკი,
21 301 ყაზახი,
20 820 ებრაელი,
18 149 გერმანელი,
15 621 პოლონელი,
11 122 ქართველი,
10 858 სომეხი,
10 599 აზერბაიჯანელი,
9 855 თურქმენი,
4 978 ლატვიელი,
4 765 ბაშკირი,
4 522 ტაჯიკი,
4 034 ჩინელი,
2 808 ყირგიზი,
2 707 კორეელი,
2 601 ესტონელი,
2 994 ფინელი,
1 891 ბურიატი,
1 475 ირანელი,
1 009 ლიტველი,
389 რუმინელი,
334 ავღანელი,
128 მონღოლი,

გარდა ამისა 61 706 ადამინი მიეკუთვნებოდა სხვადასხვა ეროვნებას, ხოლო 11 457 ადამიანზე ეროვნული კუთვნილების შესახებ საარქივო მასალებში მონაცემები არ შემონახულა.

სამართლიანობა მოითხოვს აღინიშნოს, რომ საბჭოთა კავშირში 1947 წლის 26 მაისს ოფიციალურად გაუქმდა სასჯელის უმაღლესი ზომა - სიკვდილით დასჯა, რამაც თავის მხვრივ ხელი შეუწყო შრომა-გასწორების დაწესებულებებში პატიმართა რაოდენობის მკვეთრ ზრდას.

ასევე სამართლიანობა მოითხოვს აღინიშნოს, რომ ქვეყანაში განსაკუთრებით იჩაგრებოდნენ ე.წ. „სოციალურად გაუცხოებულნი“ და „ხალხის მტრები“, რომელთა უმრავლესობა გასამართლებული იყო შეთითხნილი, გამოგონილი ბრალდებებით. ბევრი მათგანი 1937-1938 წლებში დახვრიტეს, როცა მთელი ქვეყნის მაშტაბით მძვინვარებდნენ „ნკვდ-ს სამეულები“, რომლებიც ახორციელებდნენ არასაიმედო კონტინგენტის მასიურ წმენდას. ხშირად მათ შეადგენდნენ უბრალოდ ფიზიკურად დაოსებულ-დაუძლურებული ადამიანები, რომელთაც აღარ შეეძლოთ დაწესებული ყოველდღიური სამუშაო ნორმის გამოიმუშავება. მათ რიცხვში იყვნენ მეცნიერები, მწერლები, პოეტები, მხატვრები, ექიმები, პედაგოგები და ინტელიგენციის სხვა ფენის წარმომადგენლები.

წინმსწრებად ვიტყვით, რომ 1956 წლის 25 ოქტომბერს სკკპ ცენტრალურმა კომიტეტმა და სსრკ მინისტრთა საბჭომ მიიღეს ერთობლივი დადგენილება, რომლითაც აღიარეს

„სსრკ შსს-ს შრომა-გასწორების ბანაკების შემდგომი არსებობის მიზანშეუწონლობა, რამაც ვერ უზრუნველჰყო საცი-ცოცხლო სახელმწიფო ამოცანის შესრულება - შრომაში ჩაბ-მით პატიმართა აღზრდა-გამოსწორება“. ამ დადგენილებით გაუქმდა „გულაგი“ და მის მაგივრად შეიქმნა შრომა-გასწორე-ბის კოლონიების მთავარი სამმართველო.

„გულაგის“ 26 წლიანი არსებობის განმავლობაში ბანაკებში, კოლონიებსა და ციხეებში სასჯელს იხდიდა თითქმის 20 მილიონი ადამიანი. მათგან ყოველი მეხუთე, თითქმის 4 მი-ლიონი ადამიანი იყო გასამართლებული და დაპატიმრებული „კონტრრევოლუციური მოღვაწეობისათვის“, ესე იგი სისხლის სამართლის კოდექსის 58-ე მუხლით. გულაგ-ში 1930 – 1956 წლებში დაიღუპა 1 მილიონზე მეტი ადამიანი, რაც იმას ნიშნავს, რომ სიკვდილიანობის საშუალო დონემ პატიმართა საშუალო რაოდენობის 5 პროცენტი შეადგინა.



თავი XVII

ზოგი რამ კომის ასსრ ტერიტორიაზე განლაგებული შრომა-გასწორების ბანაკთა ისტორიიდან.

კომის ავტონომიური ოლქის ტეროტორიაზე პირველი შრომა-გასწორების ბანაკი შეიქმნა 1929 წლის 28 ივნისს. ეს იყო საკავშირო მთავარი პოლიტიკური სამმართველოს ჩრდილოეთის განსაკუთრებული დანიშნულების ბანაკი. სამმართველო განლაგებული იყო ქ.უსტ-სისოლსკში (ამჟამად ქ.სიკტივკარი), 1929 წლის ბოლოდან - დ. კოტლასში, ხოლო 1930 წლის ბოლოსთვის - დ. სოლვიჩევოსკში. ბანაკის საწარმოო ამოცანებში შედიოდა პინიუგი - უსტ-სისოლსკის რკინიგზისა და უსტ-სისოლსკი - უხტას ტრაქტის მშენებლობა, უხტა-პეჩორის აუზში გეოლოგიური სამუშაოებისა და უხტის რაიონში ნავთობის მოპოვებითი სამუშაოების ორგანიზება.

სეველონ-ი გაუქმდა 1931 წელს. მის ბაზაზე შეიქმნა უსტ-ვიმის შრომა-გასწორების ბანაკი, იქ მყოფი პატიმრების გადმოცემით, რომელთაც უნდა დაესრულებინათ პინიუგ-სიქტივკარის რკინიგზის ხაზის მშენებლობა.

1932 წლის 5 მარტიდან ყალიბდება უხტა-პეჩორის შგბ რომლის სამმართველო განლაგდა დ. ჩიბიუში. ეს იყო ერთ ერთი ყველაზე დიდი შგბ საბჭოთა კავშირში. მის სამრეწველო მასშტაბებში შედიოდა უხტის რაიონში ნავთობის საბადოების დაზვერვა და ნავთობმოპოვებითი სამუშაოების ორგანიზება, პეჩორის ქვანახშირის აუზში მადანის მოპოვება, საავ-

ტომობილო და სარკინიგზი გზების მშენებლობა კოტლას-ჩიბიუსა და კოჟუვა-ვორკუტას მონაკვეთზე. ასევე ხე-ტყის დამზადება და ბარუების მშენებლობის ორგანიზება მდინარე პეჩორაზე ნაოსნობის გამართვის მიზნით. პატიმართა კონტინგენტი და რაოდენობა ცვლებადი იყო. მაგალთისთვის: 1932 წლის ბოლოსთვის - 13 400; 1934 წლის 1 იანვრისთვის - 23 800; 1937 წლის 1 იანვრისთვის - 31 000; 1938 წლის 1 იანვრისთვის - 54 800 პატიმარი.

1938 წლის 10 მაისს განხორციელდა უხტა-პეჩორის შებენი ლიკვიდაცია. მის ბაზაზე ჩამოყალიბდა: უხტა-იჟემსკის, ვორკუტის, ჩრდილოეთი რკინიგზისა და უსტ-ვიმის შებენი.

უხტა - იჟემსკის შებენი, ცენტრით დ. ჩიბიუ (1943 წლიდან ქ. უხტა), ჰქონდა შემდეგი ძირითადი საწარმოო ამოცანები: ნავთობისა და ასფალტიტების დაზვერვა და მოპოვება, რადიუმის წყლების მოპოვება და გადამუშავება, გაზისა და ნავთობის გადამამუშავებელი ქარხნებისა და ნავთობსადენების მშენებლობა, ასევე სამშენებლო მასალების წარმოება. პატიმართა რიცხოვნობა: 1938 წლის 1 ივლისისთვის - 30 400; 1941 წლის 1 ივლისისთვის - 39 900; 1945 წლის 1 იანვრისთვის - 12 900; 1950 წლის 1 იანვრისთვის - 37 100; 1954 წლის 1 იანვრისთვის - 16 700.

ვორკუტის შებენი, ცენტრით დ. ვორკუტა (1943 წლიდან ქალაქის სტატუსით) სპეციალიზირდებოდა პეჩორის ქვანახშირის აუზში ქვანახშირის მოპოვებით, ასევე პასუხს აგებდა სამრეწველო, ბინათ და საგზაო მშენებლობებზე. პატიმართა რიცხოვნობა: 1938 წლის 1 ივლისისთვის - 15 000; 1941 წლის 1

ივლისისთვის - 25 300; 1945 წლის 1 იანვრისთვის - 39 700; 1950 წლის 1 იანვრისთვის - 62 600; 1955 წლის 1 იანვრისთვის - 52 400; 1960 წლის 1 იანვრისთვის - 15 400.

ჩრდილოეთის რკინიგზების შტაბ ცენტრით დ. კნიაუპოვის-ტში, პასუხს აგებდა ჩრდილო-პეჩორის რკინიგზის კოტლასი - ვორკუტას მონაკვეთის მშენებლობაზე. პატიმართა რიცხოვნობა: 1939 წლის 1 იანვრისთვის - 29 400; 1941 წლის 1 ივლისისთვის - 66 900; 1945 წლის 1 იანვრისთვის - 12 400; 1950 წლის 1 იანვრისთვის - 27 700.

უსტ-ვიმის შტაბ ცენტრით დ. ვოჟაელში, დაკავებული იყო პეჩორის ქვანახშირის აუზის სანარმოებში ხე-ტყის დამზადებამინოდებით, ასევე ხეტყის დამუშავებითა და მშენებლობით. პატიმართა რიცხოვნობა: 1938 წლის 1 იანვრისთვის - 5 200; 1941 წლის 1 ივლისისთვის - 24 100; 1945 წლის 1 იანვრისთვის - 15 300; 1950 წლის 1 იანვრისთვის - 19 900; 1955 წლის 1 იანვრისთვის - 19 600; 1960 წლის 1 იანვრისთვის - 17 900.

მეორე მსოფლიო ომის დაწყების წინ განხორციელდა რიგი რეორგანიზაცია. 1940 წლის 17 აგვისტოს გაუქმდა ლოკჩიმის შტაბ, რომლის ყველა ქვედანაყოფი გადაეცა უსტ-ვიმის შტაბს. 1940 წლის 14 მაისს შეიქმნა ჩრდილო-პეჩორის შტაბ ცენტრით დ. აბეზში (მოგვიანებით - პეჩორის სადგური). მის ამოცანებში შედიოდა კოჟუა - ვორკუტის რკინიგზის მონაკვეთის მშენებლობა, მდინარე პეჩორაზე გემთსაშენის მშენებლობა და სამშენებლო სამუშაოების წარმოება. პატიმართა რიცხოვნობა: 1940 წლის 1 ივლისისთვის - 3 800; 1941 წლის 15 ივნისისთვის -

91 600; 1945 წლის 1 იანვრისთვის - 33 500; 1950 წლის 1 იანვრისთვის - 42 000.

მეორე მსოფლიო ომის წლებშიც მოხდა რიგი რეორგანიზაცია.

1941 წლის 17 ნოემბერს ვორკუტის გამოეყო ინტის შგბ.

ინტის შრომა-გასწორების ბანაკი ცენტრით დ. ინტა (დ. ინტა შეიქმნა 1942 წ., 1954 წ. -ქ. ინტა), შეიქმნა ინტის ქვანახშირის საბადოს გამართვა-დამუშავება-ექსპლუატაციისთვის. პატიმართა რიცხოვნობა: 1943 წლის 1 იანვრისთვის - 6 500; 1945 წლის 1 იანვრისთვის - 9 200; 1948 წლის 1 იანვრისთვის - 18 600.

საბჭოთა კავშირის შინსსახკომის 1943 წლის 11 ივლისის ბრძანებით ვორკუტის შრომა-გასწორების ბანაკის შემადგენლობაში ჩამოყალიბდა 10 000 პატიმარზე გათვლილი და დაკომლექტებული კატორღულ სამუშაოთა სპეციალური ქვეგანყოფილებები. (საბჭოთა კავშირის უმაღლესის საბჭოს პრეზიდიუმის 1943 წლის 19 აპრილის ბრძანებულებით 15-დან 20 წლამდე ვადით კატორღულ სამუშაოებზე განაწესეს ფაშისტი ოკუპანტების დამქაშები, შპიონები და სამშობლოს გამყიდველები - მოლაღატეები). 1945 წლის 1 ივლისის მდგომარეობით ვორკუტის შგბ-ის კატორღულთა ქვეგანყოფილებაში სასჯელს იხდიდა 12 900 პატიმარი.

საბჭოთა კავშირის მინისტრთა საბჭოს 1948 წლის 21 თებერვლის დადგენილებით საბჭოთა კავშირში იქმნება განსაკუთრებული (საგანგებო) ბანაკები „შპიონების, დივერსანტების, ტროცკისტების, მემარჯვენეების, მენშევიკების, ესერების, ანარქისტების, ნაციონალისტების, ბელოემიგრანტებისა და

სხვა ანტისაბჭოთა ორგანიზაციების მონაწილეებისათვის“. ესე იგი საგანგებო ბანაკებში უნდა მოეთავსებინათ მხოლოდ პოლიტიკური მუხლებით გასამართლებული პატიმრები, განსაკუთრებით საშიში პოლიტიკური დამნაშავეები.

N 1 საგანგებო(განსაკუთრებული) ბანაკი - შგბ „მინერალური“ შეიქმნა 1948 წლის 28 თებერვალს ინტის შგბ-ს ბაზაზე და მის შენობა-სათავსოებში.

ასევე კომის ასსრ ტერიტორიაზე მოქმედებდა:

N 6 საგანგებო (განსაკუთრებული) ბანაკი - რეჩნოსის შგბ, რომელიც შეიქმნა 1948 წლის 27 აგვისტოს ვორკუტის შგბ-ის რიგი ბანაკის ქვედანაყოფების ბაზაზე.

N 12 საგანგებო (განსაკუთრებული) ბანაკი - ვოდორაზდე-ლნის შგბ. ის ბაზირებდა და ეწეოდა ხე-ტყის დამზადებას.

საგანგებო ბანაკებში გადაიყვანეს კატორღელები, შესაბამისად ადრე არსებული კატორღელთა ქვედანაყოფები დაიხურა.

ინტის-შგბ „მინერალურ“- ში ირიცხებოდა: 1948 წლის 1 სექტემბრისთვის - 9 300; 1950 წლის 1 იანვრისთვის - 28 300; 1955 წლის 1 იანვრისთვის - 15 200, ხოლო 1957 წლის მარტის ბოლოს - 6 800 პატიმარი.

აქვე დავამატებთ, რომ ი.ბ. სტალინის გარდაცვალების შემდეგ კომის ასსრ-ის ბანაკთა სისტემა იწყებს მნიშვნელოვან შეკვეცებს:

-1954 წლის 12 თებერვალს დაიკეტა ობის შგბ. (მისი ქვედანაყოფების ნაწილი გადაეცა პეჩორის შგბ-ს);


-1954 წლის 25 მაისს ლიკვიდირებული იქნა N 6 - რეჩნოსის შგბ (ის გაერთიანდა ვორკუტის შგბ-თან);

-1955 წლის 18 მაისს თავისი არსებობა შეწყვიტა უხტა-იჟიმ-სკის შგბ-მა. (დარჩენილი ქვედანაყოფები გადაეცა პეჩორის შგბ-ს);

-1957 წლის 6 მარტს დაიკეტა საგანგებო ბანაკი - N 1, მისი ნაწილი ქვედანაყოფების პეჩორის შგბ-სთვის გადაცემით.

-1959 წლის 5 აგვისტოს დაიკეტა პეჩორის შგბ-იც მისი ქვედანაყოფების ნაწილი გადაეცა ვორკუტის შგბ-ს.

1960 წელს მოხდა ბანაკების მთავარი სამმართველოს ლიკვიდაცია. რის შემდეგაც ქვეყნის მაშტაბით განხორციელდა თავისუფლების აღკვეთის ადგილების ახალი სისტემის შექმნა.



თავი XVIII

ბანაკში დამკვიდრება

საგანგებო (განსაკუთრებული) დანიშნულების ბანაკი N 1 - „მინერალური“ განლაგებულია კომის ასსრ კოჟეინის რაიონის ვრცელ ტერიტორიაზე, რომელიც მოიცავს სხვადასხვა ადგილას განფენილ რიგ საბანაკო პუნქტს, ქვედანაყოფსა და სამრეწველო-სამშენებლო ობიექტს.

ბანაკის კომენდატურა და ადმინისტრაცია განთავსებულია დაბა ინტას ტერიტორიაზე.

შრომა-გასწორების N1 საგანგებო ბანაკი „მინერალური“ მოიცავდა რამდენიმე ათეულ საბანაკო პუნქტს, საბანაკო განყოფილებას, სამივლინებო ქვეპუნქტს, ხე-ტყის დამამზადებელ უბანს, მდინარე დიდ ინტაზე ხე-ტყის დაცურების ქვედანაყოფს, სასოფლო-სამეურნეო და კიდევ რამდენიმე დამხმარე უბანს, რომლებიც იყო კოჟეინის რაიონის ვრცელ და უკიდევანო ტაიგასა თუ ტუნდრა-ტყის ზონაში მიმოფანტული.

დაბა ინტა მდებარეობს ტყე-ტუნდრაში, ურალის მთების დასვლეთით, კომის ასსრ-ის ჩრდილო-აღმოსავლეთში. მდინარე დიდი ინტას მარცხენა სანაპიროზე. აქვეა სარკინიგზო სადგური ინტა.

დაბა ინტა განეკუთვნება უკიდურესი ჩრდილოეთის რაიონებს. განლაგებულია კონტინენტალური კლიმატის სარტყელში. აქ დამახასიათებელია მკაცრი ხანგრძლივი ზამთარი მდგრადი თოვლის საფარითა და გრილი ნესტიანი ზაფხული,

უმნიშვნელო უღრუბლო დღეებით. ჰაერის საშუალო ტემპერატურაა - 3,9 *C, ჰაერის ტენიანობა - 77,2%, ქარის საშუალო სიჩქარე -3,7 მ/წ.

ინტა მდებარეობს მოსკოვის დროის საათის სარტყელში.

და აი, ამ დაბის რკინიგზის სადგურს 1948 წლის 21 აპრილს მიაღვა პოლიტიკური პატიმრებით გაძედილი საბადრაგო-ეტაპირების ეშელონი.

ბანაკის ადმინისტრაცია გველოდა. ყველაფერი წინასწარ გათვლილი, ორგანიზებული და დამუშავებული ჰქონდათ. არცაა გასაკვირი. აქ ხომ ყველაფერი ბანაკებსა და მის კონტინგენტის ირგვლივ ტრიალებდა.

ჩვენი ვაგონის ბინადარნიც ბადრაგის უფროსის ბრძანებით ჩამოგვსხეს და იქვე ორ მწკვრივად მოგვანყეს. გაგვაფრთხილეს დავმორჩილებოდით, გაქცევის მცდელობის შემთხვევაში-გვესროდნენ გაფრთხილების გარეშე. ფეხით წაგვიყვანეს. ჯერ საკარანტინო პუნქტში მოგვათავსეს, მეორე დღეს კი გაგვანაწილეს სხვადასხვა პუნქტებში.

მე და კიდევ ექვსი ქართველი, რომელთაც უკვე თბილისიდან მოყოლებული ვიცნობდი, გაგვანაწილეს სამშენებლო და საწარმოო ხე-ტყის დამამზადებელ საბანაკო პუნქტ „დალნიში“. კონვოიში რვაასამდე პატიმარი ვიქნებოდით. ოთხრიგად, რამდენიმე კოლონად მონყობილნი გრუნტის გზით ბანაკისკენ მივდიოდით. ყინული ახალ გალღობილი იყო. შავმიწათიხიანი მასა კაცს მწებავ ლაფს უფრო მოგავონებდა. გვიან ღამემდე ვიარეთ. დაღლილ-დაქანცულებმა, როგორც იქნა მივალწიეთ დანიშნულების ადგილზე. ზონის მძიმე, უხეში

კარები ფართოდ გამოაღეს და შეიარაღებული, ხიშტ-მაშხანა მოღერებული ორმხვრივი ბადრაგის კონტროლის ქვეშ „მიგვიღეს ახალი კონტინგენტი“. ზონის ადმინისტრაცია გველოდა. ისევ ორმხვრივად მონყობა. სახელობითი სია და ბრიგადების მიხედვით გადანაწილება!. ჩემთან ერთად ბრიგადაში სამოცამდე პატიმარი მიგვითვალეს. შუალამე გადაცილებულს, როგორც იქნა ბარაკებში შესვლის უფლება მოგვცეს. ერთ ბრიგადაზე ერთი ბარაკი იყო გათვალისწინებული. ბარაკი მართკუთხა ჯარგვალს წარმოადგენდა. ჯარგვალის სიგრძივი კედლების ჩაყოლებაზე მონყობილი იყო ორმაგი-ორიარუსიანი ნარები მრგვალი წვრილი ძელებისაგან დამზადებული. კარის მოპირდაპირე კედელთან მონყობილი იყო ლუმელი, უფრო სწორედ ბენზინის კასრისგან სახელდახელოდ შედუღებული საკვამურიანი დანადგარი. ბარაკში თხუთმეტამდე პატიმარი დაგვხდა. ჩვენი შესვლისას მხოლოდ ერთილა წამოდგა, ისიც თურმე მეორე გვერდზე გადაბრუნებას ლამობდა. დანარჩენებს კი პატიმრისთვის ჩვეული ტანჯული ძილით ეძინათ. ბრიგადირმა ცარიელ ნარებზე მიგვითითა და მოსვენება გვისურვა. თვითონ კი ლუმელს შეუკეთა, მაღიანად თამბაქოს წეკო გააბოლა და მის ნარზე ტანისამოსიანადვე გაიშოტა.

მართალია, უკვე აპრილი იწურებოდა, მაგრამ აქ ისევ ზამთრის სუსხი და სიცივე პოზიციების დათმობას არ აპირებდა. ისე ვიყავით დაღლილ-დაქანცულები, რომ გაცნობა-საუბრისა კი არა და საწოლის მონყობის თავი სადღა გვქონდა. ბამბიან მათბუნარაში - „ტელეგრეიკაში“ გავეხვიე, საქართველოდან

წამოღებული ზურქჩანთა თავეცვე ამოვიდე და საღათას ძილით ჩამეძინა.

გარიჟრაჟებე უსიამო სიცივემ გამაღვიძა. ხელ-ფეხი გამთო-შოდა. ბარაკის სამი პატარა ცხაურიანი სარკმლიდან მბჟუტავი ათინათი დაფლეთილ სხივს ალიცლიცებდა და ეს თუ მამც-ნობდა ჩემთვის უცხო გარე სამყაროსთან კავშირის არსებობას. ყველას ეძინა. ჩემი გაღვიძება მხოლოდ ერთი პატიმრის ფხიზელ სმენასა და თვალს არ გამოჰპარვია. ისიც წამოდგა, ხელით მიხმო და ლუმელის გასახურებლად დახმარება მო-ხოვა. მეც ფეხაკრეფით მივედი, არ მინდოდა დაღლილ-და-ქანცულ ტუსალებს დროზე ადრე გაღვიძებოდათ. - მე პაპას მეძახიან, ამ ბარაკის ბრიგადირი გახლავართ, - დაბალი ბარი-ტონით მითხრა და ხელი გამომიწოდა. ბრიგადირი სლავური წარმოშობის ახმახი, ძალზე გამხდარი, ყბა-ყვრიმალჩაცვენი-ლი, ცხვირწვეტიანი რატომღაც უსიამო, უგემურ, უხასიათო ტი-პად აღვიქვი. ლუმელს ხმელი ფიჭვის შეშა შეეუკეთეთ და ისიც ხალისიანად ავიზგიზდა. ვეთბუნები, საამო სითბო ნელ-ნელა შემოდის ძარღვებში, მაგრამ რად გინდა - უეცრად საშინლად მჭახე, ტვინსა და ძვალ-რბილში გამტანი მზარდი საზარელი უღერადობის ხმა გაისმა... ესეც ტაიგის „მაღვიძარა“ - ლითონის ნაჭერს უზარმაზარ უროს ურტყამდა მორიგე. ამ საზარელ ხმიანობაზე მკვდარიც კი შეტოკდებოდა... წამიც და ბარაკი აფუთფუთდა: ძლივს ჩათბუნებული ნარიდან, ჯერ კიდევ რიჟრაჟებე, სუსხიან, გაყინულ, დათრთვილულ ეზოში გასვლა არ გინდოდა!.. დილის პროცედურებისთვის სულ რამდენიმე წუთი გვეძლოდა: ფეხისალაგი, ხელ-პირის

დაბანა და მოწესრიგება... გამიკვირდა, უმეტესობა პირ-საბანთან არც კი მისულა. პირდაუბანელი, ჩამჭვარტლული, დაუვარცხნელ-გაბურძგნილი წვერ-თმით საწყალი და საჰყარი ხალხის ბრბოს უფრო ჰგავდნენ ეს საცოდავები, ვიდრე შეგნებულ და ღირსებამენარჩუნებულ მუშახელს, რომელთაც სახელმწიფო დოვლათი უნდა შეექმნათ!.. თუმცა მათ მდგომარეობას ბანაკის ხელმძღვანელობა არას დაუდევდა, არც უცდიათ ერთი მისხალით მაინც შეემსუბუქებინათ პატიმართა ყოფა და ცხოვრების პირობები. როგორც შემდეგში გავარკვიე, ბანაკის ადმინისტრაციას მხოლოდ ერთი სადარდებელ-საზრუნავი ჰქონდა: - ნებისმიერ ფასად საწარმოო გეგმის შესრულება!..

საუბმეზე მოწყობა ბრძანეს. ჩამოგვირიგეს ულუფა - 600 გრამი ჭვავის პური და მეზობელ შენობაში გადაგვიყვანეს, სადაც ბალანდა - პურის ფქვილისგან მოღულებული წვნიანი ჩამოგვირიგეს ალუმინის ბაღიაში, გინდა „მისკაში“. თითქმის ოთხწლიანმა პატიმრობამ ბევრი რამ მასწავლა, მათ შორის თადარიგეობაც. თეთში და კოვზი, პირადი ჰიგიენის ნივთები და საპონიც კი წინასწარ მომარაგებული, საქართველოდან მქონდა წამოღებული. ზოგადად, ქართველები თადარიგიანად ვიყავით, აი ზოგიერთი სლავური და შუააზიური წარმომავლობის პატიმარი კი უკოვზოდ და უბადიოდ - „უმისკოდ“ ჩადგნენ რიგში. საბოლოოდ იძულებული გახდნენ ძველი პატიმრებისთვის ეთხოვათ „მისკა“ და კოვზი, რაზედაც საზღაური გადაიხადეს -200 გრამი პური. ცხელი ბალანდა

ცოტა რამ ხსნა მაინც იყო შიმშილისაგან გაფშვკილი კუჭისთვის.

ზონაში ანუ საბანაკო პუნქტში პატიმრების განთავსების, ცხოვრებისა და იქ გამეფებული პირობების წარმოსადგენად, ურიგო არ იქნებოდა გავცნობოდით 1939 წლის 2 აგვისტოს საბჭოთა კავშირის შინსსახკომის მიერ გამოცემულ ინსტრუქციას „შრომა-გასწორების ბანაკებში პატიმრების ყოლა-შენახვის რეჟიმის შესახებ“ სადაც ვკითხულობთ:

„ 1. საბანაკო პუნქტი გარესამყაროსგან ეკლიანი მავთულხლართებით უნდა იყოს იზოლირებულ-შემოზღუდული. შემოზღუდულ ზონას უნდა ჰქონდეს მართკუთხედის ან კვადრატის ფორმა, რამაც უნდა უზრუნველყოს საუკეთესო ხილვადობა. ტერიტორიის დაცვისა და თვალთვალის უზრუნველსაყოფად გარე პერიმეტრზე იდგმება პოსტ-კოშკურები მეთვალყურე-ბადრაგებისთვის;

2. პატიმრები უნდა განთავსდნენ ბარაკებში. ბარაკიდან ბარაკში გადასვლა პატიმრებს ეკრძალებათ. საბანაკო პუნქტის ზონაში პატიმრების თავისუფლად გადაადგილება დასაშვებია ძილის მაუწყებელი სიგნალის გაცემამდე.

3. დაძინებამდე ტარდება სალამოს შემოწმება, რისთვისაც პატიმრები ეწყობიან ბარაკის წინ. სახელობით შემოწმებას ახორციელებს ბანაკის ქვედანაყოფის მორიგე. შემოწმება უნდა გაგრძელდეს არაუმეტეს 30-40 წუთს;

4. შემოწმების შემდეგ სპეციალურ სიგნალზე პატიმრები მიდიან დასაძინებლად. ამ სიგნალზე პატიმარები ვალდებულნი არიან იმყოფებოდნენ თავ-თავიანთ ბარაკებში და დაწვნენ

დასძინებლად. იკრძალება ნებისმიერი გადაადგილება, ხმაური და გადალაპარაკება. ძილად წასვლისა და გაღვიძების დრო ისე უნდა იყოს გათვლილი, რომ პატიმარმა არანაკლებ შვიდი საათი იძინოს;

5. შინაგანი განაწესის დარღვევის, შრომისადმი არაკეთილსინდისიერი დამოკიდებულების ან მუშაობაზე უარის თქმის შემთხვევაში პატიმრების მიმართ გამოყენებული იქნას შემდეგი სახის სჯელი:

ა) ექვსი თვის ვადით მნახველებთან შეხვედრის, მიმოწერის, ამანათის მიღების აღკვეთა, მიყენებული ზარალის ანაზღაურებით;

ბ) საერთო სამუშაოებზე გადაყვანა (თუ ის სპეციალობით მუშაობს);

გ) საჯარიმო საბანაკო პუნქტში გადაყვანა ექვსი თვის ვადით;

დ) საჯარიმო იზოლატორში გადაყვანა ოცი დღის ვადით;

ე) გაუარესებული მატერიალურ-საყოფაცხოვრებო პირობებში გადაყვანა (საჯარიმო ულუფა, ნაკლებად კეთილმოწყობილი ბარაკი და სხვა)“.

ამ შემთხვევაში ერთი რამ უნდა გვექონოდა უპირობოდ გასათვალისწინებელი, როგორც წესი, ასეთი ტიპის იზოლატორსა თუ საჯარიმო ზონებიდან პატიმარი უკან ვეღარ ბრუნდებოდა. წამებას „გადარჩენილებს“, როგორც წესი, ასაფლავებდნენ ტყის პირას, საგანგებოდ გათხრილ დიდ ორმოში.

საჯარიმო ულუფა სიტყვაზე არცაა მოსატანი, რადგანაც პატიმრებს ისედაც ცუდად კვებადნენ. გარდა იმისა, რომ მათზე

ეკონომიას აკეთებდნენ, მათ კიდევაც ქურდავდნენ. მაგალითისთვის, 1937 წლის მიწურულს, მხოლოდ ერთ ბანაკში, გამოავლინეს სასურსათო საწყობებიდან 400 000 მანეთის ღირებულების სურსათის დატაცების ფაქტი!..

პატიმრის ულუფა კი... საბჭოთა კავშირის შინსსახკომის 1939 წლის 14 აგვისტოს ბრძანებით, ერთ პატიმარზე, რომელიც დაკავებული იყო ძირითად საწარმოო სამუშაოზე და დღიურ შრომადღეს ასრულებდა, გათვლილი იყო: - 1200 გრამი ჭვავის პური, - ხორბლის ფქვილი 60 გრ., - ბურღულეული 130 გრ., - ხორცი 30 გრ., - თევზი 158 გრ., - მცენარეული ზეთი 12 გრ., - მაკარონი 10 გრ., - შაქარი 13 გრ., - ჩაი 2გრ., - კარტოფილი და ბოსტნეული 600 გრ. მაგრამ რად გინდა, რიგ შემთხვევაში ულუფა მხოლოდ პურსა და ფქვილის ნახარშის წვნიანს (ბალანდა) შეადგენდა. დანარჩენს ან სამეურნეო ნაწილის მესვეურები ითვისებდნენ ან იპარავდნენ და მაღაზია-ფარდულებში არალეგალურად ყიდნენ...

ის დღე ბარაკის მონესრიგებასა და მონყობისთვის დაგვიტოვებს. შუადღე იქნებოდა, მე და კიდევ სამი პატიმარი მებადრაგეკონტროლიორმა სადღაც წავიყვანა. გზადაგზა ზონას ვეცნობოდი და ჩემეულ დასკვნებს ვაკეთებდი. ზონაში თხუთმეტამდე ბარაკი იქნებოდა, სხვადასხვა ზომისანი, მაგრამ ერთნაირად უსახური, მრგვალი მორებით უწესოდ და უხარისხოდ ნაშენი ჯარგვლები... რიგ შემთხვევაში ფარალალა მოშლილი ან მორყეული ყავრის სახურავებით. ბანაკის ადმინისტრაცია შედარებით უკეთეს შენობაში იყო განლაგებული. პატიმართა ბარაკები პირდაპირ მიწაზე „ილო“. ადმინისტრაციისა

და ბანაკის დაცვის შენობები, ასე ერთი მეტრის სიმაღლის ბოძებზე „წამოესკუპებინათ“, ეტყობა სინესტისა და ხშირი წვიმებისას დატბორვის თავიდან აცილების მიზნით. ზონის ერთ მიყრუებულ კუთხეში სამრეცხაო, აბანო და ლაზარეთი იყო განლაგებული. სამრეცხაოში ჩავედი. ორრიგ ძელურ თაროებზე თეთრეული და ზენრები დასტებად ელაგა. ახალ-მისულებზე გადათვალეს და საწოლის თეთრეული და ზენრები გადმოგვცეს.

ძველი პატიმრების გაკვირვებას საზღვარი არ ჰქონდა. აღმოჩნდა, რომ საბჭოთა საბანაკო სისტემაში პირველი პატიმრები ვართ, ვისაც ქათქათა თეთრეული და ახალი ზენრები დაგვირიგეს. ეტყობა ახლადშექმნილი საგანგებო დანიშნულების ბანაკების ორგანიზებისას, პატიმართა შენახვის პირობებში იყო გათვალისწინებული. აკი ამის შესახებ პირველსავე მოწყობაზე არ დაახანა საბანაკო პუნქტის უფროსმა - ახალი დებულება გულისხმობს პატიმართა მოვლა-შენახვის პირობების მკვეთრ გაუმჯობესებას, რამაც თავის მხრივ უნდა განაპირობოს მინდობილი საქმისადმი მეტი კეთილსინდისიერება და შრომის ნაყოფიერების ზრდა... ქართველები ბარაკის ერთ კუთხეში კომპაქტურად მოვეწყეთ. ბრიგადირის დახმარებით თხელი ფიცრები მოვიძიეთ და ნარებზე დავაკარი, შემდეგ კი ბარაკის სარკმელები შევფუთეთ ყველა ჭუჭრუტანა და ხვრელი საგულდაგულოდ ამოვგმანეთ.

ახლადმოსულები პოლიტპატიმრები ვიყავით, ესე იგი გასამართლებულნი 58-ე მუხლით, დამხვდურნი კი ეგრეთ წოდებული „საერთო კონტინგენტი“ იყო, ესე იგი გასამართლე-

ბულნი სისხლის სამართლის კოდექსის სხვა მუხლებით. მათ სხვანაირად „ბიტოვიკებსაც“ ეძახდნენ, რაც იმაზე მიგვანიშნებდა, რომ ისინი გასამართლებულნი არიან შედარებით მსუბუქი, სხვადასხვა სახის საყოფაცხოვრებო დანაშაულისთვის. დამხვდური პატიმრები - „ბიტოვიკები“ ჩვეულებრივ „კრიმინალურ - ბლატნი“ უარგონით საუბრობდნენ, რაც ჩვენთვის ძირითადად მიუღებელი იყო.

მესამე დღიდან ჩვეულ რიტმში, დიდი ხნის დადგენილ-დახვეწილი განრიგით დავინწყეთ მუშაობა. ბაღრავს გავყავდით ტაიგაში ხე-ტყის დამამზადებელ სამუშაოზე და მთელი დღე მუხლჩაუხრელად ვშრომობდით. მხოლოდ ნაშუადღევს, ნახევარი საათით ვისვენებდით, ისიც სადილის მისაღებად ძლივს გვეყოფნიდა. ბრიგადაში, სამოცდათხუთმეტ კაცამდე ვიყავით, მაგრამ ყველანი ერთდროულად როდი ვმუშაობდით, ზოგი ავადმყოფობდა, ზოგი კი ადმინისტრაციის მითითებით სხვა საყოფაცხოვრებო-სამეურნეო სამუშაოებზე იყო განაწილებული. ვინც ხე-ტყეზე ვმუშაობდით, მთელი ბრიგადის ნორმა უნდა შეგვესრულებინა.

ორი თვე არ იქნებოდა გასული, ერთ სისხამ დილით ბარაკში ჩოჩქოლო ატყდა: ბრიგადირი პაპა „ჩაბარდა პატრონს“ გინა „გავიდა მარილზე“... ქართველებს გული დაგვწყდა - პაპა ბრიგადირი სამართლიანი და ღირსეული კაცი იყო. თვითონაც პატიმარი, ყველა ღონეს ხმარობდა ავადმყოფი თუ ფიზიკურად სუსტი პატიმრები ნაკლებად დაეტვირთა, შედარებით მსუბუქ საქმეზე ანაწილებდა. თვითონ კი თავს ვერ მიხედა, თურმე სანყალს ჭლექმა ბოლო მოუღო. ის დღე არ

გვიმუშავია. პაშა დავასაფლავეთ. დღის დარჩენილ დროში ბარაკისა და ზონის დალაგება-მოწესრიგებით ვიყავით დაკავებული... სხვა ბრიგადებაც ასევე მუხლჩაუხრელად მუშაობდნენ „დელიანკაზე“ - ხე-ტყის დამზადების უბნებზე.

პაშას გარდაცვალების შემდეგ ბრიგადირად მე დამნიშნეს. ბრიგადირად დანიშვნა განაპირობა საქმისადმი კეთილსინდისიერმა დამოკიდებულებამ, პატიმრებზე უანგარო ზრუნვამ და თავისთავად მოხვეჭილმა უპირობო ავტორიტეტმა. მე დანიშვნის წანალმდეგი იმთავითვე არ ვყოფილვარ, ასე უფრო ვიზრუნებდი ჩვენი ბიჭებისა და საერთოდ ბრიგადის წევრების უკეთესი, ასატანი პირობების შექმნისათვის. სანამ ვბრიგადირობდი რაიმე განსაკუთრებული არ მომხდარა, იმ საბედისწერო შემთხვევამდე, რომლის შესახებაც ვრცლად ტრილოგიის პირველი წიგნის მესამე თავშია მოთხრობილი.

მიუხედავად იმისა, რომ შრომა-გასწორების ბანაკი „მინერალის“ ხელმძღვანელობამ საბანაკო პუნქტ „დალნის“ ადმინისტრაციის მხრიდან პატიმართა მიმართ უგულო და არაადამიანური მოპყრობა, უადგილოდ და უმიზეზოდ იარაღის გამოყენება, რასაც პატიმართა მასობრივი ხოცვა-ჟლეტა და დასხიჩრება მოჰყვა, ადეკვატურად მიიჩნიეს პატიმართა მხრიდან ბუნტისა და მასიური გაქცევის მცდელობის აღკვეთის მიზნით, შედეგად ჩინ-მედლები და სოლიდური წახალისებაც მიიღეს, სიმართლემ მაინც გააუონა. სამართალმა მაინც პური ჭამა. სიმართლე დადგინდა. შედეგად ბანაკისა და ჩვენი საბანაკო პუნქტის მთელი ადმინისტრაცია შეცვალეს. ზოგი

დასაჯეს, ზოგიც სამსახურიდან დაითხოვეს ან სხვაგან გადაიყვანეს.

ახალი ადმინისტრაციის წარმომადგენლები შედარებით ლოიალურები და დამთმობნი ჩანდნენ. პატიმრების მიმართ მეტ ყურადღებასა და თანადგომას იჩენდნენ. ამას ხელი შეუწყო იმ გარემოებამაც, რომ შრომა-გასწორების ბანაკი „მინერალნის“ ხელმძღვანელად დანიშნეს მეურნე კაცი - ადმინისტრაციული სამსახურის პოლკოვნიკი ხალევევი.

1948 წლის შემოდგომის მიწურულს, ზონაში ჩოჩქოლი ატყდა. ბანაკის ადმინისტრაციის სარევიზიო კომისია პოლკოვნიკ ხალევევის ხელმძღვანელობით ჩვენს ზონას ეწვევაო. ხეტყის დამამზადებელ სამუშაოებზე დროებით აღარ გაუყვანივართ. ვემზადებოდით სარევიზიო კომისიის დასახვედრად. ფართო ასპარეზი დაეთმო ბარაკების, ადმინისტრაციის შენობის, დაცვის ყაზარმებისა თუ სხვა დამხმარე და სამეურნეო სათავსოების შეკეთებასა და მოწესრიგებას.

სალამო ჟამს კონტროლიორმა მიხმო და საბანაკო პუნქტის უფროსთან წამიყვანა. პუნქტის უფროსი მაიორის ჩინით იყო. საშუალოზე მაღალი, სპორტული აღნაგობის, ცივი გამოხედვით. კონტროლიორმა უფროსის კაბინეტში შემაცილა, თვითონ კი ჩაკეტილ კარის მიღმა დარჩა. მაიორი მასიურ სამუშაო მაგიდას მიმჯდარი, რაღაც ქაღალდებს ქექავდა. მე ოთახის შუაგულში გავჩერდი და ცნობისწადილით შეპყრობილი ოთახის სერვისის ვათვალიერებდი. როგორც იქნა მოიცალა ჩემთვის:

- მამ თქვენ ხართ პატიმარი ვამეხ ბაქრაძე, მეტსახელად „იღბალა“? - ბოლო სიტყვა დამარცვლით წარმოთქვა და მზე-რა მომბატინა. განა პირველად ვიყავი უფროსობასთან გასაუბრებაზე, გულგრილად ვუპასუხე:

- გახლავართ „მოქალაქე უფროსო“...

- არ გინდა ტუნგუცობა და ციხეებში მიღებული „ფამილიარობა“, შენ ასაკიანი და გამოცდილი კაცი ხარ. სერიოზული ბრალდებით კი ხარ გასამერთლეებული, ვენდოთ ამ საბრალდებო დასკვნას?

- „ტროიკამ“ ენდო და ოცი წელიც გამომიწერა...თქვენი ნებაა. რა აზრი აქვს თავის მართლებასა თუ წუნუნს, - ვთქვი და გავჩუმდი.

- მესმის შენი. რას იზამ, მოცემულობა გასაგებია. ერთი ეს მითხარი, თბილისში, ორთაჭალის ციხეში ავეჯის საამქროში ბრიგადირად მუშაობდი, კონკრეტულად რა ხელობას ფლობ?

- მე დურგალი ვარ. საცხოვრებელი და საყოფაცხოვრებო დანიშნულების შენობა-ნაგებობათა ოსტატი. თბილისის ციხეში კი ავეჯის საამქროში ახალი ხელობაც ავითვისე.

- ძალიან კარგი. ადმინისტრაციისა და ბადრაგის ჯარისკაცებისთვის განკუთვნილი აბანო, ეგრეთ წოდებული „პარილკა“ (ორთქლის აბანო) სიძველის გამო სავალალო მდგომარეობაშია. შეძლებ ახალი ააშენო?

- თუ მეყოლება თანაშემწეები, სათანადო მასალა, რა პრობლემაა! - ხმაში ალტაცებაც კი დამეტყო, ეტყობა იმის გააზრებამ გამამხნევა, რომ ტყე-ღრეში ხეტიალსა და მძიმე სამუშაოებს გადავრჩებოდი.

- მაშ ასე, „ფარტოვი“ (ქართულად - „იღბალა“) დღეიდან სამშენებლო ბრიგადას ჩამოაყალიბებ და შენვე უხელმძღვანელებ. თანამშენებელი თვითონ შეარჩიე, ოღონდ შრომისუნარიანი და კეთილსინდისიერი ხალხი.

- უფროსო, ერთი თხოვნა მექნება, ოღონდ თავის გაყადრებასა და თავხედობაში ნუ ჩამომართმევთ. საქართველოდან მოყოლებული, ექვს თანამემამულესთან ერთად ვიხდი სასჯელს, ზოგიერთებთან ერთად ავეჯის საამქროებშიც ერთად ვმუშაობდით და ხე-ტყის დამამზადებელ ბრიგადაშიც, აქაც ნუ დაგვაშორიშორებთ. თავის მხვრივ პირობას ვდებ, რომ ჩვენი მხრიდან რამე დარღვევას თუ გადაცდომას ადგილი არ ექნება! - ვთქვი და ცოტა ემოციურად წამოვევით.

- უბრალო აბანოს მშენებელთა ბრიგადაში შვიდი კაცი?! ბევრი არ იქნება? - გაკვირვებულმა უფროსმა თავი გააქნია და აღმაცერად შემომხედა.

- მართალი ბრძანდებაა. რუსული აბანოს ასაშენებლად შვიდი კაცი მართლაც ბევრია, მაგრამ ეს ხომ დასაწყისია. ჩვენ უფრო სერიოზული შენობა-ნაგებობის აშენებასაც შევძლებთ...


- მართალი ხარ. ბანაკის ადმინისტრაცია, ცენტრალური ხელისუფლების განკარგულებით, რიგ ღონისძიებებს გეგმავს პატიმრების, განსაკუთრებით კი სპეცკონტიგენტის ცხოვრებისა და მუშაობის პირობების გასაუმჯობესებლად. ისე ყველაფერი თქვენზეა დამოკიდებული. ვნახოთ ჯერ აბანოს მშენებლობას როგორ გაართმევთ თავს.

მე კიდევ ერთხელ დავედასტურე ჩვენი მზადყოფნა, თანაც სანდომიანი და მრავლისმეტყველი მზერა მის უკან ჩამო-

კიდულ დიდი ბელადის - სტალინის პორტრეტს მივაპყარი. ალბათ, უფროსმა მიმიხვდა ჩემი ნააზრევი!.. წამოდგა. შეტრიალდა, ისიც უსიტყვოდ მიაჩერდა სტალინის პორტრეტს და საბოლოო გადანწყვეტილების ნიშნად ხელი მოიქნია:

- ზოგადად ქართველებს ვაფასებ და ვენდობი. სიტყვის ხალხი ხართ, პატიოსანი და მონესრიგებულნი, შრომისმოყვარე... იყოს ასე. ხვალიდან მშენებელთა ბრიგადა ჩემი თანაშემწის, კაპიტან სოლოვიოვის განკარგულებაში იქნება, ის იზრუნებს საჭირო მასალების, იარაღ-მონყობილობებით მომარაგებასა და მუშაობის სათანადო პირობების შესაქმნელად, - თქვა და ხელით კარისკენ მანიშნა, რაც აუდიენციის დასასრულს ნიშნავდა.

ბარაკში გახარებული დავბრუნდი. შემოვიკრიბე ჩემი მეგობარი ქართველი პატიმრები და ახალი ამბავი ვახარე. დანარჩენი პატიმრების რეაქცია სათანადო იყო - ზოგს ჩვენი სამუშაო გულწრფელად გაუხარდა, ზოგს შეშურდა კიდევ, ზოგი კი გულგრილად შეხვდა, მათ უჩვენოდაც თავიანთი საზრუნავ-საფიქრალი ყოფნიდათ...



თავი XIX

მშენებელთა ბრიგადა

მეორე დღეს უთენია კაპიტანმა სოლოვიოვმა მიხმო. სამშენებლო მოედანზე გამიყვანა და სამუშაოთა მოცულობა გამაცნო. კერძოდ: ძველი ნაგებობა უნდა დაგვეშალა, რაც გამოდგებოდა საშეშედ გადაგვეწყო, უვარგისი კი იქვე შამბნარში გადაგვეყარა, მის ადგილას კი, მის მიერ მომზადებული ნახაზით, აბანო-საუნის ახალი შენობა აგვეგო. მასალას და საჭირო ინვენტარ-იარაღებს, რომლის ჩამონათვალიც მე წინასწარ თადარიგინად მოვამზადე, უახლოეს მომავალში ბანაკის ცენტრალური ბაზიდან გამოიწერდა.

ბიჭებს გამოცოცხლება დაეტყოთ, შემართებაც იგონებოდა. სად მშენებლობა და სად ტაიგაში ხე-ტყის დამზადება!.. სადილის შემდეგ ძველი აბანოს დაშლას შევუდექით. ბიჭებს წინასწარ ავუხსენი, რომ კეთლისინდისიერი, მუყაითი შრომაა საჭირო. ისიც განვუმარტე, თუ ბანაკის ადმინისტრაციის ნდობას მოვიპოვებთ, ბანაკის ცენტრალურ ოფისში, დაბა ინტაში გადაგვიყვანენ. ამით, ჯერ ერთი, არაადამინაურ პირობებში ხეტყის დამამზადებელი სამუშაოებიდან საბოლოოდ თავს დავაღწევდით, მეორეც და მთავარი, შრომის ანაზღაურება საგრძნობლად მოგვემატებოდა. ეს კი თავისთავად გულისხმობდა კვებისა და საყოფაცხოვრებო პირობებს მკვეთრ გაუმჯობესებას. ჩვენი მიზანი კი ერთი იყო: ფსიქოლოგიურად და ზნეობრივად არ გავმტყდარიყავით, შეგვენარჩუნებინა

ჯანმრთელობა და საღ-სალამათები დავბრუნებულავით
სამშობლოში.

ბევრი რომ არ გავაგრძელო, აბანოს შენობა და
სათავსოები, მართლაცდა შესაშური ლაზათითა და სისადავით
გამორჩეული გამოგვივიდა, რის გამოც ზონის
ხელმძღვანელობის შექება და ნახალისებაც კი დავიმსახურეთ.
სარევიზიო კომისიის ჩამოსვლამდე შევაკეთეთ და
კეთილმოვანყეთ სამედიცინო პუნქტი და ზონის სამზარეულოს
სათავსოები. განსაკუთრებული ზედამხედველობის ქვეშ
მოგვინია ზონის ადმინისტრაციული შენობის შეკეთება-
კეთილმოწყობა. აბანოსა და სხვა სათავსოებთან ერთად
ადმინისტრაციის შენობაც მშენიერი უნდა ყოფილიყო. ერთი
სიტყვით, ჩვენი ნაშრომით ზონის ხელმძღვანელობა კმა-
ყოფილებას არ მაღაუდა.

როგორც იქნა დადგა სარევიზიო კომისიის მოსვლის დღეც.
პატიმრები ბარაკებიდან გამოგვრეკეს, ზონის მოედანზე ორ
მწკრივად მოგვანყეს და ბაღრაგის მკაცრი ზედამხედველობის
ქვეშ, ბანაკის ხელმძღვანელობას წარგვადგინეს. კომისიის
მუშაობის პერიოდში ტაიგაში სამუშაოებზე არ გავუყვანივართ.
ბარაკებში ვისხედით და კომისიის მითითებისამებრ
ვმოქმედებდით.

კომისია ხუთი დღის განმავლობაში მუშაობდა. შედეგების
შეჯამების შემდეგ კი მაიორმა ხელმძღვანელობა აბანოში მიი-
წვია. რა თქმა უნდა აბანო-საუნა ქეიფის გარეშე სად გავო-
ნილა!.. აბანოს შენობა, სათავსოები და ინვენტარი პოლკოვნიკ
ხალეევს მოსწონებია და უკითხავს: ვისი ნახელავიაო? მაიორს

თავი მოუწონებია - ჩვენი ბრიგადისო. შეგარბოშებულმა პოლკოვნიკმა ხალევემა ჩემი ნახვა მოინდომა. მეც სასწრაფოდ წარმადგინეს და საგანგებოდაც გამაფრთხილეს, უფროსობის წინაშე წესიერად მოვექცეულიყავი. პოლკოვნიკმა მუშტრის თვალით გამზომ-ამწონა, მასთან მიხმო, წახალისების მიზნით მხარზე მომითათუნა და ჩაიბუხუნა:

- ყოჩაღ ქართველებო, ბეჭითი და მუყაითი ხალხი ყოფილხართ, ასეთი გულმოდგინებითა და სიმშვენიერით შესრულებული საქმე, მით უმეტეს პატიმრების მიერ, ჯერ არ მინახავს, ყოჩაღ! - არაყის ბოთლს წვდა, მოზრდილი ჭიქა რიხით პირთამდე შეავსო და გამომიწოდა, - აბა დაილოცეო. თითქმის ხუთი წელია პატიმარი ვარ, სპირტიან სასმელს ვინ გამაკარებდა, ჯერ შემეშინდა, ამდენი არაყი ერთდროულად როგორ უნდა დამეღია, მაგრამ ქართველი კაცის სიამაყემ და თავმწონების ალღომ თავისი გაიტანა. ჭიქა ერთი გაქნევით გამოვცალე, უღვაშებზე ხელი დავისვი და მაიორის მოწოდებული დამწნილებული კიტრი მადიანად ჩავახრამუნე. პოლკოვნიკს ესეც მოეწონა. მასთან მიხმო, მხარზე ხელი მომითათუნა და ყველას გასაგონად განაცხადა:

- ქართველების სამშენებლო ბრიგადა ხვალიდან ბანაკის კომენდანტის განკარგულებაში დაბა ინტაში გადაიყვანეთ, იქ გადავწყვეტთ სად და როგორ გამოვიყენოთო. კიდევ უნდოდა არაყის შემოთავაზება, მაგრამ მე თავაზიანად ვიუუარე, დიდი ხნის თავშეკავების შემდეგ, ამდენი არაყი წამახდენს,მეთქი. ჩემი თავმდაბლობა ენიშნა, პოლკოვნიკმა კარისკენ ხელით

მანიშნა - თავისუფალი ხარო, თვითონ კი მენიხეებს მიუბრუნ-
და.

შეზარხოშებული და ახალი ამბით გახარებული, პირდაპირ
ბარაკში გავეყნდი და ქართველებს გავანდე ეგზომ სასიამოვნო
ამბავი. მართალია, პატიმრის მძიმე ხვედრს და ბედს ვერსად
გავექცევთ, მაგრამ შრომისა და საყოფაცხოვრებო პირობების
საგრძნობი გაუმჯობესა გვეყნებოდა. რაც დიდ ფასად ღირდა.

მეორე დღეს, პირობისამებრ, ჩვენი ბრიგადა პატიმრის მნი-
რი ბარგი-ბარხანით სატვირთო მანქანის ძარაზე ორი მებად-
რავის მკაცრი მეთვალყურეობის ქვეშ დაბა ინტისკენ მივე-
ქანებით.

ინტის განსაკუთრებული დანიშნულების შრომა-გასწორების
ბანაკი „მინერალნის“ კომენდატურა განთავსებულია დაბა
ინტის რკინიგზის სადგურის მიმდებარედ. ბანაკის კუთვნილი
მთელი ტერიტორია შემოზღუდულია მავთულხლართებით
მასიური ჭიშკრებითა და ერთსართულიან ნაგებობაში გან-
თავსებული საკონტროლო-გამშვები პუნქტით. დაცულ სივრ-
ცეში, გარდა ბანაკის ადმინისტრაციულ-სამეურნეო შენობა-
ნაგებობებისა, აქვია წყვილი მავთულხლართებით შემოზ-
ღუდული, ტრადიციისამებრ მართკუთხედის ფორმის, კუთ-
ხეებში ბადრავის კოშკურებით, საბანაკო პუნქტი. ზონის ტე-
რიტორიაზე კომპაქტურად, ერთმანეთის პარალელურად გან-
ლაგებულია რამდენიმე ტიპური ერთსართულიანი ჯარგვალა
ყავრით დახურული ბარაკები. ზონის მეორე მხარეს გან-
ლაგებულია ეგრეთ წოდებული სამრეწველო ზონა, სადაც
ცალკე-ცალკე ნაგებობებში განთავსებულია სხვა და სხვა სახე-

ლოსნო, სამრეწველო საამქროები, სამეურნეო საწყობები, ლაზარეთი, პატიმართა და მოსახურე პერსონალისთვის განკუთვნილი აბანოები, სამრეცხაო, ცენტრალური გათბობის საქვაბე და სხვა. სახელოსნოების რიგში ერთ-ერთი ჩვენი სადურგლო-სამშენებლო სახელოსნოა. ამ სახელოსნოში მომუშავე პატიმრები ცალკე ბარაკში ვცხოვრობთ. მშენებელთა ბრიგადასაც გამოგვიყვებს ცალკე სათავსო, სადაც სამშენებლო ინვენტარ-იარაღებსა და მოწყობილობებს ვინახავდით. რამდენიმე დღეში ტანისამოსისა და ჭურჭლეულის კარადები, ტახტი, მასიური მაგიდა და სკამები შევმატეთ. ერთი სიტყვით შეძლებიდაგვარად მოვეწყეთ.

მგონი დროა გაგაცნოთ „ჩემი“ ქართველები...

როსტომ მგალობლიშვილს უკვე იცნობთ.

მუხრან რჩეულიშვილი თბილისელია. თბილისის სახელმწიფო უნივერსიტეტის პროფესორი. ქართული ლიტერატურისა და საქართველოს ისტორიის ცნობილი მკვლევარი. 1941 წლის შემოდგომის მიწურულს, ერთ წვიმიან ღამეს, პირდაპირ ოჯახში აიყვანეს. დააპატიმრეს. ბრალად დასდეს ანტისაბჭოთა აგიტაცია-პროპაგანდა, ხალხის მტრის იარაღიყი მიაწეპეს და 18 წელი მიუსაჯეს. თბილისში, ორთაჭალის ციხეში იხდიდა სასჯელს. ერთად ვმუშაობდით ავეჯის საამქროში. ერთხელ დრო ვიხელთე და მუხრანს ვკითხე, თუ რაში მდგომარეობდა მისდამი ინკრინინირებული ანტისაბჭოთა აგიტაცია-პროპაგანდა. მუხრანი ჩაფიქრდა, მრავლისმეტყველი მზერა მომაბჯინა და საინტერესო მონოლოგის თანაზიარი გავხდი: თუ შენი სამშობლო, ქართველი ერი, მისი ისტორია, ენა და

ლიტერატურა განსხვავებულად გიყვარს, მისი კვლევა-ძიების, შესწავლისა და გავრცელებისთვის შრომობ ეს ნაციონალიზმია?! თუ გინდა, რომ ქართველი სტუდენტი-ახალგაზრდობა ძირეულად იცნობდეს და სწავლობდეს საქართველოს ისტორიას, ქართულ ლიტერატურასა და მართლმადიდებლურ ჰაგიოგრაფიას, ეს ნაციონალ-ექსტრემიზმია? ქარველ სტუდენტ-ახალგაზრდობაში თუ ეროვნული იდეოლოგიისა და საქართველოს - ჩვენს დედასამშობლოს სიყვარულის შესწავლა-გაღვივება საშიში სახელმწიფოს ძირგამომთხრელი ტენდენციურობაა, ნაციონალისტური და ანტისაბჭოთა აგიტაცია-პროპაგანდაა, მაშინ რაა პატრიოტიზმი და სამშობლოს ერთგულება? თუ ქვეყანა - სამშობლოს ისტორიისა და ტრადიციების მცოდნე და ერთგული ადამიანი საშიშია, მაშინ ვინაა სანდო და მისაღები?! თუ მშობლიური ერისა და სამშობლოს სიყვარული და მისი ისტორიისა და დღევანდელობის სწორი გააზრება ხალხის მტრობაა? მაშინ რაა მოკეთებობა და მამულიშვილობა?! - მხოლოდ ესაა ჩემი დანაშაული, ჩემო ვამეხ, - თქვა მუხრანმა და მწარედ ამოიოხრა.

გოდერძი ამაშუკელი ქუთაისელია. ქუთაისის ერთ-ერთი ქარხნის მთავარი ინჟინერი იყო. დაადანაშაულეს საბოტაჟში, რაც გულგრილობასა და საქმისადმი ზერელე დამოკიდებულებაში გამოიხატებოდა, რის შედეგადაც ქარხანამ დიდი რაოდენობით წუნიანი პროდუქცია გამოუშვა. არადა ამის მიზეზი ქარხნის დირექტორი იყო, რომელსაც გამოშვებული პროდუქციის ხარისხი სულაც არ ანალვლებდა. ოღონდ საწარმოო გეგმა წარმატებით გადაეჭარბებინა და სათანადო პატივი და

ჩინ-მედლები მიელო... რევიზიისას კი ყველაფერი მთავარ ინ-
ჟინერს გადააბრალეს, აქაოდა გულგრილობა და საქმისადმი
ზერეღე დამოკიდებულება - შეგნებული საბოტაჟის გამოვლი-
ნებააო, ვინაიდან ის ნაციონალისტურად განწყობილი ძალების
გულშემატკივარი და თანამოაზრეაო... საბოლოო ჯამში, 1942
წლის დამდეგს პატიმრობა 17 წლით „გამოუნერეს“ და
„ხალხის მტრის“ იარლიყიც საგულდაგულოდ მიანეპეს.
თბილისში, ორთაჭალის ციხეში ერთმანეთს ვერ ვიცნობდით.
პირველად ეტაპირებისას, ვაგონში შევხვდით ერთმანეთს. იქ
დავმეგობრდით.

მალხაზ ჩოჩიშვილი გორელია. ალალო, მშრომელი კაცი.
დაპატიმრებამდე გორის რაიონის ერთ-ერთი სოფლის კოლ-
მეურნეობის მეცხოველეობის ფერმის გამგედ მუშაობდა. მუ-
ყაითი და გამრჯე, მზრუნველი მეოჯახე და გულკეთილი,
ჭირისა და ლხინის გამზიარებელ-გამნაღლებელი მეზობელი
იყო. კოლმეურნეობას ცხვარი ჯავის რაიონში, როკის უღელ-
ტეხილის მიმდებარე საზახულო საძოვრებზე დაუდიოდა. 1943
წლის ზაფხულის მიწურულს, ოსეთიდან გადმოსულმა ბანდამ
მწყემსების სადგომი დაარბია, მწყემსები დახოცეს, სადგომი
გადაწვეს და ცხვრის ფარა გაიტაცეს. მალხაზი იმ დროს
პირად საქმეზე ქალაქ გორში იმყოფებოდა. ხელისუფლებისა
და სამართალდამცავი ორგანოების მაღალჩინოსნებს
უშუალო დამნაშავეები უნდა ეპოვნათ და სათანადოდ დაე-
საჯათ. სამი მწყემსის დალუპვასა და ფარის უგზო-უკვლოდ
გაუჩინარებას ვინ აპატიებდა, მათი თავები „დაგორდებოდა“.
საჭირო იყო „წვრილფეხობის“ შეწირვა. მათაც არ დააყოვნეს.

კოლმეურნეობის თავმჯდომარე და ფერმის გამგე განირეს. საქმე შეუთითხნეს მავნებლობისა და სოციალისტური ქონების განზრახ გაუფრთხილებლობისა და განიავების მუხლით, დანაშაულს ამძიმებდა ადამიანთა მსხვერპლი. ერთი სიტყვით „ტროიკამ“ საველე პირობებში „სამართალი ქნა“ და სასჯელმაც არ დააყოვნა. მალხაზი 17 წლით გაამწესეს, კოლმეურნეობის თავმჯდომარეს კი სოციალური დასჯის უმაღლესი ზომა - დახვრეტა შეუფარდეს. მალხაზი გამოირჩეოდა ჯანღონითა და რაინდული აღნაგობით. ისიც ეტაპირებისას ვაგონში გავიცანი.

პეტრე ნაკაშიძე ბათუმელია. აღრე პირადად არ ვიცნობდი, მაგრამ მასზე ბევრი მსმენოდა. ის აჭარაში ავტორიტეტიანი და ცნობილი პიროვნებაა. ის, სხვა აჭარელ პატრიოტებთან ერთად 1915 და 1921 წლებში თურქთა აჭარაში შემოჭრისას, სხვა აჭარელ პატრიოტებთან ერთად, აქტიურად იბრძოდა აჭარის რეგიონის დედა-საქართველოს წიაღში დასაბრუნებლად გამართულ საომარ მოქმედებებში. მასსოვს, 1921 წლის მარტში, კახაბერში გამაგრებულ თურქულ პოზიციებზე, პირველები სწორედ ნაკაშიძის მოხალისეთა რაზმის მებრძოლები შეიჭრნენ და ქართულ ლაშქარს გმირობისა და თავგანწირვის მაგალითები აჩვენეს...

პეტრე გამოცდილი სამეურნეო და ადმინისტრაციული მუშაკი იყო. მას სერიოზული ამაგი მიუძღვის აჭარის რეგიონში ახალი პოლიტიკური წეს-წყობილებისა და ცხოვრების დამკვიდრებაში. გასამართლებამდე მუშაობდა ბათუმის საზღვაო პორტის პარტიული ორგანიზაციის მდივნად. საუბე-

დუროდ, წარმატებულ ადამიანსა და ცნობილ პიროვნებას ყოველთვის ჰყავს მოშურნე და მოქიშპე... ასეთებს რა გამოლევს!.. ისიც, 1943 წლის მიწურულს, ცრუ ბრალდებით, არაკეთილმოსურნის დასმენით, თითქოსდა თანამდებობრივი მდგომარეობის ბოროტად გამოყენებით, პორტის მუშებში სეპარატისტული, ნაციონალისტური იდეების გავრცელებით, ფარული საბოტაჟისა და მავნებლური ქმედებებისაკენ მოუწოდებდა და რაზმავდა, დააპატიმრეს და საგანგებო „ტროიკამ“ 15 წლიანი პატიმრობა მიუსაჯა. ეტაპირებამდე რუსთავის ციხეში იხდიდა სასჯელს.

ალუდა ფიცხელაური ხევსურია. მუცოს ხეობის ერთ-ერთი სოფლიდან. ის ცნობილი ქართველი გენერლის ქაქუცა (ქაიხისრო) ჩოლოყაშვილის „შეფიცულთა“ რაზმის წევრი და 1924 წლის ანტისაბჭოთა, ეროვნულ-განმათავისუფლებელი აჯანყების აქტიური მონაწილე იყო. ალუდა, როგორც მთის შვილი, ჩემში განსაკუთრებულ ნდობასა და პატივს იმსახურებდა. ისიც ეტაპირებისას გავიცანი. მანამდე ხონის ერთ-ერთ ციხეკოლონიაში იხდიდა სასჯელს. კოლონიის დაქვემდებარებაში იყო ჩაის ვრცელი პლანტაციები. ალუდას მისჯილი ჰქონდა 21-წლიანი პატიმრობა. სასჯელს იხდიდა 1932 წლიდან. ალუდას, როგორც მთის შვილს, მოსდგამს გოროზი, ამაყი ხასიათი, უმნიკვლო, ნაღდი ქართული ზნე და მორალი. ის შეუპოვარი და ერთგული, სხვისი ჭირის გამკვითხავი და ქომაგი, სამართლიანი და სანდო, რაინდული სულის პატრონია.

ჩვენი უშუალო ხელმძღვანელი იყო კომენდანტის მოადგილე სამეურნეო-სამშენებლო დარგში, ადმინისტრაციული სამსახურის კაპიტანი სტეფანე დანილისძე დიკოვეი.


კაპიტანი დიკოვეი ეროვნებით კომი იყო. ტაიგის მკვიდრი და ადგილობრივი მოსახლეობის ზნე-ჩვეულებებისა და ადათ-წესების ზედმიწევნით მცოდნე. თბილი და უბრალო მიდგომით გამოირჩეოდა როგორც პატიმრების, ასევე ადგილობრივი მცხოვრებლების მიმართ. უყვარდა გულახდილი, გულღია საუბარი და ყოველი ჩვენგანისგანაც იგივეს მოითხოვდა. როგორც შეიძლო, ცდილობდა პატიმრის მძიმე ხვედრისა და ყოფის შემსუბუქებას, საცხოვრებელი და ყოფითი პირობების გაუმჯობესებას.

ქართველების მიმართ განსაკუთრებულ სითბოს, პატივისცემასა და ნდობას იჩენდა. შეიძლება იმითომაც, რომ ისიც ეროვნულ უმცირესობას წარმოადგენდა და მეორეც, ალბათ სმენოდა, რომ ჩვენ, ქართველები სიტყვის კაცები ვართ, პატიოსანი და ინტელიგენტი საზოგადოება, არაკაცურს და უზნეო რამეს არ ვიკადრებდით, არც დაუშვებდით და არც ჩავიდნდით. ისიც მიხვედრილიყო, რომ პატიმრის გაუსაძლის, უმეტეს შემთხვევაში არაადამიანურ, ჯოჯოხეთურ ყოფას არ გავუტეხივართ, არ შევკუებივართ, არ დავმონებივართ ყოფით რეფლექსებსა თუ ინსტიქტებს, ერთი ნუთითაც ხელები არ ჩამოგვიშვია, არც მორალურად დავცემულვართ და ფიზიკური შესაძლებლობები და ჯანის სიმრთელე შევინარჩუნეთ.

როგორც ბრიგადირს, კაპიტან დიკოვეთან უშუალო კონტაქტი მე მქონდა. დავალებებსაც მე ვიღებდი. მე განათ-

ლებითა და წარმომავლობით უბრალო კაცს, ჩემს პატარა, ინტელიგენტურ საზოგადოებაში, დიდი პატივი და ნდობა მექონდა. მე ხომ მათზე ვზრუნავდი, როგორც საკუთარ თავზე. ისინიც სითბოსა და პატივს უშურველად მიბრუნებდნენ და რაც მთავარია, ჩემი სჯეროდათ, მენდობოდნენ და უპრეტენზიოდ და ვაჟკაცური შემართებით ასრულებდნენ ჩემს გულიან მითითებებსა თუ დავალებებს. ერთი შეხმატკბილებული, პატიოსანი ქართული სამეგობრო ვიყავით. ჩვენთან სიტყვასა და საქმეს ფასი ჰქონდა.

ჯერ კომენდატურის, ბანაკის ადმინისტრაციის და სამხედროთა ყაზარმების შენობა-ნაგებობების მიმდინარე შეკეთებით ვიყავით დაკავებული, შემდეგ კი დაბაში გავყავდით სხვადასხვა სამშენებლო-სარემონტო სამუშაოებზე. რა თქმა უნდა, ბადრაგის თანხლებით, მაგრამ დაზოგვითა და ზედმეტი სალდაფონური გამოხდომების გარეშე, რამე თუ ისინიც დარწმუნდნენ, რომ ჩვენ სერიოზული, პატიოსანი, ინტელიგენტი საზოგადოება ვართ და გაქცევის თუ სამუშაოებზე თავის არიდების მცდელობას ადგილი არ ქონდა. ჩვენ ნორმირებულად ვმუშაობდით, საგრძნობი შრომადღეებითა და ნორმალური პირობებით. ჩვენს გეგმებში დაუმორჩილებლობა, საბოტაჟი, არაკეთილსინდისიერება გამოირიცხებოდა. მალე უმაშხანოდ და უხიშტოდ მხოლოდ ერთი ბადრაგი გვაცილებდა. მართალია, დაზღვევის მიზნით, მხოლოდ პისტოლეტით შეიარაღებული.



თავი XX

ღვანლმოსილი ქართველი მწერლის სვე-ბედი...

1949 წლის თებერვლის მიწურულს მორიგი დავალების მისაღებად კაპიტან დიკოევის კაბინეტში მიხმეს. კაპიტანმა, წესისამებრ თბილად მიმილო. დაბაში ადგილობრივი თვითმმართველობის ორსართულიანი შენობის აგება გვევალეოდა. სამშენებლო პროექტი გადმომცა და მეორე დღეს ჩვენი მოსაზრებების მოსმენა ისურვა. ჩაით გამასპინძლების შემდეგ საქართველოსა და ქართველებზე ჩამოაგდო საუბარი და წუხილი გამოთქვა, რომ ბევრი გამოჩენილი ქართველი მეცნიერისა და საზოგადო მოღვაწის სიცოცხლე შეინირა ჩრდილოეთ ტაიგის სიმკაცრემ... ისიც აღნიშნა, რომ თბილ კლიმატში დაბადებულგაზრდილები ძნელად ეგუებით ჩრდილოეთის ყინვებსა და მკაცრი ყოფა-ცხოვრების პირობებსო. სხვათა შორის გაიხსენა მეგობრის ამასწინანდელი საუბარი ერთ ქართველ მწერალზე. საცოდავი ვორკუტას კატორღაში იხდიდა სასჯელს. კატორღელთა განყოფილებები 1948 წლის მიწურულიდან გაუქმდა. კატორღელები სხვა ბანაკებში გადაანაწილეს, მათ შორის ჩვენთანაცო. ეს მწერალი უკიდურესად დაძახუნებული და ავადმყოფი ყოფილა. ამჟამად ტაიგაში ბანაკის დავრდომილთა ზონაში ღაფავსო სულს. ამ მწერლის შესახებ, საუბედუროდ გაკვრით მსმენოდა მხოლოდ, მაგრამ თანამემამულის სავალალო ყოფამ მეტად ამაღელვა. კაპიტანს სოლიდური პატივისცემა დავპირდი, თუ ჩვენთან მის

გადმოყვანას შეძლებდა, მანაც მთელი გულისყურით მომისმინა და დახმარებას დამპირდა.

ერთი კვირის შემდეგ მოხერხდა თანამემამულის ბანაკის ლაზარეთში გადმოყვანა. იქ ჩვენი თანამემამულე, ჩემი მეგობარი ექიმი ზრუნავდა მასზე. ბრიგადის ბიჭები სხირად ვაკითხავდით. სურსათი მიგვექონდა. ჩვენ თითქმის ყველა პროდუქტზე თვისუფალი წვდომა და შეძენის შესაძლებლობა გვექონდა, მათ შორის ალკოჰოლურ სასმელებზეც, მაგრამ არც ვავრცელებდით და არც ბოროტად ვიყენებდით.

ჩვენმა საყოველთაო ზრუნვამ და ინტენსიურმა მკურნალობამ შედეგი გამოიღო. ორი თვის შემდეგ, კაპიტანი დიკოვევის ძალისხმევითა და მისი პირადი პასუხისმგებლობის ქვეშ ქართველი მწერალი ჩვენი ბრიგადის წევრი გახდა.

ბატონი ლევანი სულ რაღაც ორმოცდაათი წლის იქნებოდა, მაგრამ იმდენად გაჭაღარავებული და მოტეხილი იყო, რომ ღრმად მოხუცებული გეგონებოდათ. ყველა „მოხუცს“ ეძახდა.

ბრიგადაში სამუშაოთა მწარმოებლის ფუნქცია დავაკისრეთ. ყოველმხვრივ განათლებულს, ერუდირებულსა და საქმეში გამოცდილ-გამობრძმედილს არ გასჭირვებია ტიპური პროექტებისა და სამშენებლო მასალების გამოთვლა-აღრიცხვა. ფიზიკურად საერთოდ არ ვამუშავებდით. ბუნებით თავმდაბალი, მორიდებული და უპრეტენზიო კაცი იყო. სულ ერიდებოდა, როცა სამშენებლო ან ფიზიკურ სამუშაოებს ვარიდებდით, გვეუბნებოდა: ბიჭებო, ძმობას გაფიცებთ, ნუ მზოგავთ, ძალიან მეუხერხულება, ხომ გსმენიათ - ლუკმა მაშინაა გამრიელი, როცა საკუთარი ოფლითაა მოძიებულიო. მაგრამ

ამ დონის მწერალსა და ერის ღირსეულ, ღვანლმოსილ შვილს ვინ კადრებდა მძიმე სამუშაოების შესრულებას ან ხარაჩოებზე მოძრაობას. კაპიტან დიკოვეის ნებართვითა და ხელშეწყობით საამქროში ცალკე სათავსო გამოვყეთ და სამუშაო ოთახი მოვუწყეთ. მოვამარაგეთ მწერლისთვის საჭირო საშუალებებით.

ერთ რამედ ღირდა ძილის წინ ბატონი ლევანის შეგონების მოსმენა. ჩვენ ვიყავით მისი პირველი მკითხველებიც, რეცენზენტებიცა და კრიტიკოსებიც... მისი ნაწერები ისტორიულ-ჰატრიოტულ თემებზე იყო მიმართული. დალოცვილი დაბალი, შთამაგონებელი ხმით წაკითხული მორიგი რომანის გმირებად გვაგრძნობინებდა თავს... მისდამი უნებურად მოკრძალებული ხდებოდი და მოწინებით განეწყობოდი... მისი წყალობით ვგზიარეთ საქართველოს წარსულსა და აწმყოს, ქართულ ისტორიას, ჩვენი ერისა და ენის სიდიადეს, ჩვენს უძველეს კულტურასა და ქართული მორალს, ზნე-ჩვეულებებსა და ტრადიციებს... მისი დარიგებებით ვმალღებოდი და ვკეთილშობილღებოდი... თვითონაც ხუმრობდა: „ლევანის აკადემიის“ წარმატებული და წარჩინებული მსმენელები ხართო...

ერთ გარემოებას ვერ ვგუობდი მხოლოდ: მორიგ რომანზე მუშაობისას ან უკვე შექმნილი შედეგის ჩვენთვის კითხვისას, მოულოდნელად კითხვას შეწყვეტდა, გაირინდებოდა, ერთ წერტილს მიაპყრობდა დაღლილ, დამძიმებულ სევდიან მზერას და იმ დროს აქ, ჩვენთან აღარ იყო. ეს გარემოება გვაშფოთებდა, მისი ჯანმრთელობის გაუარესების და მეტიც, ფსი-

ქოლოგიური მდგომარეობის გართულებისა ან გადახრებისა გვეშინოდა.

ერთხელ მომენტი ვიხელოთ და შევბედე კიდევ მოულოდნელი გარინდებისა და უეცრად ღრმა ფიქრთა მორევში გადაშვების მიზეზი. ბატონმა ლევანმა ღრმად ამოიოხრა, სპეტაკ, ჭაღარა თაფზე და წვერებზე ხელი გადაისვა, ღანვები მოიშვილა და სევდიანი, დაბალი, დანანავებული ხმით ჩაიდუდუნა:

- ეეს ჩემო ვამეხ, ჩემს თაფზე კვერით პური არ გაუღენიათ, თორემ ამ უკუღმართი, შეუბრალებელი და უსამართლო ცხოვრებისაგან ყველაფერი, ადამიანის შესაძლებელზე ბევრად მეტი, ვიწვინე. რა ვქნა, ბავშვობიდანვე ვერ ვეგუე ჩვენი სამშობლოს დამოუკიდებლობის ხელყოფას და წითელი რეჟიმის გაბატონებას. ჯერ კიდევ ოცდაექვსი წლისა, ძმასთანა და მეგობრებთან ერთად კოჯორსა და ტაბახმელაში ვებრძოდი ბოლშევიკებს. ვერ გავითავისე საქართველოს დამოუკიდებლობისა და ქართული სახელმწიფოს სუვერენიტეტის დაკარგვა, ვერ ვიგუე ქართველი ხალხისათვის გაუგებარი და მენტალურად მიუღებელი ბოლშევიკური რეჟიმის დამყარება. ეროვნულ-დემოკრატიული პარტიის რიგებში შევედი და ამ პოზიციიდან ვებრძოდი ბოლშევიკურ რეჟიმს.

1924 წლის აჯანყების ერთ-ერთი მონაწილე და მებრძოლი ვიყავი. რის გამოც იმავე წლის აგვისტოში დამაპატიმრეს და მეტეხის ციხეში ჩამსვეს საბჭოთა რეჟიმისადმი მტრულად განწყობისა და აჯანყებაში მონაწილეობის გამო. მართალია, ბოლო ბრალდების დამტკიცება ვერ შეძლეს, მაგრამ ანტისაბჭოთა განწყობისთვის ექვსი თვის ვადით პატიმრობა მომისაჯეს.

დილეგში გამომკეტეს. გამომძიებელ - ჩეკისტებს სხირად დაყვავდი ქალაქის კომენდატურაში. გამომძიებლები მანამებდნენ, სხვადასხვა მაპროვოცირებელ სიტუაციებს მიქმნიდნენ, მაიძულებდნენ მეღიარებინა აჯანებაში მონაწილეობა, გამეთქვა თანამოაზრეები და თანამებრძოლეები და მიმენოდებინა ინფორმაცია საერთოდ ქართული ანტისაბჭოთა იატაკქვეშეთის წევრებისა და მოღვაწეების შესახებ. ვერ გამტეხეს და კრინტიც ვერ დამაძვრევიწეს. ექვსი თვის თავზე იძულებული გახდნენ გავეთავისუფლებინე.

ჩეკისტთა ჯაშუშებისა და მახეზლარა-დამსმენებით გარემომორტყმულს გასაქანს არ მაძლევედნენ. ბევრს ეცადნენ, სხვა მტკიცებულებანი რომ ვერ გამომიჩხრიკეს, ეროვნულ-დემოკრატიული პარტიის წევრობის გამო 1925 წლის მიწურულს კვლავ დამაპატიმრეს და რუსეთში გამამწესეს. მომაშორეს საქართველოს და მშობლიურ გარემოს.

მოსკოვში, ავადხსენებულ ბუტირკის ციხეში გამომამწყვდიეს. ორი თვის კვლევა-ძიების შემდეგ გამასამართლეს და როგორც პოლიტიკური პატიმრი, იმ დროისთვის ერთადერთ პოლიტსაპყრობილეში, იმიერპოლარეთში, სოლოვეცკის კუნძულებზე გამამწესეს და გარე სამყაროსთან სრულიად იზოლირებულ გარემოში მომათავსეს. იქაური მკაცრი, არაადამიანური პირობების შესახებ თხრობით თავს არ შეგანყენთ. ერთს გეტყვით მხოლოდ, რომ არა თანაბანაკელი ქართველი ბიჭების - პოლიტპატიმრების თანაგრძნობა და ურთიერთ თანადგომა, სოლოვეციდან ცოცხალი თავს ვერ დავალწვედი.

ვადის მოხდის შემდეგ ოსეთში, ქალაქ ორჯონიკიძეში გადა-
მასახლეს. ქართულ სკოლაში ვმასწავლებლობდი, ქართულ
ენასა და ლიტერატურას ვასწავლიდი, იქ მცხოვრებ ქართველ
გოგო-ბიჭებს. სკოლის ადმინისტრაცია და ოსეთის ავტონომიის
კომუნისტური მმართველობა ვერ იგუებდნენ, რომ
დედასამშობლოს მოწყვეტილ ქართველ ბავშვებს ეროვნული
სულისკვეთებით ვზრდიდი, ვუნერგავდი ქართული სიტყვის
მადლსა და ქართველ ბავშვებს ვაზიარებდი საქართველოს
ნამდვილ ისტორიასთან. ვულფივები დედასამშობლოს -
საქართველოსადმი სიყვარულისა და ერთგულების დიად
გრძნობებს. თავისუფალ დროს ვწერდი ნარკვევებს, ლექსებს,
ნოველებსა და პიესებს.

ჩემი ნებისა და ღირსების საწინააღმდეგოდ ცხოვრება აღარ
შემეძლო. გადავწყვიტე ემიგრაციაში წასვლა. იქ, სატრანგეთ-
ში, ქართულ პოლიტიკურ ემიგრაციაში ერთად მეტ სიკეთეს
მოუტანდი ჩემს სამშობლოსა და ერს. რაც მთავარია, თავისუფ-
ლად შევძლებდი არჩეულ საქმიანობას. კიდევ ვცადე. 1931
წლის გაზაფხულზე ორ მეგობარ-თანამოაზრესთან ერთად
ბათუმში ჩავედი, მაგრამ იქაც არ გამიმართლა - თურქეთთან
სახელმწიფო საზღვრის გადაკვეთისას დაგვაკავეს,
გამასამართლეს და ხუთი წლით პატიმრობა მომისაჯეს. ჯერ
ტაშკენტში, შემდეგ კი ციმბირში, ნორილსკის შრომა-გასწორე-
ბის კოლონიაში ვიხდიდი სასჯელს. კოლონიის ადმინის-
ტრაციამ კატეგორიულად ამიკრძალა წერა და ნებისმიერი სა-
ხით კალამთან შეხება. მაგრამ იქაც, ქართველი პატიმრების
მეშვეობით, ვახერხებდი წერას. ჩემს ლექსებსა და მოთხრო-

ბებს მორებში სპეციალურად მოწყობილ სამალავში ათავსებდნენ და ინახავდნენ, შემდეგ კი ნაცნობების მეშვეობით მალულად, ხე-ტყით დატვირთულ ეშელონში ათავსებდნენ და თბილისში აგზავნიდნენ.

1936 წელს პატიმრობის ვადა ამომეწურა. საქართველოში ჩამოსვლის უფლება მივიღე, მაგრამ თბილისში დასახლებისა და ცხოვრების უფლება - ვერა. გამამწესეს ქვემო ქართლში. ჯერ წალკაში, შემდეგ კი ბოლნისში დავსახლდი. იქაც სკოლაში ვმასწავლებლობდი. დიდი შვება იყო, რომ შემოქმედებით საქმიანობას არ მიკრძალავდნენ. ამ საქმიანობაში მაინც არ მზღუდავდნენ. ორი წლის შემდეგ თბილისში დაბრუნების უფლება მომცეს. იქაც ჯაშუშების მუდმივი თვალთვალის ქვეშ მიხდებოდა საქმიანობა.

1941 წლის 22 ივნისს ომი დაიწყო გერმანია-საბჭოთა კავშირს შორის. ეს ომი შემგომში ისტორიაში შევიდა როგორც დიდი სამამულო ომი.

1942 წლის ივლისში ფაშისტურმა გერმანიამ ჰიტლერის ხელმძღვანელობით კავკასიისთვის გადამწყვეტი ბრძოლები დაიწყო. გერმანიის შეიარაღებული ძალების რიგებში საბრძოლველად ქართველებსაც ამზადებდნენ. ქართულ ლეგიონში, რომელსაც პოლკოვნიკი შალვა მაღლაკელიძე მეთაურობდა, 20 000-მდე ქართველი მეომარი ირიცხებოდა. ქართული ლეგიონი ემიგრაციაში წასული ეროვნული გვარდიის მებრძოლებისა და ფაშისტურ ბანაკებში მოთავსებული და შემდგომში გადმობირებული ყოფილი სამხედრო ტყვეებისგან შედგებოდა. გერმანიის მხარეზე მყოფ

ქართველთათვის ამ ბრძოლას ორი მიზანი ჰქონდა: გერმანიისა და თურქეთის ჯარების სამხრეთ კავკასიაში საომარი მოქმედებისას საქართველოს მოსახლეობის დაცვა და ქვეყნის აოხრება-განადგურების თავიდან აცილება და გერმანელთა მეშვეობით საქართველოს დამოუკიდებლობის აღდგენა. ემიგრანტი, პატრიოტი ქართველებისთვის ეს საქართველოს დაცვისა და დამოუკიდებლობის აღდგენისათვის წარმოებული-ბრძოლა იყო, ხოლო კომუნისტების გადასახედიდან - ლალატი და შეურიგებელი მტრობა.

ოპერაციას შორს მიმავალი მიზანი და იდეოლოგიაც ჰქონდა. ჩრდილოეთ კავკასიაში აქტიური საბრძოლო მოქმედებებისა და მიღწეული წარმატებების წყალობით გერმანიას სურდა მეორე მსოფლიო ომში თურქეთის ჩართვა. ამით ის თურქეთს არწმუნებდა, რომ საბჭოთა კავშირის დამარცხება გარდაუვალია, რომ დროა საზღვრებთან მომდგარმა მილიონიანმა თურქულმა არმიამ საქართველოში შემოიჭრას და დაიკავოს ამიერკავკასია.

იალბუზის დაპყრობა და კავკასიონის მთავარი ქედის გადმოლახვა ვერმახტის 49-ე მსროლელ კორპუსს დაევალა, რომელსაც გენერალი კონრადი მეთაურობდა. საბრძოლო დავალების მიხედვით დარტყმები უნდა განხორციელდეს:

- საქართველოს სამხედრო გზით თბილისზე;
- მამისონის უღელტეხილით, საქართველო-ოსეთის სამხედრო გზით, ქუთაისზე;

- კავკასიონის დასავლეთ უელტეხილებს (მარუხისა და ქლუხორის) გადალახვით სოხუმზე.

სტალინის აზრით „კავკასიონის დაკარგვა მოსკოვის ალების ტოლფასი“ იყო. ამიტომ საქართველოს მთელი რესურსი - ადამიანური და ეკონომიური, მიმართული იყო კავკასიონის ქედის დასაცავად, მტრის მოსაგერიებლად ჩრდილოეთ კავკასიაში და საქართველოს ტერიტორიაზე მტრის ჯარების შემოჭრის თავიდან ასაცილებლად. შეიქმნა არაერთი ქართული დივიზია, ჯარისკაცთა უმეტესობა ქართველი იყო. ყველა ქვედანაყოფს თუ შენაერთს ქართველი ოფიცრები და გამოცდილი გენერლები ხელმძღვანელობდნენ. კავკასიონის დაცვისა და სამხედრო მოქმედებების კოორდინაცია-ხელმძღვანელობა ლავრენტი ბერიას დაევალა.

აქ უადგილო არ იქნება გავიხსენოთ 1942 წლის 28 ივლისის იოსებ სტალინის მიერ გამოცემული N227 ისტორიული ბრძანება, რომელსაც მსოფლიო ომების ისტორიაში ანალოგი არ მოეძებნება. სტალინი ბრძანებაში მიუთითებდა: „ჩვენ არ გვაქვს ჯარისა და ხალხის უსაზღვრო გამოკვების რესურსი, ჩვენ არ გვაქვს ტერიტორია, რომელსაც საზღვარი აქვს, ჩვენი ჯარები პოზიციურად იხევდნენ უკან, მაგრამ ყველაფერს აქვს თავისი საზღვარი, ჩვენ უნდა დავიცვათ ჩვენი მიწა, ჩვენი ხალხი - არც ერთი ნაბიჯი უკან!“

საყოვეთაო მობილიზაცია მეც შემეხო. მე ბავშვობიდანვე მთამსვლელობა მიტაცებდა. ამ სარბიელზე საკმაო წარმატებებსაც მივაღწიე. თბილისის გარნიზონის სამხედრო ხელმძღ-

ვანელობამ ჩემი მთამსვლელობის გამოცდილება გაითვალისწინა და ალპინისტთა საგანგებო რაზმში ჩამრიცხეს.

1942 წლის ზამთარში კავკასიის მთებიდან საქართველოში გერმანელ დივერსანტთა გადმოსვლა გახშირდა. მათ წინააღმდეგ ხელისუფლებამ და სამხედრო სარდლობამ ალპინისტები დარაზმა. ჩვენმა მთამსვლელთა რაზმმა არარეერთი დივერსანტი გამოავლინა და დააკავა.

ერთხელ რაზმმა დავალება მივიღეთ - უნდა შეგვეპყრო მტრის ერთი მზვერავი. მამისონის უღელტეხილის მისადგომებთან მტრის მზვერავს ორი დღე ველოდით. დივერსანტი გათენიისას გამოჩნდა. ალპინისტები მოულოდნელად დავესხით, დავაკავეთ და იარაღი ავყარეთ. დივერსანტი ჩემი ბავშვობის მეგობარი აღმოჩნდა, რომელთან ერთად ოდესღაც კავკასიონის მწვერვალებს ვლაშქრავდი. ჩემი სიყრმის მეგობარი ომის დასაწყისშივე ტყვედ ჩავარდნოდა გერმანელებს, შემდეგ კი გერმანელებმა ჯაშუშობა აიძულეს. ჩემი თხოვნით რაზმის წევრებმა მისი გათავისუფლება ერთხმად გადაწყვიტეს. მეგობარს პირობა დავადებინე, რომ ის საქართველოში აღარასოდეს დაბრუნდებოდა. იარაღი დავუბრუნეთ და უკან გავისტუმრეთ.

გავიდა ოთხი წელი. სიყრმის მეგობარი სამშობლოში დაბრუნდა. ერთ-ერთ წვეულებაზე, შეზარხოშებულმა, მთაში გადახდენილი ამბავი პირწმინდად და დანვრილებით მოჰყვა. ამის შესახებ ვილაყამ სახელმწიფო უშიშროების სამსახურს შეატყობინა და 1946 წლის ზაფხულში ისევ დამაპატიმრეს. ამ-

ჯერად სამშობლოს დასაცავის ბრალდებით 10 წელი მომისა-
ჯეს და ვორკუტაში კატორღულ სამუშაოებზე გადამასახლეს.

ვორკუტის შრომა-გასწორების ბანაკში, კატორღულ სამუ-
შაოთა სპეციალურ ქვეგანყოფილებაში არაადამიანური პირო-
ბები იყო გამეფებული. კატორღელების სიცოცხლე სახელმ-
წიფოს ჩალის ფასადაც არ უღირდა. კატორღელთა ნაწილი
რკინიგზის მშენებლობაზე, ნაწილი კი ქვანახშირის მომპოვე-
ბელ მაღაროში მუშაობდნენ. იქ, ქართველი გავლენიანი პა-
ტიმრების ძალისხმევით, ერთ-ერთ მაღაროში ელექტრიკოსის
თანამდებობაზე გამამწესეს. ქალაქი და საწერ-კალამი არ
ინახებოდა. პატიმრების ნაწილი ხან მუყაოს ქალაქს მაძ-
ლეფდნენ, ზოგიც-თხელ ფიცარს. მელანი კი ტექნიკურ სპირტში
გახსნილი ქვანახშირის მტვერით დამზადდა. კალამი კი
ძვლიდან გამოვთალეთ. მაღაროში სამწერლობო საქმიანო-
ბისათვის სამუშაო პირობები რომ შემეცმნა, ასეთ ხერხს მივ-
მართე: მაღაროში, მაღალი ძაბვის ელექტროტრანსფორმა-
ტორი და მიმდებარე ტერიტორია, სადაც
ელექტრომექანიკოსად ვმუშაობდი, ეკლიანი მავთულით
შემოვლობე, გარედან მაღალი ძაბვის გამათრახილებელი
წარწერა გაუკეთე, ტრანსფორმატორის გვერდზე ორმო
გავჭერი და შიგ მჯდომი არხეინად ვწერდი, სხვები, მათ შორის
ინსპექტორ-ზედამხედველები, შემოსვლას ვერ ბედავდნენ.
დროთა განმავლობაში, რეჟიმი საგრძნობლად შესუსტდა,
შესაძლებელი გახდა მუყაოს ქალაქდზე და თხელ ფიცრებზე
წაწერი თაბახის ფურცელზე გადამეტანა, რასაც მთელი თვე
მოვანდომე. მოგვიანებით, ერთ-ერთი სასჯელმთხოვნილი

მეგობრის მეშვეობით, ჩემი რომანის თბილისში გადაგზავნა მოხერხდა.

1948 წლის გაზაფხულზე ცენტრალური ხელისუფლების ბრძანებით, მთელი ქვეყნის მასშტაბით კატორღულ სამუშაოთა სპეციალური ქვეგანყოფილებები დაიხურა. ასეთივე ბედი ეწია ვორკუტის შრომა-გასწორების ბანაკის კატორღულ სამუშაოთა ქვეგანყოფილებას. ლიკვიდაციის შემდეგ 200-მდე კატორღელი გადმოგვიყვანეს ახლადშექმნილ ინტის საგანგებო დანიშნულების ბანაკში, კოჟუინის რაიონის ტერიტორიაზე ვრცელ ტაიგაში განთავსებულ ერთ-ერთ საბანაკო პუნქტში, რომელიც სამშენებლო და სარეწაო ხე-ტყის დამზადებაზე სპეციალიზირდებოდა. ჯანგამტყდარი, საბოლოოდ მისავათებელი, უკიდურესად დასნებოვნებული, უიმედოდ დაავადებული, დისტროფიის თვალშისაცემი ნიშნებით, სიკვდილსიცხლის სარეცელზე მიჯაჭვული თქვენ შემითვარეთ!...

თავი XXI

ქალი - სამლოცველო...

კაპიტანი სტეფანე დიკოევი და მე დავმეგობრდით. ერთხელ სამუშაო კაბინეტში მიხმო და ერთი დელიკატური დავალება მომცა, უფრო პირადი თხოვნა იყო: დაბაში მისი დის სახლის სახურავი უნდა შეგვეკეთებინა. იგი ქვრივი იყო და ცალკე ცხოვრობდა დედასთან და პატარა ქალიშვილთან ერთად. ქმარი ადრე გარდაცვლობა. კაპიტნის და - ნადეჟდა დანი-

ლოვნა დაბის სავაადმყოფოში ექიმ-თერაპევტად მუშაობდა. მე საწინააღმდეგო რა მქონდა. ორი დღის შემდეგ კაპიტანმა ისევ მიხმო. გადანყდა, მე და როსტომი ვიმუშავებდით ნადეჟდას სახლზე, ბრიგადის დანარჩენი წევრები კი პეტრე ნაკაშიძის ხელმძღვანელობით ძირითად სამუშაოს გააგრძელებდნენ. კაპიტანმა ერთი სასიკეთო საქმეც გამიკეთა: როგორც უკვე სანდო და ავტორიტეტიან პატიმარს, სამშენებლო - სარემონტო ბრიგადის ბრიგადირსა და მის ერთგულ მეგობარს დაბაში გასვლისა და თავისუფალი გადადგილების ნებართვა გამიჩალიჩა, ესე იგი თავისუფალი საშვით მომამარაგა. დილის 10 საათიდან საღამოს 9 საათამდე შემძლო ნებისმიერ დროს დამეტოვებინა ზონის ტერიტორია და დაბის ადმინისტრაციის ფარგლებში თავისუფლად მემოძრავა. შებენი ნაშენები ვრცელდებოდა საგანგებო სიტუაციების ან საგანგაშო შემთხვევების დროს. ასევე, ერთჯერადი ჯგუფური საშვით, ნება მეძლეოდა დაბის ტერიტორიაზე ჩემი ბრიგადის წევრები სამუშაოზე გამეყვანა, რა თქმა უნდა, ბადრაგის გარეშე, პირადი პასუხისმგებლობის ქვეშ.

ნადეჟდა დანილოვნას ოჯახში თავად კაპიტანმა მიგვაცლილა. დედა, დიდმამიშვილი გაგვაცნო და ამცნო, რომ სახურავის შეკეთების სამუშაოებს ჩვენ შევასრულებდით. სამშენებლო მასალა, საჭირო ხელსაწყოები უკვე მოემარაგებინათ. ჩაითა და ტკბილეულით გამასპინძლების შემდეგ კაპიტანი დიკოვევი კომენდატურაზე დაბრუნდა, ჩვენ კი საქმეს შეუდევით. მართალია, ჩვენ მშრალი ულუფა თან გვქონდა, მაგრამ ვინ დაგანება - ვალია დეიდამ (თვითონ გვთხოვა ასე მიგვემართა)

სადღესწაულო სუფრის დარი სადილი გაგვიწყო. ნადეჟდა დანილოვნა სამსახურში იყო, მისი 5 წლის ქალიშვილი, ტანია კი - საბავშვო ბაღში. სადილობის შემდეგ ისევ გავაგრძელეთ სახურავის შეკეთება. სახლს უკაცობა თვალშისაცემად ემჩნეოდა. სახურავის გარდა ფანჯრები, დარაბები, კიბის საფეხურები, აივნის მოაჯირი და ოთახებში განთავსებული ავეჯეულობაც კი დიდი ხანია შეკეთებასა და განახლებას მოითხოვდა. როსტომის წინადადებით გადავწყვიტეთ უსასყიდლოდ შეგვეტანა ჩვენი წვლილი სახლისა და სამეურნეო სათავსო-ნაგებობების გაკეთილშობილებაში.

საღამოს ხუთი საათისთვის დღის სამუშაოებს მოვრჩით. ხელსაწყოები სახლზე მიდგმულ საკუჭნაოში დავაბინავეთ და ის იყო ზონაში დაბრუნებას ვაპირებდით, გამოსამშვიდობებლად ვალიასთან სახლში შევედით, რომ ეზოში ბავშვის მხიარული შეძახილი და მადლიანი კისკისი შემოგვესმა. ნადეჟდა დანილოვნა და ქალიშვილი დაბრუნდნენ. ღმერთო! როგორ მომნატრებია ბავშვების ჟრიამული და მადლიანი კისკისი! ახლა ვიგრძენ, რომ ციხესა და ზონებს ვერ გავუტეხივარ, ვერ ჩაუკლავთ სიხარულისა და მშვენიერების შეგრძნებისა და აღქმის უნარი! ტანიას მადლიანმა კისკისმა და ტიტინმა, წამით საქართველოში გადმომისროლა, ჩემს ოჯახში, მის ადგილას ჩემი ბიჭები წარმოვიდგინე და სასიამოვნოდ გამაჟრჟოლა. მაგრამ ეს მხოლოდ წამით... პატიმრის ყოფა და ყველაფერი მშობლიურის გაუსაძლისი მონატრება ულევ და უშრეტ დარდად და კაემანად მოეფინა ჩემს გრძნობა-გონებას. უმწეობამ და მწარე რეალობის აღქმამ უფრო დამთრგუნა. ფანჯრიდან

უკიდევანო, ერთფეროვან ტაიგას მივაჩერდი და მზერა გამეყინა. ამასობაში დედაშვილი ოთახში შემონიავდნენ! ნადეჟდა დანილოვნამ თავაზიანად და მონივნებით მოგვესალმა და მეორე ოთახში გავიდა. პატარა ცუგრუმელამ მორიდებით გვეამბორა და ტახტზე ჩამოჯდა. ონავარმა წყნარად ჯდომა დიდხანს ვერ შეძლო, ჯერ ფეხების ბაკუნს მოჰყვა, შემდეგ ჯიქურ წამოჭრა, ცოტა გაკვირვებულმა და შეცბუნებულმა ცნობისნადილის დაკმაყოფილება სცადა:

-ბებო, ბებო ეს ბიძები ვინ არიან, ჩვენთან რატომ მოვიდნენ?

- ბებია ვალიამ ტანია ხელში აიტაცა, მოეფერა და დაუყვავა:

-ნუ გეშინია შვილო, ესენი კეთილი ბიძები არიან, შენ არაფერს დაგიშავებენ, პირიქით ჩვენი სიკეთე უნდათ, სახლის სახურავს შეაკეთებენ, წვიმა აღარ შეგვანუხებს.

-აა, გასაგებია, კეთილი ბიძები არიან?! მინდა გავეცნო, - წკრიალა ხმით დაითითინა და ბებოს იატაკზე ჩამოსმა თხოვა. ბებომ ტანია ჩამოსვა. პატარამ თმა შეისწორა, მხრები გაშალა და:

-მე ტატიანა დიკოვეა ვარ, თქვენ? მე და როსტომმა ერთმანეთს გადავხედეთ. გვესიამოვნა პატარას გამბედაობა და ხალისიანი შემართება. როსტომმა ტანიას დასწვდა, უძვირფასესი არსება ხელში აიტაცა, მაღიანად ჩაკოცნა და მონყლიანებული თვალები ამარიდა.

- მე ბაბუა როსტომი დამიძახე პატარავ! - და ისევ ჩაკოცნა ჩაიკონა ტანიუშა. არ ემეტებოდა მოსაშორებლად. მე რიგს ველოდი. მოფერებასა და ამბორს მოყირჭებულმა, როგორც იქნა იკადრა ბავშვის ჩამოსმა. ახლა მე ავიტაცე. საოცარი

სითბო და მშობლიურობის განცდა დამეუფლა. ჩემი პატარა ბიჭიც ხომ ამისტოლა იქნებოდა, ჩეკისტებმა რომ მკერდიდან მომგლიჯეს... გრძნობამორეული და თვალცრემლიანი დიდხანს ვკოცნიდი და გულში ვიკრავდი ტანიას. მხოლოდ ახლა შევნიშნე ოთახის ცენტრში გაშემებული ვალია დეიდა და ნადეჟდა დანილოვნა. მათაც თვალეხში ცრემლი ჩასდგომოდათ და უხმოდ, უსიტყვოდ მოგეჩერებოდნენ. ჩვენი ტკივილი და სიხარული მათაც გადასდებოდათ. როგორც იქნა ტანიას მოფერებითა და ალერსით გული ვიჭერეთ. ამ თბილ იდილიას ერთი გარემოება „აფერმკრთალება“ მხოლოდ, ტანიუშამ ვერა და ვერ წარმოსთქვა ჩემი სახელი - „ვამეხ“... ეწვალა, არათფერი რომ არ გამოუვიდა, მისეული კომპრომისი შემომთავაზა:

-ბიძია თუ ნებას დამრთავ, ვანია ბიძიას დაგიძახებ, შეიძლე-
ბა? - მე ბავშვის უშუალობა და გამბედაობა მხიბლავდა, ისევ
ავიტაცე, მოვეფერე და დავეუყვავე:

-ჩემო ძვირფასო, ჩემო საოცნებო ანგელოზო, შენთვის ყვე-
ლაფერი შეიძლება! აი ასე, ერთი ხელის მოსმით, ვამეხი გავხ-
დი „დიადია ვანია“...

მაგიდასთან დაგვპატიჟეს. როსტომი თავისი მჭერმეტყვე-
ლებითა და მადლიანი სადღეგრძელოებით და ენაკვიმატო-
ბით განსაკუთრებული იყო. მან საბოლოოდ მოხიბლა ქალები,
დაიპყრო მათი გულები და უცხოობის ნატამალი ყინულივით
გააღწო და ააორთქლა. ნადია განსაკუთრებულად მომხიბლ-
ველი იყო! არაყმაყ ლოყები აუფაკლა და სულ გაზაფხულის
ფერიას დაამსგავსა. მისი სინაზე, სინატიფე და ქალური კდემა-

მოსილება და მიმზიდველობა მხიბლავდა. ნაცნობმა, ნაცადმა სითბომ გულში ჩამედვარა, სისხლს გაჰყვა და და მთელი სხეული ნეტარი სითბოთი გაჟლინთა. ოოხ, რამდენი წელია ქალთა გარემოცვაში არ ვყოფილვარ! როგორ დამნატრებია მდედრი და საერთოდ ქალის მოფერება და ალერსი...

აჩქროლებული სისხლის ძარღვებში ალვირახსნილმა ბორიალმა თავის აპოგეს მიაღწია... თავს სიზმრისეულ ნეტარებაში ვგრძნობდი. მიწას აღარ ვეკუთვნოდი... იმედი და უკეთესი მომავლის თუ პერსპექტივის ზმანება მხიბლავდა და მანეტარებდა. ვატყობ, ნადიასაც გადაედო ჩემი გრძნობები. აფაკლებულ ლოყებს ღანვების ვარდისფერობა შვენოდა. თხელი ალისფერი ბაგეები დაებერა და ვარდის კოკორს დაემსგავსა, აქაოდა წუთიწუთზე აპირებს გასკდომბა-გაფურჩქვნას და სურნელებით არემარის მოჯადოებასო... როსტომსა და ვალია დეიდასაც გასჩენოდათ საერთო განცდა, გრძნობები და ნეტარი საფიქრალი...

დათქმულ დროს, საშვის მოქმედების ვადის დაცვით, ორი გრძნობამორეული ქართველი საკონტროლო, გასაშვებ პუნქტზე, პირველად პატიმრის ამპლუაში, გაბრწყინებული თვალებითა და გახსნილი შუბლით, უკვე სხვანაირად აღიქვამდა ზონის პირქეშ გარემოს და იქ გაბატონებულ ატმოსფეროს...

ბევრი რომ არ გავაგრძელოთ, ნადია სახლის შეკეთების მიზებით, შვებულებაში გავიდა. ყოველ ნასადილევს, სანამ ტანიუმა ბაღში იყო, დიკოეების სახლიდან მახვილი სმენის პატრონი მოისმენდა ახალგაზრდების ვნებიან კვნესა-ხვნემას

და ხანშიშესულთა მორიდებულ, მიბნედილ ვნებიან შეკვ-
ნესებას...

მე და როსტომი სათაყვანებელ, სანატრელ ქალბატონთა
ვნებების მორევში განზანილნი, ჩვეულებრივ ადამიანურ ბედ-
ნიერებას წილნაყარნი, განედლებულნი, გამლილ-გაფურჩქე-
ნილნი, ცხოვრების სიამტკბილობასა და ქალის საიდუმლო
მადლსა და სურნელებას ნაზიარებნი უკვე სულ სხვანაირად
აღვიქვამდით სამყაროს... მხოლოდ ხანდახან, ზონის რეა-
ლობასთან პირისპირ დარჩენილნი, სევდამოძალებულნი
ჩავფიქრდებოდით ცხოვრების ამოებასა და ტუსადის ტანჯულ
ყოფასა და ცხოვრებაზე. ნამდვილად სწორედ უთქვამთ
წინაპართ: ქალი ღირსება და ქალი სამლოცველო!!!

* * *

პატიმრობის მომდევნო წლები მონოტონურად და ერთ-
ფეროვნად მიდიოდა. ორჯერ გვქონდა სიხარულითა და სევ-
და-მონატრების ნაზავით გაჯერებული ცრემლი: 1953 წლის შე-
მოდგომაზე - სასჯელის ვადის გასვლის შემდეგ ჯერ ალუდა
ფიცხელაური და 1956 წლის გაზაფხულზე - ჩვენი ღვანჭმო-
სილი და საყვარელი მწერალი ლევანი სამშობლოში, დედა-
საქართველოში გამოვააცილეთ. ყველა პატიმარი ქართველის
სახელით დანატრებული მოკითხვა, მშობლიური ამბორი და
სულისა და გულის ნაფლეთები გამოვატანეთ. ალუდასა და
ლევანისთან ურთიერთობებსა და მიწერ-მოწერას ვაგრ-
ძელებდით, რა თქმა უნდა!..

* * *

მხოლოდ ერთხელ მომაგონდა პროლეტარიატის ბელადის იოსებ სტალინის ცნობილი სიტყვები - „ჩვენს ქუჩაზეც იქნებაო დღესასწაული“.

ჩვენი დღესასწაული 1957 წლის მარტში დადგა. სტალინის სიკვდილის შემდეგ საბჭოთა ბანაკების სისტემის მოშლა-ლიკვიდაცია დაიწყო. შრომა - გასწორების ბანაკები თითქმის ყოველდღიურად იხურებოდა. ჩვენთვისაც დადგა ეს ბედნიერი დღე - მრავლის მეტყველი, მრავალი შეპირებებითა თუ იმედებით აღსავსე: 1957 წლის 6 მარტს ინტის საგანგებო დანიშნულების შრომა-გასწორების ბანაკი „მინერალნი“ ოფიციალურად დაიხურა. დარჩენილი ქვედანაყოფები, მათ შორის ჩვენი საბანაკო პუნქტი, გადაეცა პეჩორის შრომა-გასწორების ბანაკს. იმავე წლის აპრილში როსტომი, მუხრანი, გოდერძი, მალხაზი და პეტრე ამნისტიით გაათავისუფლეს. ქართველთაგან მარტო მე დავრჩი. ეს გასაგებიც იყო, რადგან ყველაზე დიდი სასჯელითა და ყველაზე მძიმე ბრალდებით მე ვიყავი დაპატიმრებული.

1957 წლის შემოდგომაზე ჩემი გაზაფხულიც დადგა. ბანაკის უფროსმა კაბინეტში პირადად მიხმო. მომილოცა ამნისტიით გაათავისუფლება და სათანადო საბუთებიც გადმომცა. დიდება უფალს! დიდება შემოქმედს! მე უკვე თავისუფალი ვარ!

იმავე დღეს დავტოვე ბანაკი, სადაც ცხოვრებისა და ახალგაზრდობის ულამაზესი ათი წელი გავატარე. ვინმესთვის იოლია ორი ხელის მტევანზე ათი თითის დათვლა, აბა მე მკითხონ რას ნიშნავს შორეული ჩრდილოეთის მკაცრ პირობებში ათი ზაფხული და ათი ზამთარი...ეეს!

ნადიასთან ათი დღე დავყავი. ბედნიერებისა და სევდიანი მოფერების ათი დღე! ამათაც გამოვემშვიდობე. ვორკუტა-მოსკოვის მატარებელზე დიკოვეების მთელი ოჯახი მაცილებდა: გადამდგარი მაიორი სტეფანე დანილოვიჩი, დედამისი ვალია დეიდა, ჩემი მერამდენე სიხარული, მაგრამ მაინც ერთადერთი გამართლება - ნადეჟდა დანილოვნა და უკვე წამოჩიტული თორმეტი წლის ტანაყრილი, აშოლტილი, დედამისივით ტანადი და სათნო ტანიუშა... ცრემლი და განმორების სირთულე, გულსმოგლეჯილი ახლობლობა და ათწლიანი ხმაშეტკბილებული ურთიერთობები ნამდვილად იოლი დასათმობი არ იყო. ნადიას მეცადინეობითა და ძალისხმევით საგამოფენო-საჩვენებლად გამოწყობილსა და მოწესრიგებულს, გაპარსულ-დავარცხნილს გარეგნულად ჰატიმრის არაფერი მეცხო... ხოლო სული?! სული რა მოსაკითხია!.. ის ხომ გარეგნულად არ შეიმჩნევა და არ შეიცნობა!

კინალამ დამავინწყდა მეთქვა: - მე, ნადიამ და სტეფანემ ერთგვარი ბიზნესგარიგება მოვიფიქრეთ: ნადია მემობლებ-თანამშრომლებსა და სანდო მომხმარებლებში სამშენებლოსარემონტო სამუშაოებს გვიჩინდა, სტეფანე ბანაკგარეშე მუშაობის საშუალებას აგვარებდა, ჩემი ბრიგადით კი ზედმინვნით ხარისხიანად და დათქმულ ვადებში სამუშაოებს

ვატარებდით. მიღებულ თანხას კი ძმურად ვინაწილებდით. ერთი სიტყვით, გათავისუფლების მომენტისთვის მე სოლიდური თანხა დამიგროვდა. ჩემი კუთვნილი თანხა ნადიასა და ვალიას შესაშური ოსტატობითა და მონდომებით პალტო-პიჯაკის სარჩულებსა და ჩანაკერებში და საგანგებოდ შეკერილ სარტყელში გადამალული უცხო ხელისა და თვალისთვის უჩინარი ხდებოდა. მხოლოდ ხელჩანთა, სხვა არავითარი ბარგი...

მოსკოვშიც არ დავყოვნებულვარ. არ ვიცი, ბევრისთვის ეს ქალაქი „მოსკვა ზლატოგლავაიას“ (ოქროსთავა მოსკოვი) სინონიმით ასოცირდება, მაგრამ ჩემთვის ეს ქალაქი ბოროტების იმპერიის სიმბოლოდ და ბუდედ ასოცირდება და ასეთად დარჩება, მანამ პირში სული მიდგას... მაშინვე ტაქსი ვიჭირავე, კურსკის რკინიგზის სადგურზე გადავედი, სადაც სამხრეთის მიმართულებით მიმავალი მატარებლები ჩერდებიან, მოსკოვი-ბათუმის მატარებელზე ბილეთი შევიძინე, ცოტა წავიხემსე, საგზლად გამოსადეგი პროდუქტი და არაყი შევიძინე და მატარებლის კუპეში მოვკალათდი. მშვიდობით წყვდიადო! დიდება, მართალია, ჯერ კიდევ შეუცნობად, მაგრამ ჭეშმარიტ სინათლეს და ნათელ, ბედნიერ მომავალს!!!

თავი XXII

ისევ მივლინება

ბედად, ვაგონის ორადგილიან კუპეში, ბათუმელი რუსი, როგორც თვითონ გამეცნო, ივან პეტროვიჩი დამემგზავრა. არაფრისმთქმელი საუბრის შემდეგ ნახემსება და მოსვენება შევთავაზებე. არაყი ჩემთვისაც მისწრება იყო, დავიტანჯე ამდენი ფიქრითა და განცდებით. მართლაც ნახევარი ლიტრა არაყის წყალობით გვარიანად გავბრუვდი და საღათას ძილით ბალიშს მივესვენე.

სადგურ გელენჯიკთან გამეღვიძა. ამის შესახებ ვაგონის გამცილებელმა ჩამსვლელ მგზავრებს შეახსენა. გულში გამკრა - ესეც ძირძველი ქართულ-კოლხური ციხე-სიმაგრე! ასეცაა, კოლხურ-მეგრულად გელენჯიკ - გელენჯიხა გარე, მენაპირე ციხეს ნიშნავს, აკი კოლხეთის მიდა პროვინციაში - დღევანდელი სამეგრელოს ცენტრალურ ნაწილში გვაქვს დაბა და ციხე-სიმაგრე - წალენჯიხა, რაც შიდა, მთავარ ციხეს ნიშნავს.

ივან პეტროვიჩსაც გაეღვიძა. ნაბახუსევს თავი უბრუოდა და ბანცალებდა. ნაბახუსევს „ასგრამიანით ვუმკურნალე“ და მისი მადლი დავიმსახურე, მეც გადავკარ. მართლაც „მაცოცხლებელმა სითხემ“, მთელ სხეულში დამიარა და საამოდ გამაქიზინა...

გამცილებელი მორიგი გაჩერების შესახებ წინასწარ ამცნობდა მგზავრებს. შემდეგი გაჩერება სადგური ტუაფსეო, ძილღვიძილში შესულს გამცილებლის მყვანა ხმა ყრუდ ჩამესმა. ტუაფსე... მესხიერებაში ამოტივტივდა ჩვენი სამშობლოს ზეობის ხანა! საქართველო გადაჭიმული „ნიკოფსიიდან დარუბანდამდე და ოვსეთიდან არაგანამდე“! ტუაფსე-ნიკოფ-

სია ქვეყნის დასავლეთის საიმედო ციხე-ბურჯი და ნავსადგური. ნიკოფსის მიმდებარედ, მდინარე მაკოფსეს ხეობა.. თვალწარმეტაც და საარაკო სილამაზის ბეჭობზე მეექვსე საუკუნეში აგებული ქართული მართლმადიდებლური ორნავიანი ბაზილიკა, დამშვენებული მშვენიერი და საამაყო ასომთავრულით, რომელიც უტყუარი არტეფაქტია. მოყვარეს ამცნობს - აქედან იწყება წმინდა ქართული სამანები!.. დავით აღმაშენებლის ეპოქა ვინატრე - ნიკოფსიდან დარუბანდამდე გადაჭიმულ-გაჭენებული, ერთიანი, ძლიერი, ამაყი, ანგარიშგასანვეი, მოყვარის ბედნიერი ნავსაყუდელი და თავშესაფარი, მტერთათვის კი „მრისხანე ბაასი“...ეხ! გული მომეწურა. ვინატრე... ოცნებაში წასულს არც ივან პეტროვიჩი მახსოვდა არც მისი დაჟინებული თხოვნა, ერთი სირჩა კიდევ გადავკრათო.

აი ესეც ჩვენი სოჭი, ვნებავთ სოჩა...ეს ხომ სულ ახლოს იყო, 1920 წლის მიწურულს, ლალატისა და გამცემლობის მხვერპლი. რუსების მომხრე დაშნაკებმა ჯერ ღვინითა და სურსათით უმასპინძლეს ქალაქ სოჭში განლაგებული ქართული გარნიზონის ჯარისკაცებს, შემდეგ კი ღამით, მიპარვით, მუხანათურად, ლაჩრულად მძინარე მხედრობას ყელები დასჭრეს, რამაც დენიკინის თეთრარმიელებს საშუალება მისცა უბრძოლველად დაეკავათ ქალაქი სოჭი და მთელი „იმერეთის ველი“. მაშინ დემოკრატიული საქართველოს ჯარებმა მდინარე ფსოუზე მოახერხეს მტრის ჯარების შეჩერება.

სოჭის სადგურში არ ჩამოვსულვარ. აშლილი მოგონებანი და მწველი სევდიანი ფიქრები მოსვენებას აღარ მაძლევდნენ

და გონებას მიფორიაქებდნენ. სინანულისა და უსუსურობის ბოღმამ გული მომიწურა. ცრემლის კურცხალი ისევ აკიაფდა შენითლებულ, ანთებიან თვალებზე... ივან პეტროვიჩმა, ჩემი თხოვნით, შეაფსო არყისა და სურსათის სამგზავრო მარაგი. რა დამაძინებდა!.. გაფაცვიცებით, ვაგონის ფანჯარაზე მიმხობილი, ლამის ცხირმიჭყლეტილი გულის ფანცქალით ველოდი მდინარე ფსოუზე გადადებულ ხიდს... და აი, როგორც იქნა, ფსოუს ხიდზე არაკრაკდა მატარებლის ბორბლები! ეს ხმა აღარ მალიზიანებდა, პირიქით, საამო მაცნე იყო დიდად ნანატრი მოვლენისა! ოო, რა მშობლიური და საყვარელია მდინარე ფსოუს ხეობა! აქედან იწყება ჩემი სათაყვანებელი, სიკვდილამდე სანატრელი და საყვარელი სამშობლო! საყვარელი, ერთ ხანს მივიწყებული სიმღერის სიტყვები ამოტივტივდა გახალისებული მესხიერებიდან - „საქართველოვ, როგორ მომნატრებიხარ!..“ თვალცრემლიანი, სევდიანი და ფრიალ ბედნიერი ვაგონის ფანჯარას მიმხობილი ნეტარ ვქვითინებდი!.. ივან პეტროვიჩის განწყობისა შემშურდა - არყით გაბანგული, სანოღზე წამომჭდარი არხეინად ცმუკავდა და დიდი მონღოლებით მორიგ ულუფას იმზადებდა. ალბათ უნდოდა არაყიანი ჭიქის ერთი მოქნევით გამოცლის ოსტატობით მოეწონებინა თავი. ივანე გაკვირვებული, ცოტა სარკასტული, ღიმილიანი თვალებით მომშტერებოდა და ვერა გაეგო რა, მხოლოდ ერთხელ ჩაიქირქილა - „ვოტ, ჩუდაკ გრუზინ“-ო (აი საოცარი ქართველი-ო) და მორიგი სირჩა გაქნევით გლიჯა უანგიან ყბაში. მას ვერ გაეგო და ვერც ვერასდროს გაიკვებდა სამშობლოსა და ყოველივე ქართულის, სულის შემძვრელად მშობ-

ლიურის, დანატრებული ქართველის სულის, გრძნობებისა და აზრების მოძრაობას...

როგორც იქნა მატარებელმა მიაყვირა მშობლიურ ბათუმს. ჩემი ბათუმი! ყველა ქართველის და მით უმეტეს აჭარელის სანატრელი და აგრერიგად მშობლიური. ბათუმი - ქართველთა სიამაყე და საოცნებო წალკოტი, სულისშემძვრამდე მშობლიური და ამასთანავე მწარე ფიქრებისა და მოგონებების აღმძვრელი, სევდა და ტკივილი... გრძნობამორეულმა მაშინვე დავტოვე ვაგონი, ივან პეტროვოჩს გამოვეთხოვე, იქვე პარკში, მოფარებულ მყუდრო კუთხეში პალმის ხეს მოვესიყვარულე, შემდეგ ორთავ ხელები მოვხვე და ავქვითინდი!.. უხმოდ ვტიროდი. დავსტიროდი სომეხის ღალატს, „კოლეგა“ ადამიანის მიერ აგრერიგად უნამუსო განირვას, „ტროიკის“ უსამართლობას, ციხე-ბანაკების მესვეურთა უგულობასა და სისასტიკეს, დაკარგულ თოთხმეტ წელსა და მრავალ უბედურებას. როგორც იქნა გული ვიჭერე. ახლა სიცილ-ტირილი წამსკდა. მიხაროდა, როგორც იქნა კომმარნი დამთავრდა! ცრემლი მოვიწმინდე. გული გავიმხნევე. უკვე იმედიანად ჩავიღულუნე: კიდევაც შეძლებს ლუხუმი ლაშარის გორზე შადგომას! ავტოსადგურში გადავედი. ცნობათა ბიუროში დავაბუსტე რაიცენტრამდე ავტობუსის მოძრაობის გრაფიკი. ბილეთი შევიძინე. ავტობუსის გასვლამდე გარკვეული დრო მქონდა. პირველ რიგში ქალაქის ბულვარში გავედი, შემდეგ კი ზღვაზე. აქაც მოვიოხე გული. სევდისა და დარდის კაემანი ზღვის ტალღებს გავატანე. უკანდაბრუნებულმა, ავტოსადგურის

გზაზე, სასადილოში შევიარე, მონატრებული ქართული კერძი დავაგემოვნე.

ჩემი თოთხმეტწლანი იძულებითი იზოლაციის პერიოდში რამდენი რამ შეცვლილა! ქალაქსა და დაბა-სოფლებს თითქმის ვეღარ ვცნობ! მხოლოდ გზა იყო ისევ უხეირო. ბრეზენტგა-დაფარებული, ამორტიზებული ავტობუსის ჯანჯღარი და ორმოებში ლაზათიანი ზღართანი მოთრგუნავდა გულს და ხელს მიშლიდა ფიქრსა და თვლემაში... როგორც იქნა მშობლიური შუახევის რაიონულ ცენტრს მივალწიე. ჩემი არყოფისას რაიონის ყველა ხეობაში, უკიდურეს სოფლებამდეც კი სამანქანე გზები გაუყვანიათ. ელექტროდენი ჯერ მხოლოდ დაბასა მის მიმდებარე სოფლებშია. სასიკეთო ძვრები და პროგრესი თითქმის ყველგან და ყველაფერში იგრძნობა. დიდება უფალს! როგორც იქნა გლექსკაცისისთვისაც დადგა დღესასწაული და შვება. მშობლიურ სოფლამდე გზა ქვეითად უნდა გამეგრძელებინა. არავისი ნახვა, ოჯახსა და ახლობლების გარდა, არ მსურდა. ბედად ნაცნობიც არ შემხვედრია. ახალგაზრდობას საერთოდ ვერ ვცნოდი. ჩემი დროის ბავშვები უკვე დავაჟუკაცებულან და დაქალღებულან!.. სანამ რაიცენტრამდე ამოვალწევდი, მგზავრობამ საგრძნობლად დამალა. გვარიანდაც მომშიებოდა. იქვე სასადილოში სახელდახელოდ დავნაყრდი და უკვე შებინდებულზე დავადექი მშობლიური მარეთის ხეობის გზას.

შუალამე კაი ხნის გადაცილებული იქნებოდა, როცა მშობლიურ სოფელს მივადექი. სოფელში ჩამი-ჩუმი არ ისმოდა. მხოლოდ ძაღლების კანტი-კუნტი ყეფა თუ წკავწკავი არღვევ-

და იღუმალებით მოცულ სიჩუმეს. აი ჩემი სახლიც! ბეჭობზე კვლავინდებურად აზიზად, ყელმოღერებული პატარძალივით იდგა. მხოლოდ ერთი სარკმლიდან გამოკრთოდა სინათლე. ალბათ მეუღლეა. ბოლო წერილით ვატყობინებდი ჩემი გათავისუფლებისა და სახლში დაბრუნების სავარაუდო თარიღს. ბეჭობისკენ მიმავალი აღმართი სულის ერთი მოთქმით ავირბინე. გული ამოვარდნას ლამობდა. დაღლაშ და ოჯახის წევრებთან შეხვედრის მოლოდინმა სული და გონება ამითორიაქა. და აი, მამაჩემის გამოჩორკნილ ძელსკამზე ჩამოვჯექი. ცოტა სული მოვითქვი და უმალვე ფიქრებმა წამიღო. მე პატიმართა იმ უმცირესობას ვეკუთნოდი, ვისაც მიწერ-მოწერისა და ამანათ-გზავნილების მიღების ნებართვა ჰქონდათ. რეგულარული მიმონერა მქონდა ოჯახთან და ახლობლებთან. ასე, რომ თითქმის აქ მომხდარი ყველა ამბისა და საქმის კურსში ვიყავი. ვიცოდი, რომ შვილები დამიფრდიანდნენ, ახლობლები და მეგობრები, იშვიათი გამონალკისის გარდა, ცოცხლები და სალ-სალამათები იყვნენ. განსაკუთრებით გულს ის მითუთქვავდა, რომ ჩემს საყვარელ, ამაგდარ მშობლებს უკანასკნელი პატივი ვერ მივაგე. ჩემი ხელით ვერ მივაბარე მშობლიურ მიწას. ნელ-ნელა გამოვცოცხლდი, დავმშვიდდი, მშობლიური, სუფთა და გამჭვირვალე ჰაერი ნესტოებში საამოდ მესალმუნებოდა, უკანასკნელამდე მიბერავდა ფილტვებს. გრძნობები დავიოკე, ვნებები მოვთოკე და მეორე სართულის ოდნავ დაქანებულ კიბეს ავუყევი. ვცდილობდი, ფიცრის საფეხურებს არ ეხმაურა.

ფრთხილად გადავწე ნაცნობი, მაგრამ წლობით მიტოვებული, შესასვლელი კარის ურდული და სახლში შევაბიჯე. ჩამიჩუმი არ ისმოდა. ოდნავ ღრიჭოდ დატოვებული კარის საშუალებით საბავშვო ოთახიდან წყნარი, უშფოთველი ფშვინვა ისმოდა. ბავშვებს ეძინათ. ჩემი საყვარელი არსება კი კერიასთან ზურგშექცევით მჭადარი წინდას ქსოვდა და იავნანას ღიღინებდა. სუსტი, ტანმორჩილი, ტანჯვისა და გულისგამწყალებელი ლოდინისგან ჩამომხმარი, მხრებჩამოყრილი, შავებში გამოხვეული არსება... ჯერ შემეცოდა, შემდეგ კი სიამაყის, უდიდესი და უსპეტაკესი პატივის, მაღლიერების გრძნობამ წამლეკა: ამ კაფანდარა, გალყულმა ქალმა უკაცო ოჯახში დავრდომილ დედამთილსა და მამამთილს ბოლომდე უპატრონა, მოუარა, ღირსეულად მიაბარა მშობელ მინას. ორი ვაჟი გვარსა და სამშობლოს ღირსეულად აღუზარდა, დააფრთიანა, ოჯახს უპატრონა, კერია არ გამიცვივა, ქართველი ქალის ნამუსი და ღირსება ბოლომდე დაიცვა და უშურველად შემომინახა ოცი წლით პატიმრობაში გამწესებულ კაცს. დაძახება ვერ შევბედე, მხოლოდ ჩავახველე. ქალი წამით შეცბა. გაშემდა. მერე უცბად მოტრიალდა, ეშხიანი, დარდისაგან მილეული და მიბნედილი თვალები მომანათა, წამიერად დაიბნა კიდევ, ერთი წამიც და გონს მოეგო. უცებ წამოვარდა - ვაიმე დედა, - შეჰკვივლა, ფეთიანივით მომმვარდა, მომეხვია და აქვითინდა. ერთსულ და ერთსისხლ გავხვედით. მეც დამრია ხელი სპეტაკმა ცრემლმა და მოზღვავეულმა, სინაზისა და სიყვარულის მორევმა გამიტაცა. ბედნიერი ვიყავი. ბედნიერი და ამაყი! თითქოს სიგნალს ელოდნენო,

დედის შეკვივლებაზე, ბიჭები საწოლიდან წამოიშალნენ, საცვლების ამარა მომცივდნენ და ანგარიშშიუცემლად მოზღვავებულ გრძნობებს მიენდვნენ. კოცნა-ხვევნა-ამბორით გულნატერებმა და მოყირჭებულებმა, გრძნობებდაცლილებმა როგორც იქნა ტახტზე ჩამოვლავდით და მონატრებული მასლათი გავაბით. გათენებამდე ბუუტავდა ჭრაქი. ვგონებ მასაც გადაედო საერთო სიხარული და აღტაცება!..

ორი კვირის განმავლობაში ჩვენს ოჯახს სტუმარი არ გამოლევია. ახლობელი, შორეული ნათესავი თუ მოყვარე ჩვენსკენ მოიჩქაროდა, ეშურებოდათ ენახათ და მოფერებოდნენ იმ ქვეყნიდად მობრუნებულს, უკვე ლეგენდად ქცეულ ძვირფას ნაპატიმრალ-ნაცემბირალ ნათესავს, მეგობარს, მოყვარეს, მეზობელს.

კიდევ ერთი კვირაც და ბრიგადირმა მომაკითხა, კოლმეურნეობის თავმჯდომარემ შემოგითვალა - როდის აპირებს საერთო-სახალხო შრომის ფერხულში ჩაბმასო. ამან გამაცოფა და გადამრია:

- თქვენ მამაცხონებულეხო, თქვენმა ხელისუფლებამ გამწირა, ცოცხლად დამმარხა და ახლა კიდევ საერთო, კოლექტიურ ჭაპანწყვეტაში გინდათ ჩამაბათ? თქვენთვის და თქვენი მთავრობისთვის ვამეხ ბაქრაძე დიდი ხანია მოკვდა, ჩაესვენა, დღეის იქით მხოლოდ ჩემთვის და ჩემი ოჯახისთვის ვიცხოვრებ, დანარჩენებს ჯანდაბამდეც გზა გქონიათ, ასე გადაეცი კოლმეურნეობის თავმჯდომარეს. მიჩვილეთ სადაც გენებოთ და სადამდეც ხელი მიგინვდებათ, - შევუღრიალე და ბრიგადირს ცხვირწინ კარი მივუჭახუნე. ვგრძნობდი, ებოში შემო-

სულსა და სახლის კარზე მომდგარს ასე არ უნდა მოვექცეოდი, მაგრამ ბრიგადირი უბრალო მომსვლელი არ იყო, ის ჩემთვის ყოვლად მიუღებელ, ძირმომპალ სისტემას განასახიერებდა.

კიდევ ერთი თვე და რაიონის უშიშროების სამსახურიდან უწყება მომივიდა, გასაუბრებაზე მიხმობდნენ. კი გავბრაზდი, მაგრამ ვნებები მალევე დავიოკე, ნათელი გონებითა და ფხიზელი თვალით ყველაფერი გავისიგრძეგანე, ავწონ-დავწონე და ჩათრევას ჩაყოლა ვამჯობინე.

დანიშნულ დროს გამოვცხადდი სახელმწიფო უშიშროების სამსახურის რაიონულ განყოფილებაში. აქ ყველაფერი შეცვლილიყო, დაწყებული ახალი შენობით, ადამიანებით და ადამიანებთან ურთიერთობებით. უფრო კაცთმოყვარენი და თავაზიანები მეჩვენენ.

რაიგანყოფილების უფროსის ოფისში ორი, მესაზღვრის-ფორმიანი სამხედრო პირი დამხვდა.

- რაიგანყოფილების უფროსი უშიშროების სამსახურის მაიორი ავთანდილ თაფლაძე, - ხელი გამომინოდა საშუალო ასაკის, მხარბეჭიანმა მამაკაცმა და ცარიელი სკამისკენ დასაჯდომად მიმითითა. მეც უსიტყვოდ მივიღე პატიუი და სამხედროფორმიანების მოპირდაპირედ დავჯექი. მაიორი თაფლაძე მომიბრუნდა და დამსწრე საზოგადოება გამაცნო:

- სასაზღვრო რაზმის სადაზვერვო სამსახურის უფროსი, პოლკოვნიკი ლიოვინი და მისი მოადგილე პოდპოლკოვნიკი უბილავა. ოფიცრები თვალებში შემომცქეროდნენ. მეც ზედმეტი თავაზით არ მომიკლავს, მხოლოდ თავის დაკვრით მოვესალმე. გვეგონება, შეთანხმებული იყვნენ, ერთად მოისურვეს

სიგარეტის გაბოღება და მეც შემომთავაზეს. თავპატიუი არ დამინცია. წეკოსა და მახორკას შერვეულს, ძალიან სუსტი მოქმედებისა მომჩვენა მათი შემოთავაზებული ფილტრიანი სიგარეტი. სიჩუმე ისევ მაიორმა თათლაძემ დაარღვია.

- ვამეხ, შენ სანამ აქეთკენ არ იყავი, აქ ბევრი რამ შეიცვალე. ბევრმა წყალმა ჩაიარა. შენი ისტორია და თავსდამტყდარი უბედურება საქვეყნოდ ცნობილია, ისიც ვიცე, შენ ცამდე მართალი იყავი, შენი ამნისტიის დასკვნაც მოწმობს, მაგრამ რას იზამ, რაც იყო იყო... ვერ გამოასწორებ და ვერც წარსულს დააბრუნებ. ვიცე გაგიძნელდება ამის გაგება, უფრო სწორედ აღქმა და მით უმეტეს პატიება, მესმის შენი, მაგრამ მხოლოდ ერთი რამ შემიძლია გაგანდო, შენი დამამტყვევრები სათანადოდ დაისაჯნენ, მათ საფლავებზე მგონი ეკალ-ბარდის მეტი არა ამოვა რა, მათ იმდენი ადამიანი გაამწარეს, განირეს და დაღუპეს, საფლავის ღირსნიც არ იყვნენ, მაგრამ რას იზამ, დრო ყველაფრის მკურნალია. უფალს დიდება იმ ჯოჯოხეთს გაუძელი და საღსალამათი დაუბრუნდი ოჯახს. ახლა გთხოვთ, პოლკოვნიკ ლიოვინს მოთმინებით მოუსმინოთ. ჩემს მოპირდაპირედ მჯდომი პოლკოვნიკი შეირხა, ოდნავ ჩაახველა და დაინცო:

- ვამეხ ბატონო, მეც ვიზიარებ იმ მოსაზრებას, რომ უსამართლოდ მოგექცნენ და ალალ-მართალი კაცი გაგწირეს. შენს ამომგდებებს საკადრისად მიეზლოთ. მე დანვროლებით ვარ ინფორმირებული შენი საქმიანობის შესახებ, იმ წვლილის შესახებ, რაც შეგიტანია ჩვენი სამსახურისა და ქვეყნის წინაშე. მეც ვიზიარებ და ვწუხვარ ყოველივე იმაზე, რაც გადაგხდა და

ციხე-ბანაკებში გადაიტანე. პოლკოვნიკი წამოდგა, თავი დამიკრა და შერიგებისა და პატიების ნიშნად ხელი გამომინოდა. სიმართლე გითხრათ ბოლშა და აღშფოთება მახრჩობდა, მაგრამ რა ბედენაა, გვიანლაა თითზე კუნანი, თანაც ესენი ჩემს უბედურებაში უშუალოდ არ იყვნენ დამნაშავეები, მაინც მიძიმდა ხელის ჩამორთმევა, ესენიც ხომ იმ სისხლიანი რეჟიმის მსახურნი არიან. ბოლოც თავს ვსძლიე, თავაზიანობას მოვუხმე და ხელი მივაგებე. პოდ.პოლკოვნიკი უბილავაც წამოდგა და უსიტყვოდ გამომინოდა ხელი.

- ვამეხ ბატონო, მესმის შენი, ჩვენი სამსახურის თანამშრომლები სათოფეზე რომ არ გაიკარო მართალიც იქნები, ის რაც შენ ჩვენი სამსახურისთვის გაგიკეთებია, ყველაზე ცოტა მაღლიერებით მაინც უნდა აღენიშნათ. მესმის შენი და ვიზიარებ შენს აღშფოთებას, მაგრამ ერთი თხოვნა მაქვს, ბევრი მიკიბვმოკიბვა და ლაილაი არ მიყვარს, უკანასკნელი სამსახური უნდა გაგვიწიო, ჩვენ კი გპირდებით, შენი, გონივრულ ფარგლებში, ნებისმიერი თხოვნა მისაღები იქნება და ჩვენი თანადგომის იმედი ყოველთვის გქონდეს.

- პირდაპირ მაკვირვებთ, ამხანაგო პოლკოვნიკო, ის რაც თქვენმა წინამორბედებმა და თქვენმა სამსახურმა გამიკეთეს, სასიკვდილოდ გამწირეს და ალალ მართალი ჩევისტი სიკვდილის ემაფოტზე მომისროლეს, რა პირით მეუბნებით, მიყურებთ თვალეებში ან რას მთხოვთ, - განრისხებულმა თვალეები დავაკვესე და ხელეები მოვიმჯილე.

- გვესმის შენი, მაგრამ დაღვრილი წყალი ვისლა აუხვეტია, შენ ერთი სამსახური გაგვიწიე, ჩვენ კი სათანადო პატივს მოვა-

გებთ და გპირდებით მესაზღვრეების მხრიდან სრულ, მუდმივ პატივში იქნები, - ახლა პოდიპოლკოვნიკი უბილავა შეეცადა ჩემს მორჯულებას.

- მე კიდევ ერთხელ გიდასტურებთ, რომ თქვენთან საერთო არაფერი მინდა, იმაზე უარესი რა უნდა გამიკეთოთ, რაც გადა-
მახდინეთ, მე დიდი ხანია ცოცხლებშიც აღარ ვირიცხებოდი. მაინც რა ვქნა, რომ საბოლოოდ დამანებოთ თავი, - საღ აზრს მოვუხმე და რეალური მდგომარეობა აღვიქვი.

- ერთი თხოვნა გვექნება მხოლოდ. შენზე უკეთ ვის უწყის: ჩვენი რეზიდენტურის ჩავარდნის საფრთხის შესახებ, შენ და მაიორმა ცხოვრებაშვილმა რეზიდენტურის აგენტურული ქსელის მასალები დააარქივეთ და საიმედოდ გადამალეთ, გაიხსენე აბა. ჩვენდასაუბედუროდ მაიორი სამი წლის წინ მოულოდნელად გარდაიცვალა, მაგრამ რომც ცოცხალი ყოფილიყო ამ საქმეში ვერ გამოდგებოდა, ჯერ ერთი, ჯანი საგრძნობლად შერყეული ჰქონდა და მეორეც, მან არც ადგილმდებარეობა, არც გადასხმის ადგილები და მოძრაობის მარშრუტები იცოდა, შენ კი „მარტოხელა მგელი“ ხარ, პროფესიონალი მზვერავი და კურიერი. უკანასკნელად მიგავლენთ თურქეთში, არქივი გადმოიტანე და პირობას გაძლევთ, არამც თუ ოდესმე ვინმე შეგაწუხებს, შენს ნებისმიერ, გონივრულობის ფარლებში, თხოვნას შეგისრულებთ.

დავფიქრდი. მე მესმოდა მათი. ჩემს გარდა არვინ იცოდა დაარქივებული მასალების სამალავის ადგილმდებარეობა და ამ მასალების ფასდაუდებელი მნიშვნელობა ჩვენი ქვეყნის საღაზვერვო სამსახურისთვის. იქ ხომ ჩვენი დაზვერვის სამ-

სახურში მყოფი ათეულობით აგენტის საქმეები ინახებოდა. მესმოდა მათი და საქმის უდიდესი მნიშვნელობაც, იქ დაცული მასალების ფასდაუდებლობა, სასიცოცხლო საჭიროებაც, მაგრამ ამ ორგანოებსა და საერთოდ საბჭოთა სისტემაზე იმდენად ნაწყენი, გულგატეხილი და გაბრაზებული ვიყავი, ვინთ ვერ ვიტყვი! ბოლოს წყალწაღებულივით ამოვღერდე:

- სარწმუნოა და დამაჯერებელური თქვენი შემოთავაზება და არგუმენტები. მესმის თქვენი. დაარქივებული მასალები ნამდვილად ფასდაუდებელია სადაზვერვო სამსახურებისათვის. ამ საქმეს მე და მალხაზმა საუკეთესო წლები შევალიეთ, რა მოსატანია ძილნატეხი ღამეები და ტიტანური შრომა. სიმართლე გითხრათ მეც მენანება ის ნაამაგარი, მალხაზის ხსოვნასაც ვერ აუვალ, ის ჩემი ძმადნაფიცია, უღალატო, უერთგულესი მეგობარი იყო. მისი გამოხსნისას ჩემი სიცოცხლე სასწორზე დავდე. დრო დამჭირდება ყველაფერი ავწონ - დავწონო და მივიღო თქვენთვის შესაფერისი გადაწყვეტილება. სამი დღის შემდეგ, თუ ჩემგან დასტური იქნება, ნალიის აივანზე თეთრ ბაირალს გამოვკიდებ და თქვენთვის მისაღებ დროსა და ადგილას შევხვდეთ.

ჩემი გადაწყვეტილებით ოფიცრები კმაყოფილნი დარჩნენ. თაფლაძის დავალებით, გვიან ღამით უშიშროების საგანგებო ტრანსპორტით სოფლამდე მიმაცილეს.

მე ბოლომდე გავითავისე მზვერავთა თხოვნა. მესმოდა მათი. ახლა იმასლა ვფიქრობდი მაქსიმალური სარგებელი მიმელო მათგან. საბოლოოდ მოთხოვნები ასე ჩამოვაყალიბე: ჩემს უმცროს ვაჟს ბათუმის პედაგოგიური ინსტიტუტის ფილო-

ლოგიურ ფაკულტეტზე მომიწყობენ, კოლექტიურ შრომაში ჩაბმაზე საბოლოოდ აიღებენ ხელს და რა თქმა უნდა, სოლიდურ, განეული სამსახურის ადეკვატურ, ფულად საზღაურს, შემდეგ კი პენსიას მივიღებ. სათანადო ეკიპირება და ტანსაცმელი მოვიძიე, ბოხჩაში გამოვინასკვე და სანდო ადგილას გადავმალე. დათქმულ დროს ბაირადი გამოგვიკიდე. პაროლზე საძახისი მომივიდა. მეორე დღეს, ნასადილევს, მეუღლეს ვამცნე, რომ გადაუდებელ პირად საქმეზე ხუთი დღით ბათუმში მივემგზავრები, მეთქი და სოფელი დავტოვე. შეპირებულ ადგილას პოდპოლკოვნიკი უბილავა და კიდევ ერთი ახალგაზრდა ოფიცერი მელოდნენ.

ისევ კლდის ქვაბები. ისევ დეტალური ინსტრუქტაჟი, ისევ მზვერავის ტრადიციული სამი სირჩა და გზა მშვიდობისა ვამცხ!.. მაჭარულის ველი, ჭანჭახის გადასასვლელი, მესაზღვრეთა მიბჭენილი, უხილავი მზერა და თავგადადებული სიმხნევე და საჭიროების შემთხვევაში თავგანწირვისთვის მზაობა...

თურქეთის ტერიტორიაზე არაფერი შეცვლილა. არც ახლი გზები, არც ახალი სახლები, არც საზღვრის დაცვის სისტემაში რაიმე ცვლილება. მეტიც, 1949 წელს ჩრილოატლანტიკურ სამხედრო ალიანსში განვერიანების შემდეგ, თურქეთის ხელი-სუფლებამ საერთო უსაფრთხოების გარანტიის ფონზე, კიდევ შეასუსტა საზღვრის დაცვა და ოპერატიული კონტროლი. დავალების შესასრულებლად თურქეთის ტერიტორიაზე ორი დღე ღამე დამჭირდა. სამალავს მაშინვე მივაგენი, იქ დაცული მასალები უსაფრთხოდ შევფუთე და ტანზე მოვირგე და ჰერი

სამშობლოსკენ. მესამე დღეს, შუალამეგადაცილებულზე, დათქმულ დროსა და ადგილას, ხელდამშვენებულმა გადმოვკვეთე საბჭოთა კავშირი - თურქეთის სახელმწიფო საზღვარი.

* * *

მესაზღვრებმა და უშიშროების სამსახურის მესვეურებმა ვამეხზე მიცემული სამივე პირობა პირნათლად შეასრულეს. უმცროსი ვაჟი პირველი კურსის სტუდენტია! სოლიდური საზღაურიც გადასცეს და რაც მთავარია, კოლექტიური შრომა უკვე აღარ აღელვებს. მატერიალურადაც არ უჭირს: ჯერ ერთი, პატიმრობის ადგილიდან დიდძალი ფული ჩამოიტანა, ამას ემატებოდა სპეცსამსახურების მიერ გაღებული სოლიდური საზღაური და პენსია.

* * *

ადგილობრივი მცხოვრებნი და ხეობის სტუმრები კიდევ დიდხანს ნახავენ მთის ფერდობზე შეფენილ ცხვრის ფარას, კომბალზე დაყრდნობილ სპეტაკ, ბრგე, მხარბეჭიან მოხუცს... ხშირად შენატრებენ სახლის აივანზე მოქეიფე თანამეინახეებს შორის ტახტზე მოკალათებულ ხელში ჯიხვისყანწიან დათოვლილ, სპეტაკ, თმანვერიან მოხუცს. ყურს ეამება იმ აივნიდან გადმოფრქვეული მშობლიური ჰანგები და ცხვირის ნესტოებს საამოდ გაუღიტიინებს მაყალზე აშიშინებული ცხვრის მწვადის სურნელი!

ჭეშმარიტად, მან ეს დაიმსახურა! მამაცობის, ერთგულების,
სამშობლოსადმი უანგარო სიყვარულისა და მისთვისვე თავ-
განწირვის ხარჯზე!

შეერგოს!

ბათუმი
2015-2020